





F. IV. 13.



PETE AB EO, UT VIAS TUAS DIRIGAT.

*Iob. C. 2. v. 20*



**VIATOR**  
**CHRISTI-**  
**ANUS**

**IN PATRIAM TEN-**  
**DENS PER MOTUS**  
**ANAGOGICOS.**

*AUTHORE*

**REVERENDISSIMO, AC PERILLUSTRI**  
**DOMINO DOMINO**

**ANTONIO ANDREA de KRZE-**  
**SIMOWSKI, Abbate Copriunicensi, Sacri**

Ordinis Cisterciensis per utramque Poloniam

Commissario, & Vicario Generali, Sacrae

Regiae Majestatis Secretario.

**MULTO AUCTION, ET LOCUPLETIOR**

Editio in Germania Prima.

*Cum Licentia & Facultate Superiorum.*

---

**AUGUSTAE VINDELICORUM.**

**CIPRIANI MIKOLAJEWSKI**



P.

ST  
T  
H  
O  
n



M A R I Æ

D E I P A R Æ,

Serenissimæ,

Coeli, terrarumque

R E G I N Æ.

Ter Optimæ , Ter

Maximæ

IMPERATRICI.

Augustissima Domina.



Pusculum hoc te-  
nue, servitutis de-  
mississimæ , obse-  
quii humillimi ,  
amoris Studiosis-

fimi monumentum supplex ad  
Tuæ Majestatis aram appendo.  
Et ne mihi in Via Vires, animique  
deficiant, ad tuum ô MARIA Si-  
num Cursum hunc dirigo : quia

# DEDICATIO.

à Sæculo non est auditum, quem-  
 quam ad tua currentem præsi-  
 dia, tua implorantem auxilia, tua  
 petentem Suffragia, à Te esse de-  
 relictum. Quamdiu advenæ &  
 peregrini sumus in regione lon-  
 ginq̃ua, & procul à Patriæ fini-  
 bus extorres degimus, ad Te om-  
 nes ô Stella Maris, super hoc ma-  
 rem magnum, & spatiosum neces-  
 sariò sublevata, micans meritis,  
 illustrans exemplis, sicut ad me-  
 dium, sicut ad præsidium, sicut ad  
 portum, sicut ad negotium sæcu-  
 lorum respiciunt omnes viatores  
 & qui nos præcesserunt, & nos  
 qui sumus, & qui sequuntur, &  
 nati natorum, & qui nascentur  
 ab illis. Tu Mater misericordiæ  
 de via fessos reficis, si qui torpent  
 ex-



DEDICATIO.

excitas, benè currentes ad Cursum consummandum animas. Te sequens Viator non deviat; Te rogans non desperat; Te cogitans non errat; Te tenente non corruit; Te protegente non metuit; Te ductrice non fatigatur, & ad portum pervenit. Tu igitur Mater viventium, Virgo via Regia, per quam ad nos Salvator venit, procedens ex tuo utero tanquam Sponsus de thalamo trahe nos post Te, ut deponentes omne pondus, & circumstans nos peccatum, curramus ad propositum nobis certamen, aspicientes in Auctorem fidei & Consummatorem JESUM Filium Tuum, ut non fatigemur animis nostris deficientes, (Heb.

## DEDICATIO.

12.) sed fervidè, & constanter sub  
Tua protectione Cursum con-  
summantes perveniamus ad Pa-  
triam. Ubi Tu Mulier amicta so-  
le, gaudium omnium Cœlitum,  
post Filium Tuum, illuminas  
universum Cœlum, omnes læ-  
tificas stellas, accendis soles.  
Ubi Tu Esther felicior, for-  
mosa valdè, & incredibili pul-  
chritudine, omnium Sancto-  
rum oculis grata, & amabilis  
videris, & videberis, æternum  
decus cœli & delictum. Ubi Tu  
Judithâ fortior, gloria Jerusa-  
lem, lætitia Israël, honorifica-  
tio populi honorificati, æter-  
num triumphabis. O Domina!  
trahe nos omnes post Te, & si-  
cut Aquila provoca pullos tuos  
ad



## DEDICATIO:

ad volandum , ut assumentes  
pennas velut aquilæ , volemus &  
requiescamus in monte illo , ubi  
felix jucunditas , & jucunda fe-  
licitas (teste Augustino,) Sanctos  
videre , cum Sanctis esse , & ef-  
fe Sanctum: DEUM videre , &  
DEUM habere in æternum & ul-  
tra. Ubi vacabimus , & vide-  
bimus; videbimus & amabi-  
mus; amabimus , & laudabi-  
mus.

Hæc vota mea & conatus ;  
ut benignè accipias intra Sacra-  
rium exauditionis tuæ , humilli-  
mè obsecro.

Augustissimæ Majestatis Tuæ;

*Minimus & indignissimus ;  
Servorum ,*

A, K, A. C.

( 4

AP-

# APPROBATIO CENSORIS.

**I**Ta est : Peregrini sumus & Advenæ sicut Patres nostri. Ad patriam pergimus cœlestem Jerusalem. At , spatiosa via est , quæ ducit ad perditionem , & multi sunt, qui intrant per eam. Et est via, quæ videtur homini recta , novissima autem illius ducunt ad interitum. In tam ancipiti & periculoso negotio ( nam & maligni Spiritus , inquit Greg. Homil. 20. in Evang. iter nostrum quasi quidam latrunculi obsident ) diriget te in Semitam rectam Liber hic VIATOR CHRISTIANUS inscriptus , & velut alter Raphael præcedet te , & custodiet in via , & introducet in domum Dei nostri. Tolle ergo , lege , & surge ; grandis enim adhuc tibi restat via. Augustæ Vindelicorum 20. Jan. 1742.

Imprimatur H. S.


*Augusta ex Vicariatu 25. Jan. 1742.*

JOANNES ADAMUS NIEBERLEIN , SS.  
Theol. Doct. Episc. Diocl. Suffrag. Eufret. Canon. Cath. Eccl. August. p. t. Vicarius Generalis. mppr.

FRANCISCUS JOSEPHUS de HANDL ,  
SS. Theol. Licent. Rever. & Serenif. Princ. & Episc. August. Censil. Eccl. Major. Pœnit. ac Libr. Censor. nec non Infig. Eccl. Colleg. ad S. Mauritium Canon. & Parochus, mppr.

FA-





# FACULTAS.

Perillusttris ac Reverendissimi  
Domini Commissarii ac Vicarii  
Generalis S. O. C.


**O**pus, quod inscribitur VIATOR CHRIS-  
TIANUS, in Patriam tendens per  
Motus Anagogicos summâ industriâ  
conscriptum ab Admodum Reverendo Patre  
ANTONIO KRZESIMOWSKI pro tunc  
Priore Conven. Copriunic. S. Ordin. Cisterc.  
post maturam discussionem recognovimus &  
in lucem edi probavimus, utpote nihil Or-  
thodoxæ fidei contrarium continens, ideo  
authoritate nostrâ Commissariali facultatem  
concedimus, ut typis mandetur. Datum  
Landæ 8. Jul. Anno Domini. 1684.

Fr. Joannes Zapolski,

*Abbas Landensis S. Ord. Cist. Commis-  
sarius & Vicarius Generalis, S. R.  
M. Secretarius,*

(L.S.)

AP-



# APPROBATIO.

**C**UM Librum , cui Titulus est : VIA-  
TOR CHRISTIANUS in Patriam  
tendens per Motus Anagogicos, con-  
scriptum à Rev. P. ANTONIO KRZESI-  
MOSKI , Priore Conven. Copriunicensis ,  
S. Ord. Cisterc. duo Theologi ad id deputa-  
ti recognoverint , & in lucem edi posse pro-  
baverint , utpote piis Meditationibus & af-  
fectibus animum interioris hominis ad amo-  
rem divinorum inflammantibus refertum , ac  
concinnum. Ideo dignum Censeo &  
Concedo, ut Typis mandetur. Datum Cra-  
coviæ 20. Octobris , Anno Domini 1684.

Nicolaus Oborski ,

*Episc. Laod. Suff. Crac.*

(L. S.)

AP-



# APPROBATIO.

**E**GO M. FRANCISCUS PRZE-  
WOSKI, SS. Theolog. Doctor  
& Professor, Ecclesiarum Colle-  
giatarum SS. Omnium Crac. Præposi-  
tus, Scholasticus Curelovienſis, S.  
FLORIANI Clepardia Canonici,  
Ordinarius Librorum per Diœcesim  
Cracov. Cenſor, S. R. M. Secretarius.  
Librum, cui titulus VIATOR CHRI-  
STIANUS, Authore Perilluſtri & Re-  
verendiſſimo Domino ANDREA AN-  
TONIO KRZESIMOWSKI Abbate B.  
MARIÆ Virginis de Copriunico Sacri  
Ordinis Ciſterciën, per utramque Po-  
loniam, Pruſſiam, ac Magnum Duca-  
tum Lithuania Progenerali, S. R. M.  
Secretario, accuratè & diligenter le-  
gi, qui cùm nihil in ſe Orthodoxæ fi-  
dei, boniſque moribus diſſonum conti-  
neat:

neat : quin imò sit verè Asceticus ; ad mentem elevandam in Deum , elicendosque omnium Virtutum actus , non solùm Vitam Monasticam & solitariam viventibus , verùm Omnibus Christi fidelibus summè proficiuus ; Eapropter eundem antea cum Licentia Superiorum jam impressum , nunc magis auctum & locupletatum reimprimi , & in publicam lucem edi , do & concedo facultatem. Datum Cracoviæ in Collegio Majori , die 29. Januarii. Anno Domini 1693.

*Idem qui supra ,  
m. pp.*

CA-





# CAPUT I.

## Manuductio Viatoris.

*Cui recta via proponitur ad  
Patriam.*

I.

Omnes Viatores sumus , &  
peregrini.

*Omnis , qui ad supernam pertinet Civitatem ,  
peregrinus est mundi , & dum temporali  
utitur vitâ , in Patria vivit aliena.*

S. August.



Sicut omnes , quotquot nascimur ,  
sive pauperes , sive principes ,  
mortales sumus , ita omnes Viato-  
res , omnes Peregrini. Toto aber-  
raret cœlo , qui sibi Patriam in exi-  
lio fingeret , qui manentem Civitatem  
in itinere somniaret. Mundus om-  
nibus diversorium est.

A

Unde

Unde benè S. Bernardus : *Sancti Viri Peregrini sunt, & hospites in hoc saeculo. Hinc reprehenditur Petrus, quòd tabernaculum in monte fieri voluerit: quia Sanctis in hoc mundo tabernaculum non est.* Et S. Augustinus, cuius diviti modum pecunij utendi præscribens ait: *Utere nummo, quemadmodum Viator in hospitio utitur mensa, calice, urceo, dimissurus non permansurus.* Tract. 40 in Joan.

Quia omnes peregrinamur, imitemur homines peregrinos, & Viatores. Viator seu peregrinus semper ad Patriam suspirat, ad Patriam sollicitè tendit, vestitum & victum habens: non vult aliis onerari. Peregrino diu stare, quiescere, sedere, epulari splendide, moras hicnectere, amœnitatibus, aliisque illicitis distineri non licet. Nam stultus ille Viator est (inquit S. Gregorius) qui in itinere amana præta conspiciens, obliviscitur ire, quo tendebat. In via es ô homo, ambula, ut pervenias, ne te nox in via occupet.

Idem inculcat nobis mellifluus Doctor, cùm dicit: *Peregrinus Via regiâ incedit, non declinat ad dextram, neque ad sinistram; si fortè iurgantes viderit, non attendit, si nubentes aut choros ducentes, aut aliud quodlibet facientes, nihilominus transit, quia Peregrinus est, & non pertinet ad eum de talibus.* Serm. 7. in Quadr.

Infelicissimam Viator fuge viam illorum, qui mundo & mente capti, hic sibi præfigunt Patriam, hic fines vanissimos, honorum, voluptatumque eligentes, homicidam animæ suæ præponunt Christo, voluptatulam pestilentem deliciis cæli, hic ob res caducas, animam suam & aterna bona (teste S. Aug.) vendunt diabolo, accepto tanquam pretio, dulcedine temporalis voluptatus, cursumque cheu! miserè abripiunt. Omortalium (exclamat B. Laurent. Justin.) lugenda conditio! quæ cùm sit exul à patria, exultat in via!

Cùm



Cum ergo vita nostra sit brevissima in hoc mundo peregrinatio, (uti inclamat sæpius auribus nostris D. Paulus ad Corinth. c. 7. *Hoc itaque dico fratres, tempus breve est, ut quicumque utuntur hoc mundo, tanquam non utantur,*) omnes dies peregrinationis nostræ, quos decurrimus, benè & fructuosè impendamus.

Ubi in novissima hora exierit è corpore spiritus, mox tibi dicetur. Tempus non erit amplius, ut ergo in hac vita, quæ est Phasè (Exod. 12.) id est, transiens, sic transeamus per bona temporalia, ut non amittamus æterna, imò ut novissimâ horâ cum Christo transeamus ex hoc mundo ad Patrem, sæpius insonet nobis vox ejusdem Pauli: *Hora est* (Roman. 13.) *jam nos de somno surgere.* Habes in anno 12. Menses, 52. hebdomadas. 365 dies, 8 millia horarum & 760. in articulo illius diei, dum anima tua ibit in domum æternitatis, recogitabis omnes annos, dies, omnes horas in amaritudine animæ tuæ.

De Mercatore quodam legitur, (apud Costerum in Domin. 21. post Pentec.) quòd dum morti proximus sanâ adhuc mente vigeret, in præsentia testium sequens condiderit testamentum dicendo: Relinquo corpus meum terræ, animam verò diabolo consigno, quia hæc propter injustitias meas ad ipsum pertinet. Huic insuper consigno animas uxoris, & filiarum mearum, quæ dum superbis indui voluerunt vestimentis, me coegerunt, ut ad illa requisita per fas & nefas congregarem pecunias, totum vitæ meæ tempus hisce impendendo. Commendo quoque eidem diabolo animam Confessarii mei, qui mihi absolutionem impertitus est à peccatis meis, nec tamen me ob illa anquam reprehendit, aut ad restitutionem iniquè partorum adstrinxit.

Chrysaorius ille, de quo magnus Gregorius, cum à demone citaretur ad reddendum flagitiosissimæ vitæ

suæ rationem, magnis vociferationibus obtestari cœpit, ut modicum aliquid temporis indulgeret: *Inducias usque mane.* Quid non obtulisset ad exigui temporis uturam? Non pepercisset opibus, & facultatibus suis, si tam vili tanta res venalis fuisset: sed non potest pretio vel breve tempus emi.

Tempore nihil pretiosius, ait S. Bernardus, cujus vel horam unicam felicitati totius mundi præeligerent beati, & damnati omnes, hi ut salutem, illi ut augmentum æternæ gloriæ operari possent. Imò tam pretiosum est (attestante S. Antonino p. 2. t. 9. c. 1.) tempus, quod damnati darent omnes thesauros mundi, si haberent in potestate sua, pro habendo momento temporis, in quo possent pœnitere, & evadere tantas pœnas.

O vita præsens (ingemiscit S. Bernardinus t. 1. ser. 13.) quàm multos decipis, quæ dum cognosceris, nihil es, dum videris, umbra es, qui te quærunt, non te cognoscunt, & qui te cognoscunt, non te quærunt. Vera non est via, quam tu ostendis, fugitiva est velut somnium. Aliis ostendis te longam, ut perdas in finem, aliis largam, ut faciant, quæcunque volunt.

Quanta tamen ô DEUS! fugientis & avolantis temporis, vitæque habetur ratio. Transít inter crepundia infantia, inter levitates & libidines adolescentia & juvenus, inter vanissimas rerum caducarum curas ætas reliqua. Præsentis diei 24. horas in computum voca, quot ex his sibi rapiunt somnus non necessarius, gula, otium, ludi, confabulationes. Volat verbum irrevocabile, volat tempus irremediabile, nec advertit inspiens, quid amittat.

Vade nunc ad aulas Principum, & quid in illis invenies, quàm homines nauci, qui Deum offendant, tempus perdant. Exi in plateas, perambula vicos, & videbis ingentem errorum & vagabundorum turbam, qui amoris suorum cadaverum capti spatiantur, & his place-



placere concupiscant. O vitam miserrimam ! ô gentem ingratam ! ô immemorem ! ecquid cogitas ? quò vadis ? hac ne tu ratione te Deo satisfacturam arbitraris ? ita sanguinem Christi remuneraturam ?

O homines insensati , sequimini perfidos hæreticos , qui traduentes tempus otio , voluptatibus , & oblectamenti nolunt bonum operari , inquietantes ; Christus mortuus est pro nobis , quod sufficit , sed in fine animadvertent : *Ecce venio citò , & merces mecum est reddere unicuique secundum opera sua.* Quia qui fecit te ( inquit S. Aug. ) *sine te , non salvabit te sine te.*

Totum ergo illud tempus amittitur , quod DEI amori , ejusque obsequiis non impenditur. Animum etiam adverte ad Sacros Regum libros , ubi Saul nonnisi duobus annis regnasse dicitur , cum tamen manifestum sit , cum diademate coronatum , publicèque regem habitum per annos omninò quadraginta. Utrumque istud Sacer textus asserit , quod tamen conciliari non potest , nisi D. Gregorio assentiamur , quòd cum Saul duobus tantum annis amaverit DEUM , eique fideliter fervierit , reliqui regiminis nulla in DEI volumine ratio habeatur , ita ut anni triginta octo evanuerint , nobisque insigne relictum est documentum , plures nos vitæ annos numerare non posse , quàm quot benè , utiliterque impendimus.

Multos etiam reperies Religiosos , qui de viginti aut triginta annis in religione traductis gloriabuntur , qui fortè nonnisi horam aut diem unicum vixere , cum propter DEUM pauca , plurima verò propter usus suos , propter amorem proprium tepidè , ignaviterque pergerint. Quæ res à Thoma Kempensi has voces extorsit : *Multi computant annos conversionis , sed sapè parvus est fructus emendationis.*

Pudeat meminisse illius, quod de Jacob dicitur (Gen. 29.) *Servivit Jacob pro Rachel septem annis, & tu pro DEO nec septem diebus, imò potius neque septem horis.* Tot ergo saltem consecra dies DEO pro tua salute, quot Jacob Labano annos pro sua Rachele. Dicebat ille, *Serviam tibi pro Rachele septem annis.* Quid tu? *Serviam tibi ô DEUS pro anima mea septem diebus!* O verè sacrum septenarium! si per septem dies totum te impendas in DEI obsequium.

Illa Christi (Lucæ 9.) ad Jerosolimam querimonia sit tibi quotidiana meditandi materia. *Quia si cognovisses & tu, & quidem hac die tua, qua tibi ad pacem.*

O si cognosceres, quæ tibi evenient super omnem fidem incredibilia, super omnem timorem horribilia, super omnem stuporem admirabilia, in articulo illius dici, quando recoles pavida mente & repetes querula voce illa verba: (Job. 7.) *dies mei transferunt.*

Ergo infigatur menti nostræ illud S. Bernardi monitum Ep. 23. *Nunquam justus arbitratur se comprehendisse, nunquam dicit satis est, sed semper esurit firmitque justitiam, ita ut si semper viveret, semper quantum in se est, justior esse contenderet, semper de bono in melius proficere totis viribus conaretur. Non enim ad annum vel ad tempus instar mercenarii, sed æternum divino mancipat se famulatui. Vis coronari? esto fidelis usque ad mortem. Justorum enim semita quasi lux splendens (Prov. 4.) crescit usque ad perfectum diem.*



## Affectuosæ Aspirationes.

**H**eu ! ingratitudo mea pessima ; Optime & Benignissime DEUS ! æternis tibi beneficiis sum obligatus , & nullo momento temporis , ut debui , gratus fui. Tota vita mea , purissimum est donum tuum ; omniaque vitæ meæ momenta , merissima beneficia tua.

Creasti me ad imaginem & similitudinem tuam , ad gloriam tuam , & salutem meam. Conservasti me hæcenus , tantis universi impensis , & propter me omnia. Redemisti me à morte æterna , vitâ & morte Unigeniti tui. Illuminasti me fide tua. Iustificasti me toties gratiâ tuâ indignum. Pepercisti mihi toties , damnationis reo , & in spem salutis me revocasti. Subduxisti tot peccandi occasionibus. Liberaisti me à tot malis , quæ evenire mihi poterant. Suppeditasti mihi plurima ad salutem media. Benefactorem te agnovi & non colui.

Utinam ! ô Benefactor meus , liceret ad hoc punctum , totam vitam revocare , & quidquid neglectum est compensare ! Utinam possem redimere , & excellentissimis excelsissimæ tuæ charitatis actibus implere omnes horas illas , ô DEUS ! qui charitas , qui ignis consumens es !

O si à primo instanti usus rationis ardentissimè , summeque te amassem ! ô si nullum vitæ meæ momentum sine tui amore præterisset ! ô si liceret retrovertere annos meos , & peractæ ætatis spatia amoris tui actibus replere ! Utinam omnia , quæ cogitavi , dixi , & operatus sum , ex tui ardentissimo amore semper fuissent !

O quàm serò te cognovi , ô pulchritudo divina ! ô quàm serò amavi te , ô bonitas infinita ! Eheu periit hora , periit momentum , quo non amavi ! Utinam nulla hæcenus fuisset , nulla deinceps sit reliqua vitæ meæ



actio, nulla corporis, animique motio, nullum virium, sensuum, aut potentiarum mearum internarum, externarumque exercitium aut functio, quæ non in quàm maximum gustum tuum, oblectationemque cedat tibi.

Hoc volo, hoc desidero, hoc intendo, & indi-  
piendo ab hac actione, quam hoc momento ago, omnes & singulas reliquas, usque ad ultimum halitum vitæ meæ, imò per totam æternitatem, omnes inquam & singulas actiones meas, sanguine Filii tui asperfas, ac ipsius meritis unitas tibi per Filium tuum offerre.

Omne momentum vitæ meæ volo & opto, ac intendendo, ut sit continuus amor tuus mi Deus! quo te amem, laudem, honorem, benedicam super omnia, omni possibili amore, quo te omnes amant, benedicunt, ac laudant.

Serviat tibi Domine Deus meus, & ad infinities, infinities, majorem honorem, gloriamque cedat, quidquid cogito, quidquid loquor, & quidquid tota vitæ mea agam, loquar, cogitabo.

Quam poenitet me, quod alia extra te dilexi! O si tot hodie millena haberem corda, quot annis, mensibus hebdomadis, diebus, horis, momentis vixi, ut possem recompensare amorem neglectum Dei mei: saltem ex hac hora volo & desidero, quolibet anno, mense, hebdomadâ, momento, imò per omnem æternitatem, cor meum millies millesies, Christi formiter, Mariæ, offerre in holocaustum tibi.

Sit in posterum omnis respiratio mea, & potissimum ultima exhalatio mea, vivum holocaustum amoris tuo & honori tuo, altissima charitate oblatum. Scio tempus breve esse, igitur non patiar dies vitæ meæ, imò neque horas & momenta sine fructu præterire.

Amem te Deus meus, quia dignissimus es, optima bonitas, pulcherrima pulchritudo, charitas infinita. Ament demum mecum, omnes tribus, linguæ, populi.

O amo!

O amo ! amô , amo te Deus meus totâ animâ meâ , & totis viribus meis , & ab omnibus amari volo.

Utinam continuò eâ flammâ amoris tui arderem , quâ ardent Seraphini , quâ ardet totum cælum , quâ ardes tu : Utinam possem Deus meus hoc momento , & quoad vixero omnibus momentis facere aliquid , quod tibi summè placet. Utinam innumera millia cordium , quotquot tibi placuêre , vel placere possunt , ipse possiderem , ut continuò immensis tui desideriis æstuarer !

O mi Deus ! da mihi continuum amoris tui incendium , trahe me post te , curram ad te , & non desiciam. Accende ô DEUS meus ! vivam flammam beati amoris tui in medio cordis mei.

## II.

### Viator , Quasi à facie Colubri fuge peccata. Eccl. 21.

**P**eccatum mortale , non tantum actu exteriori consummatum , sed sola interna deliberata , advertente ad gravem Dei offensam , adeoque voluntaria cogitatione , delectatione , vel assensu Commissum , importat ingratam , injuriosam , impudentem , perjuram , perfidam , & sacrilegam aversionem , & conversionem à Christo ad Antichristum , ab æterno Patre omnium Conditor , ad Sathanam orbis exterminatorem.

Nam peccatum est offensa & contemptus DEI summi boni. Est deinde sanguinis Christi conculcatio , & ad instar rei immundæ reputatio , quia peccans projicit animam tinctam sanguine Christi in cœnum peccati.

A s

Est

Est rebellio creaturæ contra Supremum Principem, imò voluntas perdendi Deum, si perdi posset, eumque perimendi quidam conatus, quo (ut ait S. Bernardus) *homo peccando vult interimere aut Sapientiam Dei, volendo, ne suum peccatum videat, aut iustitiam, volendo, ne puniat, aut omnipotentiam, volendo, ne possit punire*, adeoque peccatum est quoddam in voto Deicidium, quo vult interimere Deum, qui sine sapientia, & iustitia esse non potest.

Hinc Spiritus Sanctus testatur Prov. 18. quòd *impius, cum in profundum venerit, contemnit*. Ubi quia indefinitè dictum est contemnit, voluit idem Spiritus indicare, peccatorem actu mortaliter peccantem, omnia excogitabilia in cælo, & in terra, & subus terram, creata & increata (præter sui criminis objectum) contemnere, divina & humana, cœlestia & inferna. Videlicet tremendam SS. Trinitatis potestatem, JESU Christi Salvatoris sui vulnera, passionem, mortem & sanguinem, Angelorum custodiam, Sanctorum intercessionem, Ecclesiæ triumphantis gloriam, militantis suffragia.

O Deus! quis non timebit quasi à facie Colubri fugere peccatum? quod simul ac semel tot pulcherriorum spirituum milliones tam infanda fuligine tinxit, & transformavit in turpissima monstra, quibus nec tota natura creata, nec humanum vel Angelicum ingenium, aliquid sædius aut horribilius concipere, vel exprimere valeat.

Unde non immeritò S. Joan. Chrylos. Hom. 28. in Epistol. ad Rom. peccatum appellavit magnum dæmonem, dæmonem voluntarium dæmone majus, anima quæ hominis per peccatum converti in dæmonem non quidem substantiâ, sed voluntate. S. Catharina Senensis peccatorem vocat, diabolum incarnatum.

Ea nimirum obstupefcentia, quæ in vita B. Catharinæ Genuensis leguntur apud Lancie opus. 26. n. 7.

Cer.



Certum habeo, inquit illa, quòd si quis cerneret, quàm enorme unum tantum peccatum sit, potius eligeret, animâ & corpore in succensa fornace vivus consistere, quàm in se peccatum tolerare. Etsi universum mare ignis esset, ad effugiendum peccatum sese in medium ejus usque ad fundum demergeret.

Eadem Virgo ostensâ sibi cœlitus ad unicum temporis momentum minimæ actionis Deo displicentis, quasi umbratili deformitate ac turpitudine, adeò fuit consternata, ut in has voces proruperit: si hæc sola obscura visio, quæ nonnisi momentanea fuit, diutius durasset, licet corpus habuissem prorsus adamantinum, interiissem.

S. Catharina Senensis impudicæ secum loquentis, mulieris foetorem non tolerans, nares obturavit: tuo verò confessorio Raymundo casum hunc admiranti, dixit, se, nî hoc fecisset, præ animæ illius foetore vomituram. Surius in vita.

Legitur de quadam Virgine (uti testatur S. Antonin. p. 4. t. 14.) quæ diu castè vixerat, & cùm instigaretur à diabolo de luxuria ad experiendam delectationem ejus maximam, & quidam etiam vivens honestè nimis familiariter cum ea conversaretur, etiam tentatus est ad similem actum. Demum victi à diabolo, commixti sunt simul. Quâ delectatione expertâ ad tantam amaritudinem devenit, quòd virginitatem amisisset, propter vilem & turpem & momentaneam delectationem, ut præ amaritudine mortua sit.

Hinc S. Anselmus Archipræsul Cantuar. non dubitavit, sequentia verba, tum voce, tum scripto posteritati notificare, & peccatorum cordibus insculpere: *Si hîc peccati pudorem & illic cernerem inferni horrorem, & necessario uni illorum deberem immergi, prius me in infernum mergerem, quàm peccatum in me committerem, mallet enim purus à peccato,*

*& innocens gehennam introire, quàm peccati sorde pollutus cœlorum regna tenere.*

Sanctus quidam Eremita miraculis clarus, & in dæmones potens, ne vanâ gloriâ elatus Deum offenderet, ab eodem postulavit, impetravitque, ut ipse à dæmone possideretur. Ita Viro Sancto peccatum erat ipso dæmone formidabilius. Surius 8. Jan.

Refert S. Hieronymus in vita S. Pauli Eremitæ, quòd cum Decius persecutor Ecclesiæ gravissimè excrucialet Christianos, Juvenem quemdam uti callidus hostis occidere nitebatur, quem juvenili ætate florentem in amœnissimos hortulos adduci præcepit, & super stratum plumis lectulum resupinari jussit; & ne inde se excutere posset, blandis serico nexibus irretitum relinqui. Quòd, cum recedentibus cunctis meretrix speciosa venisset, cæpit delicatis stringere colla complexibus. Quid ageret miles Christi, quò se converteret, nesciebat. Et quæ tormenta non vicerant, superaret voluptas? tandem cœlitus inspiratus, præcisam mordicus linguam in osculantis se faciem expuit, sic libidinis sensum succedens doloris magnitudo superavit.

Cum erga te appetitus (uti nos S. Basilius magnus adhortatur) invalerit peccandi, *velim cogites horribile illud & intollerabile Christi tribunal, in quo præsidebit judex in alto & excelso throno. Ad hæc cogites profundum barathrum, inexplicabiles tenebras.* Habitatio reproborum paucis describitur à misero ejusdem loci incola divite Epulone. Luc. 16. Est locus tormentorum.

Deinde cum in periculo versaris peccandi, illud benè scias ac consideres, quia peccatum mortale tuis viribus committere potes, sed tuis viribus delectare non potes, supernaturali auxilio opus est. Nam ad talem peccati detestationem, ejusque tam perfectum odium, sicut perfectum Dei amorem, vires naturæ nullo modo sufficiunt. Opus

Opus est Spiritus sancti gratiâ , quâ illustretur intellectus ad peccati malitiam benè apprehendendum , (juxta illud Jerem. 31. *Postquam convertisti me , egi pœnitentiam , & postquam ostendisti mihi , percussisti femur meum , confusus sum & erubui*) & voluntas excitetur & adjuvetur ad tantum malum dignè odio habendum.

Etiâ verum est ( quod docet S. Thomas 1. 2. q. 113. a. 9.) quòd justificatio impii aut conversio peccatoris , non solum sit opus gratiæ excitantis & adjuvantis infirmitatem voluntatis humanæ , sed inter omnia Dei opera maximum & excellentissimum , & majus sit convertere impium , quàm creare cœlum & terram ( qui enim solo verbo creavit cœlum & terram , ad delendum peccatum , & convertendum impium fecit potentiam in brachio suo , nec solum potentiam , sed & milericordiam suam infinitam adhibere debuit , neque solo verbo usus , sed ipsum Verbum caro fieri debuit , quod & multa dixit , & multa fecit , & multa indignissima tulit , ut perditus quæreretur , & inventus justificaretur ) si itaque tanta res sit conversio peccatoris , quæ sit per actum contritionis , profectò solus homo ad hoc non sufficit.

Sicut aliquis catenis ferreis constrictus , non se ipsum liberare potest , nec cæcus natus se ipsum illuminare , sed solus ille , qui solvit compeditos , & illuminat cæcos. Hæc est enim voluntatis humanæ natura , ut dicat S. August. *Ut ad malum prior quidem sit ; ad bonum verò ejus , sive ut eam faceret , qua nulla erat , sive ut resciceret , qua lapsa erat , Creatoris ejus.*

Ex his ergo motivis Viator tanquam à facie Colubri fuge peccatum , nam cùm gustas paululum mellis , time , ne postea cogaris absorbere Oceanum fellis , ac time , ne pro unica gutta consolationis accipias mare



mare ærumnarum , & æternæ plorationis. B. Polycarpus ait Herodi Proconsuli rogum minitanti. Octoginta & sex annos servivi Christo , & in nullo me læsit unquam , quomodo ei maledicam ? eum lædam ? Euseb. l. 4. O Viator nemo tibi rogum minitatur , guttula mellis duntaxat proponitur , & Deo tanto benefactori maledicis. Audi S. Cyprianum de duplici martyrio ad Fortunatum. Tam vili mercedula sollicitatus spontè deficiis ad eum , à cuius tyrannide te Christus suo sanguine redemit ? cuius Sacramentis es initiatus.

Idem diabolus Christo & peccatori in die iudicii sic insultantem introducit. Ego pro istis , quos mecum vides , nec alapas accepi , nec flagella sustinui , nec crucem pertuli , nec sanguinem fudi , nec regnum cœleste illis promisi , & tamen usque ad lassitudinem multam , mihi in via iniquitatis servierunt , pro una voluptatula carnem titillante , me audierunt , nōne ergo iustum est , ut in eandem meam sortem descendant ?

### *Affectus animi contriti.*

**E**heu ! peccavi peccatum maximum ! contremiscite omnes artus mei ad immane & horrificum hoc nomen , peccavi contra Deum Creatorem & Patrem meum , rem commisi , ( ô non commissem ) commisi , inquam , rem adeò admirabilem , quam infinito odio & detestatione persequitur Deus. Quid aliud possim velle , quàm lachrymas , gemitus , ejulatus , dolorem , pœnitudinem.

Deus ipse tametsi mutabilitatis expertus ac beatus , ad quem accedere malum non potest , tamen peccati super terram malitiam intuitus , quasi cum acerbo sensu ac gemitu tactum se dolore cordis intrinsecus fate-

tur ,

tur, & proclamat, atque opera ipse sua damnat; infectaque vult esse: Pœnitet, inquit, me fecisse hominem, & cùm lacrymari per se ipse non possit, cœlum quodammodo substituit, ut ploratu & lacrymis, hominum scelere provocatis, terrarum orbem totis laxatis, & effusis imbrium habenis, totis cataractis aperitis, etiam cum rerum creaturarum interitu, inundet, atque obruat.

Quis etiam dabit capiti meo aquas, & oculis meis fontem lacrymarum? & plorabo die ac nocte. O quàm congruentes! quàm optabiles mihi sunt lacrymæ! O quis mihi det, ut sit magna velut mare contritio mea, ex quo lacrymarum flumina exeant! & in illud intrent, ut iterum, ac perenniter fluant.

Peccavi, miserum me! & peccatis meis Deo, Deo inquam, Deo (& ausim ego abominatio, & sacramentum, nomen illud sanctum & ineffabile pronuntiare?) summo illi, & æterno, ac infinito Numini me hostem, plùs quàm bello indicto constitui, Majestatem illam increatam violavi, & sprevi, illam Bonitatem, quæ sola bonitas est, illam amabilitatem offendi! Multiplicatæ sunt iniquitates meæ super capillos capitis mei, & super numerum arenæ maris supergressæ sunt caput meum.

Vix inter homines (si tamen homo & non brutum aut bruto insensatior) comparui. Vix libertatis arbitrio uti, cùm ferè simul eo abuti cœpi, & Dei mandato ac voluntati, idque penè continenter in singulos non modo annos, & menses, sed etiam dies, ac propè horas adversari, quasi idcirco in hanc lucem prodisssem, ut Deum mihi adversarium, contra quem agerem, proponerem, ad quem amandum, laudandumque conditus eram! Proh dolor! vix benè discretionis annos attrigi, & jam primo ætatis illo vere, vitâ planè

plane lactea tot pœnales actus exercui , multiplices numero , uno alios atque alios peiores.

Porro quid dicam de annis maturioribus usque ad hodiernum ? nihil omnino intactum reliqui , quod non moverem in Tui offensam. Ah ! quoties deliberatam ! Dies diei , momenta momentis tradebant malitiam meam , contabescebam in fece peccatorum , & vulnera mea non sensi , multiplicata sunt iniquitates meae super arenam maris , & tamen me securum reputavi.

Quæ ? quot ? & quales in districtum iudicium tuum venient cogitationes , dicta , & actus mei , contra legem tuam , debitam urgentia vindictam ! Aderrunt ex adverso tot gratiæ tuæ propè infinitè neglectæ , si non contemptæ , tot instinctus , tot divini pulsus , cordis mei dilati , vel rejecti.

O quàm bonum erat mihi si natus non fuisset : & ut quid etiamnum vivo ? aut moriendum mihi dolore , aut vivendum dolori est. O dolor ! ô amara , & ô amata lacrymæ singultibus intermixta , vos ego vos solas volo , obruite me , & mergite , replete me amaritudinibus. Vos ô lacrymæ este mihi panes die ac nocte , Vobiscum ô lacrymæ potum meum miscebo , potum expressum ex uva fellis & botro amarissimo. Vobis lavabo per singulas noctes lectum meum , vobis stratum meum rigabo.

O vos imbres , sive qui olim cataclismo mundum obruistis , sive qui etiamnum in terras perpetim caditis , aut casuri aliquando estis , non jam è nubibus posthac vos abrumpite , sed ex oculis meis omnes decidite. O flumina ? ô fontes ! ne ex mari deinceps , sed ex oculis meis originem multò utique justiore ducte. O maria omnia , & abyssi magnæ ! ô collectiones omnes aquarum ! in meo vos pectore , in meo capite colligite , & per hos infelices oculos exité ! His demum lacrymis , his undis mergatur mundus ,

his ,



*Hæc, si ita vult, mecum intereat, neque ego illi, neque ille mihi superstes.*

*Quanquam quid hæc lacrymæ? quid hi gemitus? quid hi dolores criminibus meis eluendis, expiandisque sunt? si mille mundos fletibus meis operiam, ne unicum quidem abluam aut abstergam scelus.*

*Heu me mi JESU! quam potest esse abyssus doloris, ut in eam me conjiciam? quæ possibilis animi acerbitas, ut sufficiat sceleri meo? O inferni ignes & flammæ vortices, frigidi etiam vos estis ad mea urenda scelera: O quanto melius fecissem, si prius quam peccassem, in vos potius sine peccato cum D. Anselmo insilire voluissem.*

*Ergo deprehensus coram te, in delicto meo & opertus velut diploide confusione mea, pronus in terram, & procumbens in faciem meam, hoc unum ore confuso, oculis lacrymantibus, spiritu contrito & humiliato, hoc, inquam, unum inclamo; Pater! O Pater! Ergone te patrem voco? ita est, tu Pater, sed ego non filius, O Pater mi! & plus quam Pater! O Pater peccavi in cælum & coram te, peccavi in omnem justiciam tuam, jam non sum dignus vocari creatura tua, fac de me, quod vis, tantum dele iniquitatem meam, & à peccato meo munda me.*

*Mereor equidem, mereor repelli à te, & in mortem, ac omnia mala detrudi, sed tu moriens pro me expandis brachia, & manus tuas ad me quantumvis contradicentem, & adversantem tibi, ut dulcissime amplexeris & stringas me, imò & caput tuum inclinas, sive ut suavissima mihi oscula figas, melle dulcissimi cordis & amoris tui illita, sive ut hæc postrema verba mihi moriens in aurem insufurres: En major amore tui, tu vicissim ama me!*

O amo ! amo , amo te totâ animâ meâ , & totis viribus meis mi Deus ! O pœnitet , pœnitet me , pœnitebitque semper ! ô doleo , iterumque doleo , & si possem , infinito dolore dolerem . O si quod factum est , possem infectum reddere ! ô si tempus præteritum revocare !

O millies iterumque millies doleo , neque aliam ob causam doleo , quam quia te offendi , summum Bonum , adeoque mi Deus , si scirem , quod annihilare me velles , aut ad æternas pœnas detrudere , dolerem etiam de peccatis ob ejus amorem . Propono cum gratia tua omnia in posterum subire mala potius , & millies mori , quam tibi peccare .

### *Actus breviores Pœnitentis.*

**D**omine , qui es summum bonum meum , quàm longè per peccatum recessi à te , & habito in regione hac longinqua miseriorum , ubi perdi di me , indignus planè , quem terra sustineat . Misere mei & salva me .

Deus tu scis insipientiam meam , & delicta mea à te non sunt abscondita . Delicta juventutis meæ & ignorantias meas ne memineris Domine . Deus propitius esto mihi peccatori . JESU Fili Dei vivi misere mei . Ablue me Domine sanguine tuo , sana me vulneribus tuis .

Hic ure Domine , hic seca , ut in æternum parcas , hic me castiga , & noli in futurum reservare mala mea . Domine , ne in furore tuo arguas me , neque in ira tua corripas me . Non intres in judicium cum servo tuo Domine , quia non justificabitur in conspectu tuo omnis vivens .

Verè , verè , agnosco commissâ mea , & paveſco .

co, ne me projicias ô Deus meus ! ut iratus Pater à facie tua, neque me tantis meis enormibus malis irritatus hæreditate cœlesti privet, & velut inutile terræ pondus, imò diaboli mancipium æternam tradas ad pœnam. Sed parce piissime Salvator, qui latronem in cruce exaudisti, & Petrum lacrymantem ac Magdalenam pœnitentem suscepisti.

O DEUS meus ! amo te, amo ! & ideo doleo, quòd te offenderim Deus meus ! amo, amo, amo te ex toto corde meo, ex tota mente mea, & ex omnibus viribus meis. Et ideo doleo, doleo ex toto corde meo, ex tota anima mea, ex totis viribus meis de omnibus, de omnibus etiam occultis peccatis meis.

Amo & ideo doleo, & doleo, quòd non magis amem, doleo, quòd non magis doleam, amo & desidero plus amare. Doleo & desidero plus dolere, ô Deus amoris, Deus doloris, & desiderii mei, sine me aut amore aut dolore, aut potiùs utroque abrupti & mori.

O quantum hoc esset mihi bonum, vel hoc exiguo modulo, compensare quadantenus amorem tuum, & indulgere dolori meo. Famula tua Theresia ex amoris erga te vehementia mortua est. O invidenda beatitas ! ô mors optabilis & beata ! Altera itidem magna serva tua Magdalena de Pazzis amanti te animæ dicebat martyrium esse quoddam, quòd videat te à se, non tantùm amari, quantum amandus es.

Quale igitur martyrium & omni acerbius tormentum esse debet mihi, qui sic te amabilem, quemque nunc prout possum amo, non modo non amavi, sed offendi, sed sprevi, sed occidi ?



*Formula propositi emendationis.*

**R**egressus sum ô amantissime JESU , sicut filius prodigus ad brachia & amplexus tuæ bonitatis , ah miserum me ! quæ nubes tam densa affectûs depravati efficere potuit , ut non viderem & amarem te , Solem veritatis ? Cæcus fui , cum te offendi , & amavi cæcitatem meam.

Ô infelix tempus , in quo te non cognovi ? ô misera cæcitas , in qua te non vidi ! ô nefanda surditas , in qua non audiui voces tuas ! ô durum & infatuatum cor , quod se immiscuit pulchritudini & amorì corruptibili tuarum creaturarum , te deserens , qui es pulchritudo , & bonitas æterna !

Sed ô bonitas infinita , tu mihi oculos aperuisti , ut agnoscerem & horrerem peccata mea omnia propter te , ut cognoscerem & amarem te super omnia , serò quidem te amavi amor æternæ , melius tamen est serò quàm nunquam , faciam , quod nunquam feci , exhibebo me ex tota anima tibi gratum.

Procul hinc esto vita vetus , procul profanæ delicie , procul honores vani , procul omne peccatum . Nunquam ô mi Deus ampliùs recedam ab amicitia & gratia tua , nunquam per ullum peccatum elongabor à te.

Si vis mi Deus ! potes me ita mundare , ut te non offendam ampliùs , dic mihi , obsecro , quòd dixisti olim leproso , volo mundare , dic mihi , quòd dixisti Paralytico : Ecce sanus factus es , jam noli ampliùs peccare . Ita propono , ita profiteor , & protestor coram tua Divina Majestate , coram Beata Virg. MARIA , & tota cœlesti curia , nolo ampliùs peccare , in æternum non peccabo , cum gratia tua.

Ne quæso finas Domine JESU , & tu Sanctissima Mater , ut in posterum tam immani scelere me obstringam. Voluntate libenti præligo infernum , & omnium dæmonum ac damnatorum etiam possibilem cruciatus , cum gratia tua mi Deus ! quàm cælum cum omni sua amænitate , jucunditate , deliciis existendo in peccato.

## III.

Via recta ad Cœlum Via  
Crucis.

*Per quam viam ascendemus ? 4. Reg. 3.*

**M**aximus ille & amabilissimus Gigas , paratus ad currendam cœlestem viam , duas commemorat vias , quibus Viatores tendunt ad felicem vel infelicem terminum. *Spasiosa* (inquit Matth. 7.) *via est , qua ducit ad perditionem , & multi sunt , qui intrant per eam. Arcta via est , qua ducit ad vitam , & pauci sunt , qui inveniunt eam.*

Spasiosa via , quâ currunt cæco impetu homines reprobi , quorum Deus venter est , qui ducunt in bonis dies suos , & cheu ! in puncto honoris , in momento letitiæ , in exultationis exiguo fluxu ad inferna descendunt , est plenissima omni fraude & dolo , plena reptilibus ac bestiis omnium scelestum , nimirum avaritiæ , luxuriæ , odii , superbiæ. Per hanc viam , mundus mercator perduellis , suis spargit misera solatia , fallaces spes , brevem vilemque fortunam ,

nam, quæ vix afficit, & deficit, vix proficit & projicit, vix exponit & deponit, vix concedit & recedit.

Omissâ hoc loco spatiosâ ac periculosâ viâ in omni pio statu ac professione, non tantum scilicet Religiosorum, sed etiam cujuscunque conditionis sæcularium arcta via est eligenda, nimirum via crucis, quia in genere omnibus dictum est: *Per multas tribulationes oportet nos intrare in regnum DEI.* Deinde, *Regnum cælorum vim patitur, & violenti rapiunt illud.* Non vinolenti, non somno, gula, luxuriæ, aut deliciis dediti. Frustra existimamus obtineri cælum posse, nihil patiendò, & carni indulgendo, quidquid illa appetit. *Impossibile est* (inquit S. Hieronymus) *ut presentibus quis & futuris fruatur bonis, ut hic ventrem, & ibi mentem expleat, ut à deliciis transeat ad delicias.*

Hâc viâ Dux & Antesignanus noster Christus præivit. Primus ille crucem bajulavit, primus passus est, nobis relinquens exemplum, ut sequamur vestigia ejus. Neque tantum passus fuit ad finem vitæ suæ, quando fuit crudelissimè cæsus, spinis coronatus, & cruci affixus, sed ab instanti suæ Incarnationis, tota ipsius vita fuit passio, fuit continua Crux.

Post Christum Ducem nostrum transierunt hâc viâ Crucis & Virgines, transierunt Martyres, transierunt pueri & puellæ. Tu solus hâc viâ Crucis ire renues? Christus portavit spinas, tu vis te blandis rosis coronare? innocentissima Christi caro tam diris cruciatibus lacerata est amore tui, tu Dei amore non vis carnem tuam rebellem, nisi indulgenter tractare?

Deum seriò amare, est unicum compendium, ne commoda nostra queramus, ut secundum Deum, non



non secundum nos vivamus. D. Prosper de vita Contempl. l. 3. c. 1. hæc omnia scitè ita complectitur depingens hominem suis commodis inhiantem : secundum se ipsum vivit , qui , si potuerit , est , cum quibus vult , pergit , quod vult , dormit , quando & quamdiu vult , loquitur , quæ vult & ubi vult , manducat & bibit , quando & quod vult. Qui autem secundum Deum vivit , non quod eum carnaliter delectat , sed quod ædificat spiritualiter facit , & omnia desideria carnis spiritualis desiderii delectatione compefcit , futura presentibus anteponit , carnem spiritui subdit.

Indulgenter tractare carnem est illam immortaliter odisse , ac ad æternum , quod cruciat ducere per momentaneum , quod delectat. Unde S. Bernard. (Epist. 2.) Commoditates , porcorum filiquas vocat , quæ cœlestium famem extinguunt. Quomodo potest , inquit , esurire vel sitire Christum , plenus quotidie filiquis porcorum ? Quomodo ignis & aqua simul esse non possunt , ita spirituales & carnales deliciæ. Verè ait aureus ille Asceta Thom de Kemp. l. c. 24. *Nos ipsos decipimus per inordinatum amorem , quem ad carnem habemus.* Quanto amplius tibi ipsi nunc parcis , & carnem sequeris , tantò durius postea pœnas lues , & majorem materiam comburendi reservas.

Unde Hosius Cordubensis Episcopus ex mente S. Hilarii se perdidit ; quod sepulchri sui nimium amans fuerit , id est , nimis corpus suum coluerit , totque cum illo alii æternum perière , quod carnem suam luxu eduliorum , & vestium , aliisque sentuum deliciis & voluptatibus nimium indulgenter habuerint , cum obsequi D. Paulo debuissent dicenti ( 2. Cor. 4. ) *semper mortificationem Jesu in corpore non*

*Pro circumferentes, ut & Jesus manifestetur in corporibus nostris.*

Muli etiam sunt alii filii tenebrarum, qui carnem suam tuaviantur ut filiolarum, qui jugiter & moliter fovent, qui rectâ in Epicuri hortulos & delicatæ inertiae umbram feruntur. Et illâ nimîâ corporis curâ fit, ut homines toti pulpæ fiant, & tanquam sues, non animam habere alia de causâ videantur, quàm ne caro & pinguedo putrescat. Illi nihil sapiunt altum, nihil cogitant divinum, nunquam se humo attollunt, mens omnis & cogitatio apothecæ cancellis definitur, donec vita finiatur.

Diogenes uno in dolio cubabat, illi totos dies peregrinantur inter dolia & ollas, totas noctes volutantur inter plumas & rosas, animus totus est in patinis & potiùs in paropside quàm in obside, plùs in foro quàm in choro, plùs in macello, quàm in sacello, denique in ceno, quàm in coelo.

Quàm tu delicatus es miles, si speras te posse sine pugna vincere, sine certamine triumphare. Stat sanguine palma, dolore latitiae emitur, sola in Christi castris patientia coronatur. *Nisi granum frumenti cadens in terram mortuum fuerit, ipsum solum manet.* Silex nisi inter verbera non scintillat, aurum nisi ab igne non lucet, adamas nisi sectus, atque detritus non fulget.

Crux ergo seu mortificatio est arcta via, per quam cœlum ingredi contendamus. Qui verò Crucem seu quamcunq̃ mortificationem fugit in quocunque statu, fugit viam arctam, semitam salutis, & incidit in vias difficiles.

Duplicem verò communiter Ascetæ assignant mortificationem, nimirum continuam, & discretam seu discontinuam. B. Albertus Magnus (Paradisi animæ c. 38.) macerationis seu mortificationis conti-

næ actiones has ponit. Primò, sponte castigare corpus jejuniis, vigiliis, humicubationibus, orationibus, ciliciis, disciplinis, abstinentiâ cibi & potûs delectabilis, ut in omnibus caro spiritui subjaceat. Secundò carni nullam voluptatem, sed solam necessitatem impendere. Tertiò non tantùm ventrem, & os suum coercere à cibi & potûs voluptate, sed & linguam compescere à verbis illicitis, & tactum refrænare à delectationibus, & cor à cogitationibus & affectionibus voluptuosis.

*Continuam mortificationem suadent nobis auctoritates & exempla.*

**S.** Paulus monet : semper mortificationem in corpore nostro circumferentes. Et de se ipso aliisque ait. Propter te mortificamur totâ die, non habuit requiem caro nostra. Et S. Bernardus suadet ad Fratres de monte Dei scribens. *Semper exhibere corpus suum hostiam Deo placentem.* Hanc hostiam per continuam mortificationem DEO amor sacerdos immolat, quando corpus jejuniis, somno parco, cilicio, flagris, duro inter orandum, vel lecto, situ, aliisque actibus, affligat.

In vitis Patrum in ea regula, quam Angelus dedit Pachomio Macarii successori, de mortificatione ita præscribit Deus per Angelum : *Corpora vestra affligatis per omnia, quia hæc est delectatio bonorum operum, orantes semper ac jejunantes, ut possimus satientium demonum superare naturam.*

Hoc incitamento movet filios suos magnus ille mortificationis urgendæ Author S. Franciscus de Paula sic scribens opus. c. 7. *Mortificate membra vestra*



*salutari poenitentia, quia taliter immunes eritis, ne in laqueos & tentationes sathana cadatis, qui nisi pigros, nescit vincere.*

Primum exemplum continuæ mortificationis seu crucis accipe in B. Virgine, de ea scribit Gregorius Turonensis, quod ex quo templum ingressa est, semper sit usa cilicio, somnus illi super nuda humo, vel duris tabulis, parcissimus fuerit.

De S. Bernardo in vita ipsius legitur: Beatus Bernardus in afflictione corporis sui usque ad eum sibi mundum, seque mundo reddidit crucifixum, ut confidamus Martyrum quoque eum merita obtinere sanctorum, quem confessionis ordine, & parsimoniâ vitæ tam longum constat duxisse martyrium.

Scribitur de Juditha l. 4. *quia habens super lumbos suos cilicium. jejunabat omnibus diebus vite sue præter festa domus Israël.*

Joannes Rhod de magna virgine Joanna à S. Cruce refert, quâ se industriâ cruciavit: ait illam ingenti cruci adhæsisse, apprehensisque prominentibus e stipite clavis, diductis latè brachiis diu pependisse suspensam, ac voluntariam fuisse inter spinas à flagris jam ante truentatam.

Ajunt S. Ludovicum Gallie Regem, si quando Confessarii jussu consuetum cilicium deponebat, ob valetudinem afflictam ad tempus, eo die concessam hanc, ut ipse dicebat, corpori suo indulgentiam, erogatis quadraginta scutis in pauperes redemisse.

Robertus Galliarum Rex, quintâ cujusvis hebdomadis feriâ, vestem regiam exuebat, & cilicio ad carnem coopertus centum sexaginta pauperum pedes abluebat, ac prolixo suo capillo tergebat. *Lyraus l. 2. c. 3.*

S. Paula etiam in gravissima febrī, mollia lectuli strata non habuit, sed super durissimam humum stratis ciliciolis quiescebat. de ea S. Chrys. Ep. 108.

## Lectus S. Martini erat nuda humus.

**T**iberius Bisiniāni Princeps sæpius nonnisi pane vescabatur, aquam bibebat, ferreā catenā collo circumdatā, quā se Deiparæ mancipium testabatur.

Gratum sibi esse S. Edmundi nostri cilicium ostendit Deus, quando illud ab igne servavit illæsum. Dum enim ejus cubicularius (inquit Surius) cilicium & femoralia cilicina, quæ usu diuturno contriverat, ab eo comburenda accepit, & ille quidem misit ea in ignem, sed ignis lambens ea consumere non potuit, tanquam vereretur sacrilegii notam sibi inusum iri, si læderet ea, quæ beati viri carnem attigissent.

S. Eligius de sua prædestinatione anxius animi, hanc sibi vocem (nempe dæmonis instinctu) audire videbatur: Quidquid agis, inutile est: casurus es, quia de numero es reproborum. At ille in consueta mortificationis exercitatione pergebat. Et verò inter cilicina lintea orantem noctu vox è cælo lapsa recreavit: securus es, si ita ad finem perseveraveris.

S. Theresia post obitum cuidam apparens dixit. Si qua ex causa vellem carere beatitudine tantisper, certè ut ampliùs pati possem, cujus nunc tantam mercedem in cælis video.

Eidem Sanctæ notus à dira & varia corporis afflictione S. Petrus de Alcantara post mortem apparuit, ac lætus dixit: O felix poenitentia, quæ tantam mihi promeruit gloriam!

S. Agapitus ardentes prunas capiti impositas sentiens, sic se animabat: Age animè mi, ne græve putes, si modò caput ignem ferat, quod paulò post coronâ redimitum immortalitatis, æternum triumphabit.

Abbas Olympius aliquando interrogatus, qualiter speluncæ suæ inhabitare posset angustias, & excessivos supportare calores, præter apum, muscarum, & culicum sanguinem continuò elicientium morsus & puncturas? Respondit; culices sustinco, quia vermem timeo immortalem, flocci facio calorem, quia ignem pertimesco æternum. Hæ afflictiones finem habebunt non illæ. S. Climacus in scala paradisi.

Altera mortificatio est discreta seu discontinua, quam in variis actionibus totius diei & in omni occasione possumus facere, videlicet in sensibus externis, & internis, in potentiis tribus animæ, in linguæ usu, in pravis consuetudinibus, in mortificatione honoris, amoris proprii.

*Ita dum egrederis in publicum*, oculorum cohibe curiositatem: ne aspice, quod desiderare non licet, visum modeltum & depressum gere. Magdalena Redonia tertiî Ordinis S. Dominici professa per Urbem incedens, nihil præter filices & lutum intuebatur. Vidit aliquando S. Mechtildis, dum in festo S. Joan. Evang. sacris interesset, B. Virginem & hunc S. Apostolum illustrem radio splendoris admirabili, qui ex oculis emicans, in faciem Deiparæ dirigebatur, dumque hæret isto prodigio attonita, audit à Joanne, illum dum intra mortales viveret, eâ fuisse erga  
Virgi-

Virginem Matrem reverentiâ , ut desigere in illam oculos nunquam fuerit ausus.

Cùm S. Franciscus in quodam domicilio propè Assisum valdè stricto cum fratribus suis moram trahe-  
ret , accidit , ut Romæ coronandus Imperator Otto cum magna pompa illac transfiret. At Vir sanctus cum secus viam maneret, nec ipse , nec aliquis fratrum saltem aspicere de tugurio voluit , præter unum ex ipsis , qui gloriam hujusmodi modicum duraturam Imperatori constanter nunciari præcepit. Manip. ex V. visus.

*Offert se aliqua curiositatis occasio?* adhibe mortificationem. S. Carolus Borromæus nunquam per ullam fenestram prospiciebat. Pia Magdalena Redonia , quando ad eam filii litteræ deferebantur , ad tres quatuorvè dies tenebat obsignatas , tum ut curiositatem suam frænaret, tum ut teneritudinem affectus materni comperceret.

*Aliquis te verbo, repulsa, contemptu, aut alia ratione offendit,* optima adest te mortificandi occasio. Argumento est illa historia, quam sanctus Bernardus de maledica muliere posteris reliquit. Pessima hæc assueta quibusvis obrectare , ausa est aliquando in publica plurium corona calumniari S. Malachiam Episcopum , & præsentem injuriis petere , calvum hypocritam, aliisque probrosis nominibus compellans. *At ille nil respondit* (inquit S. Bern.) *quia mitis erat & verecundus.*

*Versaris in periculo, violandi silentii, aut regulæ alicujus, aut præstandæ inutilis & otiosæ urbanitatis?* Generoso recessu & mortificatione declina. Memoriam proditum est de Joanna Celeria Attrebari Religiosa, quod raro ad locum congressus seu colloqui veniret, ne unquam nisi de rebus necessariis loqueretur. Unde ab aliis quibuldam tororibus majori



jori licentiæ deditis , soror sylvestris appellata est ; sed illa tali convitio immobilis à sua consuetudine non recessit.

*Cibum sumis ?* etiam hîc, in quo franges appetitum tuum, invenies , sive à qualitate ciborum sive quantitate. Nunquam sine aliqua victoria recedendum est. Franciscus Arias assert è B. Petro Card. Damiani, Abbatem , qui allatum sibi piscem , cujus edendi desiderio tenebatur , cum pauper ad portam peteret sibi pro eleemosyna dari id, quod Abbati appositum est , audito eo , illi unâ cum scutella misisse pro eleemosyna , ut seipsum mortificaret , seu pervinceret , pauperem autem , unâ cum accepta scutella in conspectu plurium è terra sublatum in cœlum.

*Dum graviter à carne , mundo , & diabolo tentaris* , generoso animo recede , eligas cum S. Casimiro millies mori quàm fœdari & in Deum tuum peccare. Refert Jacobus de Vitriaco , sanctimonialem quandam pulchram fuisse facie , quam Princeps dives & potens , (in cujus potestate fundatum erat Monasterium) concupivit , & cum nec precibus nec muneribus eam sibi usurpare posset , mandavit per nuntios Abbatissæ , ut unum ex duobus eligeret , aut scilicet Monialem illam sibi corrumpendam transmitteret , aut ipse totum Monasterium ignibus succenderet. Terretur vehementer Abbatissa , utpotè quæ sciret , quoniam nisi quæ desiderabat obtineret , faceret pejora quàm dixerat. Pavida igitur Moniali illi sanctæ , Regis edictum crudele denunciat. Quæ tremens & dolens cœpit inquirere , cur eam præ cæteris Monialibus sic amaret , audivit ex nuntiis : propter pulchritudinem , inquit , oculorum tuorum in te ardenti amore succensus est. Exhilarata illa , atque segregata parum à cæteris , ambos sibi oculos piâ crudelitate evulsit , atque componens in disco præsentavit ministris Principis


cipis

cipis dicens: Ite & Principi vestro hæc præsentate ex me, ei dicentes: Ecce sagittæ, quæ cor tuum importuno ardore confoderant. Habes quod desiderasti, nunc eis utere pro libitū atque oculos cordis mei intactos atque illæsos relinque. Specul. exem. 20.

Nunc ergo & nobis gemendum est, sub iugo mortificationis, nunc mortificemus membra nostra, quæ sunt super terram, ut illa collocemus in cœlo; ubi gaudebimus de amaritudine, de molestia, de dolore, divini amoris causâ suscepto. Magnum prædestinationis pignus est assidua corporis mortificatio. Nam sicut reprobi mirum in modum quærunt ea, quæ postea carni in sartagine inferni cruciandæ, immortaliter torrendæ, commoda blanda, grata sunt, ita prædestinati contra carni suæ infensi hoc agunt, quod nunc illam cruciat. *In novissimis enim* (Eccles. 6.) *invenient requiem in ea*, id est, mortificatione, & converteretur in oblectationem.

O quam felix est ista mortificatio (ait Thom. à Kemp op. 8. n. 2.) quæ mihi aperit januam æternæ vitæ, id quod fit in portis mortis, per quas eximus è tugurio temporis, & intramus per angustam mortificationis portam in immensum æternitatis palatium. *Tunc mortificatio quasi myrrha electa dabit nobis suavitatem odoris.*

Hæc te Viator consolatione solare, crucem unius horulæ, æterno præmio & solatio compensari. *Curramus ergo* (ut Anselmus urget) *credendo, sperando, diligendo, corpus affligendo, benè operando.* Certè abstinentiæ, lacrymæ, præces, vigiliæ, ipsæ sunt viæ, quæ in cœlum ducunt, teste Ephrem.



*Actus desiderii patiendi pro Christo.*

**Q**uis me separabit à charitate tua mi Deus ? non timor mortis , non fames , non nuditas , non persecutio , non gladius , non flagella , crux , ærumnæ , mors , & quæ dura , horridaque mortalibus videntur.

Tibi mi Domine me totum addico , totum in tui amorem concedo , totus tibi adhæreo , quod tu amas , meque amare vis , amo , quod non vis , nolo , quod de me disponis , accepto , sive in vita , sive in morte , sive in tempore , sive in æternitate , sequar te , quæcunque jeris , ibo , quo duces , si per spinas & cruces , per inopiam & contemptum , per labores & ærumnas , per sanguinem & mortem.

Patiar , quia tu præcipis , quem ardentissimè amo super omnia. Tibi me totum in holocaustum consecro ô Deus cordis mei & pars mea Deus in æternum ! Nolo vivere sine vulnere , quia te mi Jesu video pro me totum vulneratum.

Quidquid unquam perpeßus sum , & quidquid patior , patiârve , omne illud ex motivo sanctissimi amoris tui offero gloriæ tuæ. Amor tuus perficiat dolores meos , efficiatque , ut quantum me cruciant , tantum delectent.

Tu Rex & Dominus meus passus es amore mei tanta pro me ! & ego sub spinoso capite membrum ero delicatum ? Sensit hoc orbis & ingemuit , sensit terra & contremuit & ego non sentiam ? Ecce paratum cor meum ire extra castra , & improperium tuum portare , ferre crucem tuam & sequi te.

Amo te Deus meus , & paratus sum pro te omnes morbos & dolores , omnes cruces & tormenta , famem & sitim , dæmonum tentationes , quamlibet igno-

mini-


miniam & injuriam , quemlibet mei contemptum tolerare , insuper pro te pati & morti millies, millies, millies.

O si possem pro tui amore & honore vitam & sanguinem profundere , ac perferre universa Martyria , quæ SS. Martyres pertulerunt, ac omnes labores subire. Utinam saltem omnes halitus mei sint gemitus dolentis ac pœnitentis cordis mei.

Insuper mi DEUS ! Si tibi placeret , advoca ipsas etiam tartareas potestates , inferni vires omnes, dæmonesque evoca , qui quidquid possunt funestum, dirum , horridum , atrox , exaggerent. Neque cupio, ut animam meam mihi ut Jobo facere coacti sunt, fervent , sed ut eam etiam cruciatuum immanitate à corpore separent. En collum & pectus. Exige sanguinem , exige spiritum , mille gladiis , ignibus , rotis exhibebo singula membra , & membrorum articulos.

Accipe Domine cor servi tui in holocaustum gloriæ tuæ , sim tibi totus hostia divini tui beneplaciti.

Dispone de me liberè ut de tuo proprio jumento pro gloria tua.





## IV.

Compendium viæ coelestis est  
brevissimum per Heroica.*Vidisti Virum velocem in opere suo.*

Prov. 22.

**V**iator, viâ Regia, seu viâ crucis incedens ad patriam, si velit quandoque brevissimo tempore iter suum conficere, & pervenire ad terminum, in spiritu fervoris, seu per actiones heroicas progredi debet. Per has citius summum attingitur, & quod alii diuturno tempore, Viator heroicus brevissimis momentis assequitur.

Præstantissimus est talis fervor eorum, qui incumbunt actionibus heroicis, generosis, insolitis, & ita celeribus, ut incredibili velocitate sua, omnes alias vulgares transcendant actiones, & ad thronum gloriæ magni Dei pervenientes Angelos omnes & ipsum Deum in sui admirationem & amorem abripiant.

Talis fuit actus Abrahæ, qui ad unicam vocem Domini, ex nunc voluit unicum filium suum immolare. Unde audivit. *Quia fecisti hanc rem, benedicam tibi.*

Ejus generis fuit actus heroicus S. Bernardi. Clericus quidam veniens ad hunc sanctum Abbatem importunè instabat, ut in Monachum reciperetur. Dum eidem suaderet S. Pater, ut ad suam reverteretur Ecclesiam homo ille velut insanus, totâ vi percussit maxillam sancti Patris, ad hunc tam gravem ictum,

ictum ne minimum Pater sanctus edidit impatien-  
tiæ signum l. 3. c. 6.

Alexius prima nocte nuptiarum , sponsam intactam reliquit , paupertatis propter Jesum experiendæ studio , & amore castitatis. S. Casimirus , maluit vitam amittere , quàm Virginitatem ,

Charitate inter se contenderunt apud Antiochiam Theodora Virgo , & quidam miles. Illa ob Christi confessionem ab infidelibus in prostibulum truditur : miles verò eam primus adiens persuadet , ut mutatis secum vestimentis virili habitu evadens , virginitatem intactam conservet. Cumque ipse cum muliebri vestitu deprehensus , pro Virgine ad supplicium traheretur , non sustinuit illa , ut cujus ope pudicitia tutata fuerat , ei necis causa fieret : palàm proclamat , se esse ei poenæ addictam , non ipsum : è contra ille , se judicii sententiâ damnatum , non illam : diu certant , uterque alterum suâ morte redimere cupientes. At verò quoniam Christum consentibus mori vivere erat , Deo disponente , ambo simul capitis obtruncatione gloriosum Martyrium peregerunt. S. Ambros. l. 2. de Virg. sub finem tom. 4.

Eximius ille vir Cæsar Buzius , dum quodam tempore videret Augustissimum Sacramentum deferri ad ædes ægroti , statim nudato capite , facem manu præferens contempto nobilium virorum occurso , à quibus se videndum & vilipendendum sperabat , præibat ad ædes ægroti.

Theodosius Imperator magnam sanctimoniam & perfectionem consecutus est unico actu heroico. Nimirum in ludis theatralibus frænando oculorum licentiam & curiositatem : quotiescunque enim occurreret aliquid aspectu jucundum , gratumque , & populus magnis lætitiæ vociferationibus spectaculo acclamaret , tum

se demittere , aut omninò claudere oculos solebat , ne quid eorum cupiditati indulgeret.

Considera Viator , quia Deus à creaturis suis vinci humanitatis officio non vult, amat illas , blanditur & longè alia ratione , quàm soleant terrarum Domini suorum subditorum agnoscere obsequium , remunerat.

Discimus ex Historiis Ottomanorum, quemdam Machometem, qui intimus & carissimus Solymano fuit, non aliter pervenisse ad tantos honorum & favorum gradus, quàm actionis unius fervore animoso-  
que plenæ officio epistolam legebat Solymanus innixus fenestræ, quâ in viridarium erat aspectus, hæc legentis manibus excidit, & viridario illapsa est, illico tota nobilitas aulae ad gradus currere, volare ad chartam: ut quisque prior referendarum litterarum honorem occuparet. Quid fecit Machomet, ut anteverteret cæteros? præcipitem se de fenestra dedit, sublatamque epistolam primus Principi suo retulit. Actus ille tam acceptus fuit Solymano, ut statim Machometem autoritate, dignitateque præ cæteris auxerit, atque per omnem vitam habuerit in deliciis.

Ament sanè Solymani & orbis moderatores tam illustrem, & amore plenam actionem, facilius tamen & admirabilius capitur divina bonitas, ut ob unicum opus plenum affectu & fervore, obitum in ejus servitio, tales amantes non solum in hac vita singularibus favoribus, verum etiam in altera magno gloriæ incremento prosequatur.

Unus actus heroicus & extra ordinem fervens divinam majestatem ( si ita loqui liceat ) rapit in admirationem, & incredibilia elicit reciproci amoris argumenta. Ob hanc rationem surrexit e throno Jesus,

sus, stansque Stephanum pro inimicis toto ardore supplicantem spectavit, veluti hujus stupore prodigii attonitus.

Fecerat aliquando S. Theresia illustre & fervens nescio quod opus; crederes Deum sibi imperare non potuisse, quin diceret: Theresia si mundum non condidisssem, illum jam tui gratiæ & ex propensissimo erga te affectu crearem.

Sic accipio illud Cantici Canticorum, ubi sponsus affirmat se abreptum esse unicâ cogitationum illius: *Vulnerasti cor meum soror mea sponsa in uno crine colli tui.* Prima B. Virginis cogitatio, quâ se sub immaculatam Conceptionem suam integrè DEO dedicabat, sic divinum cor, & affectum rapuit, ut illic favores omnes & gratias in illam congesterit.

Mariam aliam adeamus videlicet Magdalenam, hæc ob unicam heroicam actionem, & ferventem insolitum illum Christi favorem & benevolentiam consecuta fuit. En puella nobilis ad pedes JESU prosternitur, præsentibus convivis. *Pia impudentiâ* (inquit Augustinus) *quesivit sanitatem, irruens importuna convulsio, opportuna benefisio.* Vocet ille piam impudentiam, ego fervorem indagitare malo, & affero hoc unicum opus fuisse fontem, ex quo admirandi illi divini amoris rivi, quibus deinde affluxit, emanârunt.

Hæ nimirum nobilissimæ ac generosæ actiones mirum in modum accelerant iter ad egregiam sanctitatem. Hæ actiones sunt, gratiæ prodigia, & germina spiritualis fervoris, ita, ut subinde unus actus heroicus non solum aucupari soleat singulares favores divinos in hac vita, sed etiam in altera incredibilia consequantur amoris divini & gloriæ argumenta.



*Affectus animæ ad heroica anhelantis.*

**O** mi Deus ! ô amor infinite ! ô divina bonitas quid dicam , aut quid respondebo tibi ? non possum respondere unum pro mille , imò infinitis excessibus charitatis tuæ , qui me in admirationem rapiunt.

Quid non egisti ? quid non agis , ut ameris ? ut corda nostra tibi devincias atque alliges ? Prior enim mirabiliter dilexisti nos , sic , ut filium tuum unigenitum dares. O nimia charitas ! ô in immensum excessus ! Ergone amoris tui in nos contestatio ac tessera , imò pretii , quo nostrum amorem licitaris , quasi auctarium est Filius tuus Unigenitus ?

O amor mundi & gaudium cœli , quid tibi & mihi , qui debeo odium esse & horror totius universi , similis similem amat , quid tu optimus diligis me pessimum ? quid tu sapientia amas stultitiam ? potentia infirmitatem ? misericordia miseriam ? pulchritudo turpitudinem ? quid denique Tu Bonitas amas me malitiam ?

Qua verò in re animum meum & ingenium occupo , si non excogito modos , quibus testificer me diligere te ? O ingeniose amor , nunquam te tantum amabo , quantum dignus es !

O si omnibus actionibus meis & operibus tam ferventi , tam heroico affectu & obsequio possem te glorificare , amare , recreare , & exhilarare dulcissimum Cor tuum , purissimè & perfectissimè propter te Deum meum , propter gloriam tuam , gustumque tuum quàm maximum , & consolationem dulcissimi & beatissimi cordis tui !

O si possibile foret , desiderarem agere , heroicè , Mariane , Christi formiter , & egisse , quidquid actum ,


actum , quidquid agitur , agi potuit , ageturque placite ac dignè te Deo meo , à quocunque ubicunque in omni intensione & intentione , ac extensione possibili , in omni multiplicatione , replicatione & modo quovis possibili , & exoptabili , ac desiderabili.

Utinam mi Deus ! agendo semper , aut quod tibi omitti placet , omittendo , patiundo item quæcunque in anima & corpore propter te , ad quæ omnia in tui gratiam , amorem & gustum , paratum promptumque exhibeo , utinam,inquam,tibi totus ac penitus secundum omnia in purissimum acceptissimumque holocaustum cedam , & totus instar thuris , aut thymiamatis tibi in suavissimum odorem consumar , imò & annihilor !

Utinam haberem omnium Martyrum animas , omnes vellem expirare pro te martyrio doloris & amoris tui ô Deus , dignè pro quo per martyrium omnis vita omnium mortalium immoletur. Pro te mi DEUS semper & ubique colliquari , guttatim interire , & omnes tyrannicas Antichristi , ac diabolorum persecutiones , si voluntas tua aderit , volo pati.

Hæc sunt vota , hæc suspiria , quæ sacrifico tibi , hæc desideria cordis mei , quæ offero tibi. Accende , quæso , cor meum mi DEUS ! in amorem tui , ut diligam te ex penitissimis cordis mei medullis.





## CAPUT II.

De prædestinatione Viatoris, quæ est scopus & terminus viæ nostræ, & mediis ad eandem consequendam.

## I.

Sinon es prædestinatus, fac, ut prædestineris. *S. August.*

Satagite, ut per bona opera certam vestram vocationem & electionem faciatis.

2. Pet. I.



Ogitanti mihi de inscrutabili prædestinationis divinæ mysterio, flere magis liberet, quàm loqui, ( habendo præ oculis mentis effatum illud à Salomone prolatum Prov. 25. quoniam, *qui scrutator est Majestatis, opprimetur à gloria* ) & quod olim Ezechieli Prophetæ, hoc mihi humiliter profitendum esset, hujus torrentis aquas ita profundas & altas esse, ut transvadari omninò non possint. Unde meritò exclamat Apostolus Rom. II. *O altitudo divitiarum sapientia & scientia Dei, quàm incomprehensibilia sunt judicia ejus!*

.Cer-

Certum tamen est (ut cætera omnia inscrutabili Dei sapientiæ, & incomprehensibilibus judiciis relinquamus) quod prædestinatio nihil est aliud, quam æterna & omne tempus præcedens destinatio, quâ Deus ante mundi constitutionem creaturas aliquas ad gloriam, & beatitudinem cœlestem elegit & destinavit. Unde dicit eo sensu Apostolus, Ephes. 1. *Elegit nos in ipso ante mundi constitutionem.*

Ita S. August. lib. de bono persever, cum dicit: quod prædestinatio est *præscientia, & preparatio beneficiorum Dei*: quibus certissimè liberantur, quicunque liberantur. Ex his autem verbis S. Aug. colligitur ad completam rationem prædestinationis, prout ab illo & SS. Patribus sumitur, debere per eam intelligi, non tantum electionem & destinationem ad gloriam & beatitudinem, sed etiam preparationem omnium mediorum, ad illam consequendam, propositumque ac voluntatem media illa tribuendi, ita, ut prædestinatio non tantum respiciat gloriam conferendam, sed etiam simul omnia gratiæ dona, quibus ad illam gloriam homines perducuntur.

Et sic tres præcipui effectus prædestinationis numerantur, nempe vocatio, justificatio, & glorificatio juxta doctrinam Apostoli Rom. 8. *Quos prædestinavit, hos & vocavit, & quos vocavit, hos & justificavit, quos autem justificavit, illos & glorificavit.* Ad gratiam vocationis reducuntur omnia auxilia & adjumenta, non solum interna, sed etiam externa, quæ ad justificationem suo modo simul cum internis concurrunt: ut externa Evangelii prædicatio, à parentibus Christianis ortus & educatio, occasionum peccandi remotio, cum piis & bonis conversatio, fraternalis correctio, & his similia. Ad gratiam justificationis pertinent omnes alii habitus supernaturales, qui



simul cum ipsa gratia habituali infunduntur , ut habitus fidei , spei , charitatis , & aliarum virtutum supernaturalium , item dona Spiritus Sancti , gratiæ Sacramentales , ac donum finalis perseverantiæ.

Duo autem sunt effectus reprobationis. Primus est permissio peccati , unde dicit Apostolus Rom. 9. *Quod Deus volens ostendere iram , & notam facere potentiam suam , sustinuit in multa patientia vasa ira apta in interitum.* Et ad hunc effectum reducitur obduratio , seu excæcatio reprobis : Cum nihil aliud sit quàm ipsa peccati permissio , quatenus Deus permittendo peccatum , simul iusta aliquâ ex causâ subtrahit reprobo peculiare aliquod gratiæ suæ auxilium , quo ejus cor emolliretur , vel illuminaretur intellectus. Secundus verò effectus reprobationis est , æterna ipsius reprobis puniatio , ut patet ex illis Christi verbis : Matt. 25. *discedite à me maledicti in ignem æternum.*

Firmiter ergò tenendum est , & fide Catholicâ credendum , neminem à Deo reprobari & ad pœnam æternam damnationis deputari , nisi ratione prævisorum demeritorum. Huic veritati oppositus est error Calvini , qui lib. 3. Instit. c. 23. parag. 5. asseruit Deum ante prævisionem cujuscunque peccati , non tantum exclusisse aliquos à cœlesti gloria , sed etiam efficaci voluntate eos ad pœnam æternam deputasse. Unde c. 23. parag. 9. ait ; Deum , ut ipsi reprobi efficaciter ad hunc finem à se intentum perveniant , non tantum eos gratis ad salutem necessariis privare , sed etiam inicere iis peccandi necessitatem , quam evadere non possint.

Hæc blasphemia refellitur , & veritas nostræ fidei probatur autoritate scripturæ variis in locis , in quibus testatur Deus se nolle , ut ullus pereat , sed ut omnes peccatores ad pœnitentiam convertantur , &

sic

sic vitam æternam consequantur. Ezech. 18. *Nunquid voluntatis mea est mors impij dicit Dominus Deus, & non convertatur à viis suis & vivat? Et c. 33. Vivo ego dicit Dominus, nolo mortem impij, sed ut convertatur impius à via sua & vivat. S. Matt. 18. Non est voluntas ante Patrem vestrum, ut pereat ex his pusillis. Luc. 11. Quis ex vobis Patrem petit panem, nunquid lapidem dabit illi? Axioma Theologicum est. Facienti quod in se est, Deus non denegat gratiam.*

Docet etiam S. Thomas q. 14. de veritat. a. 11. ad 1. Si quis in silvis nutritus ductum rationis naturalis sequeretur in appetitu boni & fuga mali, certissimè est tenendum, quòd Deus ei vel per internam inspirationem revelaret necessaria, vel ad eum prædicatorem dirigeret.

Imò si Deus revelaret per Angelum, quòd quis sit futurus ex numero damnatorum, non idè esset desistendum à bono faciendo, quia nesciret, an illa revelatio sit absoluta, vel tantùm conditionata. v. g. Petrus certò damnatorum erit ex numero, nisi se emendaverit, hoc fecerit vel omiserit. Ita locutio fuit conditionata, quâ per Jonam Deus fuit usus ad terrendos & ad pœnitentiam movendos Ninivitas: *Adhuc quadraginta dies & Ninive subvertetur. Jonæ 3. c. Quid inde? Deus, quia prædixit per Jonam, non parceret? nequaquam, pro locutione acceperunt conditionata: Crediderunt viri Ninivitæ in Deum & prædicaverunt jejunium & vestiti sunt saccis &c. Nisi ergo Deus adderet, se non loqui conditionatè sed absolutè, tunc necessariò seu infallibiter sequeretur damnatio.*

Communitè itaque docent SS. Patres, electionem absolutam & efficacem prædestinatorum ad gloriam factam esse, nonnisi post prævisionem meritorum

ac finalis in gratia perseverantiæ. Clarè patet ex scriptura hæc veritas Matt. 20. ubi Christus dicit: *Sedere ad dextram meam vel sinistram non est meum dare vobis, sed quibus paratum est à Patre meo.* Quibus verbis (ut SS. Patres docent) Christus innuit, non favori & gratiæ, sed laboribus & meritis paratam esse sessionem in regno suo. Ita hunc locum explicant S. Epiph. hæresi. 69. S. Cyrill. l. 10. thesauri c. 16. & Hieron. lib. contra Jovinianum, ubi ait, ideo Christum Dominum ibi dicere, Non est meum dare vobis, ut noverit unusquisque mansionem sibi in cælo non ex sola Christi largitate, sed etiam ex propriis operibus esse præparandam.

Item S. Matt. 25. *Venite benedicti &c. possidere paratum vobis regnum &c. esurivi enim &c.* quibus verbis apertè insinuat, regnum cælorum ab æterno esse justis præparatum ob prævisa eorum bona opera, quod patet ex particula causali, *enim*, S. Ambrosius l. 5. de fide c. 3. expressè concludit: *Quorum merita præscivit, eorum premia prædestinavit.* S. Augustin. Ser. 7. de verbis Domini ait; *Quos voluit, hos Deus elegit, elegit autem* (sicut dicit Apostolus) *& secundum suam gratiam, & secundum illorum justitiam.*

His SS. Patribus adjungi potest Franciscus Salesius, qui in opusculo de amore Dei l. 3. c. 5. id expressè docet, & probat ex verbis cujusdam Collectæ, in qua Ecclesia Deum alloquens dicit, illum misereri omnium, quos suos fide & opere futuros esse prænocit. Quibus verbis (ut ille dicit) fatetur Ecclesia, gloriam iis esse destinata, quos divina sapientia prævidit, gratiæ suæ vocationi obtemperaturos, & per illam ad fidem vivam, quæ per charitatem operatur, esse perventuros.

At verò non paucos intricata hæc quæstio potest anxios reddere, & non abs re, si illud in mentem venerit, quod dicit Apostolus: *Cujus vult miseretur, & quem vult indurat, Voluntati ejus quis resistit?* & homo tu quis es qui respondeas Deo? an non habet potestatem figulus lutum ex eadem massa facere aliud quidem vas &c. Et. 2. Tim. 2. in magna domo non solum sunt vasa aurea & argentea, sed etiam lignea & fictilia. & quadam quidem in honorem, quadam in contumeliam. Unde S. Augustin. dicit super Joannem: Quare hunc trahat & illum non trahat, noli velle dijudicare, si non vis errare.

Hæc tamen omnia & similia Sacræ scripturæ loca intelligenda sunt de divinis decretis ex prævisione bonorum vel malorum operum provenientibus, quod docet Apostolus: *Quos præscivit, hos & prædestinavit*, id est, quos præscivit bene victuros, hos prædestinavit. Ubi Deus dicitur prius præscivisse, deinde prædestinasse. Porro præscientia ante prædestinationem nulla alia rectius intelligitur, quam præscientia meritorum, puta fidei, dilectionis, poenitentiae, ut exponunt SS. Patres in hunc locum, Cyrillus, Chrysostomus, Theodoretus, clarissime autem S. Ambrosii. de fide c. 3. lib. 5. *Quos præscivit, prædestinavit, non enim ante prædestinavit, quam præscivit; sed quorum merita præscivit, eorum merita prædestinavit.*

Hoc ipsum expressè ipsa æterna Veritas insinuat Matt. 19. *Si vis ad vitam ingredi, serva mandata*, ex quibus verbis Christi patet, merita esse motivum prædestinationis, ac conditionaliter fieri prædestinationem Dei, nihil enim sine aliqua prædestinatum est conditione. Prædestinatum est, ut salvetur mundus, sed per aquam baptismatis & mortem filii Dei. Prædestinati sunt omnes boni ad gloriam; eâ tamen conditione.



ditione , si fidem tenuerint , si charitatem , si humilitatem , si misericordiam , pietatem , & his similia habuerint , atque perseveraverint in via pia & Sancta : tales enim futuros eos prævidit , quos Deus ad vitam prædestinavit , & quasi prædestinando eis diceret. Ego quidem ad vitam vos prædestino , si tamen mandata mea custodieritis , & si in bono tandem fine inventi fueritis.

Communis etiam SS. Patrum est doctrina , nostram prædestinationem non esse simplicem , sed esse compositam ex duobus , prædestinatos videlicet nos esse ad Crucem Christi & regnum , ad patientiam Christi & ad gloriam Dei. Ad primum ceu medium , ad posterius ceu finem.

I nunc , quisquis es , quære , si pauci sunt vel plures , qui salvandi erunt. Videbis paucissimos ad gloriam , propter hujus conditionis defectum videlicet merita , prædestinatos. Hæc salvandorum paucitas omni ævo proposita , nobis est ad cautelam.

Ante diluvium ex tanta hominum multitudine octo solum animæ in illo navigio sunt servatæ. Sodomæam terram Dominus everlurus , nec decem reperit probos. Cùm Moyses sexcenta millia virorum absque parvulis & mulieribus educeret Ægypto , duo tantum ex tanto numero in terram promissionis pervenerunt exceptis Sacerdotibus.

In amplissima Ninive solus Tobias cum uxore & filio : in Babylone Daniel cum tribus fociis ambulabant coram Deo & erant perfecti : In omni terra unicuique Job inveniebatur justus. Non minùs flebili Jeremias Propheta questu hanc proborum paucitatem deflet : *Nullus est , qui agat penitentiam super peccato suo dicens , quid feci ?*

Deplo-

Deplorat eandem beatorum pauci atem ipse Christus : *Va vobis divitibus, qui habetis hic consolationem vestram : Va, qui saturati estis , Va vobis, qui ridetis.* Invitati ad lautissimam cœnam , cæperunt simul excusare. E tot divitibus , onustis scilicet camelis , unicus Zachæus , deposuâ gibbi sacrinâ , (sic Beda loquitur) hoc est, opum onere relicto Christum sequitur. Unica Magdalena è vitæ prostibulo ad vitæ innocentiam transit.

S. Chrysostomus ausus est quondam dicere de Urbe Antiochia populosissima , idque eo tempore , quo spiritus primævæ Ecclesiæ nondum intepuerat : Quot esse putatis in civitate nostra , qui salvi fiant , infestum quidem est , quod dicturus sum , dicam tamen : Non possunt in tot millibus centum inveniri , qui salventur , quin & de his dubito. Quanta enim in juvenibus malicia , quantus in senibus tepor.

Mirabilis & stupendus casus refertur à S. Vincenzio Ferrer : qui postquam ( ut Deo liberius vacaret ) resignavit sua beneficia , petiit desertum , ibique piò ac sanctè vivens postea obiit. Nocte sequenti suo Episcopo apparuit lumine coruscans , ei que dixit : Reverendissime Domine , age poenitentiam , emenda vitam , alioqui æternâ privaberis gloriâ : & scias velim , quòd heri eodem , quo discessi momento , ante Judicem mecum comparuerunt triginta animarum millia , ex quibus ego & S. Bernardus statim obtinuimus cœlum , tres aliæ venerunt ad purgatorium , reliquæ omnes damnatæ fuerunt ad infernum : Et hoc dicto disparuit.

Horrendum est , quod Franciscanorum historiæ referunt ; Bertholdum virum ejusdem familiæ insignem , in Germania inter verbi divini promulgationem ex cathedra in vitium quoddam ita acriter intonasle , ut mulier quædam eodem vitio detecta , & ab alto dolore

dolore intrinsecùs tacta , in media concione exanimis conciderit , omnibus viso spectaculo , & in genua procumbentibus , mulierem revixisse , & inter alia dictu audituque horribilia retulisse : Unâ secum ad districti Judicis tribunal adducta simul esse sexaginta animarum millia , ex diversis mundi partibus , & ex omnibus iis res tantùm purgatorio adjudicatas , cœteras omnes ad supplicium æternum damnatas.

Omnibus etiam Religiosis illud sit benè impressum : Vidimus multos & audivimus à patribus nostris (quod non sine timore confiteor ) ascendisse primitus quodammodo usque ad cœlos , & inter sydera nidum suum collocasse , postmodum autem cecidisse usque , ad abyssos. Quæ cum considero , contremiscunt omnia ossa mea : Quoniam non securatur homo vivens super terram. S. August. Soliloq. c. 9.

Multi enim sunt vocati ad statum religiosum , sed horresco dicere , pauci electi ! dicam ergo pro majori consolatione nostra : Non omnes electi ; Verè enim non omnes electi ! si enim ex duodecim Apostolis , omnibus à Christo ad Apostolatum vocatis , non omnes erant electi , Judâ videlicet prævariatore ; quis creder , quis sibi imaginabitur , omnes , quotquot ad statum Religiosum vocantur , electos esse ? Si inter duodecim membra sacratissimi illius Collegii , cujus caput ipsemet Christus , putridum unum inventum est , quas reflexiones facere poterimus , super ea religiosa habitacula , in quibus non duodecim tantùm , sed triginta , quadraginta , quinquaginta imò centum quandoque Religiosi cohabitant ?

Audite Bernardum nostrum : Nusquam est securitas fratres , neque in cœlo , neque in paradyso , multò minùs in mundo : In cœlo enim cecidit Angelus in præsentia divinitatis. Adam in paradyso de loco voluptatis ; Judas in mundo de schola Salvatoris.

Hæc

Hæc idcirco dixerim, ne quis sibi de illo blandiatur; quia dicitur: Locus iste Sanctus est: *Quia non locum homines, sed homines locum sanctificant.*

Miserabilem Judæ lapsum considerans D. Hieronymus omnibus terrorem incutit in Psal. 108. *Episcopatum ejus accipiat alter*, ita discurrens: Non solum illo tempore de Juda dictum est, sed usque hodie dicitur, & usque in judicii diem: Si ipse Judas Apostolarum perdidit, custodiant se Sacerdotes & Episcopi: Si Apostolus cecidit; facilius potest Monachus cadere.

Ad cautionem ergo & terrorem aliorum permittit Deus tragicos in quibusdam religiosis casus, ut discamus secundum doctrinam Pauli, cum metu & tremore nostram salutem operari. Quantum enim displiceat Deo in religioso tepor, neglectus regulæ, contemptus observantiæ regularis, patet ex hac historia.


Fuit in quodam Monasterio Frater quidam, qui suâ regulâ neglectâ exorbitavit per modum continui. De suis admonitis excessibus hæc elatis reposuit superciliis: *quod fieri debet, fiet infallibiliter.* Non ero in fine vitæ alius, quàm me Deus, quod sim & qualis sim futurus, prævidit. Sic monasterio valedicens ac omnibus peccatorum sordibus se inquinans orco cessit præda August. lib. de bono perseverant. In ejusmodi alio in loco ait: *Quorum cor si non esset fatuum, non crederet fatum, &c.*

Quantum etiam Deo displiceat, sibi ipsi attribueret donum perseverantiæ, & quàm Deo recedente simus fragiles, expertus est inter alios Monachus ille, de quo Discipulus in serm. de temp. Ser. 107. In similitudine Angelicam, ut ita dicam, duxerat Monachus vitam, nihil in eo desiderari poterat, nisi quod bona à se acta sibi adscriberet, quasi hucusque suâ  
D per-



perseverasset virtute in bono, non revocans ad mentem Christi effatum: *Sine me nihil potestis facere* Jo. an. 15. c. Dæmon ingruente nocte scēminam mentitur, à via per eremum aberrantem. Tam ad motum (multa prætendens, ut intromittatur, motiva) dixit, ut voti sui fuerit facta particeps. Intuetur monachus hospitem, speciosæ, quæ præferebat scēminæ, speciem. Hæc ornatè loquendo, rīdendo, ita inescavit solitarium, ut in turpes abierit ac consenserit amores. Extendit brachia, in amplexus fictæ ruiturus Helenæ. At dæmon se retrahens unâ cum aliis dæmonibus eum irrisit in aëre. Monachus verò in malo, qui longo prius tempore in bono fixerat, luxuriosè vivendo, pedem fixit, de conversione omnem abiiciens spem, quamvis pessimè.

Quid ergo consilii, quid remedii ad hoc, ut non tantum Vocati sed & Electi esse possimus? Dignè nimirum ambulandum vocatione nostra. Quod ipsum innuit Apostolus: *Quapropter fratres magis satagite, ut per bona opera certam vestram vocationem & electionem faciatis.* Coincidit, quod monet D. Angelicus: Prædestinatis conandum est ad benè operandum & orandum, quia per ejusmodi prædestinationis effectus, certitudinaliter impletur. Quod etiam expressè insinuat Mellifluus Bernardus: Ipsa cœlestis regni prædestinatio ita ab omnipotenti Deo præordinata est, ut ad hoc electi ex labore perveniant, quatenus mereantur precibus & meritis obtinere, quòd ipse Omnipotens Deus ante tempus disposuit donare.



*Affec*

*Affectuosa aspirationes ad Deum ut est prædestinator.*

**A**ctum esset de nobis, Christe Redemptor amantissime, nisi tuo interventu & sanguine ab interitu erepti, spem vitæ haberemus. Gratias igitur tibi habeo, quia hæc redemptio tua sufficientissima est ad salvandum omnes, quantum in se est, modo velimus, nostrum flectere arbitrium, & adniti quantum in nobis est, ut cum gratia tua salvi fiamus. Quia tu ore Prophetarum dixisti: *Quid ultra potui facere & non feci? Perditio tua ex te est.* Et ut Augustinus testatum reliquit: *Creare te potui sine te, salvare te non possum sine te.*

Quod sim capax æternæ vitæ, tu dedisti, perforce, quod dedisti, dispone, trans mitte me ad finem illum, quem proposuisti mihi, & ad quem viribus meis pervenire non possum. Potero verò & spero, perveniam per te, qui fecisti me ad te.

Tu scis, quâ mihi eundum sit ad te. Tu nosti finem, tu media. Tu dispone ascensiones in corde meo è valle lacrymarum ad te. Da mihi gradus, da scabellas, per quas ascendam, tene me, ne excidam, duc, ne errem, firma me, ne lubricè præcipiter, ne superbia, morsus diaboli me infelici vertigine deorsum agat in præcipitium superbiorum, in abyssum impiorum, in barathrum æternum, & igneam carcerem damnatorum.

Et cum non simus sufficientes cogitare aliquid à nobis quasi ex nobis, nec ullum possit, quod cogitationem antecedit, principium reperiri, non est à nobis, sed à te salutis nostræ initium. Tu das gratiam, ut gloriam mereamur. Quidquid est in me ordinans me ad salutem, comprehenditur totum sub-

fectu prædestinationis, etiam ipsa præparatio ad gratiam. Præpara me ad gratiam, & per hanc ad gloriam tuam. Da, ut obediam inspirationibus tuis. Quia dum illis non parco, timeo, ne me subtraham à gratia illa, quam mihi præparabas, & per quam me ad gloriam disponebas in mirabili serie prædestinationis tuæ.

Da, ut, quidquid ad prædestinationis felicitatis statum pertinet, nunc statim exequar. Hoc erit signum, quod dilexeris & elegeris me, si docueris me bene semper id eligere, quod tu magis diligis.

Domine! sit cor meum, lingua mea, omnia opera mea calamus manus tuæ velociter in libro tuo scribentis me. Doce cor meum, cogitationes, verba, opera mea, manus meas, quomodo inscribere me etiam illa debeant in libro tuo sancto. O qui non vis mortem peccatoris, sed ut convertatur & vivat, vivam per te in notitia & albo electorum.

Ne me omitte; ne me proscribe, vivam in gratia hinc semper, ibi æternum in gloria; non in morte ignominie ac odii tui. Ne permittas, ut me deleam, vel merear deleri de libro vitæ. Qui enim à gratia tua per mortiferum peccatum deficiunt, delent se, quantum in illis est, de libro gratiæ & gloriæ. Neque in te Deus est illa mutatio, sed in illo, qui liberè consentiens peccato, se delet de libro tuo, & inscribit se inferno. Tu autem scis illum ordinatum ad gloriam, dum est in gratia, si perseveret: non ordinatum, dum excidit, si non redeat. Doleam Domine, ac deleam; quidquid est in me, quod me potest delere de libro viventium, & cum iustis non scribi me facit. Tu juva tua gratia me præveniente, comitante, subsequente, coronante.

Tu convertis nos ad te & convertimur. Ne ergo permittas, ut sim inter vasa iræ tuæ apta in interitum, sed  
inter

inter vasa misericordiæ. Ostende divitias misericordiæ tuæ in me Deus. Dirige, accipe meam libertatem, scilicet fiat illa tibi, & sit mihi salutis, non æternæ perditionis instrumentum.

Non sum sollicitus, an tot simus salvandi, quot Angeli remanserunt, an verò tot, quot rebelles Angeli ceciderunt, & quot Angeli sunt creati. Tibi soli cognitus est numerus electorum, in superna felicitatè locandus. Fac me ita de me sollicitum, ut sim in illo numero beatorum? da, ut ad id consequendum nihil planè omittam.

Da mihi talem hac in re tam perplexa sollicitudinem, quæ tibi maximè placet, ut hanc sollicitudinem non piger, spiritu fervens, tibi serviam Domino prædestinationis meæ, à quò pendeo.

Juvet me, obsecro, ad felicem illam vitam janua cœli & Regina, quæ amabili elogio vocatur Mater Primogeniti, ac Regis prædestinatorum, ac Mater pulchræ dilectionis, & sanctæ spei, tessera prædestinationis nostræ: per quam dedisti nobis JESUM, cujus sanguine spero me inscribendum, libro tuo; per illam te rogo, ut illo sanguine deleas de corde meo, quidquid potest me delere de libro vitæ. Move tuos omnes, qui tecum sunt, & qui mecum sunt, move corda omnium, qui aliquid in hoc possunt, ut me adjuvent.

Adoro in hoc etiam infinitam misericordiam bonitatis tuæ, quòd aliquos è stercore in illam salutem erigas, à qua plurimi deficiunt, secundum communem cursum & inclinationem naturæ in perniciem æternam pronæ. Tremo ad ista ego! ideoque dicam cum cæco: *Deus propitius esto mihi peccatori!* Dicam cum cæco: *Jesu Fili David miserere mei!* Domine ut videam, ut videam te in æternum, ne sim inter cæcos æternum.



Quamvis verò etiam mi Deus! à merito redemptionis me unicum tanquam indignum, super quem effunderetur divinus sanguis tuus, amoveres, & libro salvandorum deleres, tamen amarem te, desiderarem desiderare te, amare te, propter eundem te, prout & nunc scio incertus licet: an amore, an odio dignus sim, & hunc actum meum continuò ac in æternum continuari cupio.

Plùs adhuc ultra dulcissime Amor meus me resolvo & declaro, si voluntatis tuæ esset mihi unico nutu significare me isto temporis momento vivum cum corpore & anima ab inferni faucibus absorbendum, & solum pœnas omnes damnatorum (illis liberatis) æternaliter sustinere debere: ah! horreo quidem & tremo secundùm naturam, tamen ex divinæ gratiæ motu, ad tuæ voluntatis beneplacitum adimplendum statim dicerem: *Dominus es, quod bonum est in oculis tuis, hoc facias.*

## II.

### Pactum cum Deo Viatoris.

*Pactum sempiternum erit eis,  
Ezech. 37.*

**I**Nter alia media ad finem prædestinationis consequendum, est etiam hoc efficacissimum, cum sæpiùs mente ad Deum evolumus. Nam frequenter cogitare de Deo ac ex toto corde amare Deum, est negotium maximum, & pretiosissima omninò occupatio, quâ nihil nobilùs etiam in cœlo agitur.

Christi

Christus ipse Mechtildem (l. 3. c. 2. spir. grat.) docuit, optimum cordis negotium seu occupationem esse, Deum toto corde ferventer amare, & desiderare, atque in meditatione dulciter de ipso cogitare.

Expende tenerrima illa, & tibi quoque (Deutor. 10.) à Deo dicta verba: *Et nunc Israel, quid Dominus Deus petiit à te nisi ut timeas Dominum Deum tuum, & diligas eum ac servias Domino Deo tuo ex toto corde tuo?* Et Eccl. 7. idem nobis inculcat. *In omni virtute tua dilige eum, qui te fecit.* Ubilegunt alii: In omni potentia tua, omni vi, omni tempore, Deus & quod Creator, & quod summum Bonum ac ultimus noster finis sit, amari à nobis debet.

Notum est illud de mellifluo nostro Bernardo sibi sæpius dicente: *Bernarde ad quid venisti?* Idem tibi dic: Ad quid existi de nihilo? ad quid venisti in mundum? ad quid creatus es? ad quid natus? ut otio torpeas? ut cibo, potui, somno, voluptatibus te dedas? Pecori, quod bonum est, quæ natura ejus est? nonnisi complere ventrem, dormire, gestire, tale tu bonum quæris? cohæres Christi quid gaudes, quia socius es pecorum? Duc in altum! ad quid existi de nihilo, & venisti in mundum, ut Dominum Deum tuum laudes continuò, & reverearis, eique servias, tandem salvus fias.

Mente revolve similia Augustini verba: ut amor Dei inte amplius excitetur, & crescat, considera diligenter, à quo, quare, vel ad quid, creatus sit homo. Ad laudandum Deum, ad serviendum ei, ad fruendum eo. Ipse Christus hoc incitamento usus est dicens S. Brigittæ l. 1. c. 1. *dilige me, ego creavi te: S. Chrysost. homo ideo factus est, ut Deo placeat.*

Beata Catharina Genuen. dicebat: *Ego sum creata ad amandum Deum, & eum oblectandum.* Ea-

dem sapius exclamabat ! ô DEus ! ô amor ! ô De-  
mine mi ! cessa , cessa tantopere amare. Amor , quo  
hanc creaturam amplecteris , nimis est , & ille , quo te  
creaturæ diligunt , nimis exiguus.

Audiamus Angelicam S. M. Magdalenzæ de Paz-  
zis vocem , sic in æstu suavissimo exclamantis. Oani-  
mæ creatæ ad amorem , quare non amatis Amorem ?  
Quid est Amor nisi DEus ? ecquid est , quod nobi-  
lissimâ hâc occupatione ferè neglectâ , nos amore re-  
rum amore nostro indignarum destinemus ? Miratur  
etiam S. Philippus Neri cum quærit : *Potesne fe-  
ri , ut homo , qui Deum credit , possit aliud præter  
Deum amare ?*

Nec immeritò B. Petrus Card. Damiani Judi-  
tham Virginem ab hoc laudat : *Judith igne divini  
æstuabat amoris* , in populosa urbe artifex , amor so-  
litudinem reperit. Et Agneti Imperatrici scribebat  
idem : *Mens humana intra silentium in amore DEI  
per ardorem spiritûs inflammatur.*

Considera , quòd aliquando DEus dixerit Philippo  
Nerio in Metropoli orbis habitanti : *Philippe in ur-  
be Roma tanquam in deserto vivendum est.* Id enim  
clarè docere erat , posse ubivis locorum haberi illam  
cordis solitudinem , ita , ut nec impedire eam possint  
occupationes ex charitate susceptæ , neque conversa-  
tio hominum , quam status cujusque exigit & cui se hic  
sanctus ex instituto Ordinis sui impendebat.

Ut ergo inter mundanas varietates per amorem  
Dei , ibi nostra fixa sint corda , ubi est finis noster ,  
ac nihil sit in nobis vanum , nihil casu ac temerè fa-  
ctum , sed quidquid est , sit actus humanus & super-  
naturalis , ac â nobis tendat ad Deum tali obsequio  
dignum , anima cum Deo inire fœdus societatis non  
trepidet.

Deus

Deus dignatus est olim pactum inire cum homine, ac etiam ipsi mali sæpius pangunt fœdus cum inferno juxta illud Isaïæ : *Cum inferno fecimus pactum*, quidni etiam nos cum cœlo & Deo illud ineamus ? Fiat hoc pactum coram Beatissima Virgine, Seraphinis, & omni amantium Deum choro, per quos petamus gratiam, ut sicut pauper illa vidua dando duo minuta plùs omnitus dedit, quia desiderabat dare, quidquid divites dabant, & plùs, ita nos modicum id, quod facimus, offeramus cum desiderio facienda, quidquid gratissimum Deo esse potest.

Non tantùm verò generatim omnia, sed exemplo S. Gertrudis minutim singula, ut consecrentur, Deo consecres & offeras, videlicet voces singulas, quas lecturus, characteres, quos scripturus, bolos, quos confecturus, verba, quæ prolaturus, gressus, quos facturus, anhelitus omnes, quos dormiens, vigilans, ducturus es. Hoc non tantùm est Dei gratiam habere, sed cum gratia perpetuò operari.

### *Pactum Dominicæ.*

**U**Nde mihi, ut præsumam loqui ad Dominum meum, cum sim pulvis & cinis, inò verò execrabilis & abominabilis peccator ? ignore Domine, & fac mecum misericordiam tuam, ac simul dignare pactum amoris mei admittere, quo paciscor tecum.

Quoties hâc die, horâ, & quovis momento vitæ meæ dixero : Benedictus Deus ! vel Laus tibi Domine ! ille actus sit interpres cordis & amoris mei, quo vellem tibi inclinare cœlum, terram, cum omnibus abyssis, ô TRINITAS sancta, TRINITAS supermirabilis, & superinenarrabilis, & superinaccessibilis, superincomprehensibilis, & superintelligibilis,



bilis, exsuperans omnem sensum, omnem rationem, omnem intellectum ac intelligentiam, omnem essentiam super cœlestium animorum.

Toties volo omnia, quæ debentur tibi Deo nostro à creatura omni perfectione ac intensione, item quæ tibi unquam exhibita vel exhibenda sunt, & quæ à te ipso sunt, te comprehensivè cognoscente.

Toties omnibus cogitatis, dictis, ac factis meis hoc nomen tuum Deus! seraphico quopiam compendio complecti vellem, ac in hoc nomine Deus collectas omnes infinitæ æternitatis laudes offerre.

Sæpe sæpius corde procidam ante te, aut dicet tibi lingua mea: Domine ergo servus tuus! vel Dominus meus & Deus meus.

Toties agnosco te Deus meus principium meum, propterea toto animo & corpore te prostratus adoro, in centrum nihili mei, ac infra omnes me demitto, & Majestati tuæ in persona cœlestium, terrestrium & infernorum inclino, omnes omnium creaturarum affectus assumo, iisque te colo, veneror, adoro, hancque adorationem in æternum continuare cupio.

Toties corde protestor, quod si plures animas haberem, plures vitas, plura corda adeoque infinita, ea omnia tibi in holocaustum lubens darem; & si ego pluries essem ego, adeoque innumerabiliter, quoties essem ego, toties pro te vellem esse.

Quoties signum Missæ vel elevationis Sanctissimæ Hostiæ percepero: tunc volo ac desidero conglobare ac congregare omnia omnium sacrificia, cultumque tui, & omnes sacrificantium affectus & celebrationum usque ad diem judicii, etiam à sacerdotibus novi orbis.

Toties

Toties compensare cupio omnes superstitiones & adorationes substractas tibi Deo uni & vero , impen-  
sas lapidi & falsis numinibus. Hoc eodem actu te  
mi Deus præfero , & exalto appetitativè super omnia,  
ac demum me scabellum pedum tuorum ac totum mun-  
dum tuis pedibus profundè subjicio.

Toties omnes pios affectus , quos unquam Jesus  
& Maria, singuliq̃ue electi tui elicuerunt , eliciunt , &  
in æternitate elicient , tibi offero , quos universos  
approbo , renovo , gaudeo , pro illis gratias ago , &  
tanquam meostibi præsentio , & in æternum continuo.

Quoties pectus percussit : aut dixero : Peccavi  
Domino ! vel : pœnitet me peccasse ! Omne tunc  
odium , detestationem , dolorem , omnes intensissimos  
compunctionis , contritionis , affectus assumo ,  
quos unquam verè pœnitentes , & sua vel aliena pec-  
cata deflentes elicuerunt , imò exhibitis etiam omni-  
um actibus amoris aliisque possibilibus , volo cum  
oblatione satisfactionis Christi , & ejus actuum infi-  
niti valoris , implere momenta actionum peccami-  
nosarum.

Toties doleo , quòd peccatores , præsciti , conde-  
mnati , & reprobi omnes te non diligunt , ô si exilis a-  
mor meus & minutus suppleret amorem , odia & defe-  
ctus illorum ! ô si irritare , annullare , possem omne ma-  
lum ab omni creatura commissum !

Toties doleo dolore Sanctorum & ipsius Beatif-  
simæ indolentis ad offensas Dei , & hoc parum est , do-  
leo dolore tuo Theandrico.

Quidquid cogitatione agitavero , quidquid de te  
dixero , audiero , legero : toties desidero suspirare  
ad te , atque totis medullis cordium amare te , ama-  
re te cordibus omnium hominum & Angelorum ,  
mille obsequiis servire tibi , mille millenis laudi-  
bus delectare te , omnes guttas sanguinis mei mu-  
tare

tare in corda , & immolare eadem tibi Deo meo igne amoris tui , ac demum omnes actus sanctissimos cujusvis creaturæ intellectualis , & possibilis , ad gustum tuum concentrare in cor meum.

Toties opto clamare die noctuque : Benedictus Deus ! Te decet laus , te decet hymnus , tibi benedictio & claritas , honor, virtus & fortitudo Deo nostro, in cœlo , Eucharistia , ac ubique præsentem in sæcula sæculorum.

Non verò corde solo , non linguâ solâ te amo mi Deus , & ad te feror , sed omni gestu , omni passu , omni actu animæ meæ , omni motu corporis mei, omnia mea in holocaustum offero tibi , Tua hæc est anima , tuum corpus. Tuum hoc est caput meum , ut cogitem de te , oculi , ut non videant nisi quod delectet te , aures , manus , pedes , & reliqua omnia , ut suis muniis non alia de causa fungantur , nisi propter te. Tibi serviat omnis creatura tua , omnis cogitatio mea , omnia membra ac momenta mea.

Quia verò vitæ meæ necessitates & occupationes me non sinunt , huic semel expressæ intentioni actualiter semper intentum esse , idcirco cupio & declaro hanc meam oblationem toties pro renovata & actuali valere debere , quoties oculis in cœlum aspexero , aut suspiravero : dicens : Renovo omnia : vel ô amor : ô Deus meus ! vel quid simile : protestando expressè contra omnes diabolicas tentationes, suggestiones, fraudes : & contra omnes distractiones, obliviones, cogitata, dicta, vel facta huic meæ intentioni & pacto contraria:

Quæ omnia mea & totius mundi opera licet abjecta & inutilia sanguine JESU aspergo , meritis Beatissimæ Virginis & omnium Electorum unio , in corde JESU depono , ac per manus ipsius tibi DEO meo vivo & vero dono , offero , consecro ad purissimum gustum

gustum tuum , ad nullum præmium meum , eo solo respectu , quia dignus es coli , laudari , amari , ac ideò quia Deus meus es !

*Pactum feriæ secundæ.*

**O** Corde toto , mente totâ , viribus totis , totâ animâ & fortitudine spiritûs corporisque amabilis , & amans bonitas amantissimi Dei mei ! nunquam cor ullum exhauriet te amando ! nunquam tantùm amabit , quantùm es amabilis , quantùm amas , & quantùm bonus es !

Ab æterno mi Deus fuisti ! & ego te necdum amabam ! sed amabas te ! gaudeo , nunc saltem effice , ut in æternum amem te tecum , qui ab æterno amasti te sine me , & me tecum. Utinam ab æterno incepissem amare , adorare , delectare te ! Utinam nunc suppleam ea tempora omnia , quibus non amavi te , utinam , quamdiu fuero , amem te.

In manibus tuis tempora mea , ô Deus æternitas ! serviant tibi , ament te , ancillæ horæ meæ ac ultimæ potissimum ! Da mi Deus , ut nihil perdam temporis mei , sed illud impendam tibi , ac redimam horas meas , & momenta temporis infelicitis , quo te offendi.

O alpha & omega temporum , ærerum mearum omnium. Dies meus totus est quoddam alphabetum viginti quatuor horis , velut litteris totidem constans , è quibus variè compositis universum æternitatis meæ volumen colligitur : Fac tibi ex his horis , velut litteris laudem tuam , orationem talem quotidie , qualis tibi maximè placet super omnia Deus meus ! ut singulæ meæ horæ sint ad te , sint laudes tuæ ,

Utinam



Utinam in uno corde cordibus infinitis , per momenta singula infinitis sæculis in uno actu bono infinitis bonis actibus possim amare te, Deus meus ! ô si per possibile , impossibile liceret mihi hodie per æternum continuandam , Theandricam te dignam , statuerem , gratitudinem & amorem tibi ! O si majestuofo tuo honori impendere quovis suspirio & respiro possem , quidquid supernæ meutes & electi tui impenderunt , impendent posthac & si superare liceret , in id pia æmulatione intenderem.

Utinam mi Domine ! quotiescunq̃ue hoc tuum nomen Deus ! mente , voce , calamo expressero , illa ipsius memoria sit humillima , & cordialissima gratulatio , quod sis Deus ! sit detestatio peccatorum meorum & totius mundi , quibus injuria irrogata est à nobis tibi Deus ! sit effusio cordis mei , quia amo te toto me , toto te !

Sit immanens desiderium meum , quo vellem omnium idololatrarum , atheorum , politicorum disfidantium , & omnium te verbis vel factis negantium , & vacuum quoddam Dei nomen in ore gerentium malitiam fide mea , spe mea , charitate mea , æterna & exaggeratissimâ reverentiâ resarcire ! imò in p̃ersona omnium dæmonum ac damnatorum & omnium irrationalium creaturarum , procidere ante te , in omnibus locis adorare te , ita , ut omne genu flectatur , dum flectitur meum.

Et quia particeps ego sum omnium timentium te , ideo quoties etiam orantes alios videro , aut Religiosos intentos tuis laudibus canentes & psallentes audiero , toties verto me ad quatuor mundi climata & clamo amorefo affectu : Regna terræ cantate

Deo,

Deo, psallite Domino ! Benedicamus Patrem & Filium cum S. Spiritu , laudemus & superexaltemus eum in sæcula : Laudent illum gloriosum cœli , & terra , & omnis creatura, quæ in cœlo est, super terram, mare & quæ in eo sunt , & laudent , & superexaltent eum in sæcula.

Quoties horologii sonitus vel arteriæ meæ pulsus animadversus à me fuerit, toties, quidquid in toto orbe boni actum est, approbo & renovo : toties majori quàm unquam fervore spiritûs milliesque & millies majori ac majori proportionem illius ad purum gustum tuum , ad nullum præmium meum vellem mi Deus ! te omni amore dignissimum amare mille millibus cordium , millibus cogitationum , suspiriorum , desideriorum , amore tuo , & igne ferventissimorum Seraphinorum.


Deus meus per omne, quidquid in JESU, MARIA , in omnibus electis tuis , & in te ipso agas , offero tibi singula momenta vitæ ac mortis meæ , cum omnibus , quæ agam ullo sensu interno vel externo , ad summam super omnia gloriam tuam.

Eadem singula mea , & si tibi placet DEUS meus ! omnium creaturarum opera tibi sacrifico , & illa conjungo cum omnibus meritis Christi ,

Beatissimæ , & Ecclesiæ triumphantis ,

aspergo illa Sanguine

J E S U.



*Pactum ferie tertiæ,*

**O** Amabilissime Deus ! tu es Dominus meus , & ego subditus tuus , quid jam imperas Domine ? aliud nihil quàm amorem. O quale regnum Dei mei ! in quo regit bonitas , in quo lex amor est , & amare tributum est , quàm bonus es mi Domine ! cujus imperium amor est.

O amantium Rex ! tantine est amor meus , ut nisi amem , oderis me , & morte afficias me , eaquæ æternâ ? ita scilicet sum carus , ut tantis minis ad amorem me tui , id est , ad felicitatem meam compellas. Quid possum aliud mi Deus , quàm amare te , non quia minaris , sed quia ex amore minaris ?

Quæ verò est impudentia mea , si hoc unum cor , quod habeo , & id miserum , non totum amoris tuo impendam ? non consecrem ? nunquid dignus sum tot infernis , quot in cœlo stellæ micant , si non totum cor meum , vitam & animam meam tibi dedicem ?

Beati in cœlo te DEUS meus videntes , potius paterentur inferni flammæ , & omnes possibiles aëros cruciatus , quàm cessarent vel momento à te amando.

Ac proinde mi Domine , sive salvandus , sive damnandus sim , omni possibili modo te etiam ex nunc volo colere , amare , delectare. Nam si ex misericordia tua , quod spero , salvabis me , possumne tam bonum non amare ? sin ob peccata mea , adeoque justè damnabor , saltem nunc amabo te amore dignissimum. Amo te non tantùm , quia bonis tuis me cumulas , sed etiam si his retractis omnibus malis nunc & in æternum me subjiceres , te amarem , quia te amo non tam ob id , quod ego sum ex munere tuo , quàm ob id , quod tu es ex natura tua.

Quo-

Quoties igitur Vivens dixero : Paciscor, vel: Benedicam Dominum in omni tempore, aut quid simile, tunc omnia excogitabilia, & possibilia amoris, honoris, laudis, glorificationis, ac servitutis obsequia præstare, non attentâ etiam futurâ meâ damnatione, in æternum volo ac constituo. Eo etiam pacto, ut me postea ad inferorum supplicia relegatum, præserve ab illo exitiali dæmonibus ac damnatis infixo tui odio, blasphemis, ac maledictionibus rabiosis ac desperatis.

Hanc enim gratiam corde, & corpore prostratus peto à te mi Domine! ut sicut ab omnium beatorum cætu judiciorum tuorum rectitudo infinitis laudibus celebratur in cælis, ita si ego (stante tali & quidem æternum de me duratura dispositione) in profundissima illa voragine constitutus fuero, incessabili laudis, & benedictionis præconio valeam correspondere (etiam frendentibus contra me diabolorum, & damnatorum catervis) ita, ut unus & solus ego in medio illius maledictæ cohortis, approbem, adorem, & laudem fines ac motiva rectissimorum judiciorum tuorum, quibus me & omnes infernum meritos damnaſti, ac solus ego tot tibi benedictiones rependam, quot in te à cæteris maledictiones evomuntur.

Tu ſcis Domine desiderium meum, quia amo te, amo in vita, in morte, in æternitate. Ad unicum honorem, laudem, gloriam & gustum divinissimi cordis tui dono, & offero tibi animam meam, cor meum, & corpus meum, cum universis potentiis, membris, ac sensibus internis atque externis? videlicet intellectu, memoriâ, voluntate, visu, gustu, auditu, odoratu, & tactu: cum carne, ossibus, vita, sanguine, venis, arteriis, respirationibus, atque gemitibus.



Omnes insuper cogitationes, verba, opera, gressus, gestus, motus, & singulos oculorum ictus, & nutus: denique omnes animæ & corporis functiones, usum, motus, & operationes in vigilia, & somno, bonas & indifferentes; omniaque temporis mei momenta: mortem meam, æternitatem meam, ac totum meum esse in natura, & gratia in obsequium servitutis, laudis, glorificationis, amoris, acheneplaciti tui tibi dedico.

Et hæc omnia, quæcunque per gratiam tuam sum dicturus, cogitaturus, & factururus, agere volo eodem affectu, spiritu, & intentione, quibus Christus filius tuus operabatur in terris, ita, ut tibi omni actu, respiro, ac supirio, omnem laudem, cultum, honorem, & gloriam tribuam, quam tibi suis ille actionibus theandricis exhibuit.

### *Pactum feria quarta.*

**Q**uid petis à me Deus meus? audio suavissimam tuam vocem: Præbe fili mi cor tuum mihi: Ecce habes! tibi sponte & hilariter dono, quidquid mihi dedisti, cor, animam, vitam, sanguinem, intellectum, & voluntatem meam.

Nolo cor meum nisi tuum, nolo amare nisi te, nolo vivere nisi in te & propter te, nolo sapere nisi te, nolo velle nisi te. Jam tuus sum, non sum meus.

Quia verò mi DEUS vivo ego, quasi non ego, sed tu vivis in me; utinam mi Domine, qui es omnia in omnibus, per quamcunque hypothesim in me fungeris vice cordis, mentis, animæ, virium, fortitudinis meæ, quam benè ex toto corde, mente, anima, viribus, fortitudine amarem te!

Omnia

Omnia opera nostra operatus es in nobis Domine : ( Isai. 26. ) Tibi ergo sit unice , tibi gloria ex me , non mihi. Tu ergo tui amorem in me operare. Tu te in me ama , & hoc sit exaggeratissimum solatium meum ! nam licet ego te amare non possim , quantum mereris , tu certe id potes , & vis , & facis semper , semper es in me , & in me existens , non minus amaste , quam existens in empyreo illo gloriæ tuæ throno.

Ament etiam & loquantur tibi oculi mei : quoties illis toto vitæ meæ tempore cælum aspexero , toties desidero tibi offerre omnia illa cordium sanctorum desideria , quibus accendebantur sancti , cum cælum aspicerent : toties offerre tibi desidero totum illum amorem , quo amaris in cælo à te ipso , à MARIA , & ab omnibus electis tuis , & desidero illis adjungi , ut amem : toties eo dilectionis ardore omne bonum volo tibi , quo filius tuus suo divino humanoque vult de tuo bono , gaudio ipsius gaudeo.

Amet te , & benedicat tibi lingua mea ; quoties illam movebo , toties vellem omnia membra mea convertere in corda , & linguas ardentissimorum Seraphinorum , ut ament & laudent te : toties desidero loqui linguis omnium gentium , imò omnes guttas , arenas , atomos , in choros & cælos te laudantium convertere omnium Sanctorum , possibili affectu ac brachiis amoris te constringere , huncque amorem & adorationem in æternum continuare.

Amet te cor meum , & amore tui ardeat , quia dignus es , ac simul dolore , quia offendi te , disrumptur. O si in hoc actu amoris simul & doloris non immorer tantum , sed etiam immoriar ! O si hoc instanti cor istud perfidum obrueret pudor , disrumperet dolor. Doleo millies , doleo infinities ,

quia ex toto corde diligo te o amantissime DEus !  
Ah ! utinam optime DEus offense à me ? utinam  
quidquid temporis , quidquid operæ , quidquid cor-  
dis impendi amandis aliis rebus , tibi unice impenderem.

Ament te omnes cogitationes meæ , & quoties il-  
las ad te direxero , toties mi DEus mente procido  
ante te ! pronus ac supplex adoro te factorem me-  
um , ego figmentum tuum , toties opto corde Jesu  
filii tui te laudare , per quem majestatem tuam lau-  
dant Angeli , cum quibus laudo , & adoro cum  
Dominationibus , tremo cum Potestatibus , concelebro  
cum Virtutibus , amo cum Seraphiis.

Ament te omnes respiraciones meæ , sed ultima  
potissimum , dum expirabo , sit holocaustum amoris  
tuo & honori , sit gratulatio , sit amor , sit compen-  
dium omnium bonorum actuum , qui unquam ab ullo  
vivente facti sunt , vel fient. Nunc offero , & millies ac  
millies oblatas volo meas omnes respiraciones usque ad  
ultimam , ad summam gloriam tuam.

Insuper quidquid dixero , quidquid cogitavero ,  
& fecero , totum opto ut tuum , ut & ad majorem tui  
gloriam , cum omni pura & simplici ac deiformi in-  
tentione , quam unquam habuit Beatissima Virgo ,  
& omnes sancti , & ipse Sanctus Sanctorum Redem-  
ptor noster Jesus Christus.

Desidero omnibus actibus ac operibus meis , actio-  
nis mundi addere numerum & pretium infinitum ac  
fines omnes , qui unquam in divina tua mente sunt  
optimi , ac augere numerum singulorum bonorum  
operum & intentionum bonarum quovis momento in-  
finito , quibus à me vel ab ulla creatura honora-  
ris. Imò opto singula , quæ facio , ad supremum  
tibi placendi , seu intentionis eminentissimæ apicem  
elevare.

*Psalmum*

*Pactum ferie quintæ.*

**O**bfecro Domine, si inveni gratiam in oculistuis, liceat mihi pauca quærere. O bonitas! quid est, quòd me ames, & sic ames, cùm odisse me deberent omnes creaturæ? quid est, quòd amari cupis à me, inter amatores tuos me feligens, qui indignus sum, qui sim inter dæmones servus eorum factus?

Imò verò præcipis bone DEus! ut te amem, & nisi faciam, minaris, an opus est his vinculis, ut ad tui amorem obstringar? an careo corde, quo te infinitum bonum amem? jam si amor amore compensari debet, quis amor amorì divino par esse potest?

Ab æterno amasti me, cùm necdum essem, aut redamare possem, mundum creasti, & conservas etiamnum mei causâ. Angelis mandasti, ut me custodiant, merces mea magna voluisti nimis, peccantem ad pœnitentiam & gratiam revocas, sed illud amabilius, quòd volueris DEus Homo fieri, tam dira pati, ac denique in cruce mori pro me, insuper vicinus mortì corpus & sanguinem tuum in Sacramento reliquisti, pignus tui amoris admirabile.

O JEsu plusquam amabilis! post tantum amorem non amabo te? aut non amabo te intensius, quàm aliqua tuarum creturarum? imò in testificationem amoris mei, vellem omnes excedere te amando. Vellem omnibus actibus simul sumptis totâ æternitate elicitis, ac eliciendis aut uno aliquo illis omnibus, præstantiore eoquæ in infinitum multiplicato, & aucto te DEum meum colere, amare, & exhilarare.

Sit tibi satis DEus meus! amo te toto me, toto te! amo te millies omnibus momentis vitæ meæ, plus quàm me, plus quàm satietatem animæ meæ,



plùs quàm ipsam beatitudinem meam , in hoc morior , amo te !

Et quia magis ac magis opto amare te , hoc cum anima mea pactum in eo , quotiescunq̃ dixerò , amo te , paciscor , peto à te , laudo te , rogo , ut intelligas omne id , quod hactenus dixi , & quod ulla creatura & omnes in cœlo , in terra simul sumptæ tibi gratum egerunt , agentq̃ue tanquam denuò repetitum & millies approbatum.

Obsecro , ut intelligas , quia eo momento , quo ad te suspiravero , intendo tibi Domine omnes laudes dare , & offerre , quæ dantur , & dari possunt , quovis modo , libris , voce , silentio , admiratione , amore , obedientiâ , opere , qualq̃ue tu ò Sanctissima Trinitas unus Deus tibi das in æternum & ultra.

Opto tunc omnes actus meritorios , & quicunq̃ue tibi Deo meo grati fuerint , & erunt in Christo , in Virgine Beata , in Sacrificiis , Martyriis , conversionibus animarum , mortificationibus , eleemosynis , actibus heroicis , approbare , ratificare , offerre , cuivis actioni includere , replicare in momentis & atomis rerum.

Quoties signum Missæ vel elevationis Sanctissimæ hostiæ percepero , toties in persona omnium hominum , quicunque fuerunt , sunt , & erunt , volo mi DEUS procidere ante te , agere tibi gratias pro institutione hujus Sanctissimi Sacramenti. Ubi vera fide credo , & profiteor te esse vivum Deum , & hominem sub speciebus panis & vini , per verba tua consecrati-  
va , ore Sacerdotis , habentis intensionem agendi , quod tu egisti , prolata. Credo & profiteor , quòd sit vera realis transubstantiatio panis in carnem tuam divinam , vini in sanguinem , remanentibus solummodò accidentibus panis & vini per tuam omnipotentiam.

Toties

Toties ago tibi gratias pro abyssali , ac imperceptibili bonitate tua, quâ hoc Sacramentum tuum instituisti , ut in hac lacrymarum valle existentem , divinitatis tuæ quodammodo faceres participem. Gratiâs tibi pro stupenda , in æternitate revelanda , patientia tuâ , quâ tam execranda toleras à Paganis, idolâtris , hæreticis , ac malis catholicis.

Ac insuper benedico te pro magnificentissima invisibili quidem oculis nostris , certissima tamen assistentia , quam præstant tibi in Eucharistico Sacramento beatorum Spirituum Ordines.

Eadem verò singula mea , & si tibi placet DEUS meus, omniū creaturarum tibi opera sacrifico , & illa conjungo cum omnibus omninò veteris legis & novæ sacrificiis cruentis & incruentis , cuperemque omnibus , quæ facta sunt, vel fieri possunt , missæ sacrificiis interesse , omni omnium sacrificantium , eisque assistentium , adeoque ipsius JESU & MARIÆ pietate.

Utinam etiam singulis momentis possem JESUM in Eucharistiæ Sacramento percipere cum illo apparatu , quo illum ulla unquam anima , vel re ipsa, vel etiam desiderio accepit unquam ! ac te DEUS ipso corde JESU amare infinitis modis in infinitum.

### *Pactum ferie sextæ.*

**O** DEUS! si me ad thronum illum gloriæ tuæ vel semel evocares ad te , ad unam quasi horam , quomodo istic ego , quâ reverentia me prosternerem , te adorarem , te amarem , veniam peterem. Ecce nunc idem es in me intimè , qui istic es , nec esse minor potes , da ergo , ut ita , uti tunc facerem apud te , hic adorem , amem , deprecem te , dum es apud me , in me.

Quia verò mi DEUS tu idem es semper, ego verò tædio, aliis cogitationibus, ex alio in aliud eo ambulatoriâ inconstantia voluntatis, adeoque non sum semper is, qui sum nunc, nec semper ita expeditus, ut de te cogitem, & excogitem actus, qui tibi placent exquisitæ ac profundæ humilitatis, contritionis, gratulationis, amoris, intentionis, quâ vitam totam, ultimum vitæ punctum, & ipsam æternitatem meam offeram tuæ divinitatis amori & honori æterno, illo modo, qui tibi maximè placet, nunc petita à te suppliciter veniâ, hoc tibi Domine de me certum esse velim.

Quoties respiratione aut motu cordis ad te suspiravero, vel hoc nomen tuum Deus pronuntiavero, ille actus sit interpres cordis mei, quo vellem, ut nomen tuum pronunciatum sit instar voluminis, vel bibliothecæ infinitæ continentis omnes actus placentes tibi, significetque desiderium meum, omnibus illis actibus, qui unquam fuerunt vel erunt tibi grati te amandi, laudandi, adorandi, gratulandi, pro te patiendi!

Quoties mi Redemptor amantissime! tuam imaginem aut crucem aspexero, toties supplex corde & spiritu procido ante te, pro me incarnatum, in horto orantem, ac sanguinem sudantem, positum in agone, ab Angelo confortatum, osculo Judæ proditoris traditum, comprehensum, vinctum, per tot tribunalia tractum, tota nocte incarcerationum, productum ad Pontifices, ferreâ militis manu colaphizatum, reum mortis condemnatum.

Procido ante te crudelissimè flagellatum, dolorosissimâ spineâ coronâ redimitum, innocentem sceleratissimo Barrabæ postpositum, ad infame supplicium damnatum, extra portam Calvarie locum crucis onustum protractum, vestimentis nudatum, attri-

nis clavis cruci affixum , felle & aceto potatum , tot blasphemis illusum , pro crucifixoribus exorantem , capite inclinato expirantem , ex aperto pectore aquam & sanguinem profundentem , ac demum de cruce depositum , novo sepulchro illatum.

Quotiescunque signum Sanctissime Crucis fronti , ori , cordi impressero , toties gratias tibi ago dulcis Jesu , quia cum potuisses propè infinities modo longè faciliori genus humanum salvare , tamen elegisti usque adeò difficilem , plenum doloris & ignominiarum , usque ad ultimam guttam sanguinis pretiosi in ara Crucis effusi.

Gratias tibi Domine , quia ab æterno ita dilexisti me (dum illo momento æternali , & decreto ab æterno facto resolvisti te , ut assumptâ naturâ humanâ in personam Verbi , hominem , DEus factus homo à peccatis redimeres , mortis chyrographum deleres) ut si totum genus humanum esset immune à peccato , nec ulla egeret redemptione , & solus ego ac unicus prævaricator essem , tu pro me solo , vitam & sanguinem æterno Patri exposuisses.

Quoties mediator efficacissime , de tua passione , sanguine , morte , dixero , audiero , aut cogitavero vel scripsero , toties in persona omnium Ethnicorum de te nescientium , aut scire nolentium , in persona omnium in peccato mortali existentium , ac demum omnium Schismaticorum , Hæreticorum , Persarum , Japoniorum , Turcarum , Sinenfium , & quicunque infideles sunt & erunt ad orientem & meridiem , ad occidentem & septentrionem , ac demum nomine cœlestium , terrestrium , & infernorum adoro , veneror & exalto te ab his omnibus adorari , & exaltari cupio , dignus enim es Domine , ut à toto mundo adoreris , & amaris in æternum.

E s.

Quoties



Quoties mi DEUS ! tua recolenda beneficia , cor meum intra me incaluerit , aut ad te suspiraverit : aut lingua dixerit : ô mi DEUS ! ô amor ! quid retribuam tibi pro omnibus , quæ tu tribuisti mihi ? toties cupio millies millesies in mille dividi partes , & tot millenis cordibus te amare : toties opto omnibus omnium , quæ à te creari possunt , cordium viribus & amoribus , ad te ferri.

Imò toties libentissimè cor meum totum transcribo , cedo , dono , ut jam non sit meum , sed tuum cor ; ut jam nihil sui , aut mei amoris habeat , sed tantum tui ; imò , ut jam non tam ego te amem , quàm tu ipse te corde meo ames , jam non meo. O ama , ama te illo ardentissimè Creator meus , & omne bonum meum , ama te , quia dignus es , utere illo ad omne arbitrium tuum , posthabito omni arbitrio meo , quod in tuum transfero , & cujus tibi clavem , jusque omne permitto , resigno , trado.

Hæc omnia & singula tibi mi DEUS offero in uni-one perfectissima , & inseparabili omnium sanctissimarum cogitationum , verborum , operum , actionum , virtutum , laborum , dolorum , passionis , mortis & effusi pretiosissimi sanguinis de vivifico & amabilissimo latere & corpore tuo.

### *Pactum Sabbati.*

**H**æc est voluntas tua , tuo Bernardo dicente ac revelante Deus , qui nos totum voluisti habere per Mariam , ut illam totis medullis cordium , totis præcordiorum affectibus veneremur. Fiat voluntas tua mi Deus ! da , quod jubes , da , ut illam tuo exemplo amem , qui illam ad eò honorasti , da , ut illam plus amem ,

amem, quàm illam oderint omnes diaboli, & omnes hæretici, omnesque inimici tui.

Indignus quidem sum Virgo Beatissima ego peccator homuncio, ut labiis pollutis loquar de te, & colam te. Fac me tamen, obsecro, saltem unum de mancipiis tuis. Summa felicitatis meæ hæc est, esse aliquid tui. En habe me corde & corpore prostratum tuis pedibus! calca hunc aspidem, quia tibi dictum est: Super aspidem & Basiliscum ambulabis. De me scriptum accipio: Ipsa conteret caput tuum.

In signum ergo perpetuæ servitutis meæ & amoris mei, liceat mihi nunc vobiscum ô JESU, ô MARIA, perpetuum inire pactum.

Quoties de tua MATRE loquendo, scribendo dixero, Domine gratias ago, toties pro omnibus donis naturæ, gratiæ, gloriæ, Virgini Beatissimæ concessis laudo & benedico te, quam immaculatè concipi atque nasci, licet generis nostri filiam, omnipotenti imperio tuo jussisti ac voluisti.

Gratias tibi SS. Trinitas pro decreto redemptionis humanæ à te factæ, idque per incarnationem Verbi æterni. Pro eo, quod Deus Verbum suscepturus hominem non horruerit Virginis uterum, sed cum novem mensibus, diebus ducentis septuaginta sex eundem inhabitare dignatus sit, similis per omnia nobis factus est.

Gratias liberalitati tuæ mi DEUS! pro omni donorum thesauro, quem in Sanctissimam, purissimam, ac pretiosissimam Matrem tuam effudisti, præcipuè pro amore illo, quo eandem amas, pro omni dignitate in cælo & in terra, & quidquid miraculorum, imaginum, librorum est, quidquid illius honori fiet, vel factum est unquam, ac pro beneficiis

ciis orbi universo per MARIAM concessis ac destinatis.

Quoties de te Virgo Beatissima dixero, aut imaginem tuam aspexero, aut alios loquentes de te audiero, toties credo ô veritatis Mater Maria, quidquid de virtutibus, gloria, beneficiis tuis revelatum unquam, aut credibiliter assertum fuit. Speciatim verò credo te DEO magis placere, atque apud eundem precibus tuis plus posse, quàm omnium electorum simul tam Angelorum quàm hominum. Credo te solis tuis precibus in cœlo pro animabus purgatorii fufis à purgatorio eas liberare, & pœnas illarum mitigare. Credo dolorem tuum in passione Filii omnium Martyrum tormentis intensiorem fuisse. Credo te cum glorioso corpore in cœlos assumptam Filio tuo proximam exorare, quidquid oras.

Quoties te salutavero & dixero: Ave gratia plena. Rogo clementissima, purissima, ut intelligas ac si dicerem.

Ave ancilla Trinitatis humillima.

Ave Maria prælecta Dei Patris Filia sublimissima.

Ave Maria Sponsa Spiritûs S. amabilissima.

Ave Maria Mater Domini nostri JESU Christi dignissima.

Ave Maria sponsa Sanctissimi Joseph castissima.

Ave Maria Soror Angelorum pulcherrima.

Ave Maria promissa Prophetarum desideratissima.

Ave Maria Regina Patriarcharum gloriosissima.

Ave Maria Magistra Apostolorum veracissima.

Ave Maria Doctrina Apostolorum sapientissima.

Ave Maria confortatrix Martyrum validissima.

Ave Maria fons & plenitudo Confessorum suavissima.

Ave Maria honor & festivitas Virginum jucundissima.

Ave

Ave Maria consolatrix vivorum & mortuorum,  
promptissima.

Ave candidissimum lilium, fulgidæ semperque  
tranquillæ Trinitatis, rosæque præfulgida cœlicæ am-  
nitatis, de qua nasci, & cujus lacte pasci Rex cœlo-  
rum voluit.

Cupio te revereri omni eâ reverentiâ, cujus es  
capax, quâ te in terris honoravit Filius tuus obedi-  
enter tibi subditus, quam idem tibi exhibet etiamnum  
in cœlo; quam exhibent omnes piis tuis imaginibus  
præcipuè miraculosis, in toto orbe aut nomini, &  
exhibebunt in sæcula.

Laudo te omni illa laude, quam tibi exhibuit  
in terra & in cœlo Filius tuus Deus: omni laude,  
quâ te unquam laudârunt devoti tui, seu verbo, seu  
scripto, & quâ laudabunt te in omnem æternitatem,  
tum illi, tum omnes Angelorum chori, & quâ te  
laudarent singulæ maris guttæ, terræ pulvisculi, her-  
bulæ, arbores, si linguam & loquendi facultatem ha-  
berent.

Saluto te ex affectu Gabrielis Archangeli, om-  
nium cœlestium spirituum & electorum Dei, omni-  
um, qui te jam salutârunt, salutant, & salutabunt,  
imò vellem salutare corde & ore Filii tui, modo tibi  
gratissimo, mihiq̃ue possibili te saluto, ac in per-  
sona omnium cœlestium, terrestrium, & infernorum  
ante te Dei Matrem procido: Affectus, & amo-  
res, ac honores omnes tuos approbo, de illis  
gaudeo.

Quoties dixerò, amo te! toties ita te diligo ô  
dilectissima DEO & hominibus MARIA, ut paratus  
mihi videar gehennam pati priùs, quàm culpâ meâ  
minimum gloriæ tuæ detrimentum pati. Desidero  
amare te, si fieri posset, amore, quo te amat SS.  
Trinitas, humanitas tui JESU, quo omnes Angeli,  
homines-



hominesque te amant vel amabunt, desiderando, ut orbis terrarum universus te norit, amet, colat perfectè, etiam si ad hæc tibi procuranda, sine spe ullius præmii deberem pati ingentia, & mori millies.

Quoties dixero: offero tibi; toties ô Domina mea, me in tuam benedictam fidem, ac singularem custodiam, & in sinum misericordiæ tuæ, hodie & quotidie, & in hora exitus mei, animam meam, & corpus meum tibi commendo, omnem spem meam & consolationem meam, omnes angustias & misérias meas, vitam meam, & finem vitæ meæ, tibi committo, ut per tuam sanctissimam intercessionem, & per tua merita omnia mea dirigantur & disponantur opera secundum tuam tuique Filii voluntatem.

Omnes has, ac indifferentes actiones meas, & totius mundi, ad tuam gloriam mi Deus offero, ut omnia & singula vitæ meæ ac mortis momenta sint mihi, tibi que æterno solatio, JESU & Mariæ æterno honori, & amori, in felici beatorum Angelorum æternitate.

## De cultu Magnæ DEI Matris.

**I**Nter omnia DEI creata, nihil est DEI Matre excellentius. Hæc est enim honos totius creaturæ & præcipuè generis nostri, quæ nec primam similem visa est, nec habere sequentem ait S. Bernar. Hæc est, quæ minus est, quidquid sub Deo magnum est. S. Anselm. Si ergo Deum amas, & semper plus amare vis, ama etiam id, quod maxime amat Deus. Ergo post DEum æstima, ama, cole, super omnia Virginem, Sicut enim DEus summè colendus est, quia summè bonus & dignus est, ita unumquodque aliorum, prout

prout magis , minusvè ad primam bonitatem dignitatemque accedit, æstimandum, & observandum est.

Hæc enim dignissima Mater DEi , est advocata. Patrona , & Mater nostra, *tam pia, tam potens, ut omnem ad eam conversum & ab illa respectum impossibile sit perire*. S. Anselm. Imò nullus est , qui salvus fiat, nisi per hanc Sanctissimam : nemo est , qui liberetur à malis, nisi per hanc purissimam ; nemo , cui cæleste donum conferatur , nisi per hanc charissimam S. German.

Si à dæmone infestaris , si criminum immanitate turbatus , judicii horrore perterritus , tristitiæ & desperationis barathro incipis absorberi , cogita MARIAM , MARIAM invoca. Si Filii DEi in hac vita gratiam & consolationem ambis , ejusdemque aspectu in vita altera beari quæris , Matrem honora. Si demum corporalibus premeris necessitatibus , si quibuscunque in hoc oceano jactaris fluctibus , respice stellam maris , voca MARIAM. Suadet S. Bernard.

Deinde SS. Doctores censent , peculiarem devotionem erga Beatissimam Virginem MARIAM , probabile admodum prædestinationis , seu electionis esse signum. Ita expressè S. Bonaven. in Speculo Virg. *Qui dignè coluerit illam, justificabitur, & qui neglexerit illam, morietur in peccatis suis*. Reddit rationem S. Bernardus : *Quia quando pro homine peccatore exhibet Filius Patri latus & vulnera, Mater Filio pectus & ubera, non potest fieri repulsa, ubi tot concurrunt charitatis indicia*. Nec tamen illi beati aut felices statim dici debent , qui leve aliquod obsequium Virgini Beatissimæ impendunt , & mores ejus, vestigia & virtutes imitari negligunt , tales enim non incongruè , qui quotidie peccata peccatis accumulunt , & Virginem aliquibus colunt precibus,

cibus, assimilari possunt Philistæis, qui genu unum coram Arca Domini flectebant, alterum coram idolo Dagon.

## Affectuosæ salutationes Virginis Beatissimæ.

**S**alute te humillimè Domina mea clementissima, purissima. Quæ es ab æterno Patre in filiam electa ante sæcula; à DEi Filio electa in Matrem, à Spiritu Sancto electa in sponsam. Promissâ & expectata à constitutione mundi. Impetrata precibus steriliū parentum, concepta citra omnimodam labem, ab omni actuali peccato præservata: Omnibus virtutibus maternitatem divinam decentibus exornata. Nata ad orbis decus & salutem: insignita Sacro nomine **MARIÆ**, decimo quinto die à natali.

Laudo & glorifico te Sanctissima Virgo, quæ es trimula in templo oblata, Virginitatem prima voto firmans. Vitam in templo cœlestem agens usque ad 14. ætatis annum. Purissimo Patriarchæ Josepho cœlitus in sponsam data. A Legato supremæ Trinitatis submissè salutata & compellata. Responsio pudoris atque obedientiæ pleno tuum assensum exhibens. DEi Filio gravida facta Elisabetham invisens, & Baptistam necdum natum implens divino spiritu. Pro sponsi angore ad virginis uteri tumorem stupentis piè sollicita. A Josepho divini arcani conscio tacto, longè magis dilecta, magis quæ culta.

Ave MARIA expectans & desiderio desiderans horam salutaris partus. Bethlehemum veniens & ab omnibus diversoriis exclusâ, Sanctam speluncam  
DEi

DEI ortu nobilitandam reverenter subiens. Nixa Virgineis genibus ad orandum, aliâque imminentis Myſterii contemplatione ſuſpenſa. Virgo, quem genuiſti, adorans & amplectens. Sicibundum parvulum Hominem Deum lactans. Hebræorum Paſtorum pietati, oſtenſo recens nato Meſſiâ, ſatiſfaciens. Circumciſi Puelli gemitibus ingemiſcens. Nomen JEſu imponens, idque cum ſumma veneratione pronuntians. In barbaris Regibus Natum adorantibus gentilis eccleſiæ primitias comite excipiens.

Procido ante te, Virgo Deipara purganda legali ritu templum ingrediens, & Primogenitum tuum offerens. Dans JEſulum Simeoni amplectendum, ac ſuneſtas vaticinationes audiens. Fugiens in Ægyptum, dum innocentes obtruncantur. Rediens poſt ſeptennale exilium in Paleſtinam. Commorans in Nazareth, & tanti Pueri divino contubernio fruens. Subtractum ſponte Filium duodenem ſolicite veſtigans. Poſt tres dolore plenos dies, reperiſſum in templo Filium unâ abducens. Chariſſimo Sponſo Joſepho morienti oculos claudens. Primum miraculum in nuptiis Canæ à Filio impetrans. Filium Apoſtolicis laboribus occupatum aſſidue affectans, ejuſque divinas conciones obſervans.

Amo te, clementiſſima ac puriſſima Virgo Filium dilectiſſimum ad cœnam ultimam & mortem properantem ſupremum ſalutans. Compaſſa Filio comprehenſo, à diſcipulis deſerto, per varia tribumalia raptato, flagellato, ſpinis coronato, iniquiſſimè condemnato. Occurrens Filio crucem bajulanti, & ad Calvariæ montem ſuccedenti. Audiens crudeles ictus malleorum, Spectans Filium latrones inter medium pendentem. Joannem tibi à Filio commendatum acceptans, & in Joanne nos omnes Filium Dei ac tuum in medijs doloribus exſpirantem intuenſ.



ens. Cernens Filio jam mortuo lanceâ latus aperiri. Depositum è Cruce sancto gremio dolenter excipiens. Tumulo divinum Corpus inferens, tum in mastam cubiculi solitudinem te abdens.

Sic in æternum benedicta MARIA Redivivi Nati conspectu & amplexu prima exhilarata. Filium cœlos penetrantem contemplata. Spiritum sanctum tibi atque Apostolis superfluum excipiens. Inter Apostolorum Missas Filii cruentam mortem incruento sacrificio recoleus. Filium sæpè in Eucharistico Pane præsertim Joannis manibus ad Materna viscera revocans. Sollicita de fidei propagatione & p̄pulorum conversione ad fidem, curam gerens sub vitæ mortalis finem ad Filii perpetuum in cœlo conspectum ardentem aspirans. Suavissimè in mortis sœpnus connivens ex Sancti amoris vehementiore impetu. Exequiis celebratis, Apostolorum Virgineo feretro succolantium humeris elata. E tumulo excitata, corpore & animo gloriosa in cœlum cum triumpho illata. Coronam supremæ potestatis accipiens ab æterno Patre.

### *Brevior salutatio Beatissima.*

**A**ve MARIA gratia plena Dominus tecum. Ave Filia DEI Patris, Ave Mater DEI Filii, Ave Sponsa Spiritus Sancti, Ave templum totius SS. Trinitatis. In Patris potentia, Filii sapientiâ, Spiritus S. gratia, SS. Trinitatis efficacia; ex affectu Gabrielis Archangeli, omnium ac singulorum cœlestium Spirituum & electorum DEI, corde & ore Filii tui, modo tibi gratissimo, mihiq̃ue possibili te saluto.

Beatam te dicant omnes generationes, & magnificent in æternum, quia te Ancillam humilem respexit DEUS, ac fecit tibi magna, qui potens est, ut esles Mater Dei, Regina cœli, Domina mundi.

*Concludo oratione S. Bernardi. Serm. 2. de  
Adventu Domini.*

**P**ER te accessum habeamus ad Filium ô benedicta Inventrix gratiæ, Genitrix vitæ, Mater salutis: ut per te nos suscipiat, qui per te datus est nobis. Excuset apud ipsum integritas tua, culpam nostræ corruptionis, & humilitas Deo grata, nostræ veniam impetret vanitati. Copiosa charitas tua nostrorum cooperiat multitudinem peccatorum, & fecunditas gloriosa fecunditatem nobis conferat meritorum. Domina nostra, mediatrix nostra, tuo Filio nos reconcilia, tuo nos Filio commenda, tuo Filio nos repræsenta. Fac ô benedicta per gratiam, quam invenisti; per prærogativam, quam meruisti; per misericordiam, quam peperisti: ut qui te mediante fieri dignatus est particeps infirmitatis & miseriæ nostræ, te quoque intercedente, participes faciat nos gloriæ, & beatitudinis suæ, JESUS Christus Filius tuus, Dominus noster; qui est super omnia DEUS benedictus in sæcula, Amen.

*Actus gratitudinis ad finem septimanæ  
eliciendi.*

**Q**UID retribuam tibi Domine pro omnibus, quæ hisce diebus, & omnibus momentis vitæ meæ tribuisti mihi? quid merui, quia inter tot miliones hominum, quos pro uno solo peccato, alios

pro paucis admodum , justo iudicio tuo damnasti ; æternis pœnis addixisti , à Tui visione beatifica elongasti , mihi post tot innumera peccata , abyssali decreto , ad respiscendum , pœnitendum , spatium ad usque hodie , ad id momentum misericordissimè contulisti ?

Quid pro bonis publicis & privatis , pro conservatione , cooperatione , & gubernatione omnium creaturarum retribuam ? Quid pro bonis operibus , verbis , cogitationibus , te donante à me conceptis referam , quippe , quinihil boni cogitare possum , nisi te largiente ! Quid pro auxiliis & inspirationibus tuis ? O Domine , pro his omnibus sis benedictus in æternum.

Quid autem pro his omnibus reddidi tibi : Eheu ! reddidi mala pro bonis , quia toties ausus sum gravissimis peccatis meis te offendere , te contristare. O utinam ea nunquam commissem , non corde , non ore , non opere.

O amabilissime DEUS ! amore tui solius , odi , execror , & abominor omnia ab annis adolescentiæ meæ , usque in hanc horam commissa facinora mea , ac totius mundi , specie diversissima , qualitate infanda , & pudenda , quantitate immensa , frequentatione assidua , numero inexplicabilia , malitiæ autem gravitate per omnem æternitatem & mille inferno inexpressibilia.

O si præ infiniti doloris & contritionis magnitudine , propter hos enormissimos excessus meos perpetratos contra te , cor meum intra me colliqueceret ! ô si mi Deus eadem peccata mea & me in pulverem & in nihilum redigeres , eo præcipuè motivo ut infamis & infernalis ille character , macula , & offensa , oculis infinitæ bonitatis tuæ in æternum amplius non appareat , sed maneat oblitterata , ac funditus extincta.

Ac demum in suppletionem amoris & laudis ,  
quam tibi , ut debui , non impendi , offero tibi nū  
Domine , innovo omnia obsequia iustorum , omnes  
devotiones , jejunia , vigiliæ : omnem pœnitentiam ,  
mortificationem , & austeritatem Religiosorum : om-  
nia vota , omnes cultus , adorationes , & omnia SS.  
Missæ Sacrificia , ac demum , si quæ facta sunt Marty-  
ria . Offero tibi incendia amoris omnium Angelorum ,  
omnes laudes Sanctorum totius triumphantis Eccle-  
siæ . Hæc omnia quasi mea essent , dono tibi , &  
offerō.

Suppleo omnes defectus meos sanguine Domini  
mei , meritis Beatissimæ & Sanctorum omnium.

### III.

Decet Viatorem semper & ubi-  
que Dei sui meminisse.

*In omnibus viis tuis cogita Dominum , &  
ipse diriget gressus tuos.*

Prov. 3.

**V**iator aspirans ad Patriam , ne erret in terra  
deserta , invia & inaquosa , semper ambulet  
coram Deo , & cogitet Deum sibi intimè præ-  
sentem : quia *in Deo vivimus , movemur , &  
sumus.*

Unde nos admonet S. Bonav. Attende , ut quid-  
quid agas , & ubicunque steteris , & quibuscunque ne-  
gotiis impliceris die ac nocte , omni momento & horâ  
Deum semper habeas in memoria , credens & cogi-  
tans te esse verè coram eo , & ipsum cogita te ubi-



que aspicere. Hæc autem cogita cum magna reverentia ac timore pariter & amore.

*Quidquid semper operor* (inquit S. Aug. c. 14. soliloq.) *tu pariter semper præsens ades, utpote perpetuus inspector omnium cogitationum, intentionum, delectationum & operationum mearum.* Idem serm. 46. de verbis Dom. Ipse timendus est in publico, ipse in secreto; procedis? videris. Lucerna ardet? videt te. In cubile intras? videt te. In corde versaris? videt te, si peccaveris, quære, ubi te non videat, & fac, quod vis. S. Franciscus Xaverius (Mansi disc. 8. n. 1.) dicere solebat: *ubicunque fuero, meminero, me in orbis terra theatro in cælestis Regis & superum oculis versari.*

Præliantes nos, & fidei congressione pugnantes spectat DEUS, spectant Angeli, spectat & Christus. Quanta est dignitas, quanta felicitas, præsentem DEO congregari & Christo Judice coronari! S. Cyprianus ep. ad Tiburit. Ergo non tam sæpe respirare oportet, (concludit S. Gregorius Nazian.) quam DEI sui meminisse. DEUS enim continuò & continenter nobis benefacit.

Cerè continuò, cujus DEUS benefacit, quia per eum nobis terra stat, fluit aqua, diffunditur aer, ardet ignis, lucet sol, cælum vertitur, nobis bruta animalia vivunt, serviunt Angeli. Verbò, quæcunque sub visum, gustum, odoratum, & tactum cadunt, omnia munera tua comperies, quibus DEUS te pascit, cum esuris, potat, cum sitis, operit, cum nudus es, fovet, cum friges, reficit, cum deficis, sanat, cum ægrotras.

Unde est summa infelicitas hominis, quòd raro præ oculis Authorem bonorum habeat, quòd in hujusmodi actione supinè negligens sit, perinde ac  
bruti

bruti pisces, cùm in mari vivant, moveantur, & sint, se tamen ibi vivere, & moveri & esse ignorant.

Expende tecum, quia tu in mente DEI ab æterno eras, & jam te amabat, ac tibi beneficia destinabat. Sit etiam DEUS in mente tua. Tobias Filio suo (Tob. 4.) dicebat: *Audi fili mi verba oris mei, & ea in corde tuo, quasi fundamentum construe. Omnibus diebus vitæ tuæ in mente habeto DEUM.* Sit hoc fundamentum vitæ tuæ Spiritualis, ut præsentis DEI memor in mente habeas Deum, qui te in mente habuit ab æterno. Nunquam fuit DEUS, quin te amaverit. Et tu quando incipies amare DEUM? Vel jam seriò incipe, ita, ut qui ab æterno illum amare non potuisti, jam nihil amittas temporis, quo eum non ames.

Est sicut nullum est momentum, quo homo non utitur vel fruitur bonitate ac misericordiâ DEI, sic nullum debet esse momentum, quo eum non præsentem habeat (inquit S. Bernardus) in memoria. Sicut enim assiduè respiramus, ita deberemus amare assiduè ac orare. Est, qui putet (inito numero) se intra horæ spatium millies centies & ferè quinquagesies respirare. Toties corde saltem orandum esset, ac tot actus amoris erga DEUM edendi essent, si id fieri posset.

Est & summè periculosum homini non meminisse DEI sibi præsentis, quia sicut pisciculus ex aqua extractus, mox perit & moritur, ita homo ex DEI præsentia per oblivionem egressus, necesse est, ut subito pereat. *Non est*, ait Propheta, *DEUS in conspectu ejus* (ideo) *inquinata sunt viæ illius in omni tempore*, ideo homo sine præsentia DEI sæpius ingravissima ruit & labitur peccata, in mentis cæcitatem, cordis obstinati duritiem, ac demum cæco impetu ruit in præcipitium infernale. Nam sine præsentia

DEI homo fit , aut per luxuriam velut bestia , aut per superbiam velut dæmon.

Idem nobis inculcat Clemens Alexandrinus lib. 3. de Pædag. c. 5. *Hæc solum ratione fit , inquit ille , ut quis nunquam labatur , si Deum sibi ipsi semper adesse existimet.*

Susanna ad adulterium invitata dicebat : Dan. c. 13. *Melius est mihi incidere absque opere in manus vestras , quàm peccare in conspectu Domini.* Hoc remedio S. Paphnutius Thaidem meretricem sanavit.

S. Ephrem Syrus in cella sua herbas quasdam legens & mundans vidit lascivam quamdam fœminam per fenestram cellam suam introsipientem ; quæ , ut illum ad illicita permoveret , interrogavit eum , an quidpiam ei decisset ; qui respondit illi , calcem sibi decisse & lapides , quibus fenestram illam obscurare & claudere posset. Petulans verò mulier non cessabat verborum blanditiæ illum sollicitare ad illicita , protestando , quòd inde recessura non esset , nisi ejus obtinisset consensum. Cui Ephrem respondit : Agedum igitur , contentus sum & condescendo tecum ad peccandum , cum hac tamen conditione , ut in potestate mea sit eligere locum , ubi pessimæ tuæ concupiscentiæ satisfacere possim ; locus autem hic alius non erit , præterquam urbis Edessæ publicum forum. Cumque illa hunc locum repudiaret , eò quòd tantam nollet subire confusio- nem , in conspectu omnium hominum peccando : S. Ephrem confestim subjunxit : Tu hominum times præsentiam , nec tamen in conspectu Angelorum , imò ipsiusmet DEI verecundaris ? an ignoras DEUM ubique locorum præsentem , cunctorumque operum tuorum spectatorem esse ? Quæ verba , impellente cor ejus Spiritu sancto , eam ad compunctionem , veramque perduxerunt pœnitentiam , adeò , ut deinceps

inceps castam omninò , sanctamque egerit vitam.  
Manfi. n. 2.

Jugis præsentiæ DEi memoria est compendium , & summa perfectionis in hac vita ; Docuit ipse DEus Abrahamum ( Gen. 17. ) hanc veritatem dicens illi : *Ambula coram me , & esto perfectus.* Maxime placuerunt DEO illi servi DEI , ob memoriam præsentiæ ipsius , qui sunt reservati ad certamen cum Antichristo , hoc de illis refert scriptura. *Ambulavit Henoch ( Gen. 3. ) coram DEO.* In ore Eliæ , hoc frequentissimum fuit , intuendo mentis oculis semper præsentem DEum ; *Vivis Dominus , in cujus conspectu sto.*

De Pretiosissima Filii DEi Matre innuitur in Canticis : *Ego dormio , & cor meum vigilat. c. 5.* Quæ verba multi SS. Patres explicant de B. Virgine , dicuntque eam etiam in somno DEI memorem fuisse. Unde pluribus Sanctis revelatum est , quòd B. Virgo integer ferè noctes orando & meditando traduxerit , ut adnotat Cornelius in hunc locum. Et S. Bernardinus ait tom. 2. ser. 51. Somnus , qui abyssat & sepelit in nobis rationis & liberi arbitrii actus , & per consequens actum merendi , non credo , quòd talia in Virgine operatus fuerit , sed anima ejus liberè ac meritorio actu tunc tendebat in DEum.

Maximam utilitatem viatori adfert divina præsentia , præcipuè verò , quia nos arcet à gravioribus peccatis , puritatem cordis adfert , & in timore DEI conservat.

Sanctus Antonius Abbas cùm in fine certaminis cum dæmone habiti dixisset : ubi eras ó bone JESU ? Dominum sibi respondentem audivit. Hic eram , sed expectabam videre certamen tuum. Mans. disc. 3. n. 8. Idem sanctus habendo quovis tempore præ oculis semper intimè sibi præsentem DEum , insigne pudo-



ris exemplum reliquit, qui Ilycum flumen vado transmissurus, cum nudandi essent pedes, iussit Theodorum vitæ comitem longius à se abesse, sed ne hoc quidem pudori ejus factò satis fuit, siquidem ipse aliquid fui nudum videre erubescens, veste se exuere non potuit: Id quàm superis gratum esset, DEus miraculo testatus est, qui famulum suum uno momento in aliam ripæ partem intactâ aquâ transvexit. S. Athan. in vita.

Simile patet exemplum pudicitiae in mellifluo nostro Doctore S. Bernardo. Contigit, Bernardus adhuc adolescens apud Matronam quamdam hospitaretur. Considerans mulier adolescentem decorum aspectu, capta est laqueo oculorum suorum, & in concupiscentiam ejus exarsit. Cumque adolescens quiesceret, surgens ipsa de nocte impudenter accessit ad eum, quam Bernardus sentiens, nec consilij inops exnunc clamare cepit, *Latrones, Latrones*. Et ita usque tertio improba mulier fuit repulsa. Quoniam hic invictus Heros scuto munitus de carne & diabolo tam generosè triumphavit? certè scuto divinæ præsentiæ. Et verò quis coram Judice præsente peccare audeat?

Huc spectat Innocentius tertius (l. 3. de cont. mundi c. 14.) cum ait: *Quis non timeat Judicem potentissimum, sapientissimum, justissimum? potentissimum; quem nemo potest effugere; sapientissimum, quem nemo potest latere, justissimum, quem nemo potest corrumpere?* Juxta hæc, quis est, qui videns talem potentiam, tam magnum Dominum offendat?

Deinde præsentiæ divinæ in nobis flammæ divini amoris succendit. *Vis Deum amare?* quærit S. Thom. op. 61. c. 2. & respondet: *Prius oportet cognoscere.* Summum delectabile oportet præapprehen-

hendere, cogitando, ut possimus diligere appetendo. Vide ergo intellectu semper DEum, ut concipias affectu. Ad maiorem in dies & momenta flammam amoris divini concipiendam ex continuo obtutu quasi præfentis DEI, S. Mariæ Magdalænæ de Pazzis frequentissimum fuit, cursare per domum obvias Sotares apprehensâ dexterâ ardentibus verbis ad amorem DEI excitare, hortum ingredi, spatia citato gressu conficere, identidem succlamare: O amorem! ad æris campani turrim accurrere, illudque totis obnixè viribus pulsare, cum illis vocibus: Excitemus mortales omnes, ut amorem hunc ament. O amor! si mihi ferrea vox foret, quàm inclamarem? Amate hunc amorem mortales, amate!

Insuper præsentia DEI nos ipsis Seraphinis assimilat. Pulcherrima Seraphinorum occupatio est coram Deo stare, clamando & amare, ut Isaias vidit c. 6. Quisquis DEum amat, conatur illum ferre ubique in oculis, imitatur Seraphinos. Unde S. Gregorius, Seraphin ex singulari propinquitate Conditoris sui incomparabili ardente amore. Tantò magis ardent, quantò viciniore hunc vident.

Cùm ergo præsentem DEum semper habemus, Angelorum ritu vivimus, quamvis enim illi ad nostram tutelam deputati, curandis nostris negotiis intensissimi sint, non omittunt tamen DEum aspicere, de illo cogitare, illum continuo, stabiliq̃ue amore complecti. Ita Raphaël Angelus Tobix comes, & inter homines versatus, omnia peragebat more aliorum, disserebat, loquebatur, cibum sumebat: interim tamen versabatur cum Deo, eundem sibi semper præsentem habebat, alio cibo & potu, qui ab hominibus videri non potest, utebatur, & Angelus erat.

Quidquid ergo facis, sive legis, sive oras, comedis, bibis, loqueris, ambulas, in omni loco & actione accede

cede ad DEum Viator, ad DEum intimè tibi semper, præsentem. Accedere autem potes triplici viâ, vel ut reus de peccatis ingemiscens, per viam purgativam, vel carens virtutibus per viam illuminativam, aut velut sponsa ardens amore, per viam unitivam.

Viam purgativam vocant viri spirituales, quando intellectus animæ peccati sæditatem proponit, ut illud detestetur, atque exterminet, quibus ipsa permota affectuum suorum pedibus (ut sic loquar) per voluntatem abit in timorem Dei, & à peccatis cum magna detestatione recedit.

Via illuminativa est, quando intellectus voluntari proponit amandam pulchritudinem virtutis, omnique studio quærendam maximè Christi & sanctorum exemplo.

Via unitiva dicitur, qua beneficiorum DEI & perfectionum consideratione voluntas in DEum fertur per amorem, ejusque voluntati se conformat, atque ad perfectam cum eo unionem aspirat.

Hinc apparet triplex affectuum genus, quod triplici viæ respondet, in partes plures dividi posse.

Affectus viæ purgativæ sunt pudor & confusio de peccatis, dolor de iisdem, timor divinæ justitiæ, atque hinc mortificationis desiderium, ut homo illi satisfaciat.

Illuminativæ: virtutum omnium amor, spes ac desiderium eas acquirendi, rerum terrentarum & voluntatis propriæ abnegatio, imitatio Christi, & Sanctorum.

Unitivæ: amor Dei, gratiarum actio, Zelus animarum, læticia & admiratio de perfectionibus divinis, suspirium ad cœlestem gloriam. Hâc ergo triplici viâ, seu affectibus jaculatoriis, sæpius per diem potest viator ad DEum, & patriam Beatorum accedere.

Oratio-

## Orationes jaculatoriæ , & Motus Anagogici quid sint ? exemplis Sanctorum Patrum approbantur.

**D**icuntur orationes jaculatoriæ , quia instar jaculorum seu sagittarum velocissimè transeuntium , in cor Divinum , tanquam in scopum jaciuntur , ut ab eo dona cœlestia obtineamus. De his S. Augustinus ad Probam ep. 121. dicuntur Fratres in Ægypto crebras quidem habere orationes , eas tamen brevissimas , & raptim quodam modo jaculatas , ne illa vigilanter erecta , quæ oranti plurimum necessaria est , per productiores moras evanescat atque habetur intentio. Et Cassianus in collationibus : *Frequenter , sed breviter orandum est , ne immorantibus nobis , inferere aliquid , cordi nostro insidator possit inimicus.*

Hunc brevem orandi modum per orationes jaculatorias seu motus Anagogicos exemplo suo nos Christus docuit. In horto enim iterabat hæc verba : *Pater ! si possibile est , transeat à me calix iste.* Sancti in cœlo continuo clamant : *Sanctus Sanctus.* Basilii suadet peccatori , ut ad imitationem Chanaanæ identidem inclamat illud : *Miserere mei fili David.* Thais olim meretrix edocta à Paphnutio Abbate sic orabat *Qui plasmasti me ; miserere mei.* Beata Clara de monte Falco millies quotidie DEum adorabat genua flectens , & totidem fundens Orationes jaculatorias. S. Franciscus totâ nocte orabat , hæc sola verba repetens : *DEus meus & omnia.* Narrat Theodoretus l. 9. Simeonem stylitam , innumeras quotidie adorationes peregrisse , adeò , ut unus numer-



meraverit aliquando mille ducentas quadraginta quatuor, alias omittens, quia lapsus destitit numerare.

Dicuntur motus Anagogici, id est, sursum ducentes, nimirum, quia illis à rebus terrentis abducimur, & ad superna levamur, ac tandem ad beatam cum DEO unionem evchimus.

*Exercitium Aspirationum in via  
Purgativa.*

**O** Miseram animam meam peccatricem! ah quid feci, quid cogitavi, quid dereliqui, quantum bonum offendi, quid amisi?

Pater mi! quid feci? peccavi in cœlum coram te, peccavi super numerum arenæ, quæ est in littore maris.

Quis habit capiti meo aquam, & oculis meis fontem lacrymarum, & plorabo die ac nocte.

Tibi soli peccavi Domine! & malum coram te feci. Qui plasmasti me, miserere mei.

O me infelicissimum! qui omnium peccatorum sum reus.

Quo ibo à spiritu tuo, & quo à facie tua mi DEus fugiam?

O mi DEus! si me ejicis, quis me recipiet?

Delicta juventutis meæ & ignorantias, ne memineris Domine.

O JESU! sis mihi JESUS.

Hic ure, hic seca, modo in æternum parcas.

DEus propitius esto mihi peccatori.

Non audeo mi JESU! in cœlum oculos levare, propter peccata mea.

DEus in adiutorium meum intende,

Sancte

Sancte DEus, Sancte Fortis, Sancte & Immortalis, miserere mei.

O Domina mea monstra te esse Matrem!

Quæ utilitas mi JESU in sanguine tuo & meo; si descendero infernum?

Non mortui laudabunt te Domine! sed nos, qui vivimus, benedicimustibi.

Quid mali fecisti mi Domine, quia offendi te?

O mi DEus! malo in posterum in ipso inferno ardere quàm te offendere.

Peccavi Domino!

O JESU! ô summum bonum meum, cur unquam offendi te?

Væ tempori illi, quo te offendi mi DEus!

Pactum facio mi Domine tecum! ego tuus & tu meus eris in æternum.

Exitus aquarum deducant oculi mei, quia non custodierunt legem tuam.

O Domine respice in me, quia ego servus tuus & filius ancillæ tuæ.

O Domine etiamsi me occideris, in te sperabo.

Ah! doleo, doleo, quòd aliquando ita me habuerim atque si nullus esset DEUS! aut, atque si dissimularem credere vel advertere, quòd sit DEUS!

### *In Via Illuminativa.*

O Domine ante te omne desiderium meum, & gemitus meus à te non est absconditus.

Redde mihi læticiam salutatis tuæ, & spiritu principali confirma me.

O Domine miserere mei. Non enim est volentis neque currentis, sed tui miserentis.

Serò te cognovi pulchritudo tam antiqua , serò te cognovi bonitas infinita.

Ibo & ibo , quæram , quem diligit anima mea.

Domine JESU , noverim me , noverim te , nec aliud cupiam nisi Te.

Quocunque loco fuero , meum JESUM desidero.

Vivat JESUS ! & exaltetur DEUS salutis meæ.

Væ tempori illi , quo te mi DEUS ! non amavi.

Loquere Domine ! quia audit servus tuus.

Domine ante te omne desiderium meum.

Adjuva me & salvus ero Domine.

O Domine ego servus tuus , & mancipium ancillæ tuæ MARIE.

Illumina oculos meos , ne unquam obdormiam in morte.

Nolo vivere mi JESU , sine vulnere , quia te pro me video totum vulneratum.

Gaudens gaudebo in Domino , exultabo in Deo JESU meo.

Ex te , inte , & pro te mi DEUS ! sint omnia mea.

Benedic mihi ô SS. Trinitas , ô Dulcissima Virgo

Mater , ô Angele mi Custos , ô Patroni mei.

Eja , quæso , multiplica in anima mea virtutes Domine DEUS virtutum.

### *In Via Unitiva.*

**M**isericordias Domini in æternum cantabo.

Benedicam Dominum in omni tempore , semper laus ejus in ore meo.

O ignis , qui semper ardes , accende me : Paratum cor meum DEUS , paratum cor meum.

Quis mihi det , ut diligam te mi DEUS , amore Seraphico , & Theandrico , & Divino ?

O pa-

Ô patria nostra! patria secunda! à longè te video,  
ab hoc mari & exilio te saluto.

Cupio dissolvi & esse tecum mi JESU!

Tadet animam vitæ meæ, quia lumen cœli DEum  
meum non video.

Unam petii à Domino, hanc requiram, ut inhabi-  
tem in domo Domini omnibus diebus vitæ meæ.

Quid mihi & tibi ô JESU Fili Mariæ Virginis?

Amo JESUM amore Mariæ, amo Mariam amore  
JESU.

Ô patria! quando revertar ad te?

Vivat JESUS in corde meo!

Ô mi DEUS! quando transibo in te? quando abi-  
bo in cineres dilectionis tuæ?

Vulnerastis cor meum ô JESU! ô Maria! vulne-  
rastis cor meum.

Ô felix hora quando liberabor de corpore mortis  
hujus!

Ô amor meus! ô DEUS meus! vellem te amare mil-  
le cordibus, si tot haberem, & amore ardentissimorum  
Seraphinorum.

Cupio mi DEUS! transire in te, transformari in te,  
perire propter te!

Nihil cupio mi DEUS extra te, quia inquietum est  
cor nostrum, donec requiescat in te.

Moriar mi JESU! moriar! inodò inter desidera-  
tissimos & suavissimos amoris tui amplexus.

Age, age bone JESU! tolle amorem meum totum à  
me, & converte ad te, accende & rape, flagra & dul-  
cesce, jam amem te, jam rapiar in te.

Oliquefcam! ô conflagrem amore DEI mei!

Utinam vivere possim ego, sed non ego, sed vi-  
vat in me DEUS, amor meus.



## IV.

## Viatori per creaturas ad Creatorem ascendendum.

*Cor hominis disponit viam suam, Prov. 16.*

**V**ariæ Viatori aspiranti ad Patriam solent occurrere creaturæ DEi, & opera ejus, si ergo Viator noluerit errare, sciat & curet per eas DEum investigare, & per omnes semper amoris gressibus ad Creatorem suum aspirare. Viatori creatura non sit Remora.

Philo disertissimus Judæorum lib. de præmijs, scilicet ad DEum esse omnia creata asseverat. Via etenim patet nobis ab his, quæ videmus & contrectamus, ad opificem DEum, quem non videmus. Consonat Basilii Seleu. Episcopus orat. 1. dicens. *Cum DEUS res creatas in morem scala Viatoribus adaptaverit, per eas sui amantibus ascensum ad se extruxit.*

Per creaturas DEUS tuum o Viator venatur amorem, cui capiendo toto orbe creaturatum ponit laqueos. Utinam & tu capiaris! utinam sis amoris Divini præda, ne fias alterius amoris prædo. Omnis Creatura inclamat tibi hæc tria. Accipe, redde cave. Accipe creaturas ut beneficium, redde Creatori earum officium, cave abutens illis supplicium.

Cur amas hæc terrena, nisi quia pulchra & bona sunt? possunt esse tam pulchra & bona, atque ipse, à quo facta sunt? quis sic delectat, quàm ille, qui fecit omnia, quæ delectant? Interroga creaturam, si à se ipsa est, remane in illa; si autem ab illo est, non

ob aliud est perniciosâ amatori , nisi quia præponitur Creatori.

Ad hanc piam erga DEum affectionem & continuum accessum omnes Viatorem Christianum creaturæ hortantur , sive enim rationales illæ , sive non , laudem tamen DEI sui , vel apertè vel occultè enuntiant.

Nulli ergo dubium, quin facillimè possit , quicumque huic studio animum applicaverit , ex aspectu cujuslibet creaturæ in Deum assurgere , & piis affectibus ad DEum aspirare. Habemus hujus rei exemplum in Sanctis.

Scribitur de S. Fulgentio Ep. Ruspensi. Vident quondam hic Sanctus in generali conventionem nobilium Romanorum tot dominorum præsentium splendorem , Theodorico Gothorum Rege concionante , exclamavit : O DEUS ! quàm pulchra oportet , ut sit cælestis illa civitas Jerusalem , si hic in terris sic splendet Roma terrestris. Et si in hoc mundo tantus splendor concessus est amatoribus vanitatis , quanta gloria reservata esse debet contemptatoribus Divinæ Majestatis.

Constantinus Magnus honorificè quondam scripsit S. Antonio Abbati , quod factum Religiosi , qui cum illo erant , valdè admirabantur. Tunc inquit Sanctus ad illos. Quid admiramini Regem scribere homini ? potius admiremini DEum æternam suam legem scribere mortalibus , imò in persona Filii illis locutum.

S. Franciscus videns ovem solam inter hædos derelictam : Ecce , inquit , ut misera ista ovicula mansueta est inter capellas , sic Salvator noster inter Pharisæos mansuetus erat. Idem S. videns quodam tempore agnellum à porco comestum ; Ah parve agnelle , ( inquit plorans ) quàm ad vivum Salvatoris mei amarissimam mortem exprimis.

Anima quædam devota intuens fluvium, cui cœlum cum stellis, nocte serenâ representatum erat, exclamavit: O mi DEUS! eadem illæ stellæ sub pedibus meis erunt, quando recipies me in Sancta tabernacula tua.

Francisca considerans pulcherrimum fluvium in ripa, in qua ipsa flexis genibus sedebat ad orandum, in extasim rapta aliquoties hæc verba lenta voce repetit: Tam dulciter & suaviter fluit gratia DEI, sicuti fluvius iste.

Cum novercali die, igni medullæ coquerentur, pia cogitatio mentem Divi Francisci Borgiæ pupugit: æquænam illos flammæ urerent, qui ob flagitia apud inferos pœnas æternas penderent?

Alius arbores videns florentes suspirabat: ut quid ego solus deflorui in horto Ecclesiæ? ut quid sum sicca arbor nullum fructum faciens?

Alius intuens cursum solis dicebat: Quando mi DEUS! anima mea sequetur Agnū, solem iustitiæ, quocumque jeric?

Regia & recta intentione creaturis usâ est Esther Regina, quando dixit: Tu scis (DEO loquebatur) quod nunquam letata sit ancilla tua, ex quo huc translata sum, usque in præsentem diem, nisi in te Domine, Esther 4.

S. Antonius magnus in rerum creatarum contemplatione, tanquam in libro studens, citra aliarum scientiarum notitiam summam sibi, quâ pollebat, adscivit scientiam. Nesciebat litteras, sed sedebat in monte, & studebat in libro creaturarum. S. Athanasius in vita S. Antonii. Præclare scripsit S. Basilius in Hexamero. Universa hæc mundi moles perinde est, ac liber litteris exaratus, passim contestans, & deprædicans gloriam DEI, illiusque augustissimam maiestatem, arcanam alioquin, & invisibi-

visibilem tibi intellectuâli creaturæ copiosè annuntians.

Quocunque ergo universam sublanarem mundi machinam, quam admirabili ordine, in numero, pondere & mensura creavit DEUS, & ingens quoddam volumen te docens hominem exposuit, ac quotidianis usibus concessit, oculos tuos converteris, in omnibus lauda Creatorem.

Continuò ad hanc laudem excitant te sol mundi oculus, quem Deus facit oriri super bonos & malos, luna noctis Domina, Planetæ suas terræ communicantes influentias, stellæ, orbis cœlestes, ignis, aër, aqua, terra, volatilia, fluminum & maris natatilia, quadrupedia, colorum & odorum flores, arborum fructus, herbæ, prata, campi, colles, mineralia, pretiosi lapides, gemmæ & omnia, quæ in firmamento, aère, terra, mari continentur.

Ex his omnibus bonæ cogitationes, & sanctæ aspirationes ex objecto pro varietate hujus mortalis vitæ & negotiorum diversitate elici possunt. Damnatione sanè æternâ digni sunt, qui abducunt creaturas à Creatore, & ex illis peccati materiam desumunt. Sed beati illi & verè beati, qui convertunt creaturam ad gloriam sui Creatoris, & impendunt vanitatem ad honorem veri-

tatis,





## V.

# Praxis Aspirationum seu Affe- ctuum pro qualibet occasione & actione.

## *Dum cœlum conspicias.*

1. **D**omine non sum dignus videre altitudinem, cœli, præ multitudinem iniquitatis meæ.
2. O patria nostra ! patria secura, à longè te video ! ad te suspirat peregrinatio mea ! tædet animam meam vitæ meæ, quia non video DEum DEorum in Syon.
3. Utinam mi DEus ! tantùm te nunc amare possem, quantùm omnes Beati in cœlo hæcenus te amârunt.

## *Dum aliqua grata & venusta vides.*

1. **S**itanta mi DEus ! facis nobis in carcere, quid ages in palatio ? si tanta solatia in hac die lacrymarum, quanta conferes in die nuptiarum ?
2. Quidquid mihi dare vult Dominus meus, præter se ipsum, dulce mihi non est ; auferat totum & se mihi det.
3. Quàm durus & aridus es anime mi sine JESU ! quàm insipiens & vanus, si cupis aliquid extra JESUM ! esse sine JESU gravis est infernus, & esse cum JESU dulcis paradisus.

*Dum animum relaxas.*

1. **O** Dilecte JESU ! unicum cordis mei gaudium, quia amoris mei delictum ! da, ut amando te semper sim hilaris, quia offendi te, merito sim tristis.

2. Ego autem in Domino gaudebo, & exultabo in DEO JESU meo.

3. Utinam efficere possem dulcissime DEUS, ut omnia gaudia, quæ sunt & erunt in mundo, non sint nisi de te. Tu enim es vera dulcedo cordium, excedens omne gaudium, & omne desiderium.

*In aspectu Solis, Stellarum.*

1. **O** Sol mundi oculo, qui me toties peccantem aspexisti, utinam me deinceps nonnisi doleantem & lugentem aspiceres.

2. O mi JESU candor lucis æternæ ! quando in lumine tuo videbo lumen tuum ? quando me totum liquefacies penetratum efficaci suavitate tuâ ?

3. Ardeant tibi & luceant DEUS meus sydera tua, & tot accende rædas amoris in corde meo, quot in cælo splendent stellæ.

*In aspectu Ignis.*

1. **H**ic ure Domine ! hinc sece, modò in æternum parcas.

2. O Domine amoris ! deficiat & convertatur in cineres cor meum, si non permitto, ut amoris tui flammis astrictus, & ardeat.

3. O si citius ut ferrum igni , ita & ego , tibi DEo meo uniri , ac in te transformari possem.

*In Aspectu Aquæ.*

1. O Si derivare possem in oculos meos , flumina , maria , Oceanum , efflerem ista omnia hoc luctu : Eheu ! peccavi Domino : dereliqui fontem aquæ vivæ !

2. O mi DEus ! quot sunt guttæ aquarum in fluviis , lacubus , fontibus & mari , tot tibi laudes , tot ardentissimos amoris affectus in omnibus & pro omnibus offero , & in te transfundo.

3. Immensa dulcedo mi DEus ! utinam me totum rapiens absorberes & absconderes ! Quod enim est mari absorbere unam guttam , hoc tibi est absorbere

*Ante quodlibet opus.*

1. O Mi DEus ! titulus & inscriptio omnium actionum & cogitationum mearum est nomen tuum , quod est JESUS : tua enim sunt omnia , & propter magnam gloriam tuam , omnia mea do , dico , & addico tibi.

2. Quidquid videre , quidquid audiero , quidquid sensero , totum tibi serviat mi JESU , omne opus à te incipiat , & per te captum finiatur.

3. Desidero , ut quævis actio mea non tam sit actio , quàm amor tui & major continuus ,  
mi Domine !

*Actus*

*Actus ante disciplina Exercitium.*

1. **M**emor sum ô Domine ! opprobrii & confusionis , quam pro me passus es , in crudelissima flagellatione tua , quando virginum corpus tuum virgis spineis cruentabant , loris nodosis & uncis ferreis dilaniabant , catenis ossa ipsa & costas divellebant.

2. O anime mi ! ad tam funestam Salvatoris tui tragædiam ne quidem ingemiscis ? si feram aliquam sic excarnificari cerneris , an commiseratione non tangereris ?

3. Æquum est mi JESU ! ut qui flagellationis tuæ causa fui , illius quodammodo particeps fiam. Unde offero tibi eam Domine in unione acerbissimæ passionis tuæ : omnes ictus & flagella tuo aspergo sanguine , ut hoc poenitentiae exercitium gratius tibi sit , cedatque in satisfactionem pro peccatis meis.

*Actus ante susceptum iter.*

1. **O**ffero tibi mi DEUS , tot actus fidei , spei , charitatis , quot in hoc itinere intercedent suffragiorum corporis mei permutationes.

2. Sicut ero in continua loci mutatione , ita vellem mi JESU ! continuò benedicere & laudare te pro omnibus laboribus , & sudoribus , quos præcipuè per triennium tuæ sanctissimæ prædicationis sustinui.

3. Quia proclivis sum ego ad omne malum & peccatum , ideo commendo me tibi dulcis JESU , commendo me tibi Virgo Beatissima , & vobis SS. Angelis & speciales SS. Patroni mei , vestro præsidio munus non timebo mala.



*In ipso itinere.*

1. **O** MI DEUS! quoties in hoc itinere cœlum suspiciam, toties venerari volo omnes illos ecclestes spiritus, illasque Intelligentias cœlorum motrices, commendans illis necessitates colonorum, per quorum agros transibo, ne grandines, tonitrua, tempestates illis noceant, ut maleficia dissipent, inducantque aëris temperiem.

2. Transeundo oppida, pagos, gratias tibi ago Domine pro beneficiis omnibus spiritualibus & temporalibus concessis hujus loci incolis. Innovo tibi omnes cultus, laudes, affectus, & vota omnia, huc facta & facienda: simulque detestor omnia peccata, hic commissa & committenda.

3. In omnibus Ecclesiis tractus mei, adoro te mi JESU ibidem Sacramentaliter existentem: tibi offero & repræsentō omnia Sacrificia inibi facta, omnes devotiones & affectus cujuscunque orationis, & adorationis, sive elicitos sive eliciendos.

*Dum insurgunt tentationes impura.*

1. **A** Mor meus crucifixus est, & ego voluptati operam dabo? Absit! non decet sub spinoso capite membrum esse delicatum.

2. Discerpar in mille partes, rumparque potius, quàm ut amori Divino rem quampiam præponam. Malo Domine millies mori, quàm fœdari. Malo in ipsum ex nunc infernum descendere, quàm te deliberatè vel minimo peccato offendere.

3. Eja adesto optime JESU, ne sanguis tuus in me pereat. Adhæs clienti tuo MARIA. Amore tui Domi-

Domina mea, non cogitabo, non dicam, non faciam. Adeſte Sancti omnes, veſtris præſidiis munus ſperabo in Domino: & licet conſurgant adverſum me caſtra, non timebit cor meum. JESU, MARIA, JOSEPH dono vobis cor meum.

*Cum deambulas.*

1. **O** Quanti ſunt infirmi & claudi, quibus ambulare conſeſſum non eſt! Gratias tibi, Domine! quia corpus integrum dedisti mihi, & me hætenus incolumem conſervasti.

2. Domine non ſum dignus calcare hoc pavimentum, per quod tranſeunt tot ſervi tui, quibus comparatus, Vermis ſum & non Homo, opprobrium hominum & abjectio plebis.

3. O ſi quovis momento vitæ meæ, quovis grefſu accurrere poſſem ad pedes tuos mi JESU, illosque lamberem, illos amplecterer!

*Cum vides aliquod peccatum proximi.*

1. **C**ompatior mi DEUS peccato hujus hominis, non credo tamen illud eſſe tantum malum, quantum mihi videtur. In ſupplementum offenſæ tuæ offero tibi pretioſum ſanguinem Filii tui, & in illo hoc peccatum depono.

2. Ego Domine majora peccata perpetravi, proh dolor! & gravius te offenderem, niſi tua me gratia præſervaret. Unde etiam toto corde tibi gratias ago pro auxilio mihi præſtito.

3. Amore tui mi DEUS! doleo de omnibus peccatis, à quocunque unquam contra te commissis, & committendis, quæ, si possem impedire, & sanguine meo delere vellem.

*Cum vides aliquod bonum proximi.*

I. **S**erviat tibi mi Domine, quidquid est in cælo & in terra, quia dignus es accipere laudem & gloriam & honorem ab omni creatura.

2. Sis benedictus Domine in firmamento cæli pro omnibus bonis aspirationibus, & auxiliis, quæ tam huic personæ, quàm omnibus tribuisti.

3. O si & ego possem te amare omnibus illis affectibus, omnibus cordibus, quibus amatus es & amaberis, quàm libenter id præstarem!

*Dum occurris divitibus.*

I. **O** Quàm dives est mi dilecte! cui tu sufficis. O amor meus! quid extra te quæram? desint omnia, modò tu me & ego te possideam.

2. Alii alia quærant, te solum ego mi JESU quæro, te solum desidero: DEUS meus & omnia.

3. O si omnium hominum, quotquot fuerunt, sunt, & erunt, corda & voluntates solus haberem, iis omnibus te solum quærerem, te summè diligerem unicum bonum meum.



*Cum*

*Cum das Eleemosynam.*

1. **S**I ego possem Domine DEUS meus , omnium egenorum miseris subvenire.

2. Offero tibi DEUS omnes divitias , omnes thesauros hujus mundi , omnia regna , omnes reditus, ita, ut si hæc omnia mea essent , illa amore tui pauperibus erogarem , & in tui cultum effunderem.

3. Gratias tibi Domine , quia me pascis à juventute mea , nam inops & pauper sum ego.

*In aspectu Imaginis alicujus Sancti.*

1. **O** Sancti, Sanctæque omnes fideles sponse Christi , saluto & veneror vos. Gratias ago DEO meo , quod vos elegerit , & in sublimi gloria collocaverit.

2. Scribite me Sancti DEI in libro afflictorum , quia affligi semper desidero propter DEUM. Scribite me cum SS. Virginibus , quia desidero cum illis sequi agnum , quocunque jerit. Scribite me in corde JESU , & in corde MARIE , ut nunquam obliviscantur animæ meæ.

3. O felices animæ ! quando vobiscum gustabo & videbo , quàm suavis sit Dominus ? ô longa mora ! ô tediosa dilatio !

*Cum vides Imaginem Crucifixi.*

1. **O** Pater æternæ ! respice dulcē natū , toto corpore extensum , cernē manus innoxias pio manantes sanguine : vide inermē  
latus



latus crudeli perfossum cuspide , & dimitte nostra crimina.

2. In tantum me diligis DEus meus , ut te odisse videaris , cum posset gutta redimere , non dico cruoris , sed fudoris , redemit unda.

3. Adoramus te Christe & benedicimus tibi , quia per Crucem tuam redemisti mundum.

*In aspectu Imaginis SS. Virginis.*

1. **A** Ve gratia plena Dominus tecum , vel Salve Regina Mater misericordiae.

2. Quis non diligit te Regina cordium , & Mater sancti amoris , quis non diligit te ? utinam omnes creaturae tibi serviant.

3. Substerno tibi Virgo Beatissima me tuum licet indignissimum mancipium , tuisque Virgineis pedibus cor meum subjicio , quia melius apud te erit , quam apud me.

*Dum recordaris alicujus peccati.*

1. **O** Quam justè me jam pridem in infernum detrudere poteras , justissime Judex , pro peccatis meis , & mihi clementer pepercisti.

2. O si quod factum est , possem Infectum redere ! o si tempus praeiteritum revocare ! o quam bonum erat mihi , si natus non fuisset : neque enim vitam mihi dedisti , ut te offenderem DEus meus.

3. Detestor peccata mea corde Salvatoris mei : sicut cor Jesu ea flevit , ita exprobro & abominor. Nolo amplius in aeternum peccare.

*Dum*

*Dum conspicias hortos, agros, prata.*

1. **O** Mi DEus! hæc omnia, quæ nunc video, videlicet agros, hortos, & simul omnes agros per totum mundum, omnia prata, & quidquid in eis ab initio mundi excrevit, nunc crescit, crescetque ad finem mundi, omnes segetes, herbas, flores, gramina, & totam entitatem, substantiam, tibi tanquam mea, & me totum cum eis, & in eis, in holocaustum suavissimum tibi offero, pro eis gratias ago, in eis te adoro, te laudo & magnifico.

2. O si possem omnes arenas, atomos, folia, maris ac pluviarum guttas, atque nivium grana in cælos & choros Angelorum te amantium & laudantium convertere, ô quàm libentissimè id facerem!

3. Vellem mi DEus toties æstuantissimis desideriis ad te moveri, quoties moventur folia & rami in arboribus, herbae & gramina in campis, segetes in agris, animalia in terris. *coheret animo*

*In aspectu volucrum.*

1. **B**enedicite omnes volucres cæli Domino.  
2. Quid est homo, quòd memor es ejus mi Domine! omnia subsjecisti sub pedibus ejus, volucres cæli & pisces maris.

3. Quis dabit mihi pennas sicut columbae & volabo, & requiescam sub umbra illius, quem desiderat anima mea!

*Cum*

*Cum noctu decumbis.*

1. **O** Amabilissime DEUS ! quàm dormit securè ,  
pro quo vigilat amor ! nullas metuo infidias ,  
ubi amor habet excubias.
2. O mi DEUS lux indeficiens ! dum clauduntur  
oculi mei : fac , ne simul amoris tuo claudatur cor me-  
um.
3. Gratias tibi Domine , quia dum nox in suo ,  
cursu medium iter haberet , omnipotens sermo tuus è  
regalibus sedibus venit.

*Ante concionem.*

1. **D**ignus es Domine accipere gloriam & hono-  
rem. Utinam & ego omnes ad te Creato-  
rem meum convertere possem !
2. Eja Domine video , ut infiniti pereant tuo  
sanguine & laboribus empti : & nemo potest venire  
ad te , nisi tu traxeris eum : quid ergo pollutis la-  
biis & corde præstare potero sine te ? da igitur mihi  
gratiam , ad quod vocasti me , & adsint mihi SS.  
Angeli & Patroni mei , ut ad tuam unius gloriam  
fiant universa.
3. O Sanctissima TRINITAS ! aperi os meum  
ad benedicendum & laudandum nomen sanctum tuum.  
O JESU ! da mihi guttam sanguinis tui cordialis , ut  
illo cor meum conspersum incalescat. O MARIA  
da mihi guttam lactis tui Virginei.

*Ante*

*Ante confessionem audiendam.*

1. **O** JESU unica salus, sana, quaeso, per me hanc animam peccatricem, quia tu cor contritum & humiliatum non soles despicere.

2. En pretium sanguinis tui Sponsa tua ab hō-  
ste vulnerata. Doce me, ut prudenter cæcam & æ-  
gram ducam in viam salutis æternæ, quia tu nihil ho-  
rum odisti, quæ fecisti, & redemisti.

3. O JESU adis, ô spes nostra miserere! O SS.  
Angeli! ô SS. Patroni adjuvate me. En volo Domine  
potestate à te mihi & ab Ecclesia collatâ absolvere  
pœnitentes meos. Quod fiat ad gloriam divinæ Ma-  
jestatis tuæ.

*In aspectu Judæi, Hæretici, Eth-  
nici, &c.*

1. **A** More tui mi DEUS! doleo de omnibus hære-  
sibus, blasphemis, irreverentiis, quibus ab  
omnibus unquam Judæis, Hæreticis, diffi-  
dentibus offensus es, & offenderis.

2. In persona omnium, qui nunquam tibi debi-  
tum honorem, laudem, & reverentiam reddiderunt,  
nec reddent: ut sunt Hæretici, Athei, Judæi, Turcæ,  
Idololatæ, magi, blasphemis, & omnes infideles,  
ego te mi JESU adoro, laudo, veneror, benedico,  
& exalto.

3. Supplico tibi mi DEUS, ut in omnibus toto  
orbe diffusis hominibus sanctificetur nomen tuum,  
ut omnes in obsequium fidei, quam mundo intuli-  
sti, tandem subdant colla, ut agnoscant te Dominum  
nostrum



nostrum Iesum Christum. Ut omnis illa infelix communitas, sive infidelis synagogæ Judaicæ, sive obcæcatæ infidelitatis deponat, tum obstinatum non credendi pertinaciam, tum velum, quod objicit idololatria.

*In aspectu hominis cæci, claudi, muti &c.*

1. **P**rocido ante te DEus meus, gratias tibi ago, pro me ipso, quia me talem esse voluisti, qualis sum, & si me alium esse voluisses, quàm sim, easdem humilis persolvo gratias.

2. Gratias tibi ago, pro corpore meo, quod integris formasti sensibus, visu, auditu, olfactu, gustu, & tactu, sine ullo naturali defectu.

3. Et si fecisset me tua abyssalis prævidentia defectuosissimum, non ideo cessarem, à gratiarum actione. Idem ego cæcus, luscus, mancus, surdus, mutus, claudus, gibbosus, plicatus, leprosus & quidquid in me reperiretur, naturalis defectus, laudarem te, benedicerem te, gratias agerem tibi, quia me talem esse voluisses, qualis essem.

*In aspectu Energumini.*

1. **O** Si quemadmodum integræ dæmonum legiones, uniùs hominis corpus feruntur ingressæ, ita ego uno corde cælum totum, id est omnes beatos spiritus complecti possem, & quemadmodum dæmon per os energumeni loquitur, quem possidet, ita vellem, ut in corde meo per os meum omnes tui Angeli, omnes electi tui, tuum amorem, gratias, gloriam loquerentur. O quàm felix

lix tunc esset cor adeò plenum choris te canentium Angelorum.

2. Supplico tibi mi DEus, ut potestates tenebrarum harum, per Sanctum Angelum tutelæ meæ deputatum, jubeas pro ultimo momento, obmutescere, nec obijcere ea, quæ potest anima reformidare, atque iis perturbari.

3. Gratias tibi DEus meus, pro sedibus Beatorum, & Inferis damnatorum, quia ibi, & hîc agnoscō, revereor te DEum supremum remuneratorem: Utinam possem & liceret mihi (depuratâ videlicet, si id possibile esset, illorum malitia) dæmonum ac damnatorum omnium, odium, blasphemias, in laudem tuam, & incendia amoris tui commutare.

*Dum accipis aut aspicias librum.*

1. **Q**uia mi DEus! adverto reatum, & culpam, profiteor ante te, totus suffusus rubore, piis obortis lacrymis, aperio nunc librum, actorum meorum pœnitendorum, ut in ultimo, quando libri conscientiarum aperientur, non damner cum hoc mundo.

2. Aut me dele de libro filiorum, imò creaturam, aut parce ô Pater! delere me jubet impietas, & tua justitia, sed vetat Patris misericordia.

3. O DEus, in cujus mente est liber vitæ, liber gloriæ, liber viventium; qui liber est notitia tua, quâ prædestinasti ad vitam salvandos omnes; est firma notitia significativa prædestinatorum descriptorum in cœlis, quâ firmiter retines te, hos, & illos prædestinasse ad vitam æternam. Da, ut fini inter filios conscriptos tuos. Domine qui nosti, qui sint tui. Tuus sum ego, salvum me fac.

*In aspectu hominis , aut ipsius imaginis.*

1. **C**Reatus sum ad imaginem tuam mi DEUS , non secundum corpus , sed secundum rationem & intellectum ? Exorna tuam in me imaginem , ita , ne illam fœdem unquam , sed mundam servem , Tuque illam postea reponas inter alias imagines vivas in domo æternitatis tuæ.

2. In tua mente Domine ideæ seu formæ omnes ob-  
jectivè fuerunt semper , ad quarum similitudinem nos &  
omnia condidisti. Sed ipsa illa rerum omnium exempla-  
ria , seu idea omnis est ipsa tua essentia. Tu ipse similitudo  
mirabilis es , amabilis idea , ac exemplar omnium , quæ fe-  
cisti. Da Domine , ut tu sis idea & exemplar omnium , quæ  
facio etiam ego , nec discedam à forma tua.

3. O mirabiliter amabilis , ô amabiliter mirabilis  
conditor meus DEUS ! idea mea æterna. Sim secundum  
cor tuum totâ mente cordis mei. Permaneas , quæso ,  
in mente mea semper ; ut habeam te in intellectu meo ,  
cùm tu me in mente tua , & exemplari habueris ab  
æterno.


*Dum in periculo versaris peccati.*

1. **T**imeote , ô vindex justitia , ô mare , cujus tu-  
mentis super me fluctus , ego in me ipse mise-  
rabilis excitavi. Timeo abyssum , & rudentes  
infernî , cataclysmum ignium æternorum. Timeo , ne  
in illas tentationes incidam , quas , veluti pœnam , pec-  
catis meis commerui ; & ne subtrahas mihi illa auxi-  
lia , quibus me indignum reddidi , sine quibus tamen  
vides , me posse quidem vincere , sed non victurum.  
Ne intres in iudicium cum servo tuo ; sed illa mihi  
sugge-

suggere , quibus misericordiam impetrem , loco  
justitiæ.

2. Domine mi DEus , da mihi cordatissimum  
mei odium , ut ipse me puniam , ne incidam in ma-  
nus justitiæ tuæ. Potes me deferere , potes tentatio-  
nes , quibus me prosternendum scis , à me non aver-  
tere , potes non dare illam efficacem gratiam , quam  
nosti in thesauris tuis mihi fore accommodatam , ut  
salver ; dare autem illam tantum , quæ sufficiat ad sa-  
lutem. Parce Domine , peccatis meis , quibus hanc  
iram merui ; & da , ut non minus deinceps merear  
misericordiam tuam , quàm hæcenus iram merue-  
rim.

3. Quid si obcæcatus , & obstinatè durus , illâ  
mentis diritate obsurdescam , & obrigescam , quâ  
et alii post tot gratias à te acceptas in frigus quod-  
dam ac tenebras inciderunt ? O si semper tuis , nun-  
quam dæmonis , instinctibus paruissem ! Quantum  
fuissem lucratus gratiarum , auxiliorum , cum qui-  
bus eram salvandus , & sine quibus , vel longè dif-  
ficilius , salvabor , vel fortè etiam non salvabor ! Et  
sic utrinque tremo , cum nec sim securus de peccatis  
mihi verè dimissis à te ; & si dimissa scirem , nescio ,  
an non sis mihi subtracturus illam seriem auxiliorum ,  
in qua sola eram salvandus , si illam peccato non ab-  
rupissem. Domine ! da mihi spiritum pœnitentiæ ,  
ut disam præterita mea tempora redimere cum pœ-  
nitentibus , Petro , Magdalena , Augu-  
stino , & omnibus , quos con-  
vertisti ad te.





*In occurſu pergentium ad templa , vel icones  
thaumaturgas Beatiffimæ.*

1. **E**Xoſcutor millies eorum veſtigia , qui ſuppli-  
cum ritu ad ædes tuas ô admirabilis & in-  
comparabilis Virgo Mater M A R I A proce-  
dunt : his me in ſpiritu pedilequum jungo , unaque  
te veneror , amo , glorifico.

2. Quis mihi nunc det pennas columbæ , & vo-  
laho ad te , & requieſcam in te ! Quod corpore non  
licet , animo licet. Statuo me itaque prono corde  
& corpore ante omnes clementiæ tuæ aras , icones  
thaumaturgas , & reliquias ſacroſanctas , in iisq̃ue te  
DEI mei Matrem & univerſorum Dominam , omni-  
um nomine , & affectu poſſibili admiror , benedico ,  
obteſtor , invoco.

3. Hos alioſque omnes omnium poſſibiles affe-  
ctus elicere deſidero , etiam cum diſpendio ob eo-  
rum intenſionem vitæ meæ , ut inſtar thymiamatis ti-  
bi in odorem ſuavitatis conſumar , ſine ullo reſpectu  
ad commodum vel præmium meum , ſed ob merum  
tuum guſtum & conſolationem dulciſſimi cordis tui ,  
quia digna es.

*Dum moveris è loco uno in alium.*

1. **Q**Uocunque in loco ſum ego , tu mecum es ,  
at in quocunque loco tu es , non ſum etiam  
ego tecum. Ego ſine te nuſquam & nun-  
quam eſſe poſſum , tu ſine me poteſ & es. Ah ! ſis  
mecum etiam in hoc , ut ſim ſemper tecum per gra-  
tiam tuam hic , & per gloriam tuam ibi , ubi ſedes in  
gloria.

2. Di-

2. Diceris Domine moveri ad nos, appropinquare nobis, nempe per influentiam bonitatis tuæ in nos ! O appropinqua mihi ! ne recedas à me !

3. O immensitatis divinæ immensitas infinita ! Tu es in me ! ego sum in te ! sentiam, ô semper sanctè sentiam te esse intra me, super me, extra me, circa me ! satia me te ipso thesauro mi DEUS !

*Cum occurrit cogitatio de æternitate.*

1. **O** Verè æternum sempiternæ sæculorum Rex, æternitatis nec inchoatæ unquam, nec ullis sæculorum myriadibus exhaustiendæ, da mihi, ut nihil perdam temporis mei, sed illud erudiam tibi, ac redimam horas meas, & momenta temporis infelicis, quo te offendi. Vellem singula illa malè à me, vel aliis impensa momenta, verti in æternas laudes tuas, & in totidem sæcula, tibi gloriam canentium in æternum.

2. Omni, quem ab æterno bonum vidisti, sine, offero tibi in tributum æternitatis tuæ dies, & momenta singula vitæ hujus meæ, ac futuræ, singula illa, quæ in vira, morbo, morte, purgatorio patiar, omnia illa spatia infinitæ æternitatis, visionem, quâ te videbo, quâ te amabo, & omnem felicem occupationem beatæ apud te æternitatis meæ, & quidquid æternum agemus, nos electi tui omnes, quando misericordias tuas cantabimus in æternum ! amorem tuum amabimus in æternum, & de tuo erga te, ac nos, de quæ nostro erga te amore & gaudio gratulabimur in æternum.

3. O æternitas tua DEUS ! utinam sicut æternitas uno amplexu omnia tempora complectitur, ita ego possim omnia mea, & omnium tuorum electorum

sancta tempora , uno amoris tui amplexu implere , & in singula momenta dignos æternitate tuâ eminentissimi amoris actus exaggerare. Quidquid ab æterno à te , quidquid postea à tuis creaturis factum est , & quidquid in æternum fiet , quod tibi placeat , hoc tibi offero in satisfactionem pro malis meis , in gratiarum actionem pro donis tuis , in gratulationem de bonis tuis , quæ habes , & quæ ulli creaturæ dedisti , vel dabis !

*Cogitando de aterna beatitudine.*

1. **N**E patere mi DEUS ! ut intellectu te visuro abutar ad ea , quæ tibi non placent , ne patere , ut eo non strenuè uter ad ea , quæ tibi placent. Aufer ab eo pulveres vanitatis , superflua , curiosa ; & totum intellectum meum à te tam nobilem , tam tibi charum , tu totus occupa DEUS meus ! ne ad vilia ista & suâ nobilitate indigna se dignetur demittere , & quot cogitationes habebit , tot holocausta tibi offerat ô DEUS intellectûs mei !

2. Dum ab intellectu creato videris , ipsa tua essentia sit forma intelligibilis intellectûs : ad quam excelsum intellectum elevans , illam per supernaturalem dispositionem , per lumen gloriæ , aptum reddis , ut illi superacrescat virtus intelligendi , quæ est illuminatio intellectûs. Ita claritas tua illuminabit nos , & nos faciet Deiformes. Nam cum apparueris , similes tibi erimus , & videbimus te , sicuti es. Domine , fac , ne me tantâ dignitate reddam indignum !

3. Intellectus plûs de illo lumine gloriæ participans melius te videbit , ô Pater luminum ! Plûs verò habebit luminis , & gloriæ , qui plûs habebit  
deside-

desiderii, & charitatis; quo desiderio præparamur, ad illud, quod amamus & desideramus ampliùs hauriendum. Et tunc omnes videbimus essentiam tuam, aliùs tamen alio perfectiùs, sicut stella differt à stella in claritate. Domine auge in me charitatem, auge desiderium tuum, & sic perfectiùs te videbo & amabo: ita, ut amorem ac desiderium sequatur visio, & è visione iterum nascatur amor tui beatum me faciens, te magis delectans in me, ac me in te amando occupans in æternum. O quid erit istud, quando experiar. Desidero desiderare, doce me amare!



## CAPUT III.

### Diarium Viatoris.

*Sive actionum per diem ordinatio.*

I.



Emineriſ ſemper & ubique DEum tecum cæleſti curia intueri. Angelum & dæmonem te, tuæque omnia diligentiffimè obſervare.

2. Conſidera quænam agenda hodie, quid ſtatus, vocatio exigat; perinde, quaſi in ſtadio curreres, opera tua omnia, ac paſſus dirige ad metam, id eſt, ad Dei gloriam corde ardenti.

3. Sæpiùs ex te percunctare: Quò pergis anima mea? quid intendis ſtudiis, cogitationibus, & occupationibus tuis? ad quem ſinem tendis?

4. Utere tempore, velut re omnium pretioſiſſimâ, & particula boni diei non te prætereat. Vo-

H 5

lar



lat sæpiùs verbum irrevocabile ( inquit S. Bern. ) volat tempus irremeabile , nec advertit insipiens , quid amittat , libet fabulari , libet otari , dicit , donec hora prætereat . O donec prætereat hora , quam tibi ad agendum pœnitentiam , ad obtinendam veniam , ad acquirendam gratiam , ad promerendam gloriam , miserationis Conditoris indulget ! donec transeat tempus , quo debueras properare ad Angelicam societatem , suspirare ad amissam hæreditatem , flere admissam iniquitatem .

5. In omnibus actionibus , locutionibus , & cogitationibus dic tibi , monet Melliss Doct. *Itane ageres , si hanc scires pro certâ horam novissimam.* Et Doctor Angel , op. 62. diligentiam apponere debemus , ut singula opera nostra , & salus nostra , & omnis laus DEI , & universitatis utilitas , quasi ex uno opere dependeat : quasi nunquam ad id opus reversuri , neque aliud postmodum facturi .

6. In omnibus operibus tuis præcellens esto : dum oras , benè ora : dum confiteris , cantas , laboras , fac singula , quâ potes perfectione maximâ , quia DEus non est remunerator verborum , sed adverbiorum . Imò omnia opera tua ita fac , ac si jam tibi sepulchrum foderetur .

7. In progressu cujusvis etiam minimi operis & colloquii , sæpè cor tuum ad DEum eleva , ut inspicias , an illud ei placeat .

8. Ut verò semper collectus in Deo esse valeas , orationibus , quas jaculatorias nuncupant , frequentissimè per diem utere .

9. Quotiescunque Domini Dei oblivisceris , ita , ut magna pars transierit temporis sine interiori ad eum motu & conversione , ingemisce , ac pugnis percutere pectus tuum , cum ille debeat esse solus

unicus

unicus  
oblivisceris

voca,  
tuos cu

& amo

ant D

jesu ,

manus

unias.

testare

fernum

& infini

offende

14

de arde

amandi

1

ante co

summè

corde c

tuum J

16

lifica, 8

reste, 1

17

Aetern

actione

riam e

nibus

in par

aurat 8

unicus dilectus, & amor tuus totus, ne unquam ille tui obliviscatur.

10. Sæpius per diem Sanctos velut præsentés invoca, maxime Virginem Beatissimam, & SS. Patronos tuos cum Angelo custode viæ duce & comite.

11. Si lapsus fueris in via, mox contritione resurge & amore in DEum.

12. Ut omnes actiones & opera tua gratiora fiant DEO, demerge & depone illa sæpius in vulneribus JESU, asperge illa sanguine cordis JESU, offer per manus Beatissimæ, operibus & meritis Sanctorum unias.

13. Dum aliqua occurrit occasio peccandi, protestare ex nunc, quod malis mori, malis in ipsum infernum descendere, quàm DEum tuum, summum & infinitum bonum, vel minimo peccato deliberato offendere.

14. Sæpius per diem excita in te desiderium corde ardenti videndi DEum in cælo, illum cum sanctis amandi & laudandi.

15. Cum in mentem occurrunt tibi peccata tua, ante commissa, ex nunc illa detestare, tanquam rem summè detestabilem, exosam & execrandam, atque corde contrito dolens ejula, quia peccatis tuis amorem tuum JESUM tam graviter toties offendisti.

16. Deinde omnibus modis, quibus potes te vilifica, & credas omnes homines esse bonos, & meliores te, magisque placere DEO.

17. Ante omnia verò semper primò mane per Actum Intentionis, omnes cogitationes, verba, & actiones illius diei etiam indifferentes, ad DEI gloriam dirige. Quia non in magnis solum actionibus Amoris divini magnitudo reperitur; etiam in parvis, humilibus, & seceris existit. Amor inaurat & amplificat omnia. Et JESUS laudibus extollit

tollit viduam illam , quæ duo minuta æris contulit , & silentio præterit Salomonem , qui plùs quàm mille milliones auri ad templi structuram contribuerat. Totum tempus hujus vitæ nobis concessum est ad merendum præmium æternum , ne igitur sine merito vel instans tibi elabatur , ipsa cibi potusque sumptio , & omne aliud opus coram DEO meritorium erit , si S. Paulum monentem audieris. 1. Cor. 10. *Sive manducatis , sive bibitis , sive aliud quid facitis , omnia in gloriam DEI facite.* Curandum ergo tibi , ne unquam opera tua regat casus , sed ratio. Sunt enim aliqua opera , quæ de se non sunt meritoria , neque demeritoria , si tamen altiori intentione eleventur , evadunt meritoria.

18. Quâlibet horâ vel quadrante , aut quando vacat , renova illam voluntatem , qua velis omnia deinceps à te elicienda esse majori fervore ad DEI gloriam , ac omnem actum virtutis , idque semper majorem ac intensiorem.

## Actus Matutini.

*In JESUM & MARIAM primos oculos somno evoluta Viator aperiat , ac si præsentem , & suo lecto adstantem conspiceret : proinde prima quasi sit respiratio: JESUS MARIA: Dein de paulò sibi factus præsentior , dicat.*

**O** JESU & MARIA , mei dulcissimi amores , dono vobis cor & animam meam : totus sim vester , nullus meus in æternum. **O** Jesu , candor

dorluci  
gilo.  
cor me  
quia eg  
Ancilla

E

In

C

ac SS.  
que cur  
procide  
mera n  
lentium  
alacrita

Sa  
baath.

Be  
unitas  
fuebm

Be  
conser  
Sanctus  
Patri  
ira Fil  
Gloria  
tem.

dor lucis æternæ , DEUS , DEUS meus ad te de luce vigilo. Anima mea desideravit te in nocte. Paratum cor meum DEUS , paratum cor meum. O Domine ! quia ego servus tuus , ego servus tuus ! & mancipium Ancillæ tuæ MARIE.

*E lectulo surgens , seque muniens signo S.  
Crucis dicat.*

**In Nomine Patris , & Filii , &  
Spiritus Sancti.**

**C**Urandum postea diligenter , ne ulla negotia per-  
agas , antequam mentem ad DEUM , tanquam  
primum principium , & ultimum finem eleves ,  
ac SS. Trinitati debitum reddas homagium. Adeo-  
que cum summa humilitate & reverentia in genua  
præcidendo , intueri quasi cælum apertum , & innu-  
mera millia Angelorum continuò clamantium & psal-  
lentium sacrum Trisagion , cum quibus magna animi  
alacritate clama amoroso affectu.

Sanctus , Sanctus , Sanctus Dominus DEUS Sabaoth. Pleni sunt cœli & terra gloriâ tuâ.

Benedicta sit sancta Trinitas , atque indivisa  
unitas , Pater , & Filius , & Spiritus Sanctus. Con-  
fitebimur ei , quia fecit nobiscum misericordiam suam.

Benedictus sit DEUS Pater , qui me creavit &  
conservat , Unigenitusque Dei Filius , qui me redemit ,  
Sanctus quoque Spiritus , qui sanctificavit me. Gloria  
Patri , qui me sustentat per suam potentiam. Glo-  
ria Filio , qui me gubernat per suam sapientiam ,  
Gloria Spiritui Sancto , qui me sanctificat per suum amo-  
rem.

Bene



Benedicta sit Sancta & individua Trinitas ab omnibus Angelis & Sanctis, & ab omnibus creaturis, nunc & semper & in sæcula sæculorum.

Regi sæculorum immortalis & invisibili soli DEO honor & gloria.

Adoro, laudo, & saluto te dulcissimum & verans cor Jesu Christi, & ex totis viribus cordis mei ago tibi gratias, quod me hæc nocte custodieris, DEOque Patri pro me laudes & gratiarum actiones persolveris.

Immortales etiam vobis gratias ago SS. Virgo MARIA, & SS. Angeli & Patroni mei pro speciali tutela, mihi & omnibus in toto mundo hominibus hac nocte exhibita: benedicant & collaudent vos omnes omnium anhelitus & respiria, psallat cor nostrum vobis gratiarum canticum, ut semper præsertim in agone nostro à vobis adjuvari mereamur.

*Dum surgis, adverte, num diabolus te somno aliquo lascivo, aut motu quopiam sensuali ex tua occasione contaminare conatus sit, quod si factum fuerit, amaritudinem & dolorem assume, dicendo.*

**O** Domine justitiæ & DEus clementiæ: en detestabilis peccator omnia scelera & fœtores peccatorum meorum in immensum ignem amoris tui projicio: in sanguinolentis tuis vulneribus Jesu crucifixæ ea abscondo: in abyssum misericordiarum

ea immergo : veniam da , obsecro , cunctis imperfecti-  
onibus meis , Domine mi Jesu ablue me pretioso  
sanguine , da , ut non ampliùs offendam te.

O MARIA peccatorum advocata & refugium !  
obsecro te per Jesum. O Jesu obtestor te per  
Mariam , miserere & ignosce. Adgeniculor vobis ,  
& à tribunali Justitiæ ad tribunal misericordiæ appello.  
Malo mori millies , quàm peccare ampliùs. Sic me  
Jesús ! sic Maria adjuvet.

*Deinde petat benedictionem.*

**B**enedic mihi hodie & quotidie Sancta & indivi-  
dua Trinitas , Benedic mihi ineffabilis potentia  
Patris. Benedicite mihi manus , cor dulcis-  
simum cum Filio Virginis Matris. Benedicat me vir-  
tus Spiritûs Sancti.

Anima Virginis Mariæ lucidissima illumina  
me. Corpus Virginis immaculatissimum custodi  
me. Lac Virginis nitidissimum Mariæ pascere me.  
Fletus Virginis Mariæ in passione Christi effusus  
confirma me. O Dulcissima Parens fons divinæ  
pietatis & gratiæ intercede pro me. O Virgo Mater  
misericordiæ impetra mihi , ut à Filio tuo præviam  
hodie implere possim mensuram meritorum meo-  
rum : ut casto ac humili corde & corpore Filio tuo ,  
& tibi in omnibus actionibus meis servire & placere  
valeam.

Sancte Michaël Archangele , tuere nos in præ-  
lio , ne pereamus in tremendo judicio. S. Gabriel,  
S. Raphael , omnes Sancti Angeli & Archangeli DEI  
succurrite mihi peccatori.

Rogo vos cunctas virtutes celorum , ut nullus  
inimicus mihi nocere possit , nec in via , nec in  
aqua ,

aqua, nec in igne, nec in domo, nec dormiendo, nec vigilando, nec aliquid aliud faciendo.

O Crux Christi adiuva me, † ô Crux Christi salva me, † ô Crux Christi libera me, † ô pretiosus sanguis Christi ne permittas damnari & perire me, ô purpurea vulnera Christi abscondite me.

O Sancti Sanctæque DEI, omnes Sancti Innocentes, SS. Patriarchæ & Prophetæ, SS. Apostoli, Martyres, Confessores, Virgines, Sancti, ad quorum Ecclesiam vivo. Sancti Angeli custodes statûs & officii mei. Sancti veteristamenti, orate pro me indignissimo peccatore.

per merita Sanctorum Patronorum meorum, per Crucem & pretiosum sanguinem Salvatoris mei Jesu Christi, per merita totius triumphantis & militantis Ecclesiæ; Sancte DEUS, Sancte Fortis, Sancte & immortalis miserere mei. A subitanea & improvisa morte libera me Domine: à peccandi occasione: à carnalibus desideriis: à damnatione perpetua: à corde obstinato & in peccatis obdurato: à spiritu superbix! ab omni prava intentione: ab appetitu terrenæ consolationis: ab appetitu voluptatum temporalium: ab omni inani gloria: ab amaritudine, ira & indignatione: à deliberato etiam veniali peccato libera me Domine.

### *Actus Intentionis.*

O Ter magne DEUS! ex quo, per quem, & in quo sunt omnia, proinde supremi jure domini serviant tibi omnia: tu scis desiderium meum, & gemitus meus à te non est absconditus. Sed quia presentis vitæ necessitates minùs sinunt mentem indefi-

indefinenter laudibus tuis intendere, hinc tale tecum pactum mi Domine inire cupio.

Quoties hodie cœlum suspexero, toties cordialiter cupio videre, & possidere te, dissolvi & requiescere in te, deficere à me & transformari in te: toties intensissimo affectu cum Sanctis Seraphinis volo exclamare. Sanctus, Sanctus, Sanctus Dominus DEUS Sabaoth. Pleni sunt cœli & terra gloriâ tuâ.

Quoties de te cogitavero, dixero, audiero, toties offero tibi vitam, passionem, & sanguinem D. N. J. Christi. Cor. SS. Matris ipsius & Matris meæ. Incendia amoris omnium Angelorum, cineres, tormenta, sanguinem omnium Martyrum, suspiria, lacrymas, labores, affectus omnium Confessorum. Lilia, rosas, corda omnium SS. Virginum.

Quoties pectus percussero, toties amore tui detestor & abominor omnia peccata mea, & aliorum commissa ab initio mundi. O si hodie committenda ubique impedire possem! ô si uni impetrare gratiam, ne te offendant.

Quoties librum, rosarium vel quampiam rem in manus accepero, toties quidquid boni habent omnes bibliotheca, omnes linguæ, calami, cogitationes omnes, totum tibi offero: toties vellem tuos dulcis Jesu pedes amplecti, osculari, lambere.

Quoties signum Missæ vel elevationis SS. Hostiæ percepero, toties offero tibi omnia Missæ sacrificia peracta, & ad finem mundi peragenda: toties omnes actus falsi cultûs ab Ethnicis factos, à malitia depuratos tibi offero.

Quoties imaginem alicujus Sancti vel Sanctæ videro, toties pro omnibus naturæ, gratiæ, & gloriæ donis Sanctorum præcipuè, quorum hodie dies annua ingressus in cœlum agitur, te laudo & benedico



dico: toties vellem gloriam accidentalem Sanctis tuis omnibus, & lumen animabus purgatorii impetrare.

Quoties ore vel corde dixero: Benedictus DEus! toties supplere volo actus divinæ laudis, amoris, & adorationis, quos poterant per totam æternitatem exercere apostatæ Angeli, & animæ damnatorum, aliæque creaturæ rationales, possibiles.

Quotquot hodie passus ambulando fecero, tot elicere desidero actus charitatis: quo appetio, æstimo, & præfero te DEum meum super omnia, ita, ut secundo passu, sit duplo, triplo, decuplo, centuplo, & millies millies ferventior & intensior actus charitatis meæ, quo magis appetiem, æstimem, & superexaltem te DEum meum super omnia.

Insuper quoties cor meum, cor omnium animatorum movebitur, toties in omnibus cordibus replicari vellem & illis te amare intensissimè; quoties cadent guttæ roris vel pluvix, quoties cadent nives vel folia decident, toties nomine omnium cœlestium, terrestrium, & infernorum projicio & provolvo me ante te, in cœlo, Eucharistia, ac ubique præsentem.

Et hæc omnia in unione mutui amoris SS. Trinitatis, in unione omnium altissimarum intentionum, ad gustum tibi dandum & ad majorem gloriam tuam. In protestationem supremi tui domini, & nostræ subjectionis. In gratiarum actionem pro omnibus beneficiis mihi & toti mundo præstitis & præstandis. In satisfactionem pro omnibus peccatis meis. Ad solatium vivorum præcipuè N. & defunctorum suffragiis carentium, & pro quibus orare teneor. Per manus Beatissimæ Virginis Mariæ, per cor tuum ô JESU, & in corde tuo deposita, ac tecum mi JESU, do, dono & offerro divinx Majestati.

*Actus*

*Actus diversarum virtutum.*

**O** Mi DEUS ! gratulor tibi & gaudeo cum toto cœlo & terra , de tua divinitate , unitate , ordine , amore , nexu , coæternitate , gloria , ac de omnibus excellentiis & perfectionibus tuis , & quòd sis unus in essentia , trinus in personis .

Gratulor tibi de te beato DEUS : de oceano illo felicitatis immensæ , incircumscriptæ dulcedinis , gaudii exundantis in omnem æternitatem , & quòd tibi bene sit ab æterno in æternum .

Adoro ex profunda abyssu mei nihili infinitam Majestatem , Sanctitatem , Bonitatem , Potentiam & Sapientiam : Adoro te & amo summa & beatissima Trinitas existentem in te ipsa , & unio hanc adorationem & amorem meum cum amore , quo amas infinitè te ipsam .

Isto etiam meo actu , omnes alias adorationes , alios cultus , quibus hactenus affectu es , & quibus affici te conveniebat , uno fasciculo comprehensos tibi offero ac dedico .

Accipio personam omnium hominum in quatuor mundi partibus viventium , præcipuè verò illorum , qui te non adorant , sed blasphemant , & illorum nomine ante te procido , te adoro cultu latriæ , tibi genu flecto .

Amote & amare desidero amore tuo , amore Mariano , amore supplente amorem eorum , qui te non amant , ut damnati & non creandi .

Cupio , ut pauperculus amor meus tuo infinito unitus recreet , & exhilaret semper dulcissimum & amabilissimum cortuum .

Gratulor tuæ divinæ Majestati , quòd adæquatè amari tantum nonnisi à te ipso possis , quantum  
 I 2 amabi-

amabilis es. Et gaudeo, quòd ameris à te amore infini-  
to, & quantum amari es dignus.

Non invidéo Seraphinis gradum illum gloriæ,  
quem in cælis obtinent, sed quòd plusquam ego te di-  
ligant, hoc demum invidéo ac doleo.

Desidero quovis respiro & suspitio vitæ meæ,  
congerere ad tuam mi DEUS! majestatem adorandam  
omnes actus latriæ, adorationis, laudis, benedi-  
ctionis, glorificationis, amoris, omnium existentium,  
& possibilem, cœlestium & terrestrium crea-  
turarum.

Doleo de omnibus peccatis meis & totius mun-  
di, quæ contra te DEUM meum quomodocunque  
unquam facta sunt, sientque, eo affectu, quo Chri-  
stus de illis doluit. Nolo offendi te à præterita, præ-  
sente, futura vita, & damnata creatura.

Pactum facio tecum, quòd in æternum nullo pec-  
cato voluntario te offendere velim, ut dum à multis  
peccatoribus offenderis, à me pacem habeas.

Pro omnibus & singulis beneficiis tuis mihi,  
& omnibus aliis in vita, & post vitam præstandis gratias  
ago, quantas possum, quantas debeo, quantas Chri-  
stus pro suis obtulit, & Beatissima Virgo.

*Pia Viatoris desideria, sive scintillæ ad  
flammam divini amoris concipien-  
dam,*

**E**Morior mi JESU! emorior quolibet momento  
desiderio, millies ac millies plus amandi, plus  
exardescendi, plus laudandi te, quia tu es cen-  
trum cordis mei, tu vita, & omne bonum, sine quo  
nihil est bonum.

Quare

Quare autem ô DEUS meus , cùm tam amabilis sis , & ita præceperis te amari , dedisti nobis unum cor , & adhuc tam parvum ?

Utinam haberem latitudinem cordis , sicut arena maris , sicut totus mundus , ut amare te possem latissimè.

Utinam millies millena millia talium cordium haberem , quale fuit JESU & Mariæ : & omnes omnium beatorum virtutes unus possiderem , ut amarem & servirem tibi DEO meo illis cordibus , & exercitatione omnium illarum virtutum.

Utinam quotquot ullo calamo scribi , vel ullâ mente concipi possunt numero , tot Cherubinatorum & Seraphinatorum cordibus , te amarem in infinitum , tot thesaurorum talentis pro gloria tua expensis te honorarem in infinitum , tot linguis , tot desideriiis , tot gaudiis tibi gratularer in infinitum : tot holocaustis tibi pro peccatis meis satisfacerem , & pro beneficiis gratias agerem in infinitum ; tot desideriiis optarem id amore tui agere , quod tibi super omnia placeret , in infinitum.

O si cor meum ob tui amorem in tot minutas partes , quot sunt arenæ maris , quot sunt guttæ in aquis , quot atomi in aëre posset dividi , & quælibet pars amaret te amore infinito , & omni possibili creato.

Utinam omnia corporis mei ossa forent lampades aureæ , & sanguis omnis per venas & per membra diffusus balsamum foret , & lampades arderent , & balsamum consumeretur , in tui solius amorem & honorem , sicque totus in holocaustum tibi conflagrare possem.

O si & venæ meæ omnes , & nervi , vincula forent aurea , te cordi meo alligarem mi DEUS ! & nunquam amplius dimitterem.



O si tibi placeret DEO meo , etiam desiderarem uniri tibi DEO meo , unione personali & Hypostatica , non propter meam excellentiam , ut appetiit Lucifer , sed idèò purè , ut eò plùs diligerem te DEum meum , nempe amore infinito , & tibi adæquato , ne te amplius possem offendere.

O mihi si dares vel ad unicam saltem horam , ardentissimum illum Seraphinorum amorem , ut illo vehementissimo amoris igne succensus , omnes homines in tuo amore succendere possem.

Et heu ! quàm doleo , quòd tu dulcis amor meus à me non ameris ? Eheu quàm doleo , quòd tu dulcis amor meus ab aliis ita contemnaris , & insuper offendaris.

Compator tibi DEus meus , amor meus , super omni contumelia & injuria , quæ tibi irrogatur : & si prævalerem , libentissimè tibi persolverem omne damnum , in quo est detrimentum honoris & amoris tui.

## Actus varii pro opportunitate temporis & occasionis elicendi.

### *Ante recitationem Officii Divini.*

**E**Rubesco Domine ! cogitans , quis tu , & quis sim ego ! nempe audet vilis terræ vermiculus & putris ranuncula è palude sua proripere ad thronum gloriæ summi DEI ! Egône comparebo coram te & loquar ad Dominum meum , cùm sim vis & cinis , imò quod gravius est , indignus , ex-

osus ,

ofus, & ingratus peccator. Sed quia me Domine tam amanter invitas ad orationem & colloquium tuum, cupio tale tecum sancire pactum.

Quoties in oratione linguam movebo, toties vellem mihi dari linguas ardentissimorum Seraphin ad benedicendum & laudandum te, corde & affectu Seraphico, toties pro omnibus, qui te ignorant vel blasphemant, sive in terris, sive in inferno, ego clamo amoroso affectu: Benedictus DEus!

Quoties oculos aperiā & litteram aspiciam, toties desidero videre Christum Dominum & Virginem Beatissimam: toties vellem innovare affectus cujuscunque orationis, à quocunque Sanctorum in hac vita, vel in altera tibi oblatae vel offerendae.

Quoties cor meum movebitur, toties vellem cor meum mutare cum tuo, unāque recitare Officium, ut concessum S. Catharinae Senensi: toties vellem cum S. Francisco cordialiter dicere: DEus meus & omnia: toties desidero: transfigi mihi cor cuspidē amoris cum S. Theresia.

Quoties respiravero, toties gaudeo ob amorem, quo te electi tui aeternum prosequuntur, & laudes, quas tibi in perpetuum dicent: toties desidero, ut quaelibet respiratio oris, sit ad te DEum meum aspiratio cordis.

Quoties hoc nomen DEus ore vel mente pronuntiabo, volo, ut sit idem, atque si tunc uno corde complecterer amorem tui summum, ac si tunc amarem amore increato, & omni possibili creato.

Quoties me inclinabo, toties volo exhibere illis dignissimos actus adorationis, quos Mater SS. exercuit erga Dominum JESUM cum aliis Sanctis in terris, toties omnes inclinationes, genuflexiones, & omnes venerantium gestus tibi offero.

Placeat ergo tibi DEUS meus hoc sacrificium laudis, & benigne digneris acceptare has preces, non ut à me procedentes, sed à te inspiratas & sanguine Domini nostri asperfas. Per illas supplico tibi DEO meo, ut verum concipiam de peccatis meis dolorem, agam poenitentiam, poenas expiem; ac ut in gratia tua & amicitia discedam ex hac vita. Supplico etiam tibi pro omnibus propinquis, amicis, ac inimicis, & benefactoribus meis. Succurre illis, qui se meis precibus commendaverunt, converte miseros peccatores ad te. Revoca Hæreticos & Schismaticos, illumina infideles omnes te ignorantes. Da animabus fidelium defunctorum lucem & requiem sempiternam.

*In ipsa recitatione Divini Officii.*

**C**ONSIDERET, qui psallit, aut recitat, se officium Angelorum obire, quorum in cælo perpetuum est exercitium DEI laudes celebrare. Sed ipsis exemplis melius demonstrari potest, Officium divinum esse Angelorum Officium.

S. Magdalena triginta annis ab hominum consuetudine sejuncta, quotidie septies ab Angelis elevabatur in altum, ad audiendas cælestium Spirituum laudes, & cum illis persolvendas.

S. Bernardus noster in matutinis horis vidit Angelos, qui Fratrum orationes scribebant, aliorum quidem auro, aliorum argento, nimirum qui devotè canebant, aliorum aquâ, videlicet tepidorum.

S. Gudualdus Archiep. ambulans aliquando per mare, cum preces in navi persolaturus inchoaret more Ecclesiæ dicens: DEUS in adiutorium meum intende. Angeli subjunxerunt: Domine ad adjuvandum

dum me festina , & ita totum Officium alter-  
nis vicibus cum viro DEI perfolverunt. Surius 6.  
Jun.

Unde Thomas à Kemp. loquens iis , qui in cho-  
ro preces absolvunt , sic dicebat : Chorus est DEI  
& SS. Angelorum locus Sacratuſ , ſicut Angeli in cœ-  
lo , ſic miniſtri ordinati ſunt in choro. Sic ergo ſta  
in choro , & canta inter Fratres , quaſi in medio An-  
gelorum ſtares ante Chriſtum in dextera Patris residen-  
tem , vel ante Beatiffimam Virginem , Filium ſuum in-  
fantem in gremio geſtanteſ.

Contra verò , quantum DEO diſpliceat negligenti-  
a in divino Officio , præcepſ quædam celeritas , abſ-  
que ulla ſerè ſignificatione reverentiæ , pater è vita S.  
Ludgardis , ubi divinituſ innotuit , peſtem fuiſſe  
pœnam culpæ iſtius. Unde quamprimùm horæ Ca-  
nonicæ cum reverentia ſunt recitatæ , peſtis ceſſavit.  
Surius 16. Junj

Recentius eſt id , quod memoriæ prodidit Neb-  
ridius Canon. Regul. S. Auguſtini , qui ait Gratiano  
Capucino pio Novitio in templo nocte intempeſtâ  
DEum oranti cœlites in cultu ſplendidiffimo conſpe-  
ctos dixiſſe : Dicat Guardiano , ut curet in choro ho-  
ras Canonicas lentiuſ recitari , quia nihil in Eccleſia ,  
poſt uſum Sacramentorum , DEO gratiuſ eſt , recita-  
tione horarum Canonicarum.

Jacobus Card. Vitriæen. ait : Sancto cuiſpiam  
viſum dæmonem in humeris onuſtum ſacco pleno  
ſyllabarum in horis canonicis celeritate præcipiti  
omiſſarum.

Juſtinum in extaſim raptum Anno 1547. nar-  
rat è Boverio Nebridius , perveniſſe in Eccleſiam ,  
cùm Religioſi matutinum Officium peragerent. Spe-  
rabat




tabat se auditurum concentum Angelorum ; sed ece nihil percipere potuit , quàm horrendos latratus canum , grunitus porcorum , mugitus boum , & verba blasphemiarum . Mirabatur ! Et vox ad eum . Illorum Religiosorum preces , qui eas negligenter persolvunt , qui Regulam negligunt , aliosque rectè viuentes impediunt , nihil aliud esse , quàm voces belluarum .

## Post divinum Officium.

*Orationem sequentem devotè recitantibus  
Leo X. defectus in eo persolvendo  
ex humana fragilitate con-  
tractos indulsit.*

**S**acro sanctæ & individue TRINITATI , Crucifixi Domini nostri JESU Christi Humanitati , Beatissimæ & Gloriosissimæ semperque Virginis MARIE sæcundæ integritati , & omnium Sanctorum universitati , sit sempiterna laus , honor , virtus , & gloria ab omni creatura , nobisque remissio omnium peccatorum , per infinita sæcula sæculorum .

Beata viscera MARIE Virginis , quæ portaverunt æterni Patris Filium , & beata ubera , quæ lactaverunt Christum Dominum .



*Ora-*

*Oratio, quam Christus Dominus B. Gertrudem docuit, post Horas recitanda.*

*Blos. Mon. c. 3.*

**O** Bone JESU propitius esto peccatori. Ego tepidum, distractum, & imperfectum servitium meum commendo mellistuo cordi tuo emendandum, & perficiendum, tibi que ipsum offero, in unionem illius attentissimæ orationis, quâ tu Patrem orasti & laudasti in terris. Responde, quæso, satisfac, & supple pro me plenissimè.

O piissima Mater supple hoc imperfectum obsequium meum apud dilectum Filium tuum, Monstra te esse Matrem.

O piissimè JESU, suscipe hoc idem de manu SS. Matris tuæ, unitumque tuis ac ejusdem, omniumque Sanctorum meritis offer æterno Patri.

S. Gertrudis ora pro me. Offer preces meas cordi JESU, à quo has didicisti.

*Affectus post Horas Canonicas vel alias privatas Orationes eliciendi.*

**O** Pater misericordiarum! scio & verè cognosco, quòd me peccatorem miserum magis deceret coram te jacere prostratum, & cum fletu, gemitu, ac rugitu peccatorum meorum veniam postulare, quàm te ore polluto laudare.

Ignosce Domine, ignosce pie Salvator, ignosce & misere. Noli me tanquam temerarium reprobare, quòd audeam servus valde malus te omnipoten-

tem DEum terribilem , ac nimis tremendum , sine cordis contritione , & lacrymarum fonte , sine reverentia & tremore laudare.

Utique Domine Angeli te DEum suum adorantes & laudantes tremunt mirâ exultatione repleti : ego peccator , dum tibi assisto , laudes dico , peccatorum veniam postulo ; cur non corde paveo , vultu palleo , labiis tremo , toto corpore inhorresco , sicque obortis lacrymis coram te indefinenter lugeo. Volo , sed non valco ! O amor vim patior ! tu responde pro me , quia nescio , quid dicam DEO vitæ meæ.

Et quia mi Domine non est speciosa laus in ore peccatoris. Laudet te pro me Domine DEus tua æterna Deitas , immensa Majestas , infinita bonitas. Laudet te pro me tua altissima Sapientia , tua latissima misericordia , tua profundissima justitia.

Tibi Domine DEus meus jubilet & benedicat Humanitas J. C. sanctissima ejus vita , divinissima ejus virtutes , pretiosus ipsius sanguis & lacrymæ , divinissima ejus vulnera & livores , cor illius apertum,

Jubilet tibi pro me Mater gloriosissima Filii tui , tabernaculum admirabile gloriæ tuæ.

Tibi Domine DEus meus cantet & jubilet SS. Mater Ecclesia , te honorent omnes Psalmi & preces , omnes ejus affectus , & amores , omnia ejus vota & desideria , quibus ad te gemit in hac lacrymarum Valle.

Jubilent tibi pro me omnes Sancti Angeli. Omnes Sancti & Sanctæ , omnis electorum tuorum exercitus.

Jubilent tibi pro me & laudent te omnes creaturæ , quæcunque cæli , terræ , & abyssi ambitu , continentur.

Benedictum sit in omni loco totius universi nomen tuum Domine, quod est sanctum, & laudabile & gloriosum in sæcula.

Jubilent etiam tibi & gratias agant cor meum & anima mea, tibi serviant omnes corporis & animæ meæ vires: tibi jubilent omnes nervi & arteriæ meæ, omnia ossa & carnes meæ, omnis intellectus, memoria, & voluntas mea.

Nunquid enim Domine ideo te non laudabo, quia me indignum & immundum esse agnosco?

Nonne & vermes & ranæ immundæ coarctantes in paludibus suis te suum creatorem laudare cupiunt, prout sciunt?

O Domine amoris! quamdiu halitus erit in ore meo, benedicam te Dominum meum in omni tempore, semper laus tua in ore meo. Linguâ etiam deficiente omnis respiratio mea sit laudis significatio. Corpore verò extincto & in pulverem redacto laudes tibi infinitas dicant minutissima quæque pulveris grana usque ad extremum judicii diem.

Hoc enim dilecte JESU adjicio desiderans corde affectuoso, ut quando corpus meum fuerit in pulveres minutissimos redactum, & lapide clausum, ut videlicet de quâlibet particula minutissima vox amana laudis, & intensissimi amoris tui exurgat, quæ durissimum lapidem penetrans cælorum altitudinem transcendat, & usque ad extremum judicii diem vivæ laudis præconium extollat: donec in resurrectione beata corpus & anima pariter unita in tuæ laudis glori-

ficatione copulentur.



*Actus*



*Actus ante meditationem.*

**O** DEus Omnipotens, adorande, colende, tremende, ante cuius conspectum omnis Beatorum exercitus cum summa reverentia & tremore procidit; teque jugiter adorat, reveretur, & contemplatur: quomodo & ego vermis immundus, canis mortuus, cadaver putridum, ego ingrattissimus & infidelissimus peccator, non tantum coram te assistere, & nomen tuum laudare, sed ad tue divinitatis contemplationem, fruitionem, & unionem aspirare audebo?

**O Domine!** quia tanta tua est dignatio, ut velis & gratum habeas à me adorari, & mecum colloqui, ideo ingredi in solitudinis meae requiem, & concede, ut hic secus pedes tuos cum Sancta amante tua Magdalena, discam modum ac rationem, quam tui necessario sollicitè vacem, atque unicè intendam.

**Excita me Domine** ab omni negligentia & sensuum evagatione. Da, ut in meditatione mea exardescat ignis. **O si** ut ferrum igni, ita & ego uniar amori meo. **O si** vel ad unicum momentum transferar in te, absorbearque à te DEO meo.

At quomodo servus tam inutilis inveniet gratiam in conspectu tuo? **Respice** ô Pater in faciem Christi tui, in quo tibi benè complacuit, in cuius nomine supplex rogo, ut clementer exaudias me.

*Ut felicius tibi succedat meditatio.*

**I**mprimis imaginare quasi cœlum apertum, & puta te videre DEum Patrem ibi Angelis circumdatum, teque considerantem, quidnam agere velis.

lis. Roga eum, ut auream sagittam adversum te dirigat, quâ cor tuum sancto amore suo vulneret.

2. Puta te videre DEum Filium cum vulnere suorum cicatricibus mirificè radiantibus; deprecare eum, ut tuo pectori immittat guttam Sanguinis sui, quâ cor tuum veluti vivo igne succensum in amore Divino incalescat.

3. Imaginare te contemplari Spiritum sanctum sole longè splendidiorem, roga eum, ut ad te candidam gratiæ suæ columbam demittat, & inflamment cor tuum.

4. Finge te à latere obtueri Virginem Bearam stellis coronatam, ei cor tuum præsentia, ut ipsa Filio suo offerat.

5. Imaginare denique te cernere innumeras Beatorum Spirituum phalanges, qui ei mysterio, quod contemplaturus es, assistent. Tu verò postea perge ad pedes JESU assumptâ similitudine vel servi ingrati, vel proditoris, vel exilio damnati. &c.

### *Post Meditationem.*

**T**E DEum laudamus, vel Collectæ consuetæ cum versibus recitentur.

### *In ingressu Ecclesiæ.*

**E**RGONE credibile est, quod verè DEus habiter super terram? si cælum & cæli cælorum te capere non possunt, quanto minùs hæc domus?

Domine in multitudine mitericordiæ tuæ, introibo in domum tuam, adorabo ad templum sanctum tuum, & confitebor nomini tuo.

Omnes

Omnes Sancti & Sanctæ Dei, quorum reliquæ & imagines hîc sunt, saluto & veneros vos, intercedite, obsecro, pro me.

Salvete omnes Christi fideles animæ: det vobis requiem ille, qui est vera requies, JESUS CHRISTUS Filius DEI vivi, ille benedicat vos, & à pœnis liberet, faciatque resurgere in die judicii, Angelisque suis sociari.

### *Visitando SS. SACRAMENTUM.*

**C**Oram te ô Sanctissimum Sacramentum cum summa reverentia procido, & cum omnibus Angelis & Archangelis, cum Thronis & dominationibus, cumque omni militia cœlestis exercitûs hymnum gloriæ tuæ concino dicens: Centies millies laudetur Sanctissimum Altaris Sacramentum.

Credo mi JESU firmissimè, quòd sub his speciebus tu Dominus meus & DEUS meus continearis. In novo & offero tibi omnes affectus, & actus adorationis, salvationis & recognitionis hîc elicitos & impensos. Et non tantùm hîc, sed in omnibus Ecclesiis per totum mundum existentibus.

Gratias tibi Domine pro thesauris omnibus beneficiorum, quos hîc aliquando effudisti, effundes. Doleo de omnibus peccatis & irreverentiis, quibus aliquando in hoc loco offensus es & offenderis. Desidero, ut laus & gloria tua hîc permaneat usque ad tempora Antichristi.

O si accendere tibi possem cor meum tanquam lampadem, ut hîc ante te arderet continuò; & totum consumeretur! O si continuò assistere possem tibi DEO meo hîc præsenti!

Quia

Quia mi Domine id præstare non possum, saltem anticipatò omnes affectus laudis, amoris, adorationis, ab omnibus fidelibus hic tibi impendendos nunc approbo, tibi innovo, & repræsentò.

Vos verò Sancti Angeli, SS. Patroni, ad quorum Ecclesiam vivo, & in qua sepeliar, adorete, magnificate pro me istum Dominum meum, hic præsentem, omni modo, omni tempore, in æternum.

## Observanda circa Sacrificium MISSÆ.

### *Explicatio vestitûs sacrificantis.*

**V**oluit Christus Sacrificium hoc in memoriam Passionis & mortis suæ fieri, simulque per idem repræsentari sacrificium illud cruentum, quod ipse in ara crucis Patri suo obtulit.

Proinde vestes sacrificantis ad eandem passionem & mortem significandam ab Ecclesia ordinatæ sunt.

1. Amictus seu Humerale, significat pannum seu velamen illud, quo Christum velaverunt, & percutiebant faciem ejus, & interrogabant eum, dicentes: *Prophetiza, quis est, qui te percussit?* Luc. 22. v. 64.

2. Tunica linea, seu alba, indicat vestem illam quâ Herodes Christum indutum cum exercitu suo illussit, & remisit ad Pilatum. Luc. 23.

3. Stola, Manipulus, & Cingulum, referunt funes & catenas, quibus Christus toto corpore ligatus, per urbem Jerosolymam, tanquam homo nefarius, tractus est. Joan. 28. 12.



4. Cafula nobis vestem purpuream proponit, quâ circumdederunt eum.

5. Tonsura in modum coronæ Sacerdotis crinibus incisa. Coronam spineam indicat, quam milites plerentes imposuerunt capiti ejus, & dicebant: Ave Rex Judæorum: Et dabant ei alapas. Joan. 19.

6. Crux casulæ inserta, illius nos Crucis admonet, quam Christus humeris suis portavit, & in qua JESUS emisit spiritum. Matth. 27. 58.

7. Altare, in quo nunc tanquam incruentum sacrificium DEO Patri offertur, montem Calvariæ representat, in quo olim Redemptor noster JESUS Christus, se ipsum cruentum fecit sacrificium, quo Patrem suum damnato mundo reddidit propitium.

8. Velum, & ea, quibus Calix involvitur, significant linteamina, quibus Christi Corpus fuit involutum.

9. Cruces, quas Sacerdos crebrè format, varios Christi cruciatus indicant.

## Praxis offerendi Sacrificium Missæ cum Sacerdote celebrante.

*In quantum est Adorativum.*

**O** Ter magne DEUS! ego pulvis & cinis, ac indignus peccator & servus tuus, ardentissimo, quo possum, reverentiæ, gratitudinis, amoris, & devotionis affectu.

Offero tibi hoc sacrificium, quod auditurus sum, unâ cum sacrificiis omnibus tibi placitis unquam, oblati à principio mundi, & ad finem offerendis, in

in unione Sanctissimi illius sacrificii, quod tu mi JESU ! summus sacerdos & Pontifex ab æterno, ac primo ingressu in mundum & totâ virâ offerre desiderasti, in ultima cœna, & cruce moriens obtulisti, & nunc offers tanquam summus & sempiternus Pontifex assistens ad dexteram Patris, & interpellans pro nobis.

Ad maximam æternamque divinæ majestatis tuæ laudem, cultum, obsequium, honorem, & gloriam. In protestationem supremæ tuæ excellentiæ, & principii omnium creaturarum, dominiique tui, & omnimodæ nostræ subjectionis.

In memoriam & honorem vitæ passionis, omnium suspiriorum, lacrymarum, vulnerum, dolorum, guttarumque sanguinis pro nobis à te mi JESU effusi.

In adorationem divinarum dignitatum tuarum, Attributionum, Excellentiarum omnium, infinitæ tuæ perfectionis, beatitudinis & gloriæ, omniumque operum tuorum, quæ summopere gaudeo à nulla creatura dignè posse æstimari.

*In quantum est Gratiarum activum.*

**G**ratias tibi Domine hoc sacrificio ago, pro illa ineffabili naturæ tuæ divinæ cum natura humana in Hypostasi unione, ac pro admirabili supra captum intellectûs creati, Tui, generi humano communicatione.

Gratias tibi pro omnibus donis, gratiis, privilegiis, concessis V. B. quam ab æterno ex meritis tuis prævisis, in tempore usque adedò sublimasti, ut omninò non esset sub maledictò Adæ, originali videlicet peccato non fuerit, imò magis ad materni-

tatem tuam evexisti, in cœlo super omnes Angelos & Beatos collocasti, Reginam cœli dedisti mundo, Matrem Ecclesiæ, peccatoribus Advocatam.

Gratias tibi pro beneficiis concessis omnibus comprehensoribus ac prædestinatis in via & in patria, ac etiam concessis beneficiis omnibus idololâtris, paganis, hæreticis, imò etiam dæmonibus & damnatis.

Gratias tibi ob beneficium creationis nostræ & tot creaturarum ad usum nobis collatarum, ob beneficium redemptionis, conservationis, justificationis, finalis perseverantiæ, glorificationis.

Et quomodo Domine mi obliviscar beneficiorum mihi indignissimo collatorum? infinitas tibi gratias ago pro infinito amore, quo me persecutus es, eligens me ante mundi constitutionem, ut sim non lapis, non arbor, non brutum, sed homo, creatura rationalis, quodque tempore præfinito ex abyssu nihili eduxeris me, & nasci feceris in Ecclesia tua, extra quam non est salus, tot media ad salutem aptissima ab æterno mihi præparaveris, copiosis naturæ, gratiæ donis diraveris, quæ me extra cæterum vulgus naturæ, imò milliones hominum, & tuam ordinariam ad omnes providentiam, magis segregaverunt.

### *In quantum est Impetratorium.*

**S**upplico tibi Domine pro omnibus Prælati Ecclesiæ, Principibus spiritualibus & politicis, & toto Clero, Sæculari Potestate, Religiosis omnibus, Virginibus, Viduis.

Commendo tibi omnes benefactores spirituales & temporales, omnes necessitate pressos & in suis periculis; tentationibus ad te recurrentes, omnes consanguini-

sanguineos meos , amicos , prædestinatos , & eos , qui insigniùs DEum amant & Beautissimam , justos ac injustos , atque inimicos meos.

Supplico tibi Domine pro omnibus afflictis , peregrinantibus , captivis , tentatis , infirmis , agonizantibus , & pro tota indigentium universim farragine. Pro omnibus Hæreticis , Schismaticis , infidelibus , paganis , Judæis , & obstinatis , quotquot sunt peccatoribus.

Pro omnibus Deiparæ Clientibus , ut augeantur , ampliusque benedicantur. Pro parvulis in materno utero existentibus , ut baptismi gratiam assequantur. Pro iis item parvulis , qui , si excrescerent , perirent , ut in innocentia sua moriantur.

Pro me ipso infelicissimo peccatore exoro mi Deus! clementiam tuam , da mihi remissionem peccatorum , quæ multiplicata sunt super numerum arenæ maris. Da mihi victoriam omnium , sed vel maximè earum tentationum , quibus de facili succumbo. Da mihi præsevationem à malis animæ & corporis , ac perseverantiam in bono finalem. Da maximum & perfectissimum tui divini amoris supernaturalis , nunquam , si fieri possit , cessaturi affectum.

Peto denique ut proposita mea sancta sint & firma , ut demum vivam in te per gratiam , de te per Sacramentum , tecum per gloriam , moriarque filius gratiæ , victico corporis tui munitus , hæres salutis.

### *In quantum est Propitiatorium.*

**O**ffero etiam hoc missæ sacrificium , & quotquot præterea in toto orbe fiunt , aut facta sunt , in propitiationem & satisfactionem innumerabilium



peccatorum, & negligentiarum nostrarum commissarum, & committendarum usque ad diem judicii.

Præcipuè verò offero pro peccato primo originali. Ethnicorum infidelitatibus, Hæreticorum & Schismaticorum blasphemiiis. Pro omnibus despectibus Eucharistiæ, contemptibus, ac derisionibus factis à dissidentibus, puncturis à Judæis & sagis, ac pro ipso abominabilissimo Christicidio, & Antichristi peccatis, ac ejus sequacium.

Offero pro omnibus sceleratissimis facinoribus meis, quæ cum majori Majestatis tuæ indignatione, proximi scandalo perpetravi, & notabiliter pro primo peccato, quo unquam respondi me, ut offenderim te. Ac pro omnibus negligentis & imperfectioibus meis, & quidquid unquam contra tuam infinitam Majestatem, cogitatione, verbo, opere, omissione feci, & deliqui.

### *Memento Vivorum.*

**M**emento Domine per viscera pietatis tuæ, & miserere omnium, pro quibus moi dignatus es, præcipuè memor sis Ecclesiæ tuæ Sanctæ, quam pretioso sanguine redemisti, ejusque capitis Summi Pontificis N. cum suo Clero.

Miserere Christianissimi Imperatoris, Regum, Principum, Prælatorum, Pastorum, omniumque statuum Ecclesiasticorum, Religiosorum, sæcularium, eorumque præcipuè, qui maximè possunt gloriæ tuæ, & saluti animarum prodesse: omnium, pro quibus singulariter orare teneor, Parentum, fratrum, amicorum, benefactorum, affinium meorum: omnium, qui se mihi commendaverunt, qui me con-

trista-

tristarunt, vel quos ego contristavi, offendi, scandalizavi verbo & opere.

*Ad elevationem Hostiæ.*

**S**Alve nobilissimum Corpus & pretiosissime sanguis Domini mei JESU Christi, sub hac panis specie verè præsens, te adoro tali cultu & adoratione, quâ te novem Angelorum chori, quâ totum cælum & terra te colunt, & adorant, quâ tuam divinitatem humanitas Christi adoravit.

Vel: Assumo omnes omnia creaturarum affectus, iisque te nunc hîc præsentem & latentem adoro, colo, venerorquæ, hancquæ adorationem in æternum continuo.

Vel: Omnes beatissimi Angeli, & Sancti omnes, adorate, & exultate, jubilate, & reverentiam facite pro me huic JESU, qui est etiam in manibus sacerdotis, sicut in divino throno ad dexteram Patris.

O si potestatem haberem, ut cælum & terram & infernum cum omni creatura tibi dulcissimo amatori cum omni reverentia inclinarem!

Vel: O clemens, ô pie, ô dulcis JESU, Fili MARIE Virginis miserere mei. Et da, ut sicut te nunc videre merui in forma panis, ita cùm ad judicandum veneris, securus ac gaudens merear te videre in gloriæ Majestatis.

Vel: Adoro te Domine DEUS cum Christo tuo, & per Christum tuum Advocatum meum, hîc & ubique, affectu ipsius, & modo tibi infinitè grato.

Ne reminiscaris peccata mea, neque fratrum & proximorum meorum, in hoc mundo positorum, sed respice in faciem Christi tui te infinitè per totum

tum mundum , in tot locis , in Sacrificio Missæ honorantis , & colentis , eoquē te infinitè oblecta , & per illum nobis tribue gratiam , ut peccatis liberati , nos quoque te bonis operibus semper & quàm maximè oblectemus. Amen.

*Ad elevationem Calicis.*

**S**Alve nobilissime sanguis de latere Domini mei JESU Christi profluens , totius veteris & novæ culpæ maculas diluens , ablue , sanctifica , & custodi animam meam in vitam æternam.

Vel : O Pater amantissime , offero tibi & volo tibi omnes actus , quos dilectissimus Filius tuus tibi hîc in hoc Sacratissimo SACRAMENTO offert gratissimos.

Vel : O Pater æterne offero tibi Sanguinem dilectissimi Filii tui pro omnibus peccatis meis & totius mundi.

Sanguine tuo Christe JESU , à peccatis omnibus lava me , & concede , ut anima mea , cùm à corpore migraverit , ante tribunal tuum appareat munda. O bone JESU ! ne deferas me in suprema mortis hora & lucta , à qua tota pendet æternitas.

O Sacratissima vulnera JESU mei suscipite me , abluite me , ignificate me. Immergo dulcissime JESU totum me tuo sanguini , tuis vulneribus.

*Memento Defunctorum.*

**M**emento etiam Domine famulorum famularumque tuarum N. N. pro quibus primariò hoc sacrificium offero. Memento demum omnium mihi

mihi peculiariter commendatorum, eorum, pro quibus me vis potissimum orare, omniumque aliorum fidelium in Christo dormientium.

Præcipue verò supplico tibi DEO meo pro Parentibus, propinquis, benefactoribus, pro iis, qui in templo vel cæmeterio quiescunt, pro Clero sæculari & Religioso defuncto, pro cultoribus Marianis & SS. Eucharistiæ, & pro quibus orare nos vult ac gaudet DEIPARA, Pro iis, qui pridem & gravius purgatorium patiuntur, & qui sunt diu futuri in purgatorio.

Supplico etiam mi DEUS! pro omnibus inter infideles ac Ethnicos, in gratia tua defunctis, fame, peste, bello, subitanea morte sublati, pro pauperibus & mortuis gentis ac religionis nostræ.

Horum omnium misericordissime Pater miserere per tuam infinitam clementiam, per infinita Filii tui merita, per omnium Sanctorum suffragia. Ostende illis faciem tuam, ut te videant, ament, glorificent in cælis, in quem crediderunt, & speraverunt in terris.

### *Praxis Communionis Spiritualis.*

**I**Ta est Domine JESU, indignissimus sum, quia omnibus peccatoribus & ipsis damnatis deterior sum, indignus omni bono, & dignus omni malo. Sto tamen pauper & inops ad mensam magni Regis & amantissimi Patris mei, tuam Christe JESU: & credo tibi ô æterna veritas, quod verè & summo cælorum ad verbum sacerdotis, ut me visites, venire dignatus es, verumtamen conscius infirmitatis meæ & peccatorum meorum, de quibus propterea



vehementer doleo , non audeo Sacramentaliter  
 suscipere te , sed dico ex amore tui cum Centurione :  
 Domine ! non sum dignus , ut intres sub testum me-  
 um : sed per os Sacerdotis veni amantissime Jesu  
 in animam meam. Munda , quæso , illam à ma-  
 lis omnibus , & imperfectionibus , orna bonis & vir-  
 turibus.

## Oratio S. Augustini.

*Sumpta ex magna tabula Lateranensis Eccle-  
 siæ , quam quoties quis contritus devotè dixe-  
 rit , octoginta millia annorum , Indulgentias con-  
 sequetur , & qui quadraginta diebus eam dixe-  
 rit , plenariam peccatorum remissionem obtine-  
 bit , quam Bonifacius VIII. concessit , &  
 Benedictus XI. confirma-  
 vit.*

**D**EUS , qui pro Redemptione mundi voluisti  
 nasci , circumcidi , à Judæis reprobari , à Juda  
 proditore osculo tradi , vinculis alligari , sicut  
 agnus innocens ad victimam duci , atque conspectibus  
 Annæ , Caiphæ , Pilati , & Herodis , indecenter offer-  
 ri , à falsis testibus accusari , flagellis & opprobriis  
 vexari , sputis conspui , spinis coronari , colaphis cæ-  
 di , arundine percuti , facie velari , vestibus exui ,  
 cruci clavis affigi , in cruce levari , inter latrones de-  
 putari , felle & aceto potari , & lancea vulnerari.  
 Tu Domine per has sanctissimas pœnas tuas , quas ego  
 indi-

indignus recolo , & per sanctam crucem , & mortem tuam , libera me à pœnis inferni , & perducere digneris , quò perduxisti latronem tecum crucifixum. Qui cum patre & Spiritu sancto vivis & regnas DEus in sæcula sæculorum Amen.

*Actus petitionis pro statu Ecclesiæ.*

**O** Pater misericordiarum , respice in faciem Christi tui , qui clamore valido & lacrymis interpellat pro Sponsa sua Ecclesia , Matre nostra.

Ecce mi Pater profusus ille corporis sudor , horrendæ capitis spinæ , calidi fontes oculorum , clavi manuum , & pedum , livores , & vulnera , & vox sanguinis Fratris Nostri JESU Christi clamat ad te de cruce.

Audi ô Pater ! ad hujus suspiria & gemitus moti sunt coeli ; scissi sunt lapides , & tenerrima misericordiarum tuarum viscera non flectentur ?

Protege & defende Pater clementissime populum tuum , contra hostium ferociam. Ne tradas bestiis animas confitentes tibi , & animas pauperum tuorum ne projicias in finem.

Custodi omnes Domine , & conserva , qui te sincero corde , & ore confitentur , ne à falsis Prophetis , qui veniunt in vestimentis ovium , intus autem sunt lupi rapaces , seducantur. Coercee potentiam illorum , machinationes detege , & consilia adversus Ecclesiam tuam dissolve.

Da fidelibus tuis misericors Domine , ut in pace & tranquillitate , ac unione incessanter amemus , & laudemus te , ut doctrinam tuam agnoscamus , teque ad mortem usque constanter sequamur.

In-

## Intentio &amp; præparatio

*Quando conceduntur Indulgentiæ.*

**O**mnipotens DEus, nec numerus, nec mensura est peccatorum meorum, quibus Divinam Majestatem tuam læsi, & hæc tu quidem per pœnitentiæ Sacramentum ritè confessi ignoscis, & remittis: sed tamen rei sumus temporalium pœnarum, quibus exsolvendis opera nostra non sufficiunt. Quare ad inexhaustum thesaurum meritorum Salvatoris Nostri JESU Christi confugimus, & obsecramus, ut per illa debitæ pro nostris peccatis pœnæ indulgentiam & remissionem ad placitum ejus in terra Vicarii, cui potestas hæc commissæ est, impetrare concedas.

Ideo enim præscripta in litteris Apostolicis opera pro lucrandis Indulgentiis peragere instituti; id unum humillimè deprecans amantissime Pater, ut hæc mea opera ex se prorsus exigua in unione meritorum Passionis, & mortis Unigeniti Filii tui JESU Christi in satisfactionem, admittere, & suscipere velis; & me de Indulgentiis his, & pœnarum temporalium remissione, participare concedas. Amen.

*Si lucranda sint Indulgentia, non sufficit Confessio & Communio, sed insuper necesse est, ut illam Ecclesiam, in qua sunt Indulgentia, visites, ibiq; Communionem percepta orationes recitari debent, pro exaltatione S. Romana Ecclesia, Hæresum extirpatione, & Principum Christianorum unione.*

Formau

## Formula Orandi

*Pro indulgentiis consequendis.*

1. **D**EUS omnium fidelium Pastor & Rector, cuius Spiritu totum corpus Ecclesiæ sanctificatur, & regitur, quique gloriam tuam omnibus in Christo gentibus revelasti, custodi opera misericordiæ tuæ, ut Ecclesia tua toto orbe diffusa, bonorum omnium incremento augeatur, & stabili fide in confessione tui nominis perseveret. Per eundem &c.

2. DEUS largitor pacis, & amator charitatis, da famulis tuis Regibus & Principibus Christianis veram cum tua voluntate concordiam, ut bellis, dissensionibus, & omni perturbatione submotâ, secura tibi serviat Christiana libertas. Per Dominum &c.

3. Omnipotens sempiternæ DEUS, qui neminem vis perire; respice ad animas diabolicâ fraude deceptas, ut omni hæreticâ pravitate deposita, errantium corda resipiscant, & ad veritatis tuæ redeant unitatem. Per Dominum &c.

Deinde septies Pater & Ave cum Credo recitur.

## Formula Orandi

*Post opera pro Indulgentiis peracta.*

**C**lementissime DEUS, utinam, quæ pro Indulgentiis requirebantur, eo modo, quo oporteret, peregissem, Quidquid autem mihi defuit, sup-



suppleant merita, suppleat sanguis Filii tui. Permitte igitur misericors DEUS, ut de his Indulgentiis participem, remitte & dele pœnas, quas in hac vel in altera vita pro peccatis meis sustinere deberem. Illumina me, ut gratiam hanc mihi exhibitam agnoscam, & tibi summo meo Benefactori æternas gratiarum actiones cum omnibus Angelis & electis tuis referam.

*Quando Indulgentia Communionis animæ in  
Purgatorio transcribitur.*

**A** Mabilissime JESU miserere animæ hujus N. lustrali incendio torridæ, pro cujus exemptione Indulgentiam hanc communionis meæ, & per eam divini sanguinis tui pretium infinitum, tibi offero. Fac, ut hæc anima voracibus flammis liberetur, atque in desideratissimos amoris tui amplexus volet! occupet rebellium olim Angelorum optatissimam sedem, ac concinat misericordias tuas in æternum & ultra.

*Deprecatio pro felici successu Sacræ  
Religionis.*

**D**omine DEUS Rex omnipotens, in ditione tua cuncta sunt posita, & non est, qui possit resistere tuæ voluntati, si decreveris salvare, & conservare nos indignos servulos mille tibi votis ac desideriis mancipatos. Tu fecisti cœlum, & terram, & quidquid cœli ambitu continetur. Dominus omnium es, nec est, qui resistat Majestati tuæ. Et nunc Domine Rex

DEUS

DEUS P  
quam  
tem tua  
precatio  
tuo.  
nostræ  
sum sibi

C  
ligioso  
culo n  
reditat  
tione  
at vive  
Domin  
mine D

S  
Iqu  
pe  
an  
ria, Per  
to conti  
rantes,  
charitat  
dinis.

La  
opera  
gire e  
rum &  
nam o  
wque

DEus Patrum nostrorum miserere congregationis tuæ, quam possedisti ab initio.

Ne despicias Domine partem tuam, & hæreditatem tuam, quam tuo sanguine acquisivisti. Exaudi deprecationem meam, & propitius esto sorti, & funiculo tuo. Intende oculos pietatis tuæ in omnes Religionis nostræ Præsules, & Pastores, & fac eos super commissum sibi gregem fideliter excubare.

Converte oculos tuos misericordes in omnes Religiosos servos tuos & Fratres nostros, quos de hoc sæculo nequam eripuisti, ad te benigne traxisti, ut hæreditatem capiant salutis. Da illis in virtute, & vocatione profectum, & in cunctis fervorem accende. Da, ut viventes per totum mundum laudemus nomen tuum Domine, & ne unquam claudas ora te canentium, Domine DEus noster.

### *Postulatio gratiarum.*

**S**iquidem bone JEsu, sine gratia tua nihil boni fieri potest, quocirca peto à te dona, & auxilia ad meam & proximorum salutem procurandam necessaria. Peto auxilium gratiæ habitualis Sanctificantis. Peto continuas, gratias efficaces, excitantes, & cooperantes. Peto intensiores habitus virtutum, fidei, spei, charitatis, justitiæ, prudentiæ, temperantiæ, fortitudinis.

Largire dona & fructus Spiritus sancti. Largire opera misericordiæ Spiritualis, & corporalis. Largire etiam gratias gratuitas ad salutem proximorum & amplificandam gloriam tuam. Tribue gratiam orationis mentalis, & vocalis, examinis utriusque frequentis recollectionis, silentii, intimæ te-

cum unionis, pietatis erga Virginem Beatissimam, cultus erga SS. Patronos.

Concede, ut perfectè observentur Regulæ, & vota paupertatis, castitatis, obedientiæ. Auge in me amorem vocationis, & da mihi Spiritum statûs, & aptitudinem ad omnia ejus munia peragenda. Da virtutes solidas, humilitatis, mortificationis heroicæ, & abnegationis in omnibus, sitim insatiabilem contemptûs & injuriarum. Da, ut nunquam te peccato mortali & veniali deliberato offendam. Da vitam plenam meritis, & tuo amore ferventem. Da perseverantiam in Religione, & felicem in optimo animæ meæ statu mortem.

### Petitio brevior.

*Ps. Confirma hoc DEUS, quod operatus es in nobis,  
R. A templo Sancto tuo, quod est in Jerusalem.*

### ORATIO.

**D**EUS, qui nos à sæculi vanitate conversos ad bravium supernæ vocationis accendis, pectoribus nostris purificandis illabere, & gratiam nobis, quâ in te perseveremus, infunde, ut protectionis tuæ muniti præsiidiis, quod te donante promissimus, impleamus: & nostræ professionis executores effecti, ad ea, quæ perseverantibus in te promittere dignatus es, pertingamus. Per Christum Dominum nostrum.

Actus

# Actus ad Virginem Beatissimam & Sanctos Patronos.

## Formula dedicandi se Beatissimæ Virgini.

**S**ANCTA MARIA Mater DEI & Virgo Immaculatâ ; Ego N. peccator vilissimus, undeque purissimo conspectu tuo indignissimus, impulsus desiderio tibi serviendi, ac fretus pietate tua singulari, coram benedicto Filio tuo, & curia cœlesti universa, dedico me tibi hodiè in servum & mancipium tuum, eligoq̃ue te in singularem meam Dominam, Matrem, & Advocatam, & firmiter propono, me nunquam te derelicturum, neque contra te aliquid unquam dicturum, sed semper tuum honorem defensurum.

Te itaque Virgo Sacrosancta per Sanguinem Filii tui JESU Christi oro, ut me inter alios Tibi devotos in servum perpetuum admittere digneris, adsisq̃ue mihi in omnibus necessitatibus meis, & super omnia non me deseras in hora mortis meæ.

*Christus proprio ore dictavit in Regula Salvat.  
c. 5. has duas Orationes.*

**O**MNIPOTENS sempiternæ DEUS, qui pro nobis de Castissima Virgine nasci dignatus es, fac nos, quæsumus, tibi casto corde servire, & humiliter placere.

Oramus te piissima Virgo Maria, mundi Regina & Angelorum, ut eis, quos purgatorius exanimat ignis, impetres refrigerium, peccatoribus  
L. indul-



indulgentiam, iustis in bono perseverantiam : nos quoque fragiles ab instantibus defende periculis. Per Christum Dominum nostrum.

*Beatissima V. M. hac dixit S. Brigittæ l. I.  
ejus Revelat. c. 8. Sic laudare debes me.*

**B**enedictus sis tu DEUS Creator omnium , qui in uterum MARIÆ Virginis descendere dignatus es.

Benedictus sis tu DEUS, qui cum MARIA Virgine esse sine gravamine voluisti , & de ea immaculatam carnem sine peccato sumere dignatus es.

Benedictus sis tu DEUS, qui ad Virginem cum gaudio animæ ejus venisti , & sine peccato de ea processisti.

Benedictus sis tu DEUS, qui MARIAM Virginem Matrem tuam post Ascensionem tuam crebris consolationibus lætificasti , & per te ipsum eam consolando visitasti.

Benedictus sis tu DEUS, qui corpus, & animam Mariæ Virginis Matris tuæ in cœlum assumpsisti , & super omnes Angelos juxta Deitatem tuam honorificè collocasti, miserere mei propter preces ejus.

*Devota ad B. V. Commendatio.*

**M**emorare piissima & gloriosissima Virgo MARIA Mater misericordiarum , & totius consolationis , à seculo non esse auditum , quemquam ad tua præsidia currentem , tua implorantem auxilia , aut tua petentem suffragia à te Virgo Maria dereli-

dereli-  
go V  
rum,  
gio;  
mens a  
N  
pietatis  
clauder  
tate m  
normen  
mea ju  
tiæ, à  
salutem  
N  
mei pe  
mea,  
Noli sol  
quod m  
offendo  
cere,  
in hac  
& in ho  
Virgo M  
O  
subitan  
natus d  
O  
genier  
mariti

derelictum. Idcirco tali animatus fiducia, ad te Virgo Virginum, Regina cœlorum & Domina Angelorum, ô Maria Mater Domini nostri JESU Christi confugio; ad te stella maris curro; coram te miser & gemens assisto.

Noli ô Domina mundi, clementissimas aures tuæ pietatis ob ingratitude meam ad clamorem meum claudere. Noli Mater omnium ab omni beniginitate me excludere: sed benignè fac mecum propter nomen Sanctum tuum. Noli porta cœli ob scelera mea jugiter obserari, sed reporta me ad portam gratiæ, à qua ingratus exivi, per quam tu mundo vitam & salutem reportasti.

Noli Regina gloriæ, ob tuæ celsitudinis gloriam mei peccatoris oblivisci, sed memor esto fragilitatis meæ, & adjuva me propter magnitudinem gloriæ tuæ. Noli solitam pietatis tuæ manum retrahere, sed tolle, quod metuo, largire, quo careo, indulge, quod offendo. Noli æterni verbi Mater meo miserum ad te in hac lacrymarum valle clamantem, nunc, & semper, & in hora mortis meæ. O clemens! ô pia! ô dulcis Virgo Maria!

*Pro felici morte ad Beatissimam.*

**O** Dulcissima JESU Mater, Virgo MARIA, Patrona mea, visceribus misericordiæ plena; succurre mihi misero peccatori, antequam mors subitanea & improvisa superveniat, ne subito & impetratus de hoc mundo transeam.

Ora pro me MARIA Virgo benedicta ob Unigeniti Filii tui D. N. I. C. passionem, ac mortem amarissimam, ut peccati detestatione, diaboli &

operum ejus abrenuntiatione , verâ contritione , purâ & humili confessione , pœnitentiâ & satisfactione , dignâ Dei acceptione , & proximi dilectione , Filio tuo reconciliatus de hoc mundo transeat.

Et fac mecum misericordiam tuam ô Beata V. M. Mater DEI , in illa tremenda hora , quando spiritus vitales deficient , & mortua lingua se nequibit movere ad invocandum te ; neque oculi mei lucem capere poterunt , auresque meæ nulli voci patefcent. Memor esto ô MARIA precum , quas nunc fundo ad aures tuæ pietatis , & subveni mihi in illa ultima hora necessitatis meæ , ut liberer à ministris diaboli , collocor cum Christi Fidelibus , Filii tui servis & amicis Amen.

*Ad SS. Angelos, & SS. Patronos.*

**O**Mnes Sancti Angeli & Archangeli , Omnes Sancti Throni , & Dominationes. Omnes Sancti Principatus & Potestates. Omnes Sanctæ virtutes cœlorum. Omnes SS. Cherubim & Seraphim. Omnes SS. Patriarchæ & Prophetæ. Omnes Sancti Apostoli & Evangelistæ. Omnes SS. Martyres & Confessores. Omnes SS. Episcopi & Doctores. Omnes SS. Sacerdotes & Levitæ. Omnes SS. Monachi & Eremitæ. Omnes SS. Virgines & Viduæ. Omnes SS. Conjugati & Innocentes. Omnes Sancti & Sanctæ DEI. Et præsertim S. Michael , S. Gabriel , S. Raphael , S. Petre , S. Paule , S. Joannes , S. Andrea , S. Benedicte , S. Bernarde , S. Augustine , S. Dominice , S. Francisce , S. Ignati , S. Antoni , S. Casimire , orate & intercedite pro me indigno peccatore. Vestiâ me tutelâ , undique hostibus irruentibus vallate , ut non accedat ad me malum .  
& fla.

& flagellum non appropinquet tabernaculo meo. Venite in subsidium fortissimi Athletæ, ut auxilio vestro ultionem videam ex inimicis meis, & vobiscum in æternam laudem, & glorificem Dominum DEum nostrum in terra viventium. Amen,

*Ad Angelum Custodem.*

**A**ngele DEI Sacratissime, mihi à DEO in custodiam deputate, gratias tibi ago pro omnibus beneficiis, quæ mihi in corpore, & anima unquam exhibuisti.

Laudo, & glorifico te, quòd mihi miserrimo tam fideliter astare, atque me contra omnes hostium insultus tueri dignaris.

Benedicta sit illa hora, quæ mihi in custodiam datus, & in defensorem atque Patronum deputatus es.

Benedicta sit tua in me charitas, omnisque tua, sollicitudo, quæ salutem meam promoveri non cessas.

In recompensationem omnium obsequiorum mihi à juventute exhibitorum, offero tibi nobilissimum Cor Jesu Christi: rogans mihi ignosci, quòd toties Sanctis tuis inspirationibus renitendo te contristaverim: firmiter nunc propono tibi obedire, Deoque meo fideliter servire.

*Ad S. Joannem Evangelistam pro conservanda castitate.*

**A**Ntiph. Iste est Joannes, qui supra pectus in cœna recubuit; Beatus Apostolus, cui revelata sunt secreta cœlestia.



℣. Hic est Discipulus.

℟. Quem diligebat JESUS.

*Oratio.*

**P**ectoris illius delicias , & Divinissimi cordis dulcedinem , supra quod felicissimè decubuisti S. Joannes , ad nos quoque famulos tuos feliciter extendere , ut abjectis mundi illecebris , in puro Christi amore quiescamus , Per &c.

*Ad S. Josephum.*

**A**ntiph. Salve Patriarcharum decus , & Ecclesiæ Sanctæ DEI Oeconomus , qui panem vitæ & frumentum Electorum conservasti.

℣. Ora pro nobis castissime Joseph.

℟. Ut digni efficiamur promissionibus Christi.

*Oratio.*

**V**irginum Custos & Pater S. Joseph , cujus fidei custodia ipsa innocentia Christus JESUS , & Virgo Virginum Maria in terris commissa fuit ; te per utrumque charissimum pignus tuum JESUM & Mariam obsecro & obtestor , ut me ab omni immunditia præservatum , mente intaminatâ , puro corde , & casto corpore , JESU & Mariæ semper facias castissimè famulari ,  
Per &c.

*Votiva*

*Votiva ad eundem Sanctum.*

**S**ANCTISSIME Joseph Mariæ Matris DEI, & Virginis Sponsæ, periclitantium & agonizantium Advocata! Ego N. te hodiè coram JESU & Maria Sponsa Tua, in Dominum, Patronum, & Advocatum pro tota vita mea, & morte eligo, firmiterque statuo ac propono, me nunquam te derelicturum, neque contra te aliquid unquam dicturum, neque permissurum, ut à meis subditis aliquid contra tuum honorem unquam agatur.

Suscipe me ergo in servum tuum, & me Mariæ Sponsæ Tuæ in perpetuam protectionem, & in æternas JESU misericordias commenda, ad sis mihi in omnibus actionibus meis, quas omnes offero in perpetuum, ad majorem JESU, Mariæ, & tuam gloriam, nec me deferas in hora mortis, ad quam Te nunc Sanctum Patronum invito: ut tunc, quod possibilitas mea non obtinet, tuâ mihi intercessione donetur, Per JESUM Deum animæ meæ.

Gratias tibi Deus meus, pro omni donorum thesauro, quem in JESUM, Mariam, & S. Josephum effudisti.

Gratias tibi ago dulcissime JESU, & Tibi SS. Virgo Maria, pro omni amore & benevolentia, a honore, quo Sanctum Josephum complexi estis.

Gratias tibi S. Joseph, pro omnibus laboribus & doloribus, quos pro JESU & Maria libentissimè sustinisti.

Gratias vobis omnes Sancti, & Sanctæ DEI, quæ peculiari studio JESUM, MARIAM, JOSEPHUM coluistis: adeste mihi vos omnes una cum JESU, MARIA, JOSEPHO, semper, sed potissimum hinc migrant.

Per merita Agni immaculati JESU Christi, ex quo est fons omnis puritatis, & per Immaculatam Conceptionem, SS. Virginitatem, & innocentissimam puritatem Beatæ semper Virginis Matris DEI MARIAE, & intercessionem castissimi Sponsi ejus JOSEPHI emundetur, & immaculatum conservetur cor & corpus meum. In Nomine Patris, & Filii & Spiritus Sancti.

*Ad S. Antonium de Padua.*

## Responsorium à S. Bonaventura conscriptum.

**S**I queris miracula, mors, error, calamitas, demon, lepra fugiunt. Agri surgunt sani. Cedunt mare vincula, membra, resque perditas petunt & accipiunt Juvenes & Cani. Pereunt pericula, cessat & necessitas. Narrent hi, qui sentiunt, dicant Paduani. Cedunt mare &c.

*V.* Ora pro nobis B. Antoni Prædicator egregie.

*R.* Ut interveniente tuâ gratiâ percipiamus cœlestis vitæ gaudia.

*Oratio.*

**C**lementissime Domine JESU Christe, qui B. Antonium Confessorem Tuum perpetuis illustras miraculorum splendoribus, concede propitius, ut per ejus merita pacem Regni illius, & gratiam consequamur æternam.

Sanctissime famule DEI Antoni, qui inter opera mirabilia, in quibus clucet, meritum tuorum efficaciam,

cacia, ad conquirendas res perditas accurris, assistis, & instruis. Quæsumus, nobis deperditam gratiam reperire certantibus benignè subveni, ut illam amissam, & gloriam promissam percipere mereamur. Per Christum Dominum.

*Ad S. Barbaram.*

Henricus Köch ad ossa usque exultus, sequenti oratione meruit esse suspirites. *Surius 4. Decembr.*

**O** Sanctissima Virgo Barbara, quodcunque Sponsi Tui viribus potes, mihi in mortis articulo, obsecro, ut suppedites; adjuva me miserum, ne in peccatis moriar: effectum hunc habeat tua intercessione primitus à Christo tibi facta promissio, cum fidem ejus tuo sanguine consecrares: Redeat in memoriam Sponso Tuo Virgineus collo tuo exuberans sanguis: recordetur ardentissimæ tuæ charitatis, nec animam meam à corpore exire permittas, nisi confessione expiatam, & SS. Eucharistiæ Sacramento refectam, Amen.

*Ad S. Annam.*

**A** Nna pia Joachim Dominam magnam genuit, Beatam MARIAM Genitricem Domini.  
*V. Valde honoranda est Beata Anna.  
 R. Quæ cæli Reginam genuit.*

L 5

Ore-



*Oremus.*

**D**Eus, qui Beatæ Annæ tantam gratiam donare dignatus es, ut Beatissimam MARIAM Matrem tuam in suo utero glorioso portare mereretur: da nobis, quæsumus, per intercessionem Matris, & Filie, tuæ propitiationis abundantiam, ut quarum memoriam pio amore complectimur, earum meritis, & precibus ad cœlestem Jerusalem pervenire mereamur. Qui vivis & regnas per omnia sæcula sæculorum. Amen.

*Ad S. Bernardum.*

**B**Eatus Bernardus ab infantia spiritum fortitus est bonum, per quem erat puer docilis, & amabilis valde.

¶ Ora pro nobis Beate Bernarde.

¶ Ut digni efficiamur promissionibus Christi.

*Oremus.*

**P**erfice, quæsumus Domine pium in nobis sanctæ religionis affectum, & ad obtinendam tuæ gratiæ largitatem, B. Bernardus Abbas, & Doctor egregius, suis apud te semper pro nobis meritis, & precibus intercedat. Per Christum Dominum nostrum. Amen.

*Ad S. Patronum, cujus nomen in baptismo te fortitus es.*

**O** Beatissime N. Patrone fidelissime, invictissime miles purpurati exercitûs. Substerno me tibi

tibi in servum perpetuum, commendo vitam & mortem meam, maximè autem extremum spiritum meum.

Obsecro mi Patrone sanctissime per amorem, quod tam ferventer DEO adhesisti, ut nunc liberari possim à cunctis malis animæ, & corporis, ac te duce, & comite securior pervenire merear ad vitam æternam.

O DEus Omnipotens & misericors, nomen meum mellifluo nomini tuo digneris subscribere in libro vitæ, & qui me famulum tuum Sancti tui N. nomine voluisti gaudere; da, ut in omnibus tibi placitis ejus vestigiis insistam, & tandem cum illo Beatissimam faciem tuam contemplari valeam.

*Contra pestem, & quosvis morbos contagiosos.*

**R**ecordare Domine testamenti tui, & dic Angelo percutienti, cesset jam manus tua, & non desoleatur terra, ne perdas omnem animam vivam.

℣. Adjuva nos DEus salutaris noster.

℞. Et propitius esto peccatis nostris.

Domine exaudi orationem &c.

*Oremus.*

**P**reces populi tui Domine clementer exaudi, ut qui iuste pro peccatis nostris affligimur, pro tui nominis gloria liberemur.

DEus, qui non mortem, sed pœnitentiam desideras peccatorum: populum tuum ad te revertentem propitius respice, ut, dum tibi devotus existit, iracundia tue flagella ab eo clementer amoveas.

Da

Da nobis , quæsumus , Domine , piæ supplicationis effectum , morbosque pestilenciales à nobis propitius averte : ut mortalium corda cognoscant , à te indignante talia flagella prodire. Per Dominum nostrum Jesum Christum &c.

*Sciente peste Conimbria 1317. Moniales S. Clare quotidianâ, quâ palam, quâ privatim, hujus, quam subdo, antiphona recitatione, immunes à peste servatas esse, atque illam eis à S. Bartholomeo Apostolo, menduci specie spectandum se illis præbente, allatam esse affirmat post alios Waldingus apud Murracium in Apostolis Mar. c. 10. p. 222.*

Stella cæli extirpavit

(Quæ læstavit Dominum)

Mortem pestis quam plantavit

Primus Parens hominum.

Ipsa stella nunc dignetur

Sidera compescere.

Quorum bella plebem cœdunt

Diræ mortis ulcere :

O piissima Stella maris

A peste succurre nobis.

Audi nos Domina.

Nam filius tuus nihil negans Te honorat.

Salva nos, JESU, pro quibus Virgo Mater orat,

†. Ora pro nobis S. Dei Genitrix,

℟. Ut digni efficiamur promissionibus Christi.

**D**Eus misericordiæ , DEus pietatis , DEus indulgentiæ , qui misertus es super afflictionem populi tui , & dixisti Angelo percutienti populum tuum , contine manum tuam : ob amorem illius stellæ gloriosæ , cujus ubera pretiosa contra venena delictorum quàm dulciter luxisti ; præsta auxilium gratiæ tuæ , ut ab omni peste & improvisa morte securè liberemur , & à totius perditionis incurſu mi-

sericor-

sericorditer salvemur. Per te JESU Christe Rex gloriæ, qui vivis & regnas in sæcula sæculorum. Amen.

*Modus honorandi quemcunque Sanctorum  
in ejus festivitate.*

**O** DEUS æterne infinitarum perfectionum Author, adoro te creatura tua, ut supremum rerum omnium Dominum, & Principium omnium donorum, naturæ, gratiæ & gloriæ, quibus S. N. in terra ornasti, & nunc ornas in cœlis.

Gratias tibi bone JESU, gratias Sanguini tuo, ex quo omnia Sancti hujus merita fluxerunt.

Gratias tibi ô Patrone fidelissime ob tuos istos amores, quibus Divinam Majestatem olim in terris, & nunc amas in cœlis. Gratias tuo benedicto cordi, gratias sanguini (si est Martyr) quem effudisti.

Gratias ob tot exempla virtutum nobis relicta, & beneficia multis per merita tua collata.

Benedicta sit Beata Virgo MARIA, benedicti Sancti Patroni & Angeli Custodes, quorum ope ad hanc paradisi gloriam pervenisti.

Confundor & erubescor, quòd vitiis meis sim adeò tibi dissimilis, & præsertim tuæ puritati.

Recipio te in Patronum & Advocatum meum, ac me tibi trado in servum & clientem in vita & in morte.

O S. Patrone cœli Princeps, per amorem JESU & Mariæ, impetra Ecclesiæ Sanctæ pacem, omnium infidelium, Hæreticorum, ac peccatorum conversionem.

Offero



Offero tibi ô SS. TRINITAS merita omnia SS. Patroni mei ad gustum diviniissimi cordis tui , & gaudeo de omni amore & servitio , quod exhibuit tibi fidelis iste servus tuus.

Offero preces omnes , quæ in ejus honorem funduntur , ut ante Tribunal tuum Altissime DEus præsententur , & per eas mihi benefacias.

Gratulor tibi ô S. Patrone , de omni honore & cultu , quem in terra habes , & quem in regno gloriæ consecutus es.

### *Actus Antemeridiani.*

**M**emento Domine per viscera misericordiæ tuæ , per merita Filii tui , per merita Beatissimæ Virginis Mariæ ac Omnium Sanctorum & Electorum tuorum , inprimis Ecclesiæ Sponsæ tuæ : auge in ea fidei puritatem , & labore virorum Apostolicorum dilata eam toto orbe terrarum.

Da Summo Pontifici nostro N. Spiritûs Sancti abundantiam , ut populo sibi commisso verbo & exemplo præluceat. Intende oculos pietatis tuæ in universos Ecclesiæ Præsules & Pastores , & fac eos super gregem sibi commissum fideliter excubare.

Adesto Parochis & Presbyteris , & omni Clero , ut nulli præbeant scandali occasionem , diligant puritatem , & ea sequantur , quæ pacis sunt.

Esto propitius omnibus Religiosis , da illis continuum in virtute profectum , votorumque ac regularum exactissimam observantiam. Da huic domui bonorum temporalium sufficientiam , & Spiritum excitâ in Prælati nostris , & in cunctis fervorem accende.

Effun-

Effunde miserationes tuas Domine Princeps Regum terræ in omnes Reges , & Catholicos Principes , ejusque tribue in obedientia fidei & Ecclesiæ perseverantem famulatum , subditorum curam , justitiæ zelum , & observantiam mandatorum tuorum.

Da Virginibus continentiam & castitatem , conjugatis sanctimoniam , poenitentibus indulgentiam , viduis & orphanis sustentationem , peregrinantibus reditum , navigantibus portum , justis perseverantiam , bonis , ut meliores fiant , tepidis , ut fervescant , malis & peccatoribus , qualem me dolens esse confiteor , ut convertantur.

Conserva Cælum in salubritate , terram in fertilitate , mundum in providentia ex omni parte sufficienti.

Respice omnes ægrotos , tentatos , afflictos , agonizantes , incarceratos , & in aliquo periculo , vel necessitate constitutos , da illis auxilium & consolationem , prout expedit ad gloriam tuam , & salutem illorum.

Miserere Domine omnium consanguineorum meorum , affinium , amicorum. Miserere inimicorum meorum , quos intimè amore tui diligo ; Miserere omnium , quos ego scandalizavi , & offendi.

Respice etiam Clementissime Domine , Paganos , Turcas , Idololatrias , Hæreticos , Schismaticos , Judæos , & gentes omnes à fine alienas , collustra eas Domine veritatis tuæ splendore , ne pereant tot imagines tuæ , pro quibus pretiosus Filii tui Sanguis effusus est.

Memento demum Rex æternæ , cui omnia vivunt , animarum omnium fidelium defunctorum , præcipue earum , quæ suis carent suffragiis , & pro quibus orare teneor. Extingue earum ardorem optato rore miseri-

misericordiæ tuæ, & citò purgatas in conspectum tuum admitte.

Pro me ipso tandem infelicissimo Clementiam tuam humillimè imploro. Miserere mei secundum magnam misericordiam tuam, Dona mihi virtutes statui meo necessarias. Da terrena despiciere & amare cœlestia.

### *Actus Meridiani.*

**O** Candor lucis æternæ Domine mi JESU! & ignis! qui dulciter ardes, secretè lucēs, suaviter odoras! quando? ô quando nox ista sicut dies illuminabitur, in qua tuo in lumine videbo lumen tuum?

O quando veniet dies illa, cui nox non succedit, quæ temporum vices nescit, sed semper lucet & diescit?

Quando mi suavissime JESU flammis tuæ immensæ charitatis transflammatuſ, ego Te solo & Te solum ardere incipiam? quando ardeſcet pigrum frigus meum igne tuo, & accensus in te parvus erit mihi omnis amor, quo creatura quævis diligit te? quando mi JESU vitali amoris tui morte moriar, igne tuo consumptus favileſcam, abiboque in cineres dilectionis tuæ?

O Domine! quando ero tuus totus & tu meus? quando ſuſpenſus de te, deficiam à me, & transibo in te? quando in loco tabernaculi admirabilis reficiar in admiratione gloriæ tuæ? quando gustabo & videbo quàm ſuavis ſis Domine JESU?

Quanti mercenarii abundant in domo Patris mei panibus, & ego hic fame pereor? ô ſi citiùs poſſem ſurgere & ire ad Patrem meum. Quamvis  
verò

verò iste panis non sit dandus canibus, quorum unum me meum facit peccatum, attamen & catelli edunt de micis, quæ cadunt de mensa Dominorum suorum.

O DEUS cordis mei! quemadmodum desiderat cervus ad fontes aquarum, ita desiderat anima mea ad te fontem vivum.

Quis indicabit mihi, quem diligit anima mea, ubi cubet in illo meridie, ubi pascat? & quando requiescam in meridie illo: meridie jucunditatis & lætitiæ? O meridies præclarus nesciens vespertum, non habens occasum!

Veni suspirata quies amantis animæ meæ, ut nulli mihi dies, nullæ noctes eant sine te, nullus mihi somnus, nulla requies sine te: te solum esuriam & sitiam, qui pasceris inter lilia, mi JESU suavissime.

### *Actus ante refectiorem.*

**L**iberalissime Domine, illine tu escam dabis, qui te non semel convitiis & opprobriis saturavit? cur me potius non enecabis fame? cur talem escam aliis melioribus non providisti? Indignus enim sum rationalis creaturæ cibus, & pane Filiorum, qui jumentis insipientibus similis factus sum propter innumera peccata mea.

O immensam vim benignitatis tuæ, quâ vilissimum servum poenis duntaxat dignum tot bonis cumulare non cessas? O quot pauperes fame pereunt, cum mihi indignissimo nihil desit! Da mihi Domine operari non cibum, qui perit, sed qui permanet in vitam æternam.

Gratias tibi ago ô DEUS meus ! Misericordia mea ; qui pascis me à juventute mea , & usque nunc aperis manum tuam , & imples me licet indignum animal benedictione.

O si tam devotè , temperanter , modestè , vires corporis me reficere possem , bone JESU , sicut tu olim in terris.

Decerno temperatissimè Domine escâ & potu ideo tantùm uti , ut natura ad serviendum tibi consistat. Nolo Domine ullam in mensa voluptatem percipere , inemor fellis & aceti , quod ipse gustasti. Vellem potius Domine , ut ea , quæ sumpturus sum , absinthium saperent propter te.

Tibi Domine hoc corpus meum nutrio , non mihi , tibi hanc vitam conservo. Si possem vivere & vires tibi serviendi habere sine ulla esca , ne aspicerem quidem illam ob meam delectationem , sed quia tu ita ordinasti , ita vis , comedo tibi , & propter te ex puro amore tui. Ac ideo subministra cibum & potum corpori meo , ut te reficiam in me , qui toties in Sanctissimo Sacramento venis ad me.

Benedic Domine & delectare in refectioe mea , sicut delectatur herus super jumento aut servulo , quem refici videt in obsequium sibi.

*In ipsa refectioe condimentum spirituale.*

**P**ater ! da mihi portionem substantiæ , quæ me concernit. Sed portio mea tu es DEUS meus , aliam nec quero , nec admitto.

Quam magna multitudo dulcedinis tuæ Domine , quam abscondisti timentibus te.

Tu es fons cordis mei DEUS meus , quò te plus gusto , plus esurio , quò plus bibo , plus sitio.

○ mi



O mi DEUS ! utinam sic consumar amore tui ,  
sicut hic cibus consumitur. Utinam tot millenis cor-  
dibus te amem , quot guttæ in potu , micæ in cibo.

Virtus tui divini amoris me totum tibi incorporet  
amantissime JESU.

Tu es spes mea Domine ; portio mea in terrâ vi-  
ventium. Tu scis Domine , quia sicut desiderat cer-  
vus ad fontes aquarum , ita ego sitio amorem tu-  
um.

Intingo Domine omnes micæ , quas sumo , in  
phlegmate consputæ faciei tuæ. Utinam Domine  
JESU felle , quod gustasti , omnia mea prandia con-  
dientur.

O Cæna magna ! quando accumbam ad te ? ô tor-  
rens voluptatis ! quando potabis me ? Quanti mercenarii  
abundant in domo Patris mei panibus , & ego hic fa-  
me pereo ?

O quàm millies felicior esses anima mea ! si col-  
ligeres micæ , quæ cadebant de manibus JESU , nunc  
in deserto , quando illi ministrabant Angeli , nunc in  
domo Pharisei , ubi Magdalena lacrymis rigavit pedes  
ejus. O si etiam in societate Virginis M A T R I S  
puerum J E S U M pascentis , hunc cibum sume-  
res !

O J E S U felle & aceto potate ! omnes , qui  
nobis benefaciendo providerunt , & eos , qui ante me  
hic refectioni sunt , obsecro , educ de tenebris , & in  
patria refice.

*Post sumptam refectionem.*

**B**enedicimus DEUM cæli , & coram omnibus  
viventibus confitebimur ei , quia fecit nobiscum  
misericordiam suam.

Laudate Dominum omnes gentes, laudate eum omnes populi. Quoniam confirmata est super nos misericordia ejus: & veritas Domini manet in æternum. Gloria Patri &c.

Quid mihi ex hac refectione accessit sanguinis & vitæ, aut etiam accedere potuisset, totum id vestrum sit, quibus offero corpus in victimam, vitam in holocaustum JESU & MARIA.

*Consideranda circa refectionem.*

**M**ensæ accubens devotè, decenter, circumspicte consueta corporis alimenta sume, memor illius D. Pauli I. Cor. IO. *Sive manducatis, sive moniti bibitis, omnia in gloriam DEI facite.* Et illius S. Bernardi: Observandus est cibi modus, & tempus, quantitas & qualitas, fugienda quoque sunt superflua & adulterina condimenta. Observandus est modus, ut non effundat, qui comedit animam suam, super omnem cibum. Tempus, ne ante horam. Qualitas, quibus utitur communitas fraternitatis; exceptâ causâ manifesta infirmitatis.

Imprime etiam menti illa D. Basilii verba, incit. Apostoli locum: Is manducat & bibit ad gloriam DEI, quando beneficiorum erga se memoriam conservat, & talem animi affectionem retinet, quæ etiam ex compositione corporis declaretur, ut non omnino securus manducet, sed ut qui habet Inspectorem DEUM propositumque habet manducandi, non ut ventris mancipium propter voluptatem, sed tanquam operarius DEI, ut in operibus firmior esse possit.

Deinde præterquam, quod devotè & decenter consueta corporis alimenta sumenda tibi sint, etiam  
servan-

servanda tibi moderatio, & surgendum necesse est à mensa cum fame, ad memoriam reducenda Sanctorum in cibo parcitas, qui cum S. Job dicebant: Antequam comedam, suspiro.

SS. Hilarion & Hieronymus carni suæ & corpori tanquam jumento insipienti frequenter ingeminarunt: Ego aselle faciam, ut non calcitres, non te hordeo pascam, sed paleis, fame te conficiam & siti, gravi onerabo pondere, ut cibum potius, quam lasciviam cogites.

S. Pachomius exhalaturus ultimum spiritum hæc protulit ultima verba: Tu nosti Domine, quia, ex quo suscepi hunc habitum Monachi, nunquam satius sum pane & aqua; vel quolibet creaturâ aliâ, quam fecisti.

Evagrius, Nicephoro teste l. II. c. 43. ad Macarium Anachoretam sub meridie revisit, cumque fatigatione ac siti exhaustus frigidam postularet, Macarius ad illum placidè: Mi fili, ait, contentus esto hæc umbrâ: multi enim viatores, & navigantes eâ nunc carent. Evagrius vir mitioris ingenii, ad tranquillitatem se componens, de temperantia cæpit disserere. Cui Macarius: Confide ô fili, ait, & bono esto animo; ego jam totis viginti annis neque panem, neque aquam, neque somnum ad satietatem admisi. Et panem quidem ad modicum libellæ pondus comedi, aquam ad mensuram parcissimam bibi; cum verò fatigatio me cogeret, parieti acclinis, exiguum somni partem rapui: Hæc meæ vitæ methodus est.

Referebant quidam Fratres de Abbate Niceta, qui fuit discipulus Abbatis Silvani, quia quando in cella sua in monte Sina degebat, moderatè abstinebat pro necessitate corporis: quando autem Episcopus ordinatus est in Faran, nimis constrinxit se-

ipsum abſtinentiâ diutinâ, & in vigiliis propenſius, atque in orationibus intentius agebat. Hæc autem videns diſcipulus ejus dixit ei: Quid eſt Domine hoc, quia quando in eremo converſabamur, non tantum in abſtinentia laborabas? Reſpondit ei Beatus vir dicens: Conſidera frater, quoniam ibi eremus erat, & ſecreta vita, ac paupertas: nunc autem egreſſi de eremo, cum ſæcularibus converſamur hominibus, & multæ ac variæ nobis occaſiones occurrunt, & ideo timeo, ne in fine vitæ meæ aliqua occaſione D E U M offendamus. Si enim S. Apoſtolus Paulus, qui Chriſtum in ſe loquentem habebat, & qui tantas virtutes animi poſſidebat, ut uſque ad tertium cælum, adhuc in corpore poſitus aſcenderet, tamen dicebat: Macero corpus meum, & ſervituti ſubjicio, ne forſan aliis prædicans ipſe reprobus inveniar: quid nos humiles & peccatores facere oportet?

### *Actus Pomeridiani.*

**O** Bonitas! ô miſericordia DEUS meus! quid retribuam tibi pro omnibus, quæ tribuiſti mihi? en viliffimus terræ verniculus immenſas tibi gratias ago.

Quia ex æternitate vidifti & dilexiſti me ( ut de tua miſericordia ſpero ) me ad gloriam tuam efficaciter elegiſti, & per convenientia media ad eam prædeſtinavi.

Quia per Creationem me ex nihilo condidiſti, ad tuam imaginem & ſimilitudinem feciſti, & innumeris donis in anima & corpore ditavi.

Quia me & omnia propter me tam longâ duratione conſervas, ſine cujus actuali concurſu in  
nihil.

nihilum rediremus , nec possemus uno momento subsistere.

Quia me pretioso vulnere tuorum sanguine redemisti , & per merita ac passiones tuas à servitute diaboli liberaisti.

Quia me cum paucis respectu multorum ad Ecclesiam tuam , & ad tui cognitionem & obsequium vocasti.

Quia me cum paucissimis ad statum Religiosum , & ad hunc amabilissimum , quem profiteor , misericorditer adduxisti.

Quia Sacramentis , inspirationibus , sanctorum exemplis , spiritualibus libris , & aliis plurimis mediis ad bonam vitam adjuvisti , & adjuvare non cessas.

Quia me ab innumerabilibus periculis perdendi gratiam liberaisti , & liberare non desinis.

Quia plurimis donis tum internis , tum externis , tum naturæ , tum gratiæ ditasti.

Quia mihi ( ut spero ) ab æterno certum , secundum tuam prædestinationem , gradum gloriæ efficaciter præparasti.

Quia me hodie ad orationem & tui colloquium admisisti , ( pretioso corpore & sanguine satiasti ) & per totam vitam infinitis aliis beneficiis , ac postea per totam æternitatem afficies.

Insuper gratias tibi Domine , quia cujusvis benignè provides corpori & animæ , & das escam omnibus in tempore oportuno. Neque tantum hominibus , sed & jumentis das escam ipsorum , & pullis corvorum invocantibuste. Ergo pro omnibus & in omnibus sis benedictus in æternum.



*Actus antevespertini.*

**O** Quàm serò te cognovi, ô pulchritudo divîna !  
ô quàm serò amavi te bonitas infinita ! Tu ab  
æterno, id est, ex quo tu DEUS ! & DEUS a-  
masti me , & ego primo instanti, in quo esse capi ,  
non amavi te , imò dies mei transferunt non aman-  
do te.

Agnosco beneficentissime DEUS ! divinam  
tuam in me liberalitatem , tot beneficiis testatam :  
quoties cogitasti de me , quot vixi momen-  
tis ; tot meis obsequiis dignam , quot habeo mentis,  
cogitationis, animi affectus , corporis membra , re-  
spirandi vires.

Quid verò & quando mi Domine ! pro his  
omnibus retribuam tibi ? En jam corpus meum in  
dies ruinam ac occasum minatur , mors continuo  
insidiatur , & in brevi , post lucem in tenebris ster-  
nam lectulum meum ; adeoque dum claudentur o-  
culi mei , lingua mea etiam & cor meum in tuis de-  
ficient laudibus.

Proinde mi DEUS ! saltem ex hâc horâ vo-  
lo cum gratia tua , & desidero omnes dies vitæ meæ,  
omnes horas & momenta impendere cum fructu.  
Opto quovis respiro ac suspirio meo millies ac millie-  
tes tendere ad te , mille obsequiis servire , mille cor-  
dibus amare te.

Insuper omnia bona opera post exitum me-  
um è vita hac , usque ad tempora Antichristi , tibi in  
toto mundo impendenda , nunc offero , dono , ac  
dedico. Præcipue offero tibi mi DEUS ! omnium  
Sanctorum Angelorum ac beatorum comprehensorum,  
incendia amoris , adorationes , tibi impendendas in  
Patria.

Antici-

Anticipatè etiam repræsentò omnium electorum tuorum in via persecutiones, animarum conversiones, dolores, ac labores, omnes mortificationes & Martyria. Omnia demùm sacrificià in toto orbe celebranda.

Quidquid etiam in omnibus, qui edentur libris ad ultimum diem iudicii, virtutum, piorum affectuum, & amorosissimorum actuum tibi placentium, modorùmque eos elicendi describetur, tibi offero, his affectibus te nunc laudo, & ab omnibus per totum orbem exaltari cupio.

Quidquid sive ulla creata voluntas tibi gratum volet, sive intellectus intelliget, aliquid factibile, quod tibi placeat; Imò quidquid tu ipse scis fieri posse tibi acceptum, adeoque quàm acceptissimum, id omne approbò tibi, volòque.

O si etiam mi DEUS! possem cineres meos, dum in illos corpus meum redactum fuerit, convertere in linguas & corda æstuantissima, quibus ad extremum iudicii diem intensissimè amarem ac laudarem te! omnia ossa mea dicerent, Domine! quis similis tibi.

*Actus euntis dormitum.*

**C**redo Domine, quidquid de te credit S. Romana Ecclesia, & quidquid illa damnat, ego damno & anathematizo, imò pro hac fide sum paratus ac opto mori.

Spero Domine etiam si vilis, indignus, & abiectus homuncio in abyssu misericordiarum tuarum, & in sanguine tuo cum tanta charitate pro me effuso, quia me saluum facies, & in carne mea videbo te  
DEUM Salvatorem meum.

Amo te ô DEUS cordis mei , & amare volo in æternum. Et quia parum amo te , cum amorem quo anima Christi, Beatissima Virgo , & omnes Sancti te amârunt , imò infinitum , quo te ipsum amas , tibi offero , & si possem , omni illo amore vellem te amare in perpetuum.

Laudo & approbo omnia bona opera facta in toto mundo , & deinceps ad finem mundi facienda , & si possem , ea millies nunc vellem multiplicare ad gloriam tuam.

Gratias tibi Domine pro beneficiis propriis , communibus , gratias pro beneficijs cuiuscunque , quantumvis irrationali creaturæ hodie concessis.

Doleo mi JESU , quod te summum bonum , bonum infinitum , bonum amabilissimum toties hodie & tam graviter offenderim , & doleo ex corde , non propter amissionem cœli , aut metum inferni , sed ob amorem tui solius.

Detestor simul & abominor peccata totius mundi , hodie præcipuè commissa. Opto ex animo , ut compensari aliquatenus meo sanguine possent.

Protestor coram te Domine , quòd millies potiùs impendere eligam vitam , quàm post hac ulli peccato etiam veniali consentiam. Hucusque sit terminus delictorum meorum , & non ultra in æternum.

Parco Domine omnibus , qui me aliquâ molestiâ in vita affecerunt , & eos propter te sincerè amo.

Offero me ad omnem nutum divinæ voluntatis tuæ. Visné bone JESU , ut hac nocte moriar ? lubens moriar. Offero me & ad omnia mala pœnæ toleranda , etiam ad ipsas infernales pœnas , renunciâns iudicio , voluntati , amori meo proprio.

Et quia vitæ & salutis incertus velut sepulchrum ingredior , somnum capturus , voveo ( si est  
Reli-

Religio  
Casti  
On  
dibus Je  
rum meo  
luperex  
tuit sang

Sacra  
ante s  
mor

P  
Er  
m  
fo  
strum c  
D

dire.  
am tu  
P

geratiff  
ulas tr  
IUDÆ  
Virgini  
num p  
meos.

cor &  
quonia  
tum  
tur.

Religiosus ) coram tota curia cœlesti , Paupertatem , Castitatem , & obedientiam.

Omnia, quæ feci, aut facere debui, subterno pedibus JESU. Et quia non implevi mensuram meritorum meorum, quam hodie implere debui, investio me superexcessivo sanguine Domini JESU, quia, quod potuit sanguinis gutta, redemit unda.

*Sacratissima JESU & Mariæ nomina vesperi ante somnum, digito in fronte efformare contra mortem repentinam, docuit ipse Christus*

*Dominus S. Edmundum Cantuar :*

*Episcopum. Tu similiter fac.*

**P**ER signum † Sanctæ Crucis de inimicis meis, libera me Deus noster. (hoc ter dicat) Procul recedant somnia & noctium phantasmata, hostemque nostrum comprime, ne polluantur corpora.

Dignare Domine nocte ista sine peccato me custodire. Misere mei Deus secundum magnam misericordiam tuam.

Pax Domini nostri JESU Christi, & Virtus sacratissimæ Passionis ejus, signum S. Crucis & titulus triumphalis, JESUS NAZARENUS REX JUDÆORUM. Integritas quoque Beatæ Mariæ Virginis, Custodia SS. Angelorum & suffragia omnium Electorum, sint inter me, & omnes inimicos meos.

O cor JESU dulcissimum tibi commendo hac nocte cor & corpus meum, ut in te dulciter requiescat. Et quoniam ego obdormiturus DEUM laudare nequeo, hoc tuum mi JESU suavissimum Cor pro me supplere dignetur.

Sancte

Sancte Angele Custos , SS. Patroni mei , vos etiam pro me assistite SS. TRINITATI , Humanitati Christi Domini , & Beatissimæ Virgini Matri. SS. Patroni mei , ad quorum Ecclesiam vivo , assistite SS. Eucharistiæ , in persona vestri mancipii adorare , laudate , benedicite perpetuò , & non interruptè, DEUM , Humanitatem Christi Domini , Virginem Beatissimam Dominam meam.

JESUS NAZARENUS REX JUDÆORUM præservet me à subitanea inorte. JESU sis mihi JESUS, Virgo MARIA sis mecum in via. Omnes Sancti & Sanctæ DEI intercedite pro me. Nos cum prole pia benedicat Virgo MARIA.

O JESU MARIA JOSEPH dono vobis cor & animam meam.

*Cum jam decumbis.*

**A**Ntequam obdormiscas , breviter tecum revolvere poteris , quibus illi , qui infernalem regionem incolunt , lectis utantur : quàm etiam mollioribus lectis ii , qui amœna cœlestis paradisi loca inhabitant , accubent. Postea imaginare te somnum capturum , esse circumdatum ab Angelis , qui custodiæ tuæ invigilent. Vel mente concipe te aliquando cum CHRISTO dormire in stabulo , vel in deserto : aut in carcere Caiphæ , aut sub Cruce. Sic tibi nox sicut dies illuminabitur , & nox illuminatio tua erit in delictis tuis.

Aspira-



## Aspirationes.

*Si quando noctu evigilare contingat.*

**B**Eati, qui habitant in domo tua Domine ( ubi neque nox, neque mortis umbra, somnus est) in sæcula sæculorum laudabunt te.

Approbo & renovo, quantum possum, omnes benedictiones & affectus, quos nunc in cælo electi tibi DEO deferunt, & sine fine concinunt: Sanctus, Sanctus, Sanctus Dominus DEUS Sabaoth.

Offero omnia Sacrificia, quæ in altero Orbe nunc sunt, & quidquid uspiam tibi DEO gratum agitur, Omnium Religiosorum psallentium affectus, per MARIAM tibi ô JESU, per JESUM tibi Pater Sancte offero.

Benedicta sit illa noctis hora, quâ Dominus meus JESUS CHRISTUS, quondam erat pro me pernoctans in oratione DEI; & in qua patiebatur, quæcunque volebant carnifices crudeles!

O Crux, ô Corona spinea! quàm duram lectulum prabuiſti JESU Salvatori meo. In hoc lectulo dormiam & requiescam in cogitatione animæ meæ.

O Domine JESU! utinam feliciter obdormiam in sinu amoris tui, & lux perpetua luceat mihi in lumine viventium, videntium & amantium te.

Peto mi JESU & desidero, ut cunctæ respiraciones meæ, hæc nocte, sint aspirationes & actus ardentissimi amoris tui.

Custodi me ut rem tuam Domine, & dum ego dormio, humanitas tua dignetur pro me laudare, amare, magnificare DEUM nostrum. Magnificet etiam pro me anima tua Dominum ô MARIA.

O si etiam animus meus ad amoris lucernam vigilareret, dum Somnum corpus capit, ita, ut dicere possem cum Sponsa: Ego dormio & Cor meum vigilat.

Detestor omnia nequam phantasmata, & quidquid tibi DEO displicere posset, contra voluntatem meam esse ac fore protestor.

Tibi lectulum, tibi somnum, tibi corpus & animam, ac motus omnes, quidquid sum & possum, tibi Domine dedico & devoteo.

*S. Certrudis cum quodam tempore dormire non posset, hanc Orationem à Christo didicit. l. 3. c. 25.*

**P**er tranquillissimam suavitatem, quâ ab æterno in sinu DEI Patris accubuisti: & per amœnissimam pausationem in utero Virginali, quâ novem mensibus quieviisti, & per jucundissimam dolestationem, quâ unquam in amante aliqua anima dignatus es deliciari: rogo te misericordissime DEUS: ut non ad meum commodum, sed ad æternam laudem tuam mihi concedere digneris aliquantam requiem, quâ lassata membra corporis usui, exercitationis restituantur.

*Carve, in quantum potes, serve DEI, ne totus aliquando dormias, ne sit somnus tuus, non requies lassæ, sed sepultura corporis suffocati, non reparatio, sed extinctio spiritûs tui. S. Bern.*




*Actus*

*Actus brevis pro defunctis.*

**M**iserere piissime JESU, miserere: & respice de sede magnitudinis tuæ, ad miseras animas in purgatorio detentas, quia tibi proprium est misereri semper & parcere. Miserere gemituum, miserere lacrymarum, quas ad te fundunt, & condona eis pœnas peccatis ipsarum debitas.

Præcipuè verò animabus Fratrum, amicorum, & benefactorum meorum: animabus bellis, peste, fame sublatorum, item pauperum, egenorum, & quorum nulla extat memoria: ac demum istorum, quos à me juvari vis: per Sanguinem totius corporis tui, per crucem & mortem tuam, per merita omnium Electorum tuorum, per SS. Missæ sacrificia, & omnia bona opera ad gloriam tuam in toto mundo facta: Requiem æternam dona eis misericordissime Domine, & lux perpetua luceat eis. Requiescant in lumine viventium, videntium, & amantium te in æternum. Amen.





## CAPUT IV.

Alphabetum Amoris  
DEI per Hebdomadam  
dispositum.

Relinquire infantiam, & vivite  
& ambulate per vias prudentiæ,  
*Prov. 9.*

*A, a, a, Domine D E U S : ecce nescio  
loqui, quia puer ego sum. Jerem. 1.*

## DIE DOMINICO.

*Amo te DEUS meus, Et ideo.*

1.



Doro te cultu latriæ tibi soli debito,  
affectu totius Ecclesiæ militantis &  
triumphantis, in cælo, Euchari-  
stia, ac ubique præsentem.

2. Adoro te in peccatoribus, blasphemis, in-  
gratis, infinitam bonitatem tuam lethalibus peccatis  
offenden-

offendentibus. Adoro beneficientem probis & improbis, omnia in orbe sanctissimè disponentem; Adoro pro omnibus, & in omnibus creaturis.

3. Adoro omnium Dæmonum ac damnatorum loco; totiesque honorem omnem vitæ meâ compensare desidero, quoties blasphemaris.

4. Admiror, antefero te omnibus. Amo ut Filius amantissimum Patrem, cujus amore vitam ponere, si occasio ferat, pro honore, & Catholica fide, pro avertendis peccatis, libentissimè decerno.

5. Amore tui vellem extinguere infernum, comburere cælum, ut nemo te DEUM meum amet ob timorem pœnæ vel spem præmii, sed propter solam bonitatem tuam.

6. Amore tui desidero obstruere meipso locum inferni, ne in posterum quidquam tibi pereat.

7. Agnosco subjectionem meam, secundum infinitam à te distantiam, recedo & resilio in abyssum vitæ meæ.

8. Assumo, mihi quæ unio corda amore tuo ardentia omnium Sanctorum hominum, & Angelorum; adeoque Cor ipsius Deiparæ Virginis, & Cor humanitatis Christi. hisque omnibus te intensissimè ac ignitissimè amo.

9. Approbo omnia bona opera hominum & Angelorum, quæ tibi Domine unquam placuerunt, vel adhuc placebunt; & illa ad gustum tuum millies ac millies per omnia instantia temporis & æternitatis innovari ab omnibus cupio.

10. Abominor omnia peccata quæcunque in hoc universo fuerunt, sunt & erunt, & illa super omne malum detestor, & retracto; quia tibi displicent, teque amo, super omnia, in recompensationem aliquam pro illis.



12. Agnosco , quòd sim ego infidelissima ex omnibus creaturis tuis , & malitiosissima , quæ si ex merito suo tractanda esset , jam tu illam centies & milies , in ima inferni præcipitem dare debuisses.

*Amo te DEus meus. Et ideo.*

1. **B**enedico tibi omnium cœlitum benedictionibus , propter honorem , excellentiam , Sanctitatemque tuam infinitam.
2. Benedictus es Domine DEus Patrum nostrorum : & laudabilis & gloriosus in sæcula.
3. Benedictum nomen gloriæ tuæ , quod est Sanctum & laudabile & gloriosum in sæcula.
4. Benedictus es in templo Sancto gloriæ tuæ : & laudabilis & gloriosus in sæcula.
5. Benedictus es super thronum Sanctum Regni tui : & laudabilis & gloriosus in sæcula.
6. Benedictus es super Sceptrum Divinitatis tuæ : & laudabilis & gloriosus in sæcula.
7. Benedictus es , qui sedes super Cherubim & intueris abyssos : & laudabilis & gloriosus in sæcula.
8. Benedictus es , qui ambulas super pennas ventorum , & super undas maris : & laudabilis & gloriosus in sæcula.
9. Benedicant te omnes Angeli & Sancti tui ; & laudent & glorificent in sæcula.
10. Benedicant te cœli , terra , mare , & omnia , quæ in eis sunt , & laudent , & glorificent te in sæcula.
11. Benedico tibi mi DEus ! & omnibus sceleratis Judæis , ac infidelibus te blasphemantibus me op-  
pono ,

pono , c  
mine ill  
DEUS in

1. C

de Sacram  
Sanctorum

2. C  
poris Hæc

3. C  
esse , quæ  
go post p

4. C  
semper Vi  
colendas &  
malque ibi

5. C  
Spiritem v  
ita & dec  
sa facere d

6. C  
Prælatos &  
& Principe  
tuos , car  
tuos , atq

7. C  
meum , qu  
so singulis  
tam te ama  
8. Cl

pono, qui dum tibi maledicunt, ego pro illis & nomine illorum clamo intensissimo affectu : Benedictus DEUS in æternum !

*Amo te DEUS meus. Et ideo.*

1. **C**redo, quòd sis , & quòd remunerator sis. Credo omnia, quæ revelasti de tua Unitate & Trinitate, de Incarnatione Verbi Divini, de Sacramentis, de Ecclesia, ejusque capite, de cultu Sanctorum.

2. Credo specialiter illa omnia, quæ nostri temporis Hæretici non credunt, sed blasphemant.

3. Credo MARIAM Virginem DEI Genitricem esse, quæ Virgo ante partum, Virgo in partu, Virgo post partum fuit.

4. Credo imagines Christi Domini, Deiparæ semper Virginis Mariæ, necnon aliorum Sanctorum colendas & venerandas. Credo purgatorium esse, animasque ibi detentas fidelium suffragiis adjuvari.

5. Commendo tibi mi DEUS Spiritum meum, Spiritum vocationis meæ. Commendo omnia propo-  
sita & decreta mea, quæ Tibi servare, vel Tui causa facere debui & decrevi.

6. Commendo tibi universam Ecclesiam, ejusque Prælatos & Superiores, ac omnes Religiosos, Reges & Principes, divites atque pauperes, afflictos, captivos, carceri mancipatos, ægros, & in extremis positos, atque animas in purgatorio existentes.

7. Concentro Domine omnem amorem in Cor meum, quo in æternum totum cælum amabit te, & illo singulis momentis vitæ meæ millies ac millies vellem te amare.

8. Claude, si fieri potest, obsecro mi Domine !

ne ! januas inferni , ut nemo eò descendat , ubi omnes te oderunt : aperi portas cœli , ut omnes eò conſcendant , ubi omnes te diligunt.

9. Cupio tibi omnes illas laudes , quibus te afficere poſſent innumerabiles Angeli , hominesque poſſibiles ; & creaturæ aliæ non creandæ.

10. Contemni & pati volo pro te mi DEUS ! projiciant me , abjiciant me omnes à facie ſua. Ego ſum ille , qui cum Lucifero locum in inferno promerui inſimul ad deliteſcendum.

11. Caream mi DEUS cœlo , & dato , quod carebo te in cœlo , hoc ipſo nolo te carere in terra , ne ſim bis miſer , ibi & hic , & ne ſim ante tempus infelix.

## DIE LUNÆ.

*Amo te DEus meus. Et ideo.*

1. **D** Oleo ex toto corde , de omnibus peccatis meis quomodocunque commiſſis , contra te ſummum Bonitatis & Sanctitatis Oceanum. Ita doleo de peccatis meis amore tui mi DEUS ! ut velim Sanguine meo redimere tempus , quo peccavi , ut non peccaſſem.

2. Doleo , quòd tu amor meus ab aliis non ameris. Doleo , quòd tu amor meus contemnaris.

3. Deſidero cum diſpendio omnium bonorum & vitæ meæ , ut agnoſcaris , ameris , adoreris ab omnibus creaturis rationalibus , in omnibus & ſuper omnia.

4.  
blasphem  
tempus.

5.  
& per m  
damnatio

6.  
& omnes  
no ac Re  
lectorum

7.  
ſpero aut  
meritis &  
in comm

8. I  
mo excip  
mortis ſu

9. I  
phicè , C  
tùm , qu

ri. Re  
te ? cauſ  
DEus es.

10.  
deſcender  
tenter to  
tormenta

11.  
lud , qui  
pud me.

EX  
E

4. Detestor, damno, & anathematizo omnes blasphemias in DEum, & omnes irreverentias ac contemptus.

5. Desidero inferorum portas obturari ipso me, & per me, ne quidquam amplius in infernum, & damnationem æternam descendat.

6. Desidero, quidquid habent Seraphini omnes & omnes dilecti, ac Electi tui una cum JESU Domino ac Rege nostro, ac MARIA Virgine omnium Electorum Regina.

7. De justitia, meritis, dignitate mea despero, spero autem in sola tua Bonitate & gratia, in Christi meritis & morte, in pretiosissimæ Parentis patrocinio, in communione Sanctorum

8. Decretum mortis à tua manu divina eo animo excipio, quo animo exceperit Christus decretum mortis suæ.

9. Desidero Domine te amare, te diligere Seraphicè, Christiformiter, & omnipossibiliter, & tantum, quantum amabilis es, quantum dignus es amari. Requiris à me Domine, cur velim ita diligere te? causa diligendi te DEUM meum. Tu ipse DEUS es.

10. Desidero mi DEUS! & in ipsum infernum descendere, & ibi amare te. Nam si potentes potenter tormenta patientur, cur amantes amabiliter tormenta non paterentur?

11. Dono tibi cor meum mi DEUS! suscipe illud, quia melius & securius apud te erit, quam apud me.

*Amo te DEUS meus. Et ideo.*

**E**Xulto in te solo. rebusque tuis, nihil in hoc mundo habere volo, quod me afficiat, nisi te sapiat.

2. Exulto in te solo mi JESU. Alii alia quærant, te solum mi JESU ego quæro, te solum desidero, hoc millies dicam, hoc millies repetam, DEUS meus & omnia.

3. Exulto mi DEUS! quòd Tibi fideliter servia-  
tur à multis servis tuis. Quòd honor tuus & gloria tua per totum mundum innotescat, quòd te omnis creatura DEUM ac Dominum summum recog-  
noscat.

4. Exulto, quòd tibi publicus honor deferatur in Templis, Processionibus, famulatibus Religionum ac fodalitatum. Quòd omnes Cæsares & Reges terræ, te sicut vermiculi creatorem suum potentissimum cog-  
noscant & venerentur.

5. Exulto, quòd millia hominum amore tui moriantur, vitam & sanguinem alii profundant, alii profunderè sint parati.

6. Exulto in judiciis tuis quantumvis terribilibus, idem volo approbare, & reprobare, quod tu; idem velle & nolle, quod tu.

7. Exulto & tibi congratulor, quòd DEUS sis summè bonus & perfectus, immensus, infinitus, justissimus, sapientissimus, & incomprehensibilis. Gaudio de omnibus his bonis tuis, ob hanc solam causam, quia bona tua sunt.

8. Esurio desideranter omnia peccata mea per tuam justitiam in me dignè castigari, & puniri: ut sicut peccando te inhonoravi; sic libenter pœnam pro peccatis meis patiendo, te honorem & glorificem.

9. Esurio per totum mundum gloriam & honorem tuum ubique propagari, præcipue, ubi nec cultus, nec amatus es.

10. Ejuro omnia peccata carnis, ejuro etiam naevos, quantumvis minores venialissimis imperfectio-  
nibus,

nibus, & exofa  
homines  
& confer

1. F  
mes te,  
potes.

2. I  
mi molesti  
pro gustu  
nem pro  
3. I  
nem aëris  
nes vilipe  
opinionem  
omnes.

4. F  
quoties di  
quo nunq  
timare amo

5. F  
meritis tu  
& jument  
lum tuum

6. F  
volo ergo  
7. F



nibus, volendo imitari ter Sanctissimam Virginem, ante partum, in partu, & post partum.

11. Erubesco, quòd sim creatura tam ingrata & exosa tibi; indignus sum mi Domine, ut me inter homines tanquam monstrum abominabilissimum foveas & conserves.

*Amo te DEus meus, Et ideo.*

I. **F**Erer (toto corde meo) ad te summum bonum meum; in immensa gloria tua exulto: gaudeo, quòd ames te, quantum amari dignus es, ames te, quantum amari potes, & quantum amare potes.

2. Fero & patior libenter omnes corporis & animi molestias, has præsertim & illas, quæ tibi omnia pro gustu inprimis & gloria tua, deinde in satisfactionem pro peccatis meis offero.

3. Fero & patior amore tui omnem dispositionem aëris, intemperiem cœli, quæcunque sit, omnes vilipensiones, injurias, sitim, famem, humilem opinionem, sinistra judicia, despectus, & labores omnes.

4. Fædus tale tecum mi DEUS inire desidero, quoties dixerò, amo te, vellem amare te eo amore, quo nunquam ab ulla pura creatura amatus es, vellem amare amore omni possibili creato.

5. Firmissimè mi DEUS in misericordia tua & meritis tuis confido me salvandum. Utique homines & jumenta salvabis Domine? salva etiam hoc jumentum tuum.

6. Fieri potest mi Domine, quia damnabor, volo ergo nunc in vita mea satiari amore tuo Divino.

7. Fugere volo delicatè nutrire, aut mollior vestire.

re corpus meum, utpote rem vilissimam, quod nihil aliud est, quam escaverimium, fator & horror.

8. Fame vellem me enecare, ut non amplius offendam te, ut citius veniam & transeam ad te.

9. Famelicus sum mi Domine! te solum esurio & sitio! ô quando gustabo & videbo quàm suavis sis Domine! quàm magna multitudo dulcedinis tuæ, quam abscondisti amantibus & videntibus te.

10. Fædus tale in eo tecum: quoties dixero: mi DEUS adoro te, toties adoro te: tum Angelorum, tum Sanctorum omnium adorationibus, quibus & modo adorant te, adoraverunt, & adorabunt labente tota æternitate.

11. Fateor mi DEUS! quod sim sentina iniquitatum, vitiorum pelagus, quod sim sacrilegis & latronibus, publicanis & veneficis, damnatis & dæmonibus peior.

## DIE MARTIS.

*Ama te DEUS meus. Et ideo.*

1. **G**ratulor tibi, quod solus tu sis, qui es:

2. Gaudeo de omnī bono tuo, quod es, quod habes & operaris, & de pleno dominio ac beatitudine, de tuo honore & voluntatis tuæ irruptione;

3. Gratulor tibi, quod adæquatè amari taneunt, quantum amabilis es, nonnisi à te ipso possis.

4. Gratiarum ago tibi pro beneficiis, quæ Humanitati Christi Domini, Sanctissimæ illius Matri, quæ Sanctis Angelis, Sanctis omnibus & præsertim meis Patronis contulisti.

5. Gra-

5. Gratias ago pro omnibus spiritualibus & temporalibus beneficiis, Ecclesiæ, huic regno & Religioni meæ concessis.

6. Gratias ago pro creatione, conservatione, redemptione, pro instituto venerabili Sacramento, pro extirpatis hæresibus & erroribus ex hoc regno.

7. Gratias pro omnibus adversitatibus, cruce hac, & illa, pro omnibus incommodis, fame, peste, bello. Item pro omnibus beneficiis justis, & injustis, damnatis & dæmonibus aliquando præstitis.

9. Gaudeo Domine propter bona opera, quæ unquam facta sunt, hodie fiunt, fientque deinceps propter amorem tui.

9. Gaudeo ob ea, quæ Dominus noster JESUS Christus, Sanctissima ipsius Mater, Sancti Angeli, & beati omnes egerunt ad gloriam tuam.

10. Gaudeo ob amorem intensissimum, quo te Electi tui æternum prosequuntur, & laudes, quas tibi in perpetuum dicent.

11. Gratulor mihi, quod per te solum possim beatus fieri: unde nec placeret mihi beatitudo, nisi per te illam haberem.

*Amo te DEus meus. Et ideo.*

1. **H**onoro & revereor infinitam Majestatem, Excellentiam, & Sanctitatem tuam profundissimo affectu. Dominus meus es, ego servus tuus & mancipium tuum ex natura. Vita mea & mors in manibus tuis.

2. Honorem & cultum Dulciæ exhibeo Sanctis tuis: Sanctissimæ Genitrici Mariæ debitam Hyperdulciæ venerationem & cultum offero.

3. Hactenus te Domine mi non amavi , habere nunc cupio Cor JESU , Cor Mariæ , ut his cordibus te amare possim.

4. Habere desidero mille vitas , quas omnes in augmentum gloriæ tuæ impenderem : mille corda & linguas , quibus te glorificarem.

5. Habere cupio amorem intensissimum Seraphinorum , ut omnes homines in tuo amore succendere possim.

6. Horas omnes , omnia momenta vitæ meæ , volo honori & gloriæ tuæ dedicare , in omni actione & cogitatione mea volo inclamare : Sanctus , Sanctus , Sanctus Dominus DEus Sabaoth.

7. Hæreses omnes , & omnia perfidiæ monstra damno & anathematizo , præcipuè verò Atheismum , Paganismum , Judaismum , Arianismum , Lutheranismum , Calvinismum , & omnes alias Hæreses ab Ecclesia damnatas.

8. Horas omnes & annos meos malè peractos , item tam omnium hominum , quàm Angelorum pravorum cupio retrovertere , & peractæ ætatis spatia amoris tui actibus replere.

9. Honoro & revereor tuos Vicarios superiores meos , quibus me amore tui subjicio , voluntatemque meam , imitando eum , qui factus est obediens usque ad mortem.

10. Honorem & gloriam tuam mi DEus , tanti facio , ut eligam potius manere in inferno , & pati omnia tormenta , quàm ut tu vel unico momento priveris tuo honore.

11. Halitus ultimus , quo animam efflabo , utinam halitus amoris sit. Moriar amore tui mi DEus , & quia vitam ab amore non inchoavi , da mihi vitam amare finire. Ultimus vitæ actus sit amare.

1. JESU  
se  
fe  
in perpet  
2. I  
affectum  
me ipsum  
mea.  
3.  
peto à te.  
4.  
omnibus,  
5. J  
quidquid  
lenti irrep  
6.  
tuam , ut  
7.  
his esse pe  
8. I  
mei , &  
Sacrificium  
mat.  
9. It  
annihiland  
enim tibi  
10.  
in vulner  
& depon  
ut in eo  
tuam , SS  
ferantur.

*Amote DEUS meus. Et ideo.*

1. **J**ESU nomen suavissimum & dulcissimum in persona omnium Cœlestium, Terrestrium, & Infernorum supplex adoro, adoratumque vellem in perpetuum ab omnibus creaturis rationalibus.

2. Ignosco amore tui omnibus, qui me injuriis affecerunt totâ vitâ meâ, & illos amo propter te, sicut me ipsum, ut & tu Domine dimittas mihi peccata mea.

3. Indulgentias lucrandi gratiam, & indultriam peto à te.

4. Immolo tibi mi DEUS Sacrificium laudis pro omnibus, qui te ignorant vel blasphemant.

5. Juro & statuo custodire judica justitiæ tuæ, & quidquid in oppositum unquam fecero, puta Domine nolenti irrepsisse.

6. Jejunia omnia, quæcunque faciam per gratiam tuam, unio cum tuo, & Sanctorum tuorum jejunio.

7. Juro & protestor me Pretiosissimæ DEI Parentis esse perpetuum servum, & mancipium.

8. Ignis amoris tui semper ardeat in altari cordis mei, & in tantum crescat incendium, ut non solum Sacrificium, sed & ipsum altare comburat & consumat.

9. Ita te diligo mi DEUS, ut si scirem me fore annihilandum, adhuc tibi omni studio servirem, non enim tibi servio propter me, sed propter te.

10. In balneo sanguinis, sudoris, lacrymarum, in vulnere cordis tui Jesu mi dulcissime, immergo & depono me totum, omnes actus meos, & alienos, ut in eo detenti atque sublimati per Te & per Matrem tuam, SS. Trinitati pro me, & pro omni creatura offerantur.

11. Ignis,



11. Ignis, crux, bestia, contractio ossium, & totius corporis contritio, & cuncta tormenta Diaboli veniant in me, tantummodo JESU amore meo unico fruar.

## DIE MERCURII.

*Amo te DEUS meus. Et ideo.*

1. **L**aborabo purè pro gloria tua, constanter & fideliter usque ad mortem, nihil aliud intendens, quam gloriam tuam.
2. Laborem & laboris præmium, omnes coronas & merita resigno ac transfero in solam gloriam tuam. Hæc una in cælo coronâ contentus ero, quod omnibus meis meritis & coronis in te translatis, Te magis gloriosum videbo.
3. Laudes omnes, & tantos honores desidero tibi exhibere, quantos nosti exhiberi posse, & quantos mereris. Sed quia non est speciosa laus in ore peccatoris, laudet te pro me totum cælum & terra.
4. Laudent te omnes Chori Angelorum, & universæ turmæ Sanctorum: quos tu ab æterno ad gloriam tuam prælegisti.
5. Laudent te pro me infinita Sanctorum Angelorum castra, quos mittis in ministerium, propter acquisitionis tuæ genus electum.
6. Laudent te viginti quatuor Seniores cum omnibus Patriarchis, & Prophetis, qui deponentes coronas suas precipiunt ante thronum tuum.
7. Laudet te amicissimorum Fratrum tuorum Apostolica dignitas, quorum suffragiis Sanctam Ecclesiam tuam mirabiliter sustentas.

8. Lau-

8.  
turba  
purata,  
9.  
mum, c  
men tuu  
10.  
Canticum  
untur, qu  
11.  
tiones,  
alia mal  
volo tolo

1. **M**  
Bernard  
mansuet  
& defund  
2.  
quam del  
3.  
rationis p  
mitis im  
4.  
ferno,  
5.  
non meo  
amore T  
treutico.  
& Angele

8. Laudet te victoriosa Martyrum tuorum turba , quorum sola pretioso sanguine tuo est purpurata.

9. Laudet te Confessorum agmen perfectissimum , quorum Spiritum transtulisti in admirabile lumen tuum.

10. Laudet te & jubilet tibi pro me hoc novum Canticum , quod resonat in ore eorum , dum te sequuntur, quocunque jeris , Jesu sponse Virginum.

11. Libenter mi DEUS pro te omnes persecutiones , injurias , afflictiones , morbos , & quæcunque alia mala usque ad mortem, si oportuerit me tolerare , volo tolerare.

*Amore DEUS meus. Et ideo,*

1. **M**ARIAM Matrem tuam , Matrem pulchræ dilectiones amo ferventiùs & intensiùs præ omnibus Sanctis, quia hæc est voluntas tua, teste Bernardo. Per illam peto à te Spiritum modestiæ , mansuetudinis, mortificationis, misericordiæ erga vivos & defunctos, & mortem amoris tui plenam.

2. Malo Domine millies mori , millies damnari , quàm deliberato peccato scèdari.

3. Mori millies desidero in tuæ immensæ miserationis profluvio ; sicut moritur scintilla ignis in fluminis impetu validissimo.

4. Malo Domine propter te amatum esse in inferno , quàm propter te odio habitum esse in cælo.

5. Momentis singulis vitæ meæ vellent te amare non meo, sed ipso amore Divino, quo te ipsum amas, amore Theandrico, quo te Christus amat, amore laetutico, quo te justii amant, amore omnium hominum & Angelorum.

6. Mortificationes omnes, omnia martyria, & omnia mala pœnosa animæ & corporis, quæ pro te passi & passuri sunt homines, sive in mundo, sive in inferno, sive in purgatorio, tibi offero: ita, ut, si tibi placeret in augmentum gloriæ tuæ, omnia talia libenter vellem perpeti.

7. Mori cupio, quia te amo DEUM meum. Dulcius est mihi mori, quàm vivere & offendere te summum bonum meum.

8. Mori desidero, ut immoler tibi DEUS meus, cui me totum debeo: mori desidero ob gloriam tuam, & in meorum criminum pœnam.

9. Moriar mi DEMS, ut in te sine fine vivam, in ardentissimo amoris tui igne consumptus.

10. Mundi hujus opes & voluptates omnes aliis non invideo, mihi DEUS meus & omnia! Quis enim sic delectat, quàm ille, qui fecit omnia, quæ delectant?

11. Magnifico, adoro, laudo, glorifico, omnes & singulas perfectiones tuas Divinas, affectu tibi gratissimo, mihi possibili, imò affectu beatifico, Seraphico, Mariano, Theandrico, quo dignus es.

*Amo te DEUS meus. Et ideo.*

1. **N**Olo vivere sine vulnere, quia JESUM meum totum video vulneratum.

2. Nomen dulcissimum JESU vellem inscribi cordi meo, ut fuit infixum cordi Ignatii Martyris.

3. Noverim te mi DEUS, noverim me, nec aliud cupiam nisi te.

4. Noscant te Domine omnes peccatores & timeant. Noscant te justi amplius, ac tepidi, ut tibi fervent-

ventiùs  
convert  
5.  
mitto, ju  
6.  
stem exo  
7.  
nec mer  
tume mi  
missi.  
8.  
tem; o  
cietur D  
9.  
eligo po  
tamen no  
sed in pra  
10.  
potius m  
to animo  
11.  
sentire,  
glorius d  
ream.

1. O

ventius serviant. Noscant te Gentiles ac Hæretici & convertantur.

5. Negotia omnia, quæ à me geri vis, tibi committo, juva me, ut illa amore tui faciam diligenter.

6. Negligentiam omnem à me amove velut pestem exosam tibi.

7. Non merui te DEUM meum beatificè videre, nec merebor in æternum. Cupio tamen videre, quia tume mi DEUS ad hunc finem condidisti, & redemisti.

8. Nullam cupio ex ulla creatura habere voluptatem; omnis mea delectatio est & voluptas, ut delectetur DEUS.

9. Nolo ire in cælum mi Domine, si tu non vis, eligo potius infernum, si tibi ita complacuit; illum tamen nollem habere in pœnam meorum peccatorum, sed in præmium mei erga te amoris.

10. Nolo unquam in rebus illicitis delectari, & potius malo mori, quàm talem delectationem deliberato animo admittere.

11. Nolo unquam magnificè aut arrogenter de me sentire, illud potius desidero, ut obscurus & inglorius delitescam; nec oculis aliis, quàm tuis appaream.

## DIE JOVIS.

*Amo te DEUS meus. Et ideo,*

1. **O**ffero tibi cor dulcissimum & suavissimum JESU, cor purissimum MARIAE, & omnium cœlitum.

2. Offero

2. Offero vitam, passionem, & sanguinem Domini Jesu in horto perfusum, ac puncturis spinarum expressum, & illud pretiosissimum balsamum sanguinem cordis Filii tui.

3. Omnes omnium creaturarum substantias, potentias, actus, affectus, circumstantias bonas mihi proprio atque assumo: atque ita me cum omnibus in tuum omnimodum amorem & honorem sacrifico.

4. Opto habere tot corda, quot in aëre atomi volitant; quot arenæ in mari, ut amare te possem cordibus his universis, vel ut ita dicam rectius corde unico, quod omnibus istis æquivaleret.

5. Offero tibi omnes laudes & adoraciones, quibus te Angeli & Sancti omnes adoraverunt, & centum millenos adorationum milliones, quas omnes Sancti & justi Ecclesiæ militantis faciunt.

6. Offero tibi omnes cultus, devotiones, & omnia bona opera post vitam meam tibi ad finem mundi impendenda.

7. Offero tibi cor meum in laudem æternam ad perficiendum corpore & animâ omne beneplacitum tuum.

8. Omnia vota & proposita mea in honorem tuum aliquando à me facta fideliter exequi curabo.

9. Offero omnia Sanctissimæ Missæ Sacrificia peracta in Ecclesia, & ad finem sæculi peragenda.

10. Offero tibi omnes pœnas, cruciatus, vulnera, effusiones sanguinis, & omnia martyria: omnem pœnitentiam, jejunia, vigilias, & austeritates omnium Confessorum: omnem amorem, continentiam & puritatem Virginum.

11. Odi, averfor, & execror omnes contemptus & irreverentias quæcumque fuerunt, sunt, & erunt in toto mundo.



*Amo te DEUS meus, Et ideo.*

1. **P**rojicio & provolvo me ante te in cœlo, Eucharistia ac ubique præsentem.

2. Peto, ut tuo amore ames te pro supplendo exili amore meo ergate.

3. Pauper esse tui amore volo, exspolians me totius mundi possessione; & si rebus utor, tanquam tuis à te concessis mihi utor & non meis.

4. Pauperculam suppellectilem è domo Parentum meorum me concernentem non tantum ejuro, sed totius mundi divitias, si illas possiderem: Tu mihi Domine sufficis.

5. Peccata mea omnia projicio in immensum ignem amoris tui, demergo in exuberantium meritorum Filii tui pelagus.

6. Peto, ut perditò me, omnibusque creaturis nihil videam, nihil quæram, nisi solum te, ut vivam ego, non ego, sed tu vivas in me.

7. Peto mihi, aliisque concedi ea, quæ vis à te postulari, ea, quibus maxime indigeo, aliisque & per quæ obtenta maxime tibi placere possimus.

8. Protestor coram te, quòd in omnibus actionibus meis, nihil aliud intendere totâ vitâ meâ volo, nisi solum purum honorem, gloriam, amorem, & beneplacitum tuum.

9. Propono per gratiam tuam, & eligo millies mori, quàm te vel levissimè DEum meum offendere.

10. Protestor, quòd propter peccata mea deterior sim mortuo cane, fax hominum & labes, indignus, qui suspiciam cœlos, dignissimus, qui post mortem meam in solido sineto aut sordium receptaculo dediciar.

II. Patiar, quæso, pro honore tuo, si vis, pœnam omnium damnatorum, & laudem te, laude omnium Beatorum.

*Amo te DEUS meus. Et ideo.*

I. **Q**uotidianas meas actiones, occupationes tibi offero. Da, ut in illis quæram te, non me, amorem tui, non mei.

2. Quidquid est auri, argenti, lapidum pretiosorum atque gemmarum in mundo: quidquid homines sæculares æstimant & amant, totum illud, ut nihil præter te amem, ego nihili æstimo, & ut lutum despicio.

3. Quinque talenta tradidisti mihi Domine, itaque diligenter operari volo, ut alia quinque valeam superlucrari, non ut me excludas à cælo, sed ut per hoc placeam tibi, tuam Sanctissimam voluntatem faciundo.

4. Quæso Domine, ut mihi dones cognitionem tuam ac mei, donum perseverantiæ finalis, & omnes virtutes statui meo necessarias.

5. Quoties ad me aërem attraho, toties cupio cordiali quodam affectu te Dominum meum JESUM Christum & Matrem tuam intra me attrahere.

6. Quotiescunque corde vel ore dixero: DEUS DEUS meus! vellem hoc nomen tuum infinitè revereri & repetere corde ac ore omnium Angelorum ac Electorum tuorum.

7. Quia te amo mi DEUS, vellem hinc pasci à vulnere, hinc lactari ab ubere, vellem costam mihi attolli ad latius amandum te cum S. Philippo Nerio: vellem continuò cordialiter dicere cum S. Francisco: DEUS meus & omnia!

8. Quæ

8. Quærere primum volo regnum DEI & justitiam ejus, postmodum vitæ hujus necessaria.

9. Quoties unquam respiro, toties in me volohære corda & affectus electorum tuorum, atque illis toties te amare & laudare.

10. Quæcunque tibi DEO meo proposui, promissi, juravi, quæ pretiosissimæ eidem Parenti & omnibus Sanctis Patronis meis, ea omnia promitto, propono, voveo, juro ad gustum tuæ Divinæ voluntatis.

11. Quia ego & omnia mea nihil sunt & infra te infinites sunt, ideo non meis, sed affectibus tuis Te per Te superamo, te per te superæstimo, te per te superexalto. Sis per te superbenedictus, superlaudabilis, superexaltatus.

## DIE VENERIS.

*Amo te DEUS meus. Et ideo.*

1. **R**esigno tibi mea omnia Domine JESU. Dispone de me liberè ut de tuo proprio jumento in tempore & æternitate, prout tibi placet.

2. Resigno me tuæ adorandæ voluntati ad inopiam, ad contemptus, ad infamiam, ad extremos dolores, ad mortem, imò ad ipsam condemnationem æternam.

3. Restituo me tibi, te super omnia appretio, præeligo, appeto & quæro: paratus cæteris omnibus propterea abrenunciare, quotiescunque & quomodo-  
cunque volueris.

4. Renovo tibi laudabilia animi decreta, itemque vota mea, piaque desideria omnia erga te, erga Virginem Mariam, erga Angelos & SS. tuos facta.

5. Ratifico Domine & innovo omnes actus bonos tibi oblatos & offerendos; omnes laudes à quocunque Sanctorum impensas & impendendas.

6. Retracto & corrigo omnia opera totius vite meæ, quanta quanta sunt mala & imperfecta.

7. Rata habeo omnia bona opera mea per gratiam tuam facta, & ea, quæ facere debui.

8. Religiosum statum approbo, amplector, & exnuncingredior, totiusque mundi res & spes pro tuo amore & servicio calco.

9. Retracto & ejuro omnes blasphemias, irreverentias, contemptus contra te, sive hic, sive in altera vita commissos.

10. Vereor tua horrenda judicia, tuam dispositionem & quidem æternum de me duraturam approbo.

11. Regum omnium ac Principum etiam infidelium te non credentium, colla & corda tibi subjicio, licet oppositum volentium, quia tibi Regi sæculorum immortalis, & invisibili debetur summa laus, & gloria ab omnibus.

### *Amore DEUS meus. Et ideo.*

1. **S**ACRAMENTA omnia mihi ad salutem necessaria desidero. Da, ut illa sanctè frequenter accipiam, non tantum SACRAMENTUM, sed etiam rem & virtutem SACRAMENTI.

2. Spem omnem salutis meæ pono in tuo dulcissimo nomine o JESU, quod Salvatorem significat: igitur

igitur o JESU  
tua ego

1. Si  
meo servi  
intensius,  
esset.

4. Si  
eam jam h  
hic cum i  
ad tuam g  
hoc posses  
um, &  
mationem

5. Si  
affectus in  
vellem te

6. Si  
extingue in  
sequi à me  
tibi servi

7. Si  
ternum ton  
illas flamm  
næ satisfac

8. Si  
dibus amor  
serere, ut

9. Si  
cuperem te  
millionibus

10. Si  
mi DEUS ar  
tua Sapient  
æternaliter  
spondeat ar



igitur ô JESU, sis mihi JESUS! dic animæ meæ, salus tua ego sum.

3. Si scirem, quòd damnandus sim, Tibi DEO meo servire vellem & volo, tantò etiam magis & intensius, quantò hoc spatium temporis brevius mihi esset.

4. Si de salute mea æterna certus essem, imò si eam jam haberem, & placeret tibi DEO meo, me hic cum incertitudine vivere, aliquid autem insigne ad tuam gloriam & voluntatem perficere, præligo hoc posterius illo priori, purè propter gustum tuum, & adorandæ voluntatis, gloriæque tuæ æstimationem.

5. Si omnia creata corda, omniumque cordium affectus in meum cor immergere & includere possem, vellem te sic amare dulcis amor meus.

6. Si placet tibi mi DEUS! exure Paradisum, extingue infernum. Non requiro aliam mercedem obsequii à me tibi præstiti, quàm illam gloriam, quæ est tibi lervisse.

7. Si nossem velle tuum mi DEUS esse, ut in æternum torquerer in inferno, me ipsum statim sponte in illas flammæ præcipitarem, solum modo, ut tuæ Divinæ satisfacerem voluntati.

8. Si possem mi DEUS! vellem ab omnium cordibus amorem, qui non est tuus, evellere, & tuum inferere, ut amore tuo omnes arderent & languerent.

9. Si mihi in omnibus corporibus replicari liceret, cuperem te in illis millenis adorationum Seraphicarum millionibus adorare.

10. Siquidem ( teste S. Bernardo ) dum amas mi DEUS animam, amat tua æternitas, tua immensitas, tua Sapientia, & ego vellem te redamare immensè, æternaliter, omnipossibiliter, ita, ut tuo amori correspondeat amor meus.



11. Sum ita affectus erga te mi Domine , ut v<sup>er</sup>am res omnes mundi in linguas , odium omnium peccatorum & damnatorum in tui amorem , blasphemias eorum in laudem tui commutare.

*Amore DEUS meus. Erideo.*

1. **T**imeo te , non ut servus emptitius ob p<sup>ec</sup>nam , sed ut filius charissimus , ne tuam Divinam offensam incurram.

2. Timeo judicia tua horrenda inscrutabilia , quia scire non possum , an amore sim dignus vel odio. Idcirco enitar constanter , ut te nunquam deinceps deliberatè offendam.

3. Timeo te timore reverentiali & instar Beatorum revereor infinitam tuam Majestatem , ex toto corde me tibi subdens , ac me velut nihilum in conspectu tuo agnoscens.

4. Te solum unicè & cordialiter diligo præ omni dulcedine & gustus suavitate , præ omnibus corporis mei commodis , præ omnibus mundi divitiis , præ omnibus honorum titulis.

5. Totus sum tuus mi DEUS , eroque in æternum , sicut totus tu meus esse voluisti.

6. Talem voluntatem habeo mi DEUS , & illam tibi offero , si nimirum haberem omnia , quæ tu habes , omnibus vellem renunciare & abdicare , & tam liberaliter omnia tibi dare , ut tu posses dare , cuicunque velles.

7. Tuum beneplacitum in me , de me , per me , & in omnibus semper & ubique perfici & impleri in tempore & æternitate , in adversis & prosperis opto & postulo.

8. Tibi Domine mi hoc corpus meum nutrio ,  
tibi

sibi hanc  
de soli ser

9. T  
possum , p  
sio quid  
tem. sol ,  
gutta & tu  
& essem a  
elles major

10.  
et te ipso  
pulchritud

11.  
& nihil ali

1. V

etia curia  
nitatem pe

3. V  
etiam h  
Vis mori,  
velle, quic

4. V  
liber malun  
dere , & tu

tibi hanc vitam meam conseruo : largire mihi vires ,  
ut soli seruiam tibi.

9. Te æstimare mi DEUS, te amare, plusquam  
possum, plusquam valeo, desidero, sed æstimando ne-  
scio quid factururus sum pro te. Si radius essem, tu au-  
tem sol, adderem me tibi, & esses lucidior, si essem  
gutta & tu mare, effunderem me tibi, & esses plenior.  
Si essem atomus, & tu mundus, apponerem me tibi, &  
esses maior.

10. Tibi Te ipsum mi DEUS offero, nihil enim  
est te ipso dignius: offero tuam Excellentiam, tuam  
pulchritudinem, tuam de te voluptatem.

11. Tibi offero cor meum, ut te solum amet,  
& nihil aliud nisi te vel propter Te.

## DIE SABBATI.

*Amote DEUS meus. Et ideo.*

1. **V**oveo & renovo fidem tibi in baptismo da-  
tam.

2. Voveo, sicut me tibi obligavi coram  
tota curia cœlesti, paupertatem, obedientiam, & ca-  
stitatem perpetuam.

3. Voluntatem meam, tuæ volo dedicare in vi-  
ctimam holocausti. Vis me Domine, vivere volo.  
Vis mori, & in ipsum infernum abjicere, volo. Volo  
velle, quidquid velle tu me vis.

4. Volo potius quolibet bono privari, & quod-  
libet malum perpeti, quàm à tua gratia & amicitia exci-  
dere, & tuam indignitatem incurrere.

5. Utinam possem DEus meus omnium fidelium intellectibus in te credere, omnium cordibus te amare, omnium viribus tibi servire.

6. Utinam possem efficere, ut nullus te offendar, & nullus pereat, libenter etiam vitam meam impenderem, & sanguinem profunderem.

7. Utinam omnes infideles, Hæretici, Schismatici, Apostatae, & peccatores obstinati convertantur: utinam omnes homines te agnoscant, te solum diligant tibi serviant.

8. Volo & per te propono, te in omnibus, & ante omnia purè intendere: nullumque opus internum aut externum aggredi, nisi propter amorem & beneplacitum tuum.

9. Volo & desidero, ut quodvis momentum vitæ meæ, omnis pulsus & motus cordis mei & arteriarum idem sit, idem significet, quòd hæc verba, Sanctus, Sanctus, Sanctus Dominus DEus Sabaoth.

10. Vellem te mi DEus amare amore continuo & infinito, si possem omnibus momentis vitæ meæ, & desidero, dolore quodam velut infinito ex illius amoris infiniti fonte profecto dolere de meis ac totius mundi peccatis.

11. Vellem oblatas tibi omnes laudes, quæ sunt, fuerunt, & erunt in cælo & in terra, quas possunt & possent conferre illæ creaturæ, quæ id neglexerunt, negligunt, & posthac negligent ob ingratitudinem suam, millies ac millies, per gratiam tuam.

quovis respiro & ictu oculi  
mei multiplicare.



*Amo*

*Amo te DEus meus, Et ideo JESU.*

1. **X** Cifixi meritis conjungo, quidquid ago, quidquid in posterum cogitaturus, dicturus, vel facturus sum, totum hoc sudore Christi sanguineo rigatum tibi sacrifico.

2. Xcifixi Domini gloriam & honorem desidero per totum mundum etiam cum dispendio vitæ & animæ meæ propagari. Imò cupio, ut hoc nomen dignissimum, & dulcissimum JESUS, etiam ipsi dæmones & damnati revercantur, laudent, & nullus omnino non amet JESUM, qui potest amare.

*Amo te DEus meus, Et ideo.*

3. **Z** Elo tuæ Excellentiæ, adoro Tuam divinam Essentiam, Unitatem, Trinitatem. Tuam Potentiam, Dominium, Magnitudinem, Sanctitatem, Perfectionem, Dignitatem. Tuam Justitiam, Misericordiam, Gloriam, & Beatitudinem.

4. Zelo tuo, adoro unionem Hypostaticam, Verbi & Filii DEI Personam, Hominisque & Filii Virginis naturam.

5. Zelo tuæ Sanctitatis, æstimo & veneror profundo affectu, Tuam purissimam Matrem Virginem, ex eaque operante Spiritu Sancto Incarnationem. Tuam Ecclesiam militantem ac triumphantem ex SS. Angelis, hominibusque constitutam.

6. Zelo gloriæ tuæ desidero millies ac millies extensione ad omnia tempora, & ad omnia omnium temporum instantia, ad omnia quoque momenta æternitatis, ea tibi omnia exhiberi ab omni creatura rationali, quæ tibi homines Sancti & Angeli, Humanitas Christi & Beatissima Virgo exhibuit & exhibebit.

7. Zelo tuæ dignitatis, vellem continuis actibus adorationis, appretiationis, doloris & amoris intensissimi compensare omnes & singulas tam hominum quàm Angelorum pravorum malitias, ac injurias tibi illatas, & illis bonis actibus implere omnia instantia, & momenta actionum peccaminosarum.

8. Zelo tui honoris doleo, quantum possum, de omnibus & singulis peccatis à quocunque commissis & committendis.

9. Zelo charitatis in proximos, opto anathema esse à Christo, pro Fratribus meis in Christo. Opto me ipso obturari portam inferni, ne quisquam amplius pereat.

10. Zelo tuo & amore tui solius renuntio omnibus hujus mundi bonis, omnibus voluptatibus, honoribus, excellentiis, & vanitatibus.

11. Zelo tuo vellem omnibus diebus vitæ meæ, quoad vixero, illud facere, quod tibi summè placet.

### *Finis Alphabeti.*

1. **T**U scis ô JESU plusquam amabilis ! quia amo te. Amo ex toto corde meo, ex tota anima, ex totis viribus meis.

2. Amo te castissime Sponse supra omnes spurcas & brutas carnis voluptates ; supra omnem harmoniam & musicorum concentum.

3. Amo te plusquam mundum universum.

4. Amo te plusquam me, plus vitâ & animâ meâ.

5. Amote plusquam cælum, quod infernus absque te mihi videretur.

6. Amo te & plus in dies amare volo, quàm te oderint & damnati omnes.

7. Quia



7. Quia te amo mi DEUS! ideo omnibus me Sancti tui superent in cœlo donis tuis, vellem nemo me superaret amore tui.


8. Pro aversione à te summo Bono & Creatore nostro, & conversione ad creaturam per peccatum cujus-  
cunque peccatoris, nunc tibi restituo honorem, cultumque tibi & amorem debitum à quocunque denegatum offero: te super omnia æstimo & appetio.

9. Vellem nunc omnes horas & annos meos, & omnium hominum ac Angelorum pravorum revocare, retrovertere, & peractæ ætatis spatia amoris tui actibus replere.

10. Offero tibi omnia corda, quæ tam in cœlo, quàm in terra te ardentissimè amant, ita quidem, ut ea omnia simul habere, & immensum quoddam purissimi amoris tui incendium ex illis facere vellem, in quo assidue, incessanterque consumar.

11. Non ideo te amo, mi DEUS! quia bonis tuis me cumulas, sed etiam, si his retractis, omnibus malis me subiiceres, Te amare; quia te amo, non tam ob id, quod sum ex munere Tuo, quàm ob id, quod Tu es ex natura Tua.





## CAPUT V.

## Solitudo Septemdialis.

Seu quotidiana familiaris cum  
DEO Viatoris conversatio.

*O anima Sancta sola esto , ut soli om-  
nium serves te ipsam,  
S. Bern.*



Anc brevem solitudinem & secessum  
suadent tibi Viator non tantum mun-  
di hujus miserie , sed ipsius solitu-  
dinis delicia. Quid enim potest de-  
esse deliciarum homini , cum illic  
adest , cujus deliciae sunt esse cum fi-  
liis hominum. Quod per Iaiam  
Dominus promisit dicens : *Ponet desertum ejus quasi  
delicias : & solitudinem , quasi hortum Domini , gau-  
dium & letitia invenientur in ea.* Unde in hac soli-  
tudine de perenni divinitatis fonte limpidissimis con-  
solationibus affluens S. Benedictus non semel in uno  
solis radio totum mundum collectum conspexit. Et S.  
Ignatius in eadem solitudine interna suavissima caeli  
gaudia libans erumpebat in haec verba : *Quam sordes*  
mibi

mibi terra  
scipius de  
do Parau  
ciis , fug  
DEO hab  
locum cor  
tor corpor  
dum Afce  
extra urbe  
agitatione  
Baptista ,  
lis solitud  
Magdalen  
tamen tot  
videlicet  
voluit.

Caro  
tur , Reg  
quo sic te  
sua Eremo  
morti vic  
Corona e  
melius in  
gotiorum  
Potes  
tate. Q  
sacri Anna  
secretum e  
morabatur  
locus , qu  
Alter  
montium  
ab homini  
recessus ab  
meditation

*mibi terra, dum cælum conspicio.* Ideo Hieronymus sæpius de suo deserto : *Mibi cætera carcer & solitudo Paradisus.* Ut ergo anima his possit vacare deliciis, fugiendo hominum contubernium, & cum solo DEO habens commercium, scire refert, ad quem se locum conferet. *Gemina est solitudo, altera exterior corporis, altera interior animi.* Prima, secundum Ascetas, est locus remotus in abdito recessu, vel extra urbem, à familiæ strepitu, & inanium rerum agitatione : unde ille præcursor Domini S. Joannes Baptista, inter natos mulierum maximus, ab incunabulis solitudinem adivit, pluribusque annis coluit. S. Magdalena licet singulari gratiâ DEI prædita fuerit, tamen totum vitæ suæ tempus post passionem Christi, videlicet triginta annos in spelunca quadam transigere voluit.

Carolus Imperator, ut solitudine liberius frueretur, Regnum suum in Philippum filium derivavit, de quo sic testantur Annales: Carolum Majorem fuisse in sua Eremita, quàm in Imperio. Ejus nepos Philippus morti vicinus in hæc verba prorupisse dicitur : *utinam Corona caput non cinxisset !* pœnitet fuisse Regem ! melius in aliquo deserti angulo extra mundanorum negotiorum tumultum vixissem ?

Potes tali frui solitudine etiam in populosa civitate. Qualem sibi fabricata est Judith, de qua ita sacri Annales : *In superioribus domus suæ fecit sibi secretum cubiculum, in quo cum puellis suis clausa morabatur :* Non est igitur, ut sis solus, excusationi locus, quia ubique est solitudini locus.

Altera est solitudo non loci, sed animi, non montium sed mentium, non eremi sed cordis. Non te ab hominibus sejungas, sed cum DEO conjungas : non recessus ab urbibus, sed accessus ad cælum, attenta meditatione faciet te solitarium. *In populosa urbe* inquit

inquit Petrus Damiani, *amor artifex solitudinem reperit*. Ideo nullum vitæ genus est adeò negotiis addictum, adeò curis implicitum, in quo solitudo animi, mentisque secessus nequeat reperiri. Quare in turba, itinere, conviviis, etiam faciat sibi cogitatio secretum, faciat solitudinem, & familiarem cum DEO conversationem.

Si ergo secedere non potes ad hebdomadas aliquot, si non potes ad aliquot dies, animum colligendi gratiâ, saltem horam unam aut alteram concede DEO loquenti in solitudine ad Cor. Benè suasit cui-dam Hieronymus. *Adhibe tibi in urbe solitudinem, & remotus ab hominibus junge te DEO*. Nam talis solitudo est quidam paradysus cœlestis voluptatis, est via recta ad cœlum, conscientiæ cathedra, magistra silentii, est nuptialis thalamus, in quo Sancti Spiritus annulus tribuitur, & cœlesti Sponso felix anima fœderatur.

## DIE DOMINICO.

### Meditatio Prima.

#### *De Beneficio Prædestinationis.*

*Prælad. 1.* Statue te coram DEO, in quantum Prædestinator est, cui soli cognitus est numerus prædestinatorum & præscitorum.

*Prælad. 2.* Pete, ut possis cognoscere media ad finem prædestinationis consequendum.

*Pun-*



*Punctum, I.*

**C**onsidera hoc beneficium non esse commune sed peculiare, eorum duntaxat, qui ab æterno electi sunt à DEO ad vitam æternam, quod est omnium beneficiorum maximum, non solum, quia datur ante omne meritum, sed quia cæterorum est fundamentum.

2. Cogita tecum : Quis scit, an nomen meum scriptum est in libro vitæ, vasne sum in honorem, an in contumeliam, hædusne, an agnus? Ingessit olim hanc cogitationem S. Bernardus Fratribus suis dicens : *Quis scit, an omnium vestrum, quos hic video, nomina scripta sint in libro vitæ? Multi enim vocati, pauci electi.*

3. Admirare tam sublimem finem creationis tuæ, ut in æternum fruaris DEO, vivas cum DEO.

4. Rumina & expende tam magnam DEI propter te resolutionem ac impensam sanè sumptuosissimam : quam, ut scopum æternæ prædestinationis assequeris, in vita sua contemptissima & morte probrosissima ostendit.

5. Colloquere cum Domino DEO : Homo vanitati similis factus est, & quomodo mi Domine reputas eum, & apponis erga eum Cor tuum, ut inhabite domo tua omnibus diebus vitæ suæ, qui es te ipso beatissimus ac felicissimus.

6. Interroga Divinam Clementiam : Quis effecit, quia homo gratus factus est in oculis DEI, qui dignus eras æterno odio iræ DEI ? unde illi, quia è massa æternæ perditionis ac reprobationis eum Divina bonitas secrevit, qui merito suo eidem sum reliquis præcitis involvendus erat ?



7. Testare cœlum & terram, quòd majori cum homine Dominus misericordiâ usus sit, quàm cum omnibus Angelis Apostatis.

8. Alloquere iterum Dominum JESUM; & dic: Quæ tua mi Domine liberalitas & humanitas! potuisti hominem cum reprobis Angelis supplicio damnare perpetuo, & ecce non tantum pepercisti illi, verum etiam decrevisti pro illo homo fieri, & cum omni opprobrio mori?

9. Interroga te ipsum, quid pro his omnibus Domino DEO retribuisti? Eheu! redidisti mala pro bonis, quia toties tam graviter, tam impudenter Dominum tuum offendisti.

10. Non fle, sed ejula cum gemitu cordis tui, quia Divinæ vocationi & ordinationi restitisti, & auxilia contempsisti Sanctorum, & Angelorum societate te indignum fecisti. Odium & indignationem SS. Trinitatis incurristi. Fructu vitæ & passionis Domini te privasti.

## Pro Colloquio.

### *Actus Contritionis.*

**H**eu me miserum! quid cogitavi, quid dixi; quid unquam feci demens! Peccavi contra rationem, contra conscientiam, & in quem, & quis?

Egône vile & projectum cadaver, nihili homuncio te quavis deterior, & nequior ausus sum, & qua fronte impudens in ipsius numinis & Angelicarum mentium conspectu, scelere meo impetere Creatorem meum, qui me ex nihilo fecit. Redemptorem, qui me  
san-

sanguine  
me form  
progre  
mei, qu  
hoc!

O n  
ratula inf  
ignium i  
me mei,  
cùm toti  
mea?

Sed  
à me per  
prævenit  
contemph  
tissimum!

O D  
antueri al  
creatura t  
giam à fa  
omnia mal  
tori meo.

O b  
pretioso s  
Jesu fecer  
affixas ten  
ne despici  
aspicias,  
ut nomen  
coram ater

Fieri  
dus, erg  
tuo Divin  
dero, etia  
tu sic evacu

sanguine redemit , prædestinatorem , qui priusquam me formasset in utero , novit me , & antequam ex illo progrederer , recordatus est in sua æternitate nominis mei , quasi guttulæ in vasto mari , & arenulæ in universo hoc !

O me infelicem ! ergone pro momentanea voluptatula infamis mercator DEO contempto æternos mihi ignium inferorum cruciatus compararim ! Ah pudeat me mei , etsi nemo alius conscius foret , quid verò erit , cum toti mundo revelabuntur sceditates ac turpitudines meæ ?

Sed quàm immani ingratitude vitio scelus est à me perpetratum , in eum , qui me tot beneficiis prævenit ac prosecutus est ! Quid ! tot beneficia contempsisse me amaro recordor animo ? ô me ingratiſſimum !

O DEUS meus ! peccavi ! jam non sum dignus intueri altitudinem cœli , non sum dignus vocari creatura tua. Quid tamen faciam miser , quo fugiam à facie iræ tuæ ? cui conquerar ô Domine , omnia mala adversum me , nisi tibi Salvatori & Redemptori meo.

O bone JESU ! ne permittas me damnari , quem pretioso sanguine redemisti. Manus tuæ Domine JESU fecerunt me , manus , inquam , illæ , quas cruci affixas tenes pro me , ergo opera manuum tuarum me despicias , vulnera manuum tuarum precor , ut aspicias , ecce in manibus tuis descripsisti me , fac , ut nomen meum hic beatæ prædestinationis liber per ætæternitatem adscriptum retineat.

Fieri etiam potest mi Domine , quod sim damnandus , ergo saltem hic in vita mea volo satiari amore tuo Divino. Imò si in ipsum fundum inferni descendero , etiam ibi volo , & desidero te amare intensissimè , ut sic evacuato per amorem inferno , ubi solus amoris

ignis deinceps arderet, omnibus damnatis te blasphemantibus, opponere me possim, clamando in æternum. Benedictus DEUS! Justus Dominus.

Spero tamen mi Domine in bonitate & misericordia tua! Quid spero? Te ipsum! Animant me omnes miserationes tuæ, quas mecum ab infantia exercuisti, ut non cessem sperare in te. Appello viscera tua Paterna, appello misericordiam tuam abyssalem, appello illum actum, quo crucifixus pro peccatoribus orabas, quo peccatores ex visceribus divinæ tuæ misericordiæ salvare decernebas. Et spero in misericordia illa, quod ego sim salvandus.

Tantam enim de te mi bone JESU habeo fiduciam, quod licet millies plus peccassem quam feci, sciremque certò te gravissimè iratum mihi, attamen licet penes me esset eligere mihi judicem, nullum tamen alium, quam te eligerem, certiusque à te misericordiam expectarem, quam ab optimo meo amico.

Etenim si toties tamque graviter contra aliquem amicorum meorum, sicut contra te, peccassem, certissimus essem, quod mihi non ignosceret, licet charissima Mater esset. Si enim ei ita rebellis, ac injurius fuisset, ac tibi; vel millies me abjecisset, & execrata fuisset. Tu verò post tot graves acceptas injurias, foves me nihilominus ac nutris:

### *Actus Amoris DEI.*

**O** Bonitas infinita DEUS meus! ecquid est homo, putredo & cinis; ut tu ab æterno ad Salutem & beatitudinem æternam eligeres illum ac prædestinares? unde invenit hanc gratiam in oculis tuis, quod ostendere vuleris divitias misericordiæ tuæ in illo? Cur unum mi Domine vilem & inutilem hominicionem elegisti

elegisti & assumpxisti, & innumeros Angelos, qui semel tantum peccaverunt, reliquisti & projecisti?

Tunc mi DEUS super huiusmodi peccatore dignum duxisti aperire oculos tuos? Tibi mi Salvator ab æterno nos lutea vasa cordi fuimus, ut non veniremus in oblivionem coram te? Tantum nos æstimasti vilissima mancipia tua, rebelles tuos inimicos, immemor scelerum, ingratorum, ac vilitatum nostrarum? Quid aliud in nobis invenimus, nisi omnimoda impedimenta, & obstacula æternæ salvationis, tuæ fruitionis, tui suavissimi complexus?

Quomodo te non exaltabo DEUM meum dignissimum salutis meæ? quomodo non benedicet tibi anima mea? quomodo tota se non eviscerabit, exinanietque in dilectionem Bonitatis & charitatis tuæ! O bonitas! ô benignitas! utinam ab æterno fuisset & te ab æterno amare potuissem! utinam nunc saltem, amem te, sed amem ex toto corde, ex tota anima, amem millies millibus cordium, & igne ardentissimorum Seraphinorum.

Utinam semper te dilexisset superoptime DEUS, ex quo sum homo, quia tu me dilexisti, ex quo es DEUS! utinam te magis ac magis diligam, quia eripuisti animam meam de morte, quia respexisti canem mortuum & pulicem unum.

O mi Domine! utinam saltem ex hoc momento in æternum tot bonis provocatus à te non declinem à mandatis tuis, neque derelinquam te fontem aquæ vivæ! sed Eheu! nescio, nescio, quid servus vesper vehat; nam audio: Qui stat, videat, ne cadat: & post hæc dona tua omnia horresco, dum cogito, quod ecce Domine mi, nisi tu adjuvares me, etiam hoc momento calcarem te, & rursum crucifigerem te mihi pro tot scilicet donis tuis.

En ergo ; Salvator piissime ! minimus servorum tuorum in timore & tremore supplico tibi , ne me projicias à facie tua , nec à participatione Sacratissimæ Passionis tuæ , sed juxta magnam misericordiam tuam da mihi congrua salutis media , ut in æternum cum Electis tuis misericordias tuas concinam.

## EODEM DIE MEDITATIO SECUNDA.

### *De Beneficio Creationis.*

*Prælud.* 1. Constitue te coram DEO , & imaginare te ipsum quasi vas quoddam recenter manibus DEI formatum. Cogita tecum quo fine ?

*Prælud.* 2. Pete , ut finem , ad quem creatus es , cognoscere possis , & ad illum pervenire.

### *Punctum. I.*

**C**ONsidera bonitatem DEI ! quanta fecit animæ tuæ ! novisti , quòd ante annos paucos nihil fueris , & nullibi. Ecce elegit te DEus ex milibus , imò infinitis possibilibus , & condidit in hunc mundum , ut thesauris bonitatis tuæ te ditaret in tempore & æternitate.

2. Ad imaginem & similitudinem fecit te , quem ante prævidit vilem & inutilem , indignum & ingratum , inimicum sibi & exosum.

3. Crea-

3.  
nosce  
fas.  
Quid er  
jucundiu  
4.  
si obtuit  
reperies  
diffundi  
totus mu  
fecit me  
servias i  
tem , re  
5.  
ostensam  
ter te tan  
creavit  
6.  
quam ti  
bueris  
Judæus  
Christia  
ritate,  
dus, non  
7.  
ego sum  
mei, ut  
torem;  
8.  
sce, qu  
tui: qu  
ut justè p  
Peenitec  
9.  
scclera



3. Creavit DEUS animam tuam eo fine , ut cognoscas eum , illum ames , ei servias , & tandem salvus fias. Finis Sanctissimus , nobilissimus , celissimus. Quid enim suavius , quàm amare amabilissimum , quid jucundius , quàm æternum cum & in DEO vivere ?

4. Aperi oculos & universum mundum uno quasi obtuitu comprehende , in illo omnia tibi subiecta reperies. Tibi serviunt Angeli , tibi bruta vivunt , diffunditur ær , fluit aqua &c. Vide homo , dicit totus mundus , quomodo amavit te , qui propter te fecit me : Servio tibi , quia factus sum propter te , ut servias illi , qui fecit me & te , si accipis benignitatem , redde humanitatem.

5. Lauda Dominum ob admirabilem potentiam ostensam in Creatione. Quia nimirum ex nihilo propter te tam multa , tam varia , tam solida , tam perfecta creavit.

6. Gratias agas pro beneficio existentiae actualis , quam tibi Divina bonitas contulit. Item quod habueris Parentes Christianos , ex quibus natus es non Judæus , non Paganus , non etiam Hæreticus , sed Christianus. Quod natus sis cum membrorum integritate , complexionis bonitate , non cæcus , non claudus , non monstrum aliquod.

7. Humilia te ante DEUM & dic : O Domine ! ego sum verum nihil ante te ! & quid recordatus es mei , ut creares me , sciens me gravissimum fore peccatorem , & tuum capitalem inimicum ?

8. Confunde te coram coelo & terra , & erubescere , quia toties deturpasti imaginem Domini DEI tui : quia toties rebellis factus es Creatori tuo , ita , ut justè possit de te tacitus dolore intrinsecus conqueri. Poenitet me hunc hominem fecisse.

9. Interroga Divinam Clementiam , cur propter scelera tua sicut alter Nabuchodonosor non fueris

toties in bestiam conversus ? nonne merebaris , ut te DEUS in canem , qui factore peccatorum putidus fuisti , aut suem , qui non semel ad volutabrum sordium tuarum redisti , aut in aliam bestiam , qui jumentis deterior & insipientior factus es , justè verteret ?

10. Miraberis , quòd creaturæ te hucusque sustinuerint. Confiteberisque te dignum jam pridem fuisse , quem dehiscens terra subrueret , aqua demergeret , ignis consumeret. Resume postea fiduciam , accurre ad p̄des JESU , tene illos , nec dimittas , donec misertus fuerit tui. Protestare in posterum de tua fidelitate , & emendatione usque ad mortem.

## Pro Colloquio.

### *Actus Contritionis.*

**P**ater ! peccavi in cœlum & coram te , jam non sum dignus vocari filius tuus , sed nec creatura tua. Me miserum ! quid feci ego demens , ubi est præcellens illa imago , quâ similitudinem creatoris mei per omnia gerebam ? ob gravissima facinora & factores peccatorum meorum denigrata est super carbones facies ejus ; non est agnita in plateis cœlorum , erepta est à consortio Angelorum , deputata est cum perditis inferorum.

Dicærne ô Domine amplius Creatura tua ; non sum dignus Creatura tua esse , etiam in quacunque pœna constitutus. Si enim ego solus haberem illam partem infernalem , quam omnes Dæmones & dammati habent , non sufficerent secundum peccata mea punire.

Nemo tibi Domine tam ingratus extitit ut ego Latrones ipsi & sacrilegi perfectius tibi famularen-

entur, f  
malia ip  
ego infi

Nesci

Angeli

& astra

confover

cœli , p

git in m

usque,

dicat aē

comburo

modo d

piissime

cæteroru

catorum

He

tura tua

rior ! D

quam vi

novi, in

curram

Ex

mum se

propriu

reat in

Quæ eni

in corr

vincat

andum

Fa

lini ocu

am detu

iterum

entur, si eos tot, ut me, affecisses beneficiis. Animalia ipsa pro captu suo tibi appropinquant: solus ego infinita turpitudine vitæ meæ à te recedo.

Nescio ô Domine! quomodo hucusque sustinuerunt Angeli perduellem Creatori? quomodo perexerunt Sol & astra benignis me aspectibus observare: elementa confovere? quomodo non irruerunt in me volucres cœli, pisces maris & bestię terræ? Cur non insurgit in me rebellem tibi, & non clamat terra usque & usque. Quare tam nequissimum sustineo? cur non dicit aër: quare non deficio? ignis: quare non comburo? Infernus: quare cum non devoro? quomodo dignantur homines me societate suâ? Profectò piissime DEUS, ego deberem in sterquilinio jacere à cæterorum hominum convictu sequestratus, ne illos peccatorum contagione inquinarem!

Heu me miserum! quid dicam ô Creator! Creatura tua sum, en perii! Creatura tua sum, jam morior! Dominus & Plasmator meus es tu, & nunquam vidi te? tu me fecisti & refecisti, & nondum novi, imò jam amisi te? Quid tamen miser faciam, recurram ad te, ô JESU, fontem misericordiæ.

Expande ô Domine! expande super hunc nequissimum servum, pallium immensæ Clementiæ tuæ, cui proprium est misereri semper & parcere. Non peccat in malitia sua, quod operata est bonitas tua. Quæ enim utilitas in creatione tua erit, si descendero in corruptionem & damnationem æternam? Ipsa te vincat charitas ad salvandum me, quæ te vicit ad creandum me.

Fac iterum Domine JESU lutum ex sputo, & lini oculos meos, ut, qui cæcus sum, videre valeam deturpata in me imaginem tuam. Iterum atque iterum aperire digneris latus tuum mihi nequissimo

peccatori, ut oculi mei, qui deprædati sunt animam meam, in tuo latere inveniant prædam suam.

Reduc Domine oculos tuæ Majestatis super opus ineffabilis tuæ pietatis. Ego autem contra me ipsum armabor, & ero præ cæteris crudelior mihi Judex. Et quia non sufficio me detestari: contra me universum creaturarum cætum congregabo, & à qualibet confundi & puniri desiderabo, quia earum contempsit Creatorem.

### *Actus Amoris DEI.*

**S**pecies ô Creator meus! ô bonitas infinita! ô DEUS plusquam amabilis in Charitate perpetua dilexisti me, & ideò ad imaginem & similitudinem tuam creasti me, miserens mei! quomodo ita amantem me redamare potero? Quâ in re animum meum, & ingenium nunc occupo, si non excogito mille modos, quibus testificer me diligere te?

O mihi sint corda mille, & millies mille, eaque omnia plena iis affectibus, iis ardoribus, quibus abundavit Cor JESU, Cor MARIAE, cor maximi Sancti cui, ut desideriis meis, & anori tuo respondeat amor meus.

O si ego solus omnium Angelorum corda possiderem, quibus te incessanter summum bonum & unicuique animæ meæ centrum diligerem. O si haberem omnium hominum amorem & affectum; quo te mi DEUS complecterer.

O si etiam mi Domine tot habere possem corda, quot sunt in universo creaturæ, ut illis omnibus earum nomine te diligerem & glorificarem, quas propter hominem condidisti, reddens tibi debitum, quod illæ

illæ ne  
sum.

O  
na aren  
rere, p

O  
dent Ser  
ut omni  
omnibu  
possem,

Se  
gratias  
turarum  
ficando  
quid cr  
longè sit  
rem tu  
omnibus  
fufis.

Pralud  
rare  
mune  
statu

illæ nequeunt, & cujus ego illarum causâ debitor sum.

O si possem singulas guttas aquæ, & singula grana arenæ maris, ac singulos atomos in cœlos convertere, pro gloria & honore tuo!

O si incessanter eâ amoris flammâ arderem, quâ ardent Seraphini, quâ ardet torum cœlum, quâ ardes tu, ut omnes ad amorem tui succendere possem! O si in omnibus locis, in omnibus mundi partibus replicari possem, & ibi te amarem!

Sed superabundo gaudio Domine, & infinitas tibi gratias ago, quod Tu ipsemet meum & omnium creaturarum officium suppleas in amando Te ipso & dignificando. Summo etiam gaudio afficior, quod quidquid creaturæ omnes præstare conantur tui amore, longè sit impar tuæ dignitati. Hunc ego ipsum amorem tui ipsius offero tibi in gratiarum actionem pro omnibus thesauris beneficiorum in creaturas omnes effusus.

## FERIA SECUNDA.

### Meditatio Prima.

#### *De mundi Vanitate.*

*Pralud. I.* Statue te ante Christum Dominum, & admirare altissimam illius sapientiam respicientem, quæ mundus amat, & præligentem, quæ mundus detestatur. Dic cum S. Bernardo: *aut Christus errat,*

P s *aut*



*aut mundus, sed Christus errare nequit, quia aterna Sapiencia est, ergo errat Mundus.*

*Pralud. 2.* Pete, ut gratiâ Divinâ adjutus, sive blandientem, sive terrentem mundum, DEO inimicum feliciter effugias.

### *Punctum. I.*

**C**ONsidera, quomodo Dominus JESUS inter plagiarios, patibularios, sceleratos deputatur, & ambiet Christianus magnus inter homines reputari? Intolerandæ superbix est, ut, ubi majestas humilitatur, vermiculus infletur & intumescat.

2. Adverte, quid sensus habes: Mundus clamat, ego deficiam, caro clamat, ego inficiam, diabolus clamat, ego interficiam, Christus dicit ego reficiam: cur tamen discipientem & interficientem, & non reficientem sequeris?

3. Considera, quia bona terrena, quibus hic pascimur, siliquæ sunt procorum, quæ appetitum nostrum infiniti boni capacem non explent, sed contaminant. Convenitne ergo tanti parentis filium siliquis porcorum ventrem insarcire? Decetne te Dominum tuorum pedibus sordidis conculcandum subdi?

4. Audi, quid de mundo S. Bernardus sentiat, ita ille: *O homo! quid tibi cum mundo, qui citò transse & concupiscentia ejus? quid tibi cum terrenis divitiis? aurum & argentum verè terra rubea est & alba, quam solus error hominum facit, aut magis reputat pretiosa? quid tibi cum carne, quâ haud aliud vilius sterquilinum invenisti.*

5. Interroga damnatos, ubi deliciæ vestræ maledictæ? ubi honores? ubi amatus præ DEO mundus?

6. quis ita  
niratem  
erumen  
tat, vo  
tes auro  
ferrearu  
rant,  
quia ran

7. infanian  
DEUM  
mundi  
cum,

8. quere  
& die  
nitatibu  
sub spin

9. negotia  
tremum

10. bus,

us ? Ah quàm infructuosè miseri in illis inferorum  
triremibus deplorantes respondebunt , & dicent , quod  
Jonathas Patri suo Sauli : *Gustans , gustavi paululum  
mellis & ecce morior !* Ita illorum quilibet Eheu ! prop-  
ter stillam voluptatulae carnem titillantis , amisi , quo  
refici poteram , torrentem voluptatis !

6. Alloquere omnes mundi amatores : O miseri !  
quis ita fascinavit oculos vestros , ut non videant va-  
nitatem hanc , quâ major nequit inveniri sub sole !  
crumenæ , quas hic mercator perduellis mundus osten-  
tat , vento magis quàm ære turgent , coronæ niten-  
tes auro sentibus & spinis horrent , torques aureæ  
ferrearum compedum instar , non honorant , sed one-  
rant , quid vestes ? bombycum excrementa apud nos ,  
quia rara , ideò chara ,

7. Desce , quantum potes , cæterorum hominum  
insaniam , qui pro eo , quod debeant diligere Dominum  
DEUM suum ex toto corde , diligunt mundum , non  
mundi Conditorem , diligunt dæmonem DEI inimi-  
cum , non DEUM super omnia benedictum .

8. Elice contemptum rerum terrenarum , & allo-  
quere omnes illas nugas , quæ te à DEO retrahunt  
& dic : DEUS meus pendet in patibulo , & ego va-  
nitatibus & voluptatibus operam dabo ? absit ! non decet  
sub spinoso capite membrum esse delicatum ,

9. Argue & desce tuam dementiam , quia stultus  
negotiator fuisti , dum pretio bonorum omnium ex-  
tremum malum mercatus es .

10. Pudore suffundere , quia pro caducis , inani-  
bus , fallacibus , æterna , solida , vera pæsumdedisti ,  
pro una voluptatula animam , pro cæno  
cælum erogasti .

## Pro Colloquio.

*Actus Contritionis.*

**O** Anima mea sceleratissima non vitam, sed morte perpetuâ, ex tuis actibus digna, quid tibi cum mundo, qui in momento transit, & ejus concupiscentia? ô perfida anima, quid fecisti? ob unam sordidam voluptatulam, de sublimi in profundum, de gratia in peccatum, de cœlo in infernum cecidisti!

Quid ergo dicam infelix esca totius inferni, homo miser, projectus à facie oculorum Domini Creatoris mei! vendidi cheu! animam meam sine pretio. Quid enim sunt hæc universa, quæ Apostolus arbitratur ut stercora, quorum finis est interitus? Heu me de quanto bono in quantum malum cecidi! quò tendebam, & quò deveni? quæsi vi bona, & ecce turbatio. ecce jam morior, & JESUS non est mecum. Certè melius mihi erat non esse, quàm cum his omnibus vanitatibus, sine JESU esse.

Proh pudor! quem fructum habeo miser, in quibus nunc erubesco! Quid? caduca, vana, & propè nulla infelix & insanus præferre non erubui æterni Patris amoris & honori?

Istanc est ô bone JESU vivæ vocis tuæ doctrina in operibus meis expressa? Pompasne mundi & honores nudus in infami crucis ligno suspensus docuisti? deliciasne carnis doloribus gravissimis ad mortem compulsus prælegisti? superbiamne Sathanæ in ultimo agone obedientiam Patris fideliter prosequens professus es?

Me miserum! quânam fronte attollam jam oculos ad vultum Patris amantissimi tam malus & per-  
versus

versus fili  
det tante  
deducere  
deficiat  
quia der  
tem, &

Et  
SU! ô  
num Di  
conver  
fu, ubi  
Abhinc  
totum;

**O** S  
vel maj  
tare pos  
Alii ali  
desidero  
voluptat  
aureos a  
omnia

O  
te, requ  
habens  
omnem  
omnia,  
Su  
etiam si  
tor deli

versus filius? Pudet indigna gessisse genere meo, pudet tanto Parenti vixisse degenerem. Exitus aquarum deducite oculi mei, operiat confusio faciem meam, deficiat in dolore vita mea, & anni mei in gemitibus, quia dereliqui te fontem aquæ vivæ, quia dilexi vanitatem, & profecutus sum umbras, quæ nos fugiunt.

Et an aliquid ultra, me separare poterit à te ô JESU! ô Vita, ô amabilissima charitas! ô omne bonum DEUS cordis mei & omnia: cur oculos meos convertam ad vanitatem, & non potius ad te ô JESU, ubi solum, purum, & omne bonum meum? Abhinc, quidquid mihi dare vis ô DEUS meus, aufer totum; & te solum mihi da, & sufficiet mihi.

### *Actus Amoris.*

**O** Summum & unicum bonum meum DEUS meus! hoc millies dicam, hoc millies repetam. DEUS meus & omnia! neque enim vel majus dicere, vel majus cogitare, vel dignius optare possum, quàm hoc ipsum, DEUS meus & omnia! Alii alia quarant, alia desiderant, unum ego DEUM desidero, DEUS meus & omnia! Opes & honores, voluptates & gaudia relinquo, montes gemmeos & aureos aliis non invideo, mihi sit DEUS meus & omnia.

O DEUS meus & omnia! nihil, quaeso, præter te, requirat anima mea. Tu mihi sufficis Domine, ideo habens & possidens te, omnes mundi spes derelinquo, omnem libertatem, inclinationes connaturales abduco, omnia, quæ mundus amat, rejicio.

Sum etenim, mi Domine! ita erga te affectus, ut etiamsi mihi ad voluptatem, & absolutum dominium, tot deliciosissimi mundi darentur, quot sunt possibiles

arithmetice

arithmetici numeri , nunquam defererem te ; neque præponerem illos tibi. Si omnia mundi bona haberem , hoc momento : ( si ita opus esset , & ad gloriam tuam cederet ) illis amore tui renunciarem. Imò etiam si cum æquali gloria tua & pari merito meo possem esse pauper & dives , vilis & honoratus , infamis & gloriosus , afflictus & deliciolus , eligerem nihilominus contemptum propter te , quia tu mihi sufficeres DEUS meus & omnia.

Duo sumus ô DEUS ! Tu & ego ! & nihil aliud ! quia minuste amat Domine , qui aliquid tecum amat , quod non propter te amat. Extingue me Domine in corde omnium hominum , & cunctos homines in corde meo occide , ut tu solus in me , & ego solus in te vivam.

O si etiam possem à cordibus omnium amorem , qui non est tuus , avellere & tuum inferere , ut amore tuo omnes arderent & languerent ! utinam tibi subdere possem mi DEUS ! omnia colla filiorum Adæ , ut te solum requirerent & amarent.

Utinam plurimi Sancti sint in mundo , qui omnes mundi illecebras amore tui conculcent , te perfectissimè æstiment , ament , honorent ! utinam omnes peccatores mundo dediti & immersi ad te convertantur !

Produc Domine austrum ardentissimæ dilectionis tue , qui nos omnes tam valido impetu à mundo impellet in te , ut à nobis ipsis translati , deinceps Spiritum non habeamus

extra te.





# EODEM DIE MEDITATIO SECUNDA.

## *De Brevitate Temporis.*

*Pralud. 1.* Statue te ante DEUM, cujus oculi semper in te respiciunt, & quære: quot sunt dies servi tui Domine, quoniam numerus mensura ejus apud te est?

*Pralud. 2.* Pete, ut totum tempus vitæ tuæ fructuosè impendas, & particula boni diei nunquam te pratercat.

## *Punctum. I.*

**C**ogita, quam occupatio Domini DEI tui? cogitare de te. Cur non reddis vicem Domino tuo?

2. Erubescere de tua ingratitude, qui cum scias DEUM continuò ita super custodiam tuam vigilare, veluti si totius creaturæ oblitus te solùm curaret, & haberet, tu ex toto corde tuo, DEI tui oblivisceris.

3. Præsentis diei viginti quatuor horas in computum voca: quot ex his sæpius sibi rapiunt, somnus non necessarius, gula, otium, ludi, confabulationes. O vitam miserrimam! hæcne tu ratione te DEO satisfactorum arbitraris? ita sanguinem Christi remuneraturum?

4. Interroga te ipsum, quot infernos tibi debet justitia DEI, qui totum ferè vitæ tuæ tempus non  
DEI

DEI obsequio, sed mundi & Dæmonis impendis  
ervitio.

5. Finge regressum in vitam offerri tuis, quos jam  
in infernum præcipitavit DEUS, unaque conjice,  
quàm sanctè concessos sibi dies agerent, quàm ex-  
actam & rigidam agerent pœnitentiam? & tu dicis: cras,  
& cras, emendabo vitam. Cur non hodie, cur non hâc  
horâ finis malorum & turpitudinis tuæ?

6. Apprehende, quanta tibi exhibeatur gratia,  
dum tibi spatium pœnitendi conceditur.

7. Interroga Clementiam divinam, quare tam diu  
te sustinuit, nec condemnari permisit? Quot jam mil-  
lia animarum ardent in inferno, quæ minus peccave-  
runt! quis ligavit manus DEI vindicis tuorum scele-  
rum? quid retribues Domino, quia tantum tibi con-  
tulit spatium pœnitentiæ?

8. Elice actum agnitionis, coram omnibus dam-  
natis, quòd majori misericordiâ Dominus tecum usus  
sit quàm cum omnibus illis, qui minus peccaverunt,  
& tamen jam ad inferos descenderunt.

9. Ingemisce cum S. Anselmo & dic: O DEUS  
meus: cur amavi? quare concupivi in omni vita mea  
quidquam præter te JESUM DEUM meum! cur inter-  
misi ullo tempore te JESU versare in corde, te tota  
mente amplecti? ubi eram, quando tecum non eram?  
quò defluerunt, quando non te solum habuerunt de-  
sideria mea?

10. Obstupefce, quomodo tot annis, tot diebus  
à DEO tuo propter peccata tua elongatus  
& exclusus esse, & vivere  
potuisti!

Pro

O M  
P  
E  
bonorum  
lorum cor  
Infe  
mortis hu  
occupoli  
gratus in  
toto vitæ  
mihî irar  
Heu  
rabilem f  
tudines,  
Qui  
tem lacry  
rò te cog  
vi, ô bon  
di te ô  
miserum  
amabilissi  
dis mei,  
num aliqu  
Om  
erant, &  
rum spirit  
cur ego p  
pebo in al  
DEO meo

## Pro Colloquio.

*Actus Contritionis.*

**O** Me miserum ! quantum tu mihi Domine temporis dedisti ad te amandum , tibi serviendum ! & quid ex eo jam superest ? nihil mi JESU ! nisi bonorum tantorum amissorum tristis recordatio , & malorum commissorum erubescenda memoria !

Infelix ego homo ! quis me liberabit de corpore mortis hujus ? ut quid vivo diutius ! ut quid terram occupo lignum aridum & infrugiferum , ego semper ingratus in DEUM meum , & nonnisi peccata peccatis toto vitæ meæ tempore accumulo , & sic thesaurizo mihi iram in die iræ & justî judicii !

Heu me ! justus scelerum vindex fortè jam inexorabilem sustulit manum , scribens contra me amaritudines , consumere me vult peccatis adolescentiæ meæ ?

Quis dabit capiti meo aquam , & oculis meis fontem lacrymarum , & plorabo die ac nocte , quia serò te cognovi ô pulchritudo antiqua ! serò te amavi , ô bonitas infinita , imò tam exosis peccatis offendi te ô misericordia mea ; ô DEUS meus ! ô me miserum ! cur non amavi te semper , Amor semper amabilissime ! semper infinite ! Tu es in medio cordis mei , & quomodo ad latus meum ausus sum terrenum aliquid congregare ?

Omnia corda hominum , qui sunt , fuerunt , & erunt , & omnes voluntates Seraphinorum , & reliquorum spirituum , non sufficiunt , ut occupentur in DEO , cur ego pusillus homuncio , unicum Cor meum occupabo in aliis vanitatibus , & non efficiam , ut tradatur DEO meo ?

Serò nimium ad te venio ô JESU Crucifixe ! optimam vitæ meæ partem peccatis consecravi ! vel nunc tempus est , ut gratiam tuam quæram.

Suscipe ô bonitas infinita DEUS meus in manus ineffabilis pietatis tuæ residuum annorum meorum. Pro his verò , quos vivendo perdidisti , quia perdidisti vixi. Cor contritum & humiliatum DEUS non despicias. Dies mei sicut umbra declinaverunt , & perierunt sine fructu , impossibile est , ut revocem eos. Placeat ergo , ut recogitem eos in amaritudine animæ meæ.

Volo dignissime DEUS , grandem hanc amoris jacturam nunc & singulis residuæ vitæ meæ momentis pensare. Volo amabilissime DEUS , ut abhinc totus Spiritus , totum Cor , totum corpus meum , tota vita mea vivat tibi vita mea dulcis. Addo , totus dies , totæ hebdomadæ , toti menses , toti anni mei vivant tibi æternitas mea.

### *Actus Amoris.*

**O** Satietas cordis DEUS meus ! nunquid non sufficis amanti ? quid extra te evager ? quid aliud desiderem ? Eja , quæso , vulnera animam meam amoris tui jaculo. Imple omnia desideria mea , ut nihil me extra te delectet , nihil afficiat , te solum ardentissime in omni creatura diligam , ad te semper æstuantissimis desideriis toto vitæ meæ tempore anhelem.

Potesne mi Domine sustinere , ut aliqua creatura non diligat te ? quæso , hoc in me non sustineas , sed irrumpas in cor meum , & vim facias mi potentissime , ut sicut tu à me amando cessare non potes , ita fac , ut & ego ferventius & intensius in singula momenta te amare possim.

O si te ab instanti conceptionis meæ capissem amare & nosse ! ô si primo rationis impetu mentem animumque coniecissem , obstrinxissemque tibi mille votis , nulla postmodum culpâ dissolvendis ! ô si pueritiam , juventutemque sceleris puram in castissimis & sanctissimis tuis amoribus exegissem ! Heu optima vitæ pars non amplius reditura unquam , ut velociter fugisti , nec vidisti bonum ! liceat mi Domine damnum hoc saltem desiderii compensare.

Desidero abhinc Domine , ut nullum sit deinceps momentum temporis & æternitatis , in quo tibi debitum amoris , laudis , venerationis , ac exaltationis non exhibeam , quod tibi devotissimè Sancti & Electi tui exhibuerunt , & in æternum exhibebunt. Desidero , ut omnis mea actio sit ad te aspiratio. Volo Domine , ut omne momentum vitæ meæ , omnis motus substantiæ meæ , omnis cogitatio & respiratio nihil aliud sit , aliud aspiret nihil & sonet , nisi Sanctus , Sanctus Dominus Deus.

O amor divine ! utinam è singulis residuæ vitæ meæ momentis usque ad momentum extremum possem facere totidem sæcula amoris tui ! sit in posterum omnis cogitatio mea , omnis respiratio , vivum holocaustum Amori tuo , & honori profundissima humilitate , altissima charitate oblatum.

Et quia omnes dies & momenta annorum meorum non transegi in castissimis tuis amoribus ô vita mea dulcis JESU ! omnia momenta vitæ tuæ Theandricæ , tum ea , quæ ab æterno vixisti cum Patre , tum ea , quæ ex tempore vivere capisti genitus ex Matre , & quidquid in illis à te gestum , toleratumque est , tibi offero. Offero & SS. Matris tuæ merita , ac omnium Electorum tuorum amoris incendia , labores , affectus cum his omnibus veluti nullius momenti obulum , infiniti valoris pretio junctum me ipsum & residuum vitæ meæ tempus , in tuum mi



Domine omnimodum amorem & honorem offero & sacrifico.

## FERIA TERTIA.

### Meditatio Prima.

#### *De peccatis.*

*Pralud. 1.* Statue te coram DEO veluti reum aliquem gravissimorum criminum, qui stet ante Judicem catenatus, vinctus manibus, & pedibus arctissimè constrictus.

*Pralud. 2.* Pete à DEO lumen, quo rectè malitiam peccati mortalis & miseriam agnoscas, & ut illud tibi ignoscat, si fortassis eo animam tuam aliquando contaminaveris.

#### *Punctum. I.*

**C**ogita, quid sit peccatum mortale. Est offensæ & contemptus DEI summi boni, imò voluntas perdendi DEum, si perdi posset, eumque perimendi quidam conatus, quo (ut ait S. Bern.) homo peccando vult interimere aut Sapientiam DEI, volendo, ne suum peccatum videat, aut justitiam, volendo, ne puniat, adeoque peccatum est quoddam in Soro Deicidium. Est demum sanguinis Christi concussio. Est rebellio creaturæ contra supremum Principem, & cum hoste ipsius Diabolo conjuratio.

2. Quæ damna operatur in te peccatum. Primò peccatum te turpissimum facit, ac exosum omni creaturæ. Per peccatum mortale committis Sacrilegium, quia violas templum DEI : apostasiam, quia à mandatis DEI ad pedes Diaboli transis, quia datam fidem in baptismo frangis. Per peccatum amittis gratiam universo orbe pretiosiores. Per peccatum iteratò Christum crucifigis &c. Unde S. Thomæ Aquinati mirum etiam videbatur posse hominem alicujus peccati mortalis conscium in eo damnationis æternæ periculo ridere unquam & letari. *Ribad. 7. Mart. S. Ludovicus Rex Galliarum maluit vitâ exui, quàm fœdari peccato mortali. Surinus 25. Aug.*

3. Considera, quanta fuerit iniquitas, malitia, & audacia tua, qui summæ bonitatis & Majestatis DEUM peccatis tuis aggredi ausus es, & eo usque amaritudine complexisti ipsum incircumscriptæ bonitatis Oceanum, ut dolore cordis, & pœnitundine intrinsecus tangeretur, quòd te hominem creasset.

4. Interroga teipsum, quid tibi mali fecit DEUS ! quare illum toties tam graviter offendisti & contristasti ? quid tibi dedit dæmon, quia ad ejus pedes transisti ?

5. Admirare non esse ultas ipsas creaturas, omniâque simul elementa contemptum & injuriam Creatoris sui à te per omnia irrogatam.

6. Testare cœlum & terram, quòd peccâris super numerum ærenæ maris, quòd omnibus peccatoribus & ipsis damnatis deterior sis.

7. Cogita te non tantùm pejorem esse dæmone, sed ipso, qui fuit pessimus dæmonum princeps : inter homines verò pejorem pessimorum pessimò ipso Juda, qui Christum quidem vendidit, sed nondum mortuum vidit : pejorem ipso Antichristo, qui non toties ut tu, experietur in se Christi gratiam.

8. Exclama cum filio prodigo : Pater peccavi in cœlum & coram te, jam non sum dignus vocari filius tuus, sed nec creatura tua.

9. Opta tibi tot lacrymas, quot sunt guttæ in mari, aut guttæ Sanguinis tui, quibus defleas miseriam & miserabilem conscientiam & vitam tuam.

10. Projicias te ad pedes JESU, cum lacrymis postula veniam. Quid enim tibi superest misero, ne pereas miserè, quàm ut te conferas ad illum, cui proprium est misereri? Protestare, quòd abhinc eligas millicies mori, quàm peccato fœdari.

## Pro Colloquio.

### *Actus Contritionis.*

**H**eu me miserum ! peccavi tibi ô bonitas ! ô misericordia mea ! peccavi & super numerum arenæ maris multiplicatæ sunt iniquitates meæ ! non est peccatum super peccatum meum ! non est iniquitas super iniquitatem meam.

O si vastus in lacrymas vertatur Oceanus & exundet ex oculis meis ! quis mihi det, ut præ acerbō dolore omnes guttæ sanguinis mei mutantur in lacrymas ; aut lacrymæ mutantur in sanguinem, nec unquam taceat pupilla oculi mei ! Quis mihi det, ut sit magna velut mare contritio mea, ex quo semper lacrymarum flumina exeant, & in illud intrent, ut iterum perenniter fluant !

O Pater misericordiarum ! esto placabilis super multitudinem malitiæ meæ, quia vox sanguinis Fratris nostri JESU Christi clamat ad te pro nobis de Cruce.

O JESU

O JESU ! ô MARIA ! ambo offensus esis , sed  
 ambo esis abyssus misericordiae & dulcedinis , parce  
 ergo misericordissime JESU , parce servo Matris tuae ,  
 misericordissima Mater MARIA , parce pncipio  
 Filii tui.

Displicent mihi Domine ! displicent singula pec-  
 cata mea : quia ex se mala & perversa , quia su-  
 premæ tuæ Majestati amabilissimæ bonitati ac voluntati  
 injuriola : Odio perfecto , quo tu DEus meus detesta-  
 ris peccata mea , detestor , odiq̃ue & ego , odisse-  
 que volo in æternum. Horreo illa , & contremisco  
 totis ad memoriam illorum.

O utinam nunquam te mi DEus offendissem !  
 non corde , non opere , non omissione , nec ullâ pror-  
 fus ratione ! utinam prius extinctus fuisset !

Spero tamen omnium ac singulorum peccatorum  
 meorum plenam , perfectamq̃ue à te misericordissimo  
 Patre condonationem. Propter bonitatem tuam ,  
 propter JESU Christi amarissimam mortem , propter  
 pretiosissimæ Filii tui Matris , omniumq̃ue Electorum tuo-  
 rum intercessionem & merita.

### *Actus Amoris DEI.*

O Charitas abyssalis ! ô bonitas infinita DEUS  
 meus ! quàm triste , quàm durum mihi est , quòd  
 unquam in te sic & sic peccaverim : cur ô DEUS  
 meus vel momento unico recessi à te ? cur tibi ô dulce-  
 do animæ meæ tam amarus & felleus fui ? cur inebriavi  
 te absynthio , qui mille benedictionibus dulcedinis  
 præveniisti me.

O anima mea ! dic mihi : quid tandem illa boni-  
 tas ; illa misericordia fecit tibi , aut in quo unquam con-  
 tristavit

tristavit te , responde mihi ? Eja disrumpere immani dolore vel nunc !

O mi JESU ! cur intermisi ullo tempore te versari in corde , te totâ mente amplecti & delectari in dulcedine tua ! Ad te nunc ô Amor suspiro , clamo , anhele , Te stringo intimis cordis mei medullis , & totis præcordiorum affectibus. O si semper te solum cogitarem , te dilexissem dignissimè perpetuo amore DEus ! O si omnia desideria cordis tui ad amulum explevissem ! confidentius nunc irem in tuos amplexus Sanctissime amor ! nunc autem conscius pudet infamem animam confundit , rejicitque ad oscula pedum tuorum nitentem !

Et quid ultra poterit me divellere & separare à charitate tuâ ô DEus meus ! an voluptas brevis ! opes caducæ , honor falsus ? an umbræ umbrarum , nugæ nugarum , & vanitates vanitatum ? & istæ & illæ ? non facient ô bone JESU ! non facient ! In æternum ex hoc momento , tu es mihi charorum omnium charissimus , tu dulcedo , ut unicum centrum cordis mei , & vita animæ meæ , tu thesaurus , divitiæ , & deliciæ meæ.

Te solum mi JESU ex hoc momento quærere , te solum ex toto corde diligere constituo. Et non solum corde meo , sed etiam omnium ac singularum , possibilemque creaturarum , omnibus genere , specie , numero , possibilitate , distinctis desideriis , cordibus & affectibus vellem te mi DEus amare : idque in omni istorum omnium desideriorum intensione ab ipsâ preciosissima Parente , JESUQUE Christi humanitate elici possibilem : ac etiam in extensione ad omnia loca , & spatia , etiam imaginaria extensione quoque ad omnia tempora , ad omnia momenta æternitatis tam ante , quam post.

Eodem

EOD

Prælu.

Efferr

reum

re ani

tibus,

Prælu.

nem t

tur, h

C

an

q

separata

ut ab Ang

Virgo ob

2.

erunt gra

los tuos

pupugisti

oculos d

in manu

Gaurizasti

3.

gorem m



# EODEM DIE MEDITATIO SECUNDA.

## *De morte & circumstantiis ejus.*

*Pralud. 1.* Imaginare te in extremis constitutum. Efferi Christi cruci affixi imaginem, accendi cereum, atque intonari tibi à Sacerdote: Proficiscere anima Christiana; plurimis interim circum orantibus, & animæ excessum præstolantibus.

*Pralud. 2.* Pete, ut ante mortem diligentem rationem temporis & occasionis, quæ modo offeruntur, habere possis.

### *Punctum. 1.*

**C**onsidera, quia in separatione animæ & corporis anima cujusque suam ingreditur viam. Ah! quam viam tua ingreditur; si tunc à corpore separata foret, quid cum illa fieret! dignane esset, ut ab Angelo deduceretur? dignane esset, cui Mater Virgo obviaret?

2. Revoca tibi in memoriam, quæ tibi in morte erunt gravia. Erit grave, quando ponetur ante oculos tuos imago crucifixi! & quomodo in eum, quem pupugisti, cujus sanguinem peccatis tuis conculcasti, oculos defiges! Erit grave, quando dabitur lucerna in manu index bonorum operum, quæ non thesaurizasti.

3. Considera extremum cum vita agonem & angorem mortis, quando iuclamabitur auribus, ut cor-

de saltem , si non ore te DEO commendes. Quo pacto etiam Sanctissimi viri magno metu tunc concuti solent , ut S. Hilarion etiam clamasse dicitur : *Egredere anima mea , septuaginta annis servivisti DEO , quid times ?*

4. Cogita , quomodo tunc totus palleſces , oculi concident & evertentur , pectus palpitabit , cor supra modum ſaliet , interius verò cum maligno Spiritu bellum geretur.

5. Concipe inſuper affectum majoris timoris , quia in illo iudicio particulari vides iudicem iratum , qui te conturbato vultu reſpiciens ad tuam confuſionem aperit cicatrices & cruenta vulnera , tibiſque tuam ingrati tudinem , malitiam , & impietatem exprobrat.

6. Imaginare , quòd audias Angelum tuum Cuſtodem contra te inſtigantem , omniaque occulta peccata tua coram Iudice recenſentem.

7. Puta te videre à ſiniſtris Diabolos terribiles ut catulos leonum rugientes & præparatos ad eſcam , tibiſque inclamantes : *Euge euge devorabimus eum*. Qui etiam motus deſperationis excitare ſolent & dicere : *ſi juſtus vix ſalvabitur , impius & peccator ubi parabunt ?* Et. *Qualis vita , ſinis ita.*

8. Interroga te ipſum , quid tunc miſer facies , quando infra te os inferni apertum , tetrum odorem exhalans aſpicias ? intra vermem conſcientiæ ſenties ? ſuſſum cælum occluſum & DEum iratum conſpicias , ad tanta quomodo non deficies ?

9. Gratias age divini bonitati , quia tam diu te ſuſtinuit , & conceſſit tibi ſpatium pœnitentiæ , ut pretioſam in conſpectu ejus mortem promereri , & à morte peccatorum peſſimâ liberari poſſis.

10. Deſtare peccata tua , quæ te ſola perdere poſſunt , & mortem æternam adferre , & ſtatue firmiſſimè nunquam deliberatè peccare.

Pro.

O In  
n  
i  
portans  
ta: mea:  
Talentum  
pendi in  
totum.  
tua fugia  
Væ  
peccavi  
ut me ex  
tem autem  
ubi eſtis  
O  
catum in  
accepto  
tuo , ta  
millies p  
Ac  
fateorqu  
digniſſim  
greſſione  
Ac  
rum , q  
vit in an  
ruptione  
præſuli c

## Pro Colloquio.

*Actus Contritionis.*

**O** Insuperabilis abyſſus pietatis Domine DEUS meus ; quomodo apparebo ante faciem tuam in illa terribili hora exitus animæ meæ de corpore , portans iniquitatem meam , reatum deperditionis vitæ meæ , & pondus multæ nimis negligentiae meæ. Talentum temporis mihi creditum non ſolùm expendi in vanum , ſed & amiſi , depravavi & perdiſti totum. Quò ibo , quò me vertam , & quò à facie tua fugiam ?

Vae ingratiſſimæ impietati , & cæcitate meæ , quia peccavi Domino , quia te DEum meum offendi , qui , ut me exaltares , humiliasti te uſque ad mortem , mortem autem crucis. O lacrymæ ! ubi vos ſubtraxiſtis , ubi eſtis fontes lacrymarum !

O æquiſſima DEI mei Juſtitia , quæ nullum peccatum impunitum relinquis ! cum omni humilitate accepto ſententiam mortis ſmeæ egredientem ab ore tuo , tanquam dignum ſupplicium , quod millies & millies promerui malo uſu vitæ meæ.

Accepto ſeparationem corporis & animæ meæ , fateorque has geminas partes eſſentiae meæ eſſe hanc poenâ digniſſimas , quòd toties unâ conſpiraverint in transgreſſionem mandatorum tuorum.

Accepto privationem uſus omnium ſenſuum meorum , quia januæ fuerunt , per quas peccatum intravit in animam meam. Accepto putrefactionem & corruptionem carnis meæ in poenam illecebrarum , quas prætulit divino amorì tuo , & conſentio , ut ſub ter-

ram abjiciatur , quia animam meam , ne se in cœlum attolleret , impedivit.

Accepto mortem , quam dabis mihi tanquam stipendium quidem peccati , sed etiam tanquam finem , ultra quem peccare non potero , & tanquam initium felicissimæ necessitatis , quâ non potero non amare te , ut spero beata tuâ æternitate receptus.

O mi DEUS ! accepto solitudinem tumbæ atque sepulchri mei ad reparandum injuriam , quam irrogavi Majestati tuæ , amando & sectando societates , conversationes & amicitias creaturarum , quæ me toties averterunt & fortè etiam separârunt à Sancto amore tuo.

O Divina justitia , quàm recta sunt judicia tua ! ut per hæc ipsa nos punias , per quæ te offendimus ! puni ergo me DEUS , puni superbiam , & vanitatem meam per humilitatem mortis meæ. Puni sensualitates meas per dolores & acerbitates ægritudinis meæ. Ulciscere cupidos insatiabiles avaritiæ meæ. Et dum justitia tua exequitur sententiam condemnationis meæ , ego cum Fratribus Josephi dicam humiliter : En tandem DEUS ulciscitur illatas sibi injurias. Et nos justè hæc patimur , quia peccavimus non tantum in Fratrem , sed in DEUM nostrum.

### *Actus Amoris DEI.*

**Q**uid possum mi DEUS facere ad declarandum tibi ardorem amoris mei pro omnibus , quæ tu tribuisti mihi , nisi ut tibi sacrificem & offeram vitam meam !

Quod pignus amabilissime JESU reddam tibi amoris mei , ut aliquantum accedat ad excessum illum incomprehensibilem amoris , quo tu acceptasti mor-

tem

tem cruci  
ignominia  
latrones t  
simum &

O S  
do statu  
Cor meum  
aut me a  
amor me  
quam am

O si  
nium hor  
illas omni  
fakem m  
Domine  
quàm vel  
meo vitæ  
didistis !

O  
dignus n  
tui intra  
meam gl  
timus hab  
sc. Mor  
ab amore  
ultimus vi

Hoc  
& dulcis  
quendi u  
tum JESU  
eo , ut s  
vel palpi  
omnium  
operum

tem crucis amore mei , qui non tantum pati , sed & ignominiose coegit te mori pro me in cruce inter duos latrones tanquam caput omnium sceleratorum scelestissimum & infame !

O Salvator amabilissime , cum te in hoc miserando statu mori videam amore mei , nonne oportet. Cor meum aut saxo durius aut glacie frigidius esse , aut me ardere & mori in flammis amoris tui : O JESU amor meus , cur non habeo mille vitas , quas relinquam amore tui ;

O si in mea dispositione & potestate essent omnium hominum vitæ , protèctor mi DEUS ! quod darem illas omnes libentissime pro tuo amore. O possim saltem mori morte per omnia simili illi , quam tu Domine pro me subisti ! O gloriosi Sancti Martyres , quam vestram vobis gloriam invidéo , qui Salvatori meo vitam pro vita , sanguinem pro sanguine reddidistis !

O JESU amore mei crucifixe ! siquidem non sum dignus mori & effundere sanguinem meum amore tui intra manus carnificum , saltem volo totam vitam meam gloriæ & amoris tuo dedicare. Utinam & ultimus halitus , quo animam efflabo , halitus amoris sit. Moriar amore tuo DEUS meus , & quia vitam ab amore non inchoavi , da mihi vitam amore finire , ultimus vitæ meæ actus sit amare.

Hoc etiam insuper de me certum tibi esse velim & dulcis amor DEUS meus , ut cum etiam virtus loquendi mortis horâ defecerit , & te dulcissimum meum JESUM amplius proferre non valebo , supplex peto , ut saltem nutus oculorum , vel extensio digiti , vel palpitatio cordis , sit innovatio & confirmatio omnium desiderabilium affectuum , verborum , atque operum præteritorum , ac futurorum , quæ usque ad

extrem-



extremum judicii diem amore tui cum devoto famulari offerre vellem, si tamdiu vivere possem.

## FERIA QUARTA.

### Meditatio Prima.

#### *De Judicio Universali.*

*Pralud.* 1. Imaginare, quòd videas, quomodo Angeli tubis assumptis omnia horrendo tonitu complent, mortuosque è cineribus ad summum Judicii tribunal citantes intonant: Surgite mortui.

*Pralud.* 2. Pete gratiam, quâ illuminatus præcognoscas, & animo præsentias horrorem judicii, & discrimina, quæ manent impios, præcipuè malos Christianos, in futuro DEI judicio.

#### *Punctum I.*

**M**ente concipito te videre innumeras hominum myriades à quatuor mundi partibus in vallem Josaphat congregari. Sed ah! quali differentiâ? Plurimi enim comparebunt, in corporibus fœdis, deformibus, horridis! quid de tuo speras corpore? an gloriosâ & corruscanti, an tetrâ & horribili apparebit formâ?

2. Imaginare, quòd sub tuum conspectum ex infernali abyssò, aliqui infelices rapientur damnati in squalidis corporibus, ardentibus onerati catenis, pallidi, vermibus scatentes, ulcrosi, verbo velut quædam monstra horribilia.

3. Ima-

3. Imaginare, quòd videas plurimas dæmonum catervas, quorum plurimi contra te fremunt & instigant: item quòd audias Angelos, instinctus divinos & omnia beneficia tibi recensentes, conscientiam propriam viscera tua corrodentem & te incusantem.

4. Puta te videre iratum Judicem assurgere, eundem cruenta vulnera ostendere, quibus veluti tot linguis loquetur damnatis: Ecce hominem, quem crucifixistis, videte vulnera, quæ inflixistis: agnoscite latus, quod pupugistis, quoniam per vos & propter vos apertum est, nec tamen intrare voluistis. Tunc demum indignabundo vultu dicit: sanguis meus sit vobis in condemnationem. *Ite maledicti in ignem æternum.*

5. Contemplare dæmones reproborum carnifices, auditâ Judicis sententiâ velocissimè ad prædam suam accurrere, vivos ignitis compedibus oneratos, in flagnum sulphure & flammis horrens cum summa rabie pertrahere.

6. Intuere apertam teterrimam abyssum infernalem fumo denigratam, in illâque conspice fornaces sulphureas, turbidos fumos, vasa toxico & felle plena, ferramenta ignita, quibus cruciantur damnati.

7. Imaginare, quòd post feralia Judicis verba tanquam è flammeis nubibus excussa tonitrua, audias stridorem dentium, maledictiones, execrationes, horribiles in DEum blasphemias damnatorum clamantium: Væ! væ nobis miseris! cur nati sumus? cur lucem vidimus! cur non felicitas bestiarum datur nobis!

8. Interroga te ipsam: potestné fieri, ut tam horribilis sententia irati Judicis ac æterna reproborum confusio & perditio, medullas ossium tuorum non penetret?

9. Inquire ex anima tua : an non millies propter pessimam vitam & malitiam suam audire meruit hanc terribilem sententiam ex ore iusti Iudicis. *Be maledicti in ignem aeternum.*

10. Ingemisce & ejula , quia DEUM tuum in-circumscrip-tæ bonitatis Oceanum cœusque amaritudi-ne toties complexisti , ut dolore cordis intrinsecus tactus, te opus manuum suarum maledicere , & execrari debeat.

## Pro Colloquio.

### *Actus Contritionis.*

**O** Anima mea miserabilis ! & quid est , quòd innumeris coinquinata peccatis infelicissimum tuum statum non consideras ? cur non paves Iudicis vultum ipsis quoque tremendum Angelicis potestatibus ; cur non contremiscis ab ira Potentis , à facie furoris ejus , à fragore ruentis mundi , à conflagratione elementorum , à tempestate valida , à voce Archangeli , & à verbo aspero ?

Cur non contremiscis anima mea à dentibus bestiae infernalis , à ventre inferi , à rugientibus præparatis ad escam ! cur non horres vermem rodentem , & ignem torrentem , & spiritum procellarum ?

Heu me miserum ! quid dicam , vel quid faciam , cùm venerit tempus tremendi iudicii : quis eruet me de manu potenti & brachio extento contra me ? quis præservabit me à ventura ira , æterna morte , à laqueis infernalibus ? quid faciam , cùm cœli revelabunt iniquitatem meam , & adversum me terra , & omnis creatura consurget :

Quid

Quid dicam infelix esca totius inferni? incidamne in foveam, quam feci? nunquid laqueo desperationis præcurrere contendam sententiam, quam merui, æternæ damnationis? Absit! recurram ad pedes tuos mi dulcis JESU!

Recordare JESU pie, quòd sim causa tuæ viæ: ne me perdas illa die. Die illâ tremendâ, quando cœli movendi sunt & terra; quando veneris judicare, noli me condemnare. Quærens me sedisti lassus, Redemisti crucem passus? tantus labor non sit cassus. Sedisti lassus ad fontem: flexisti lassus in horto; stetisti lassus ad columnam: ivisti lassus ad montem. Ah! tantus labor & dolor, sudor & cruor: tantus amor non sit cassus.

Caro tua sumus ô Judex vivorum & mortuorum. Sanguis tuus sumus, membra tua sumus, qualiacunque tandem. Carnem igitur tuam ne despexeris. Carnem tuam odio ne habueris. Carnem tuam ne condemnaveris.

Non gloriamur de nostris meritis, in hoc solo gloriamur, & confidimus, quòd membra simus illius corporis tui, quod pro nobis passum, crucifixum, mortuum, abundè pro peccatis totius mundi satisfecit. Quamobrem si merita à nobis quæris, ecce tibi proferimus meritum carnis tuæ. His meritis freti coram Tribunali tuo nos sistimus intrepidi. Nostra sunt, quia nostri sunt corporis, cui per lavacrum regenerationis in virtute sanguinis tui incorporari sumus.

Tua merita mi JESU ponimus intra nos & judicium tuum, aliter tecum judicio, contendere recusamus.

*Actus Deprecationis.*

**O** Bone JESU ! plene misericordiâ & pietate ; ne me perdat iniquitas mea , quem fecit omnipotens bonitas tua , recognosce , quod tuum est , & absterge , quod alienum est . Miserere mei benignissime JESU , dum tempus est miserendi , ne damnes me in tempore judicandi . Quæ enim utilitas in sanguine tuo , si descendero in æternam corruptionem & damnationem ?

Non patiaris benignissime DEUS , ut quem in filium adoptasti , tota æternitate habeas inimicum . Non patiaris , ut cui naturæ tuæ infudisti imaginem , ille tuorum hostium præda fœdissime dilaceretur . Non patiaris , ut , cui inter cœlites Spiritus lumen gloriæ præparasti , ille ad inferorum tenebras condemnetur . Non patiaris , ut , quem cœli sedibus destinasti , ille damnatorum incendiis triste pabulum objiciatur .

Hoc tuæ bonitatis inclinatio , hoc naturæ tuæ benignitas suadet , hoc paterni affectûs suavitas exigit ; hoc viduatæ Angelorum sedes suspirant , hoc languis filii tui postulat , qui clamore valido interpellat pro nobis , ut misereatis mei in tempore judicandi . Exhibe hoc mundo amænissimum spectaculum ; ex quo discat , nunquam apud te irritas esse pœnitentium preces ; & quoties contrito corde timeris Judex , toties te Patris affectum exhibero .

Si verò Domine DEUS , placebit tibi damnare & projicere me in æternos cum reprobis gehennæ cruciatus , hoc decretum libentissime accepto , hoc tamenum unicum postulans , ut in illis ardoribus sempiternis majori amoris tui igne , quàm flammis inferni ardere possim . Et dum tibi omnes dæmones & damnati rabido ore maledicent ; ego inter blasphemias eorum , intensissimo

fissimo a  
medic  
Domine  
dominat  
tibi dica  
Scio enim  
ad viciss  
contra te  
supplicia

EOD

*Prelud.*  
cator  
ta ho  
fatida  
conver  
*Prelud.*  
ris em  
uum,  
cum u

*S*Taque  
tum  
terri  
ignis, in



fissimo affectu & amore clamare possim incessanter : Remedictus DEUS ! misericordiam & iudicium cantabo tibi Domine ! Quia dignus es Domine , ut in omni loco dominationis tuæ benedicat tibi quævis anima & laudem tibi dicat : tum quia adhuc citra condignum punies me. Scio enim Domine omnes gehennæ pœnas non sufficere ad ulciscendas & dignè puniendas tot & tantas meas contra te offensas : cum unica mortalis offensa gehennæ supplicia mercatur æterna,

## EODEM DIE MEDITATIO SECUNDA.

### *De pœnis Inferni.*

*Pralud. 1.* Interroga te ipsum : Quo discedis peccator cogitationibus tuis ! ut tuæ tam perversæ vitæ horrorem concipias , ad tenebrosam , horridam , fetidam , ac fumo denigratam inferni cavernam te converte.

*Pralud. 2.* Humiliter supplica , ut igne divini amoris emolliatur , & liquefiat peccatis induratum cor tuum , ex quo uberrimæ lacrymæ fiant , ne in locum tormentorum descendas.

### *Punctum I.*

**S**Tatue te in fundo inferni coram illis igneis & fumosis cathedris damnatorum. Aspice in hac terribili fornace refertâ flammis inextinguibilis ignis , innumera damnatorum ejulantium & ululantium millia,

millia , & quomodo ex oculis , naribus , ore ardentibus & sulphureas ignis flammis , quibus aduruntur , spirent.

2. Interroga te ipsum , potesné tu his ardentibus prunis unicam tantum manum , unius duntaxat horum spatio immittere ? quomodo in iisdem æternum cruciari sustinebis ?

3. Converte te ad aliam partem ad gelidissimum illud stagnum glaciæ , cui damnatæ animæ ex ardentissimis ignibus immani cum furia immerguntur. O glaciæ ! ô gelu horridum ! Heu quis frigidissimo hyemis tempore per unam horulam nudus immersus glaciæ stare posset ?

4. Insuper considera , quia continuò damnatorum aures puniuntur infelicissimis gemitibus , ululatibus , terribili rugitu. Ah ! qualis hæc musica æternum non finienda ! quam canina est hæc musica !

5. Aspice , quomodo à venenosis bestiis alii torqueantur , cum capillis eorum serpentes , cerebro ranæ , visceribus vermes , pectori basilisci , dorso dracones adhæreant.

6. Imaginare , quod audias maledictiones damnatorum , maledicentium diem , in qua nati sunt , Parentes , complices scelerum. Item execrantium Christi Incarnationem , Passionem , mortem , gloriam , Christi Matrem , Sanctos omnes , peccata propria non ad pœnitentiam sed rabiem.

7. Imaginare , quod sentias fetorem ex ambustis damnatorum cadaveribus. Caro enim verminans & putrida prunis imposita quale thus redolebit !

8. Puta te videre damnatos arctè vinctos sicut canes ac porcos fetidos , sicut haleces in canistro , sicut lateres ardentis in fornace , sicut hædos jugulatos in macello , continuò conturbari , gemere , tremere propter dæmones insultantes , & vermem con-

ficien-

scientia  
exprob  
eridus  
pro te  
9.  
jam pri  
menta  
ultrices  
lera ?  
cæcatus  
deres ?  
10  
vivente  
miseric  
bus , n  
Aula in

Q  
pondus  
tium , n  
quid m  
nis , &  
eurlact  
ignis ?  
He  
sicut Go  
acerbus

scientiæ eorum viscera corrodentem , & illis continuo exprobrantem : En tanquam bestia , tanquam canis putridus à DEO in hanc cloacam projectus es ! en frustra pro te Christus mortuus est !

9. Inquire nunc ex anima tua : an non millies jam pridem has flammæ infernales , illa horrida tormenta suis sceleribus debita promeruit ? quis continuit ultrices Christi manus , ne tua tam exosa puniret scelera ? quis obstruxit os inferni patulum , ne excæcatus peccatis , eò præceps cum cæteris descenderes ?

10. Elice actum agnitionis coram omnibus te vivente , in infernum detrufis , quod majori tecum misericordiâ Dominus usus sit , quam cum illis omnibus , neque cum illis damnari permittit. Demum postula indulgentiam , & spatium pœnitentiæ.

## Pro Colloquio.

### *Actus Contritionis.*

**Q**uis dabit capiti meo aquam , & oculis meis fontem lacrymarum , ut præveniam fletibus fletum , & stridorem dentium , & pedum dura vincula , & pondus catenarum prementium , stringentium , urentium , nec consumentium ? Heu me Mater mea , ut quid me genuisti filium doloris , filium amaritudinis , & plorationis æternæ ? cur exceptus genibus , cur lactatus uberibus , natus in combustionem , & cibum ignis ?

Heu me ! factus sum sicut Sodomæ , combustus sum sicut Gomorrah ! Quis miserebitur cineri meo ? O quam acerbus est fructus peccati , amarior felle , crudelior gladio !

R ;

Væ

Væ animæ meæ peccatrici ! vae mihi, quia tibi Domine soli peccavi nimis in vita mea, & malum coram te feci : cui uni soli semper à me, & ab omnibus creaturis summa laus, honor, amor, & gloria debetur : omnibus autem creaturis à te tua benedictio, gratia, & miseratio : sed quia solus ego peccavi tibi, idcirco nulla mihi à te debetur venia, gratia, & miseratio, sed potius omnistuus furor, ira, damnatio, & perditio. Idcirco infernus domus mea est, ego inferni incolæ & hæres sum.

Idcirco etiam omnes damnatos, reprobos, præcitosque ex inferno facessere, ac mihi locum meum cedere jubeo : quia præ me omnes illi innoxii sunt, & præ omnibus illis mihi uni & soli infernus debetur : ego solus inferni penas pœnis meis exhaurio, & adhuc inferno dignus sum alio atque alio. Idcirco etiam infra omnes Luciferos, Asmodæos, Beelzebubos, infra Cainos, Judas, Pilatos, descendendo ac me demergo : omnibus enim ingratis, perfidis, abjectis, malignis, ego magis ingratus, perfidus, malitiosus.

At misericordissime Domine, quamvis ego infelix commisi multa nimis, unde me justissime damnare & abjicere in æternum debes : quia tamen tu misericordiarum Pater non amisisti, unde misericordissime salvare potes : propterea ego de profundissimis miserationum inearum abyssis clamo ad te : Tibi soli peccavi & malum coram te feci, miserere mei : Istud in me peccatisque meis displicet, quia tibi soli peccavi. Amare cordialissime & æstimare te solum super omnia debui, & tibi soli peccavi.

Non ergo Domine deprecor amissionem cœli, aut deprecor supplicium inferni, sed deprecor offensam tuam, Nec ardere metuo, sed peccasse doleo. Nec me contristat damnum meum, sed afficit & affligit injuria tua & iniquitas mea.

*Actus*

O  
ris, q  
ipforu  
qui p  
odio, i  
ferni.

O  
denat  
dere,  
fundiss  
ego m  
simus r  
cum m  
fuerunt  
quæ o  
ego e  
nuò ac  
luptatis  
blasph  
tor an  
aternis  
salute.

A  
& op  
creatur  
odium  
rem,  
arcnas  
Seraph



*Actus Amoris DEI.*

**O** DEUS meus ! quanta mihi felicitas eveniret , si possem ego supplere defectum pravorum Angelorum , prosequendo te actibus illis amoris , quibus ipsi prosequi te deberent , & non solum ipsorum defectum , sed etiam hominum damnatorum , qui pro amore & laudibus execrabili contra te odio , irâque flagrant longè pejùs , quàm flammis inferni.

O si per meam ad inferos relegationem & condemnationem honori & gloriæ tuæ posset aliquid accedere , rogarem te hanc gratiam. Et si mihi in profundissimo inferni loco sedem præparares , in quem ego maximus totius orbis peccator & abominabilissimus recluderem , & tanquam incus omnium carnificum malleis exposita , tormenta omnia , quæ sunt , fuerunt , & erunt , meo corpore excipere possem , quæ omnibus dæmonibus & damnatis debentur , ego ex cordis mei intimo affectu offero me continuo ad has pœnas subeundas , plùs inde capiens voluptatis , quòd inferno exhausto , nullæ amplius blasphemix in te DEUM meum erumperent , & ex tot animarum redemptione , quæ te DEUM meum æternis laudibus prosequerentur , quàm de mea unius salute.

Amo te DEUS meus , quàm intensissimè possum , & opto supra id , quod possum , omnes omnium creaturarum affectus & amorem transferre in te , odium peccatorum omnium & damnatorum in tui amorem , blasphemias eorum in laudem tui commutare , arenas omnes , & guttas , & atomos in ardentissimos Seraphinos.



Et quia te amo mi Domine ! mallem ex voluntate tua acerbissimas inferni pœnas sine fine tolerare , quàm sine te gaudiis perfrui sempiternis. Ibi enim locus meus est , ubi est locus majoris gloriæ tuæ , paradus sine majori gloria tua infernus mihi esset , infernus autem mihi paradus erit cum majori gloria tua.

## FERIA QUINTA.

### Meditatio Prima.

#### *De Gloria Cœlesti.*

*Pralud.* 1. Contemplare magnificentiam , altitudinem , & pulchritudinem illius civitatis supernæ , quæ margaritis & auro ornata constat ; odores suavissimos spirat , radiisque splendissimis undique illustratur.

*Pralud.* 2. Roga , ut prægustatis interiori sensu istis paradisi cœlestis deliciis , & Aegypti peponibus ac paludibus cœnosis , mundi inanes siliquas ac sordes nauseabundus semper detpuas.

#### *Punctum. I.*

**F**inge animo te per civitatem cœlestem ambulare : in eaque palatia , vicos , hortos , Reges , Cæsares , aliaque similia intueri. O Patriam desiderabilem !  
2. Erige postea oculos ad altissimum hujus cœlestis aulae fastigium , ibique conspice SS. Trinitatem in coruscanti & splendidissimo throno gloriæ suæ innumeris Angelorum millibus cincto residentem.

3. In-

3. Intuere ibidem gloriosam Christi Humanitatem, ac cicatrices ejus mirificè resplendentes. Ad latus Filii inspicere Reginam cœli stellis coronatam, ac omnes Beatorum cœtus velut lucidissimos soles.

4. Expende tecum, quomodò felices illæ catervæ simul cum Angelis gaudeant, & in continuis cantibus & suavissimis symphoniis vitam jucundissimam vivant. Quàm fragrantia lilia! quàm odoriferæ rosæ videntur esse singuli!

5. Cogita, quantâ felicitate deliciisque Beati in singulis sensibus corporum & animæ potentiis perfruantur. O felicem æternitatem!

6. Gratulare Sanctis omnibus tantam gloriam & beatitudinem, tantam summi boni possessionem & æternam fruitionem.

7. Accendere famelicissimo desiderio adnumerandi & adjungendi te Sanctis, cum illis DEUM videnti, DEUM possidendi, & cum SS. Angelis de illorum felicissima beatitudine participandi.

8. Concupisce quàm plurimos Sanctos, quàm maximos, ut ab iis DEUS laudetur, honoretur, & exaltetur, & quibus viduata ecclesiis Hierusalem instauretur.

9. Confunde te coram cœlo & terra, quòd tantùm deviaveris à via gloriosæ Sanctorum habitationis, & æternæ DEI visionis, quòd pro voluptatibus tam sordidis deserueris æternas & infinitas cœli delicias.

10. Arguendo tuam stultitiam exclama: O magna domus DEI! ô Patria desiderabilis, quàm vilis mihi fuisti, & quàm turpiter te pro nihilo toties contempsisti!



## Pro Colloquio.

*Actus Contritionis.*

**O** Periat confusio faciem meam Domine DEUS meus, quia tam dissimilis factus sum fratribus meis & filiis matris meæ Ecclesiæ ! Heu quomodo apparebo in conspectu tuo Domine, & in concilio justorum tantâ charitate ardentium ! illi cum timore & tremore operabantur salutem suam. Alii castigabant corpus suum, & in servitutem redigebant, cæteri non vestiebantur mollibus, sed de pilis camelorum tegebant lumbos suos.

Alii ludibria & verbera experti sunt, lapidati sunt, secti sunt. Ego autem vilis, exosus & ingratus peccator, non tantum crucem propriam tollere & Sanctis tuis assimilari renuo, sed etiam, quod gravius est, te DEum meum centrum omnium bonorum gravissimis peccatis offendere non desino.

Quomodo ergo tam exosus peccator dignus erit aliquando DEO, qui offendit & contempsit DEum ? quomodo possidebit DEum, qui eum abjecit ? quomodo videbit intuitivè DEum, qui totum intellectum averit à DEO ? quâ fronte gratiam requireret, qui æterno odio est dignus ? & cui pœna debetur, quâ temeritate gloriam deponset ? Quid mi Pater dicam, merui mortem, & præsumam petere vitam ? nonne dulcem affectum Patris stultus exacerbatur Filius, qui post illatas Patri contumelias adhuc contumax hæreditatis sibi usurpat celsitudinem ?

Ergone mi Domine, & ego deinceps audebo te offendere & nihilominus petere regnum tuum ? Ergone deinceps audebo delicatus miles molli strato uti, indui

indui sp  
quomo  
eibus,  
pite me  
earn in  
qui non  
qui & f  
qui & f  
quâm t  
& ego  
bone J  
O  
dus, au  
vis sis  
fractio  
ris cont  
tandem

**O**  
capies  
abs te  
niam ac  
ô Cœna  
volupt  
stem e  
cens o  
DEUM  
O  
Domin  
in aria

indui splendide & epulari ? si beati qui lugent , cheu !  
 quomodo felices erunt , quibus nil placet , nisi jocus ,  
 sibus , & ludus ? Itane me non pudebit sub spinoso ca-  
 pite membrum esse delicatum ? Quomodo potero  
 carni indulgere ac nihilominus petere regnum tuum ,  
 qui non habuisti mi JESU , ubi caput tuum reclinaret ?  
 qui & fame cruciatus fuisti , & felle potatus ?

Eruntne fortiores ac prudentiores filii hujus sæculi ,  
 quam servi tui ? tollerabunt illi omnia pro supplicio ,  
 & ego nihil pro præmio æterno ? An ad hoc veni ô  
 bone JESU , ut ignavus sim miles in castris tuis ?

O DEUS cordis mei ! non ultra mihi sapiet mun-  
 dus , aut bona illius , quando gustavi & vidi , quam sua-  
 vis sis Domine ! Imò etiam ignis , crux , bestia , con-  
 fractio ossium , membrorum divisio , & totius corpo-  
 ris contritio , & tota tormenta diaboli in me veniant ,  
 tantùm te DEO meo suar ,

### *Aspirationes ad cœlestem Patriam.*

**O** DOMUS DEI magna & spatiosa nimis , quando  
 inhabitabo te ! ô terra viventium , quando vivam  
 in te ! ô ingens locus habitationis DEI , quando  
 capies me ! ô ubertas domus DEI , quando inebriabor  
 abs te ! ô terra lacte & melle fluens , quando perve-  
 niam ad te ! ô templum Domini , quando visitabo te !  
 ô Cœna magna , quando accumbam ad te ! ô terrens-  
 voluptatis , quando potabis me ! ô fons vitæ , quando  
 sitim extingues in melô gaudium super gaudium vin-  
 cens omne gaudium , quando intrabo te , ut videam  
 DEUM Deorum in te.

O JESU ! ô JESU ! quam dilecta tabernacula tua ,  
 Domine virtutum ! concupiscit & deficit anima mea  
 in ætria tua ! Inivit anima mea ad te DEUM fontem vi-  
 vum.

vum. Quando induces me in purum, in excessivum, in absorptivum tui amorem? quando demittes me in abyssum amorosissimi cordis tui, ut omnium præter te solum oblitus, etiam me ipsum nunquam inveniam? quando in lumine tuo videbo lumen tuum?

O quando suavissime mi JESU licebit sacros pedes tuos pro me perforatos osculari & lambere? os aperto lateri admoveere? ad pedes tuos in æternum federe?

O si hoc gaudio! ô si te solo & unico post aliquot miseros dies frui, & vocari possim ad cœnam Agni & DEI mei! O JESUM DEUM meum! ô omne desiderium meum! quemadmodum desiderat Geivus ad fontes aquarum, ita desiderat anima mea ad te ô JESU.

Quid enim mihi est in cœlo, & à te quid volui super terram? defecit Caro mea & Cor meum in salutare tuum DEUS cordis mei & pars mea DEUS in æternum.

Infelix ego homo, quis me liberabit de corpore mortis hujus! cupio dissolvi & esse tecum mi bone JESU! Creasti nos Domine ad te, & inquietum est Cor nostrum, donec requiescat in te. Nam ubi Pater meus est, ibi spes mea, & patria mea, portio mea in terra viventium. Vade, vade cor meum ad DEUM tuum, ad amorem tuum JESUM. Ecquid vis agere diutius in hujus pectori mei cloaca? Vade, vade Cor meum, vade ad DEUM tuum, tam dulcem, tam pium, tam amabilem! nonne anima mea, ibi debet esse Cor tuum, ubi est thesaurus tuus?

O amor meus! ô DEUS meus! ô mellissimum osculum & amplexus dulcissimus, ô indissolubilis conjunctio, ô pabulum suavissimum, ô inflammatio incentiva, non amplius, non amplius possum vivere sine te. O conflagrem! ô liquefam amore DEI mei! ô utinam nunc mori possem præ amore Domini mei JESU! ô anime mi! quis te adeo beatum efficiet, ut con-

festim

festim  
DEUM  
A  
amore  
Videam  
moriar  
amore

EO

Pralud  
tiqu  
infig  
Pralud  
nitat

C

per &  
petuò  
fundo,

2  
semper  
vivaciss  
rago  
viceps



festim ex hac ærumnosa vita , aut morte potiùs evoles in DEum !

Age bone JESU dulcis amor cordis ! educ vinctum amore tui animum debitum charitatis tuæ triumphum. Videant te oculi mei dulcis JESU , videant te , & hinc moriar , ut te fruam ! Ne patiaris me diutiùs præ tui amore & desiderio languere & diu interire.

## EODEM DIE MEDITATIO SECUNDA.

### *De Æternitate.*

*Pralud.* 1. Statue te cum S. Davide cogitante dies antiquos & annos æternos in mente habente , atque insige diligenter cordi tuo ; quid sit æternitas,

*Pralud.* 2. Pete humiliter , ut felicem & beatam æternitatem promereri possis.

### *Punctum. I.*

CONsidera , quid sit æternitas ! an duratio nunquam fluens , semper præsens , perpetuum ali-quod hodie ! an circulus , cujus centrum semper & periphæria est nunquam ! an rota , quæ perpetuò volvitur & quiescit nunquam ! an oceanus sine fundo , littore , termino , & sine !

2. Cogita , quid sit damnatorum æternitas ? an mors semper reviviscens , & vita semper moriens ? an ignis vivacissimæ flammæ nunquam extinguendæ ? an vorago profundissima aquarum semper ardentium ? an princeps cerberus omni tempore latraturus ! an vermis

continuo rodens & nunquam moriens ! an Basiliscus mortifero oculo ! an Draco ignitis visceribus semper nocens & nunquam interimens.

3. Quære : quid æternitas utrorumque ? O exoptata Beatorum æternitas ! ô exoptata cœlitum patria ! ô de-  
restandum exilium damnatorum ! Quàm placet ista , Chanaan perpetim manans lacte & melle ! quàm displicet illa Ægyptus repleta absinthio & felle ! Eugene fortunata ter & amplius filia Syon ! Væ væ ter & amplius filia Babylonis misera.

4. Considera , quàm diu hi & illi ? semper & nunquam ! nunquam & semper ! durabit ignis in stygio sepulchro semper , torquetur semper , extinguetur nunquam. Hi dilatato corde lætabuntur in cubilibus suis semper. Illi præ angustia spiritus gementes latrabunt in antris suis semper. Verbo , tam diu durabit æternitas , quàm diu DEUS eris DEUS.

5. Ingemisce & desse maledictam damnatorum æternitatem , quorum unica erit in tota æternitate occupatio , sine fine , sine termino ejulare , rugire , flere , in igne sulphureo torqueri , dentium stridore concuti , præ desperatione finis malorum suorum , æternum ardere.

6. Obi animo omnes miseras animas , & damnatos omnes , illosque alloquere : quot sæcula vobis hic cum alijs contubernalibus restant transigenda ? quamdiu erunt vestri cruciatus ? an non videbitis Domum in æternum in terra viventium :

7. Interroga Dominum JESUM , an non sanguine suo has infernales flammæ mittigabit ? an non Divino suo cruore ardorem hunc sempiternum post myriades sæculorum extinguet ? nunquid in æternum , projiciet DEUS : respondebit tibi : In inferno nulla est redemptio. Damnatis jam non possunt prodesse vel integra lacrymarum effusa maria , nec san-

guis

guis Ma  
in cruce

8.

tam suam  
quod de  
unica g  
& æterna

9.

ternum o  
ternis ?  
crari cur

10.

ximam p  
guineæ  
dolore s  
tris torie

J Unif  
mih  
mee  
dum app  
arsuram  
fit delict

Qu

de meo  
unico tibi  
& mensi  
statu. N  
arum ; &  
somnum  
O i  
minis an

guis Martyrum, & ipſus Chriſti licet infiniti valoris in cruce effuſus.

8. Inquire ex anima tua, an non deteſtabitur vitam ſuam tam peſſimè traductam! an pro momentaneo, quod delectat, eliget æternum, quod cruciat? an pro unica gutta conſolationis præliget mare ærumnarum & æternæ plorationis!

9. Computa vires tuas, an poteris habitare in æternum cum igne devorante & ardoribus inferni ſempiternis? an poteris exul eſſe à DEO, æternum excrari cum damnatis DEUM, blaſphemare Sanctos ejus?

10. Reſolve te pro commiſſis peccatis tuis ad maximam pœnitentiam. Deſidera, ut ex oculis tuis ſanguinea erumpant lacrymæ, ut cor tuum præ immani dolore ſcindatur, ita, ut hic vultum amantiſſimi Patris toties offenſi deprecari poſſis.

### *Actus Contritionis.*

**J**uſtiſſime DEUS, qui fieri poteſt, ut æternitatem mihi mineris pœnarum, neque tamen juſtitiam tuam metum extorqueas à duriffimo corde meo? an nondum apprehendo, tametiſi fornacem videam æternum arſuram, quantus peccati ſis hostis, & quàm enorme ſit delictum, te offendere Dominum univerſorum?

Qui fieri potuit, ut tanta infania nidularetur in corde meo, ut vivere auderem, vel momento duntaxat unico tibi inimicus? neque momento tantum, ſed & menſibus & annis integris perſtiti in hoc miſerabili ſtatu. Nihil interea immemor veterum mearum deliciarum; & quamvis tot peccatorum gravatus pondere, ſomnum tamen capio quietiſſimum.

O infaniam omnium, quæ unquam occupavêre hominis animum, infantiſſimam! merebar dudum ple-

cti

Et sententiâ, ad emendationem usque meam tam diu dilatâ, merebar equidem, fateor, sed tu Clementissime DEUS bonitate tua malitiam meam superâsti; age igitur, ne dedignare diutius etiam sufferre me. En vinctum me, & captivum Divinæ misericordiæ tuæ; qui me fugitivum tanto labore quæsisisti, ne repellas supplicem à pedibus tuis, ah! ne rejicias animam, tam carò tibi emptam.

Largire fortitudinem, ut fugiam peccatum, quod ducit ad damnationem, da gratiam, ut timeam infernum, qui separat à te, timeam æternos cruciatus, dele sanguine tuo sententiam, quâ toties damnari debui ad infernum. Sic ergo his omnibus liber, velut vivum bonitatis tuæ tropheum, misericordias tuas in æternum cantabo.

### *Actus Deprecationis.*

**O** Infinitè milericors DEUS! si tu me ejicis, quis me recipiet? si tu me despicias, quis me aspiciet? Et quid proderit mi dulcis JESU, Majestati tuæ pro me tam humiliter exinanitæ, si me in æternum à facie tua projectum & exclusum in abyssum inferni æternis trades cruciandum tortoribus?

Cujus utilitatis erit ineffabile pretium tui sanguinis adeò pro me abundè effusi? & quomodo mors tua morte mortua erit, cùm tartarus deglutiens imaginem tuam, simul in oblivionem absorbeat infinita merita tuæ durissimæ passionis, & animam igni inextinguibili destinatam à tua beatissima præsentia perpetuò separet.

Quomodo relinques ô Pastor bone oviculam tuam solam in terra horroris & vastæ solitudinis, inter leones,

mes, urfos, & tygrides infernales? poterisne vocem sper-  
nere ballantis hujus miseræ oviculæ & fugientis ad te?

Nunquid mi JESU cognoscuntur in tenebris mira-  
bilia tua, & justitia tua in terra oblivionis? Nunquid  
narrabit aliquis in sepulchro misericordiam tuam!   
nunquid iratus fueris, misericordiæ nunquam recorda-  
beris? nunquid hæreditatem tuam delebis, & claudes  
ora te canentium? nunquid facies hominem, quem cre-  
asti ad laudem tuam, gaudium sempiternum inimicis  
tuis?

O Pater misericordiarum! ô DEUS æternæ conso-  
lationis! qui non lætaris in perditione peccatorum;  
sed magis vis, ut convertantur & vivant: en habes ad  
thronum misericordiæ tuæ prostratum supplicem,  
cui unicum hoc pro totius vitæ gemitu relictum est.  
Peccavi! & heu petulantissimè iram tuam. Tibi so-  
li peccavi ô Pater benignissime! mereor mille infer-  
nos. Non habeo, unde solvam: mea satisfactio est  
tuus sanguis.

Non avertas bone JESU faciem tuam ab hac anima  
mortis æternæ affecta doloribus, quam non avertisti  
ab iis, qui eam sputis & colaphis malè tractârunt. No-  
li benignissime JESU filii tui licet prodigi in æternum  
oblivisci, quia in manibus tuis descripsisti me. Noli  
in æternum à facie tua creaturam & opus manuum tua-  
rum repellere: utique Domine nihil horum odisti,  
quæ fecisti.

Hic potius ure, hic  
castiga, ut in æternum  
parcas.





## FERIA SEXTA.

## Meditatio Prima.

*De Passione Domini.*

*Pralud.* 1. Statue tibi ob oculos cordis, JESUM totum lividum, sanguinolentum, vulneratum, dilaniatum, de cruce pendulum, & discerptum in toto corpore.

*Pralud.* 2. Roga Dominum JESUM, ut ex ipsius laboribus, sumptibus, & sudoribus, uberes fructus colligas.

*Punctum. I.*

**C**onsidera, quis & qualis pro te patitur? Dignitate DEUS & homo! Quid mirabilius! quid horribilius! quis unquam cogitavit simile! potuitne vitâ mori! DEUS flagellari! potentia DEI funibus ligari! imago æterni Patris conspui! DEUS denique nudus inter duos latrones suspendi!

2. Quære: quid & quanta patitur? Tam magna, tam multa, tam ignominiosa tormenta passus est, in urbe Orbis principe, in oculis innumeræ multitudinis, post tot miracula, in tenerrima corporis constitutione omni genere immanissimo suppliciorum. Fuere tanta, ut Angeli pacis amare planxerint, tanta, ut rupes scissæ, cælum, terra, omniaque elementa trepidârint.

3. Pro quo patitur? Non pro divinis illis Spiritibus Cherubinis aut Seraphinis, sed pro hominibus

nibus:  
pro fu  
homu  
& pro

4  
runt  
instant  
principi  
sistebat  
viva fu  
prehen  
crucifig

5  
non, qu  
quod a  
damnat  
solo an  
alacriter

6  
colloqu  
mus,  
non rap  
merito

7  
tione &  
JESU  
co cruc  
mundu  
non gut

8  
na Chris  
modo c  
nudus,  
singula  
si aliter

inibus vilissimis : pro te in particulari luto & cinere : pro suo immico : pro te abjectissimo & ingratisimo homuncione : te damnationis aeternae reo : te nequam & prodigo filio.

4. Quo tempore incepit Christi passio ? Duæ fuerunt Christi cruces , una spiritualis , quæ à primo instanti conceptionis cepit : altera corporalis , cui principium datum in præsepio. Spiritualis Crux consistebat in continua tristitia interna , quam causabat : viva futurorum vulnerum & mortis crudelissimæ apprehensio : priusque Christus ab amore , quàm ab odio crucifigi voluit.

5. Quare patitur ? nulla illi patiendi necessitas ; non , quòd indigeat nobis , utpotè se ipso felicissimus , non , quòd accedat quidquam aut detrahatur , si vitam aut damnationem aeternam incurramus. Patitur ergo ex solo amore , pietate , misericordia , ultrò , sponte , alacriter.

6. Tunc demum dulce cum JESU tuo institue colloquium : Quid facis bone JEsu ! nos mori debui-  
mus , & tu solvis ! nos peccavimus , & tu luis ! quæ non rapuisti , reddis ! Opus sine exemplo , gratia sine merito , charitas sine modo.

7. Deinde admirare effusissimam ipsius in redemptione & passione liberalitatem & dic : Quæ tua mi JESU bonitas & liberalitas ? una guttula non dico cruoris sed sudoris , ad redimendum universum mundum , & mille alios , si extarent , sufficeret : & tu non guttam , sed torrentem sanguinis tui effundis ?

8. Revoca tibi in memoriam illa verba amoris plena Christi Domini ad S. Gertrudem prolata : Vide , quomodo crucifixus sum amore vestri , quomodo pendeo nudus , despectus , toto corpore vulneratus , per singula membra distentus ! & adhuc te ita amo , ut si aliter salutem consequi non posses , vellem iterum

mori pro te. Et si fieri posset, ut toties morerer, quor sunt animæ in inferno, ego promptissima voluntate corpus meum traderem, eandemque passionem pro qualibet anima sustinerem, quam sustinui pro omnibus.

9. Cogita nunc atque delibera; Quo ille dignus sit? quid tu illi debeas: quid retribuisti Domino tuo pro omnibus, quæ tribuit tibi!

10. Erubescere & confundere, quod tanta tamque indigna mala pro tantis bonis & donis retribuas: quod tantis ejus ærumnis, malitiâ tuâ & perditione causam dederis: quod illi compati & crucem tuam tollere nollis.

## Pro Colloquio.

### *Actus Contritionis.*

**O** JESU pro me crucifixe! quantorum ego tibi dolorum causa fui! verè languores meos tulisti bone JESU, & dolores meos portasti! O JESU! ô amor! vix pro justo quis moritur, tu pro inimicis & pro injustis mortuus es? O ardentissima charitas! ô quàm suaviter uris! quàm fortiter trahis in funiculis Adæ & charitatis? vulnerasti Cor meum JESU mi, vulnerasti Cor meum: utinam amore tui mori possem, & vivere tibi!

O me ingratum hominem! quid pro his omnibus reddidi tibi? pro tantis beneficiis tanta reddidi mala! pro his omnibus toties tam graviter contra te benignissimum Patrem ego ingratisissimus filius, contra te supremum Principem, ego rebellis servus, contra te DEUM & Redemptorem meum ego ingratisissimus & vilissimus terræ vermiculus insurrexi: toties sanguinem tuum peccatis meis conculeavi, iterum atque iterum te in


gru-

crucem adegi : tot animas tuis vehementissimis doloribus  
& pretioso sanguine emptas occidi :

O Zelosissime & profundissime amator & Pater ani-  
mæ meæ, induo & superinduo sicut diploide faciem me-  
am, confusione peccatorum meorum. Sto pudore ple-  
nus ante te. Et non me movet ad confusionem & do-  
lorem horrendus infernus, quia offendi te, non me movent  
acerba vincula & æterni gehennæ cruciatus ! Tu me mo-  
ves mi DEUS ! non me movet cælum, quod propter pecca-  
ta mea amisi. Movet me, quòd videam te totum excarni-  
ficatum, & in toto corpore discerptum. Movet me Ca-  
put tuum Spinis coronatum. Movet vultus tuus sputis, al-  
pis, & livore deformis. Movent manus & pedes clavis fau-  
cii. Movent me opprobria, & mors tua, & sanguistuus,  
& ita movent, ut si non esset infernus ullus, & si nullum es-  
set cælum, tamen peccata mea detestari, & execrari amore  
tui vellem.

O si vel nunc tota abyssus ingentium aquarum recipi-  
atur sinu cordis mei, illamque effundam in signum doloris  
mei ! ô si præ acerbo dolore omnes guttæ sanguinis mei  
mutentur in lacrymas, aut lacrymæ mutentur in sangui-  
nem, quia toties ausus sum contemnere ô bone JESU pretium  
sanguinis tui.

O si etiam daretur in me unicum æterno priùs in te  
amore donatum, & in eo confirmatum omnium damna-  
torum, & damnandorū pœnas colligi & acervari, sic, ut cæ-  
teri omnes, qui modò impiè calcant pedibus suis tuum san-  
guinem, te Salvatorem suum laudarent, & nullus omnino  
non amaret, qui potest amare ! profectò mi JESU non  
diceres amplius, justè conquestus, quæ utilitas in  
sanguine meo?



*Actus Compassionis.*

**Q**uis mihi hoc tribuat, ut pro te moriar amantissime JESU? tuas angustias considerans in me ipso deficio, & præ dolore exanimis efficior, dum te pro me tanta mala sustinere conspicio. Quid fecisti Domine? quare pro me vilissimo ascendisti crucem? Et quid sum ego putredo & vermis, pro quo tu Dominus omnium debeas sic affligi?

Quare talem mi JESU commutationem fecisti, ut dares vitam pro morte, veritatem pro vanitate, gratiam pro malitia, & gloriam pro miseria? Nónne melius erat mi bone JESU, ut non essem, quàm ut factus te occiderem? & cur carnes meas non lacero præ dolore? aut quomodo me omnis Creatura non occidit, qui fui occasio tuæ mortis?

Nónne mirabile videtur me cogitare, te tam nobilissimum & benignissimum Dominum pro me vilissimo mortuum, & non statim deficere præ nimia tristitia? O frater dilectissime & primogenite, tristitiâ nimia affecte, quomodo ego frater tuus, si hujus tristitiæ tuæ conscius non contristor! O JESU benignissime, qui pro me angustiat & afflicti es, flagellis laceratus, & terribili morte peremptus, quomodo ego filius tuus, si hæc videns mærore non consumo! O Sponse dulcissime pro me tantâ amaritudine plene, quomodo ego Sponsa, si tuam amaritudinem non participo?

Morior mi JESU, morior, nisi videro in manibus meis fixuram clavorum tuorum, & in pedibus meis cicatrices & vulnera pedum Sanctorum tuorum. Morior mi JESU, nisi videro pectus meum tuâ lanceâ tran verberatum, & caput meum tuâ spinea Corono redimitum. Certè mi dulcissime JESU nolo

vivere

vinere fr  
neritum.O  
fuisse m  
Joseph a  
me, sed  
chro.

EOD

*Pralud.*  
flamm  
ardent  
& inte  
ofos,  
*Pralud.*  
ignis

C  
A  
9  
excogita  
Thomas  
imò ipsi  
pœnas p  
2.  
nobilissi



vinere sine vulnere, quia te totum pro me video vulneratum.

O cur crucis illius loco non fui, ut tu Domine mi fuisses manibus meis & pedibus conclavatus! certe illi Joseph ab Arimathæa dixissem: non auferas JESUM à me, sed mecum illum sepelias, & deponas in sepulchro.

## EODEM DIE MEDITATIO SECUNDA.

### *De pœnis Purgatorii.*

*Pralud.* 1. Descende vivens in purgatorium, domum flammarum ingentium, lacumque intueri maximum & ardentissimum, ac ibidem intueri hominum myriades, & inter illos Principes, Prælatos; Sacerdotes, Religiosos, plebejos conspice.

*Pralud.* 2. Pete lumen, ut agnoscas, quàm sit intensus ignis purgatorii.

### *Punctum 1.*

CONsidera, quia pœnæ purgatorii tantæ sunt, ut S. Augustinus dicat: *Ignis durior est purgatorii, quàm quidquam in hoc sæculo pœnarum videaris excogitari, aut sentiri potest.* Ser. 42. de Sanctis. Et S. Thomas 3. p. q. 46 à 6. asserit pœnis Martyrum omnium, imò ipsius Christi Salvatoris cruciatibus esse acerbiores pœnas purgatorii.

2. Quære, ob quam causam hæ animæ, creaturæ nobilissimæ, genus electum, gens Sancta, tantas & tam

atroces patiantur pœnas? Ideo, *quia etiam stipula, etiam fanum in iudicium & pœnam veniunt*: 2. Cor. 3. *Etiam de verbo otioso reddetur ratio in die iudicii.* Math. 12. *Etiam minutissima cogitatio divinis oculis discussa non placuit.* S. Gregor. 21. Homil.

3. Tunc demum imaginare, quòd videas ignes in flammis purgatorii corpora, lacrymas, quas fundunt, ignes esse.

4. Postea odorare sulphureum illum & teterrium odorem, & gusta, quàm amarus sit calix punientis DEI.

5. Deinde si quam illæ flammæ animam exulterint ad conspectum tuum, percunctare: cur tot annis in igne devorante, & ardoribus sævissimis misera permaneat? certè respondebit tibi, ut ille Paralyticus, qui 48. annis jacuit ad Piscinam Probaticam: *Domine hominem non habeo?* qui me è loco isto moveat.

6. Insuper inspicere mentis oculo, quantus sit in animis illarum dolor & mœror, ut clamant querulæ: *Quia lumen cœli non video!* quia à DEO meo centro & ultimo bono meo tam diu arceor & exulo!

7. Gratias age nomine animarum purgatorii Divinæ bonitati, quòd temporaliter in illas igne & pœnis advertat, ne in æternum igne gehennæ puniat.

8. Opta tibi tantam felicitatem. O si Divina misericordiate etiam hoc igne purgatorii dignaretur. O si hic potius ureret, hinc secaret, ut in æternum parcere possit.

9. Excita in te desiderium, quòd velis ex corde animas purgatorii tanquam ardentes stipulas lateri Christi aperto admove, ut ex illo ceu limpidissimo fonte guttæ Sanguinis, aut aquæ stillæ bullientes effluant ad extinguendum, vel saltem mitigandum ardorem purgatorii.

10. Pete gratiam, ut totum vitæ tuæ tempus benè & fructuosè impendere possis, & pro peccatis hinc satisfacias

facias;  
quadri

R

Confid  
audi pr  
am imp

O

Filii t  
omniun

Electi t

O

xum, &  
entem

purgato  
negligi

omissio  
merito

D

tinetur  
as, orati

passione

ptissime

in

SACR  
versum  
& ad  
omnia  
gustum  
placebu

facias ; ne cogaris ibi solvere usque ad novissimum quadrantem.

*Actus pro defunctis.*

**R**espice pie Pater de sede magnitudinis tuæ ad miserarum animas in purgatorio detentas. Respice pœnas & cruciatus, quibus tam miserabiliter torquentur. Considera gemitus & lacrymās, quas ad te fundunt : audi preces & supplicationes, quibus misericordiam tuam implorant, & esto propitius peccatis eorum.

Offero tibi Pater Clementissime animam dulcissimi Filii tui JESU cum omnibus ejus actibus, & animas omnium Sanctorum & Sanctarum, ut e pœnis liberentur Electi tui.

Offero tibi pie Pater Jesum flagellatum & crucifixum, & Sanguinem ejus in terra effusum, JESUM morientem & lacrymantem pro omnibus peccatis animarum purgatorii, quæ unquam perpetrarunt, ac pro illarum negligentis offero tibi ferventissima ejus desideria : pro omissionibus honorum operum offero tibi ejusdem meritorum abundantiam.

Demum pro omnibus pœnis, quibus obnoxia detinentur, offero tibi omnes pœnitentias, jejunia, vigiliās, orationes, labores & afflictiones, vulnera, livores, passionem & mortem, quam innocentissime & promptissime Filius tuus sustinuit.

Insuper offero tibi misericors DEUS venerabile SACRAMENTUM in omnibus templis per universum mundum, omnia Sacrificia jam peracta, & ad finem sæculi peragenda, omnia Martyria, omnia vota & obsequia justorum, quæ tibi dant gustum, vel quæ tibi placuerunt, & in æternum placebunt, omnem pœnitentiam, mortificationem,

jejunia, vigiliis, & omnia merita totius militantis Ecclesiae. Et offero hæc omnia pro peccatis animarum purgatorii, humiliter obsecrans, ut per hæc libertatem vel saltem levamen pœnarum consequantur.

## DIE SABBATI.

### Meditatio Prima.

#### *De beneficio vocationis.*

*Pralud.* 1. Constitue te coram DEO, totaque cœlesti Curia, & cogita, quantâ tecum Dominus misericordia usus est, qui te cum paucis aliis, imò paucissimis respectu multorum ex prædestinatione, ut speras, vocavit ad Religionem Sacram.

*Pralud.* 2. Pete lumen cœleste, quo clarè cognoscas, beneficium vocationis tuæ, & ad quem finem vocatus es.

#### *Punctum I.*

**R**Evoca tibi in memoriam, in quantis periculis versaris vivens in sæculo, commemorando peccata tua, occasiones, & misérias, in quibus ceu in limo profundo hærebas.

2. Perpende, quanto in periculo versentur ii, qui sceleribus implicati vivunt in sæculo, vel qui gratiam similis vocationis acceptam deseruerunt. Quis hoc efficit, ut ab illis avulsus ad portum securitatis pervenires?

3. Considera, quomodo singularem benevolentiam, familiaritatem, & intimos amores SS. TRINITAS  
exhi-

exhibet c  
sanctific  
cissimis a  
Deinde g  
sunt in h  
dia prag  
exclamar  
tonis, l  
totas inf  
S. Aug. J  
tur illicit

4.  
Religiosi  
nata est  
videntur  
enim alie  
sæpè in cœ  
cenditur.

5.  
mum dat  
in loco,  
Professio

6.

te inter f  
hæc veste  
bus inspir

7.

hoc med  
nescium  
di tuo alt  
servitio  
Christi  
& dabitur  
ab orient  
ham, I

exhibet castis & à mundo avulsis. Nam tota anima sanctificante gratia nobilitatur, Deique filia electa dulcissimis affectibus DEUM semper intra se complectitur. Deinde gaudent Religiosi; quia nomina illorum scripta sunt in libro vitæ. Imò jam corde in cælo fixi eam gaudia prægustant. Tanta hæc est exultatio, ut Xaverios exclamare cogat: *Satis est Domine, satis est.* Et Antonii, Macarii, Bernardi, breves, dulcesque reddat totas insomnes noctes cum DEO transactas. Verissimè S. Aug. *Iustis non subtrahuntur deliciae, sed commutantur illicita in licitas, fluxa in solidas, fæda in puras.*

4. Commemora, quid S. Bernardus dicat de Cella Religiosi, ita ille: Cæli & cellæ Religiosi habitatio cognata est: à celando enim cælum & cella nomen habere videntur, & quod geritur in cælis, hoc in cellis. Quid enim aliud est hoc? vacare DEO & frui DEO? à cella sæpè in cælum ascenditur, raro à cella in infernum descenditur.

5. Adora Dominum in illo loco, in quo tibi primum data gratia efficax ingressus in Religionem. Item in loco, in quo vestem Religiosam assumpsisti: vota & Professionem fecisti.

6. Gratias age Sancto Religionis Fundatori, quòd te inter suos adelegerit, cum tu millies indignus fueris hâc veste Religiosa, indignus omni gratiâ, & cœlestibus inspirationibus.

7. Inculca & argue te coram cælo & terra: O si hoc medium salutis alii haberent, vocationis scilicet beneficium, quàm sanctè illo uterentur! Hoc enim cordi tuo altè imprime, quia dum vinci te à sæcularibus in servitio DEI permittis, cadit sæpius super te ipsius Christi sententia. Auferetur à vobis regnum DEI & dabitur genti facienti fructus ejus. Multi venient ab oriente & ab occidente, & recumbent cum Abraham, Isaac, & Jacob in regno DEI, Filij autem regni



regni ejicientur in tenebras. Sic in die judicii dicet multis Christus, qui in nomine ejus multas virtutes fecerunt: Nescio vos, recedite a me operarii iniquitatis.

8. Interoga te ipsum: quoties Religionem Sacram tua pessima vitâ diffamasti? quot à te neglectæ inspirationes Divinæ? quot occasiones DEO serviendi præteritæ? quàm exigua talentorum à DEO concessorum, temporis pretiosissimi, consiliorum piorum, & exemplorum bonorum cura?

9. Plange itaque super te, quia te plangunt Angeli, te plangunt guttæ sanguinæ Christi, plangunt lacrymæ Sancti Patris tui, quia peccasti, & mali illius, quod commisisti, pœnitentiam non egisti, quinimò gravius in Religione deliquisti.

10. Protestare de tua fidelitate & emendatione, quòd velis in posterum sanctiùs in Religione vivere, & diligentius vota emissâ observare, continuò ad perfectionem debitam aspirare.

## Pro Colloquio.

### *Actus Contritionis.*

**O**bstupesco Domine! quomodò ampliùs sustineas conspectum meum, cum sim creatura tibi tam ingrata & rebellis. Profectò Domine ego sum vi-  
lior peccator omnibus reprobis, & credo neminem tam longè unquam à te recessisse, quam ego recessi per mea flagitia. Imò credo, si maximi quique peccatores mundi habuissent talia auxilia, qualia ego à te accepi, majore sinceritate cordis & festinatione ad te redituros. Latrones ipsi & sacrilegi perfectiùs tibi Domine famulantur, sic eos tot, ut me, affectis beneficiis & vocas-  
ses.

Idco,

Ideo prorsus me indignum reputo, mi Domine, ut tibi serviam, tuque exaudias orationes meas, indignus sum hac veste Religiosa, indignus omni gratiâ. Indignus sum etiam, cum tibi sim inobediens & refractarius, qui habitem inter tuos servos, à quibus, si pro meritis me tractare vellent, nihil aliud audire me oporteret, quàm contumelias & convitia.

Quin etiam procul amandari me conveniret à consortio tuorum servorum, ne fortè putredo abominabilem ulcerem, & vitiorum meorum quemquam illorum inficiat.

O JESU mi Clementissime! en gravissimus peccator, servus tamen tibi mille votis mancipatus, recurro cum fiducia ad pedes tuos, summoque cum dolore animi meam ingratitude & malitiam accuso, confitendo omnia peccata, præcipue in Religione commissa; quorum me summopere poenitet.

Nihil inferni, mi dulcis JESU, timor, neque amittendi cœli metus in detestatione scelerum meorum loci habet. Solus ante oculos meos Tui amor observatur. Non aliam doloribus oppressi cordis propter iniquitates meas reperio causam, quàm quia te JESUM amo.

Largire quæso Domine, ut omnia peccata in posterum longè à me fiant: & quamvis ego naturâ non possim esse impeccabilis, saltem ô bonitas infinita, fac mihi hanc gratiam, ne unquam mortaliter peccem. Deinde fac Domine, ut loco vitiorum in me imprimantur omnis generis Sanctæ virtutes, quod totum tibi cedat in gloriam, gratiarum actionem, & salutem animæ meæ.



*Actus Amoris DEI.*

**O** Fons amoris perpetui bone JESU, quid dicam de te? quomodo potero tui oblivisci, qui mei dignatus es recordari, etiam postquam perii? quis hoc misericordissime Domine effecit, ut, cum ego in peccatis mortuus & sepultus jacerem, me tua gratia excitaret! Quid feci ego? quid merui? nihil: sed vox sanguinis tui ô JESU! ô JESU! clamavit ad Patrem, & inveni gratiam in oculis ejus, & venisti, & sustulisti me, ex mediis periculis.

O altitudo judiciorum & magnitudo miserationum tuarum! quot homines interea in medio peccatorum suorum cursu subita morte sunt abrepti, qui nunc miserè torquentur in inferno! quid factum fuisset de me, si tu me tunc ad strictum evocasses tribunal? quis, cum ego dormiebam, pro me deprecatus est?

Quid in me dulcissime JESU invenisti obsequii, ut tantum rependeres præmii? quid in me vidisti amplius, quàm in aliis, quos reprobasti? Toto vitæ meæ tempore te non cognoscebam, te non amabam, abyssus eram iniquitatis & tenebrarum; & tamen tu mi JESU super hujuscemodi peccatore dignum duxisti aperire oculos tuos.

Benedictus sis Domine JESU in illo primo intuitu ad peccatricem animam meam, & cum in tota collectione animarum nullam indigniorem haberes, quam respiceres, in eam tamen indignissimam respexisti. Benedictus sis Domine JESU in hoc triumpho bonitatis tuæ de Te ipso, in quo tam magnificè, & gloriôsè triumphavit de te Bonitas & misericordia tua. Laudent te Domine omnes Sancti tui, quia respexisti super unum canem mortuum.

Quo-

Q  
anima  
ebus vi  
nantiq  
DEUS  
certum  
stanti v  
nihil u  
confer  
nis &  
me affi  
mis cor

EO

Pralud  
Paren  
Pralud  
Dom

GR  
G  
Marc F  
plum SS

Quomodo ergo mi bone JESU non exaltabit te anima mea pro tantis miserationibus tuis, omnibus diebus vitæ meæ? quomodo non tota se eviscerabit, exinanietque in dilectionem bonitatis & charitatis tuæ? O DEUS meus! ô duleis amor meus! hoc tibi de me, certum esse velim, quòd abhinc tam firmâ, tamque constanti voluntate statuerim te diligere, ut etiam si mihi nihil unquam, neque in hac, neque in altera vita, boni conferre velles, imò si in hac vita omnibus ærumnis, pœnis & cruciatibus, & in altera vita suppliciis æternis me afficeres, nihilominus amare te velim, & ex intimis cordis mei medulis tibi servire.

## EODEM DIE MEDITATIO SECUNDA.

### *De Cultu Magnæ DEI Matris.*

*Prelud.* 1. Statue te in conspectu Pretiosissimæ DEI Parentis Virginis MARIÆ.

*Prelud.* 2. Petas, ut pretiosissima DEI Parens, tibi sit Domina, tu autem illius sis servus, & mancipium.

### *Punctum I.*

**G**ratulare Beatissimæ, quòd sit artus vinculis alligata affinitatis & consanguinitatis cum Divinissima Trinitate. Est enim Filia Patris æterni: est Mater Filii DEI: est Sponsa Spiritus Sancti? est templum SS. Trinitatis.

2. Gratulare ipsi de illo gustu & complacentia, quam habet SS. Trinitas de hoc singulari opere suo.

3. Exulta, quòd DEUS amet Beatissimam super omnia opera sua.

4. Gratas age DEO pro electione hujus Virginis in Matrem, pro conjunctione Virginitatis & Maternitatis.

4. Adora in B. Virgine relucentem DEI Puritatem, Sanctitatem, Sapientiam, Misericordiam &c.

6. Gratulare duo dona soli Beatissimæ propria: donum Virginæ Maternitatis divinæ, & donum Immaculatæ Conceptionis.

7. Congaude illi, quòd sit Domina & Regina totius universi, & omnium creaturarum: creaturas autem omnes & singulas illius esse subditas ejusque mancipia. Quia enim Filius ejus est verus DEUS, & ideo absolutus rerum Dominus, omniaque ei subiecta naturaliter sunt: inde consequenter Mater hujus DEI ac Domini omnium, est etiam naturaliter omnium Domina, & omnia ejus mancipia.

8. Cum tota Ecclesia ages gratias DEO pro omnibus donis naturæ, gratiæ, & gloriæ, pro omnibus favoribus & privilegijs, super omnes Sanctos Beatissimæ à DEO collatis.

9. Protestare coram DEO, quòd gloriæ ipsius integritatem redimere, augmentumque illius procurare cupias, etiam cum tui ipsius jactura, in quantum id gustui divino conforme esset.

10. Exulta & gaude, quòd Beatissima (teste S. Anselmo) sit Advocata, Patrona, & Mater nostra, *tam pia, tam potens, ut omnem ad eam conversum & ab illa respectum impossibile sit perire. Imò nullus est, qui salvus fiat, nisi per hanc Sanctissimam: nemo est, qui liberetur à malis, nisi per hanc purissimam: nemo, cui celestis donum conferatur, nisi per hanc charissimam*, inquit S. Germanus,

*Affo-*

E Min  
tu  
tr  
Salu  
tati, ato  
gilde: A  
ex Clemen  
RIA co  
Salu  
tanquam  
bum æ  
quo te  
Sal  
qui ante  
bunc ad  
Salutatio  
duratur  
Pr  
per om  
ram am  
verunt &  
Ta  
ego fol  
corda,  
Ap  
Matrem  
mancipi  
Ma  
ama me  
visiterib  
Ac



*Affectus varii erga B. Virginem.*

**E**minentissima DEI Mater & Virgo, adoro Te cultu Hyperdulæ cum tota Ecclesia, tanquam Matrem DEI & Dominam mundi.

Saluto te in unione amoris & per Cor dilecti Filii tui, atque omnium te amantium dicens cum S. Mechilde: Ave ex Omnipotentia Patris, ex Sapientia Filii, ex Clementia Spiritûs Sancti, dulcissima Virgo MARIA cœlum & terram illuminans.

Saluto te eo affectu, quo salutat te Æternus Pater, tanquam Filiam suam: eo affectu, quo te salutat Verbum æternum, tanquam suam Matrem: eo effectu, quo te salutat Spiritus Sanctus tanquam suam Sponsam.

Saluto te eo affectu, quo te salutaverunt Sancti, qui ante nos fuerunt, quo te salutant nunc, & salutabunt ad tempora Antichristi. Saluto te & omnibus Salutationibus Sanctorum omnium, tota æternitate duraturis.

Pretiosissima DEI Parens, amo te post DEum super omnia: quia DEus super omnem puram creaturam amavit & amat te: quia omnes cives cœli amaverunt & amant te: quorum amore amo te.

Tantum te diligo, dulcissima DEI Mater, ut si ego solus possiderem omnium Electorum gratissima corda, libenter illa omnia amoris tuo impenderem.

Agnosco te & recipio, dignissima DEI Mater, in Matrem & Dominam meam, meque Tibi in filium & mancipium perpetuum offero.

Monstra, ô MARIA, te veram esse mihi Matrem, ama me usque in finem, & fac, ut te redamare totis visceribus cordis mei contendam.

Accipe ô Serenissima Regina, & Domina mea,

accipe jam ex hac hora possessionem absolutam & perpetuam mei.

Tibi tuoque servitio, omne tempus, quantum possum, dedico : & opto momenta singula illius converti in æternitates, quibus Tibi inserviam.

Doleo, quòd hæcenus non servierim Tibi ut debui, Pœnitet me, quòd tibi aliquando ingratus fuerim ô dulcissima Domina mea, confundor, quòd nihil dignum hucusque honore tuo fecerim.

Utinam, utinam omnia momenta vitæ meæ pro maxima gloria tua impendissem, & servivissem Tibi corde perfecto.

O Mater dilectissima, de filiis tuis semper sollicita, accende nostrum in te affectum, ut te Matrem nostram ex corde veneremur, diligamus, & colamus.

✠✠✠✠ ✠✠✠✠ ✠✠✠✠ ✠✠✠✠ ✠✠✠✠ ✠✠✠✠ ✠✠✠✠

## CAPUT VI.

De poenitentia, vera salutis semita, quâ homo ex regione longinqua ad DEUM & salutis viam revertitur.



Tinere trium dierum Israëlitarum ad montem DEI Horeb profecti sunt, ut sacrificarent Domino DEO. Viator postquam revertitur ad viam salutis æternæ, & vult contritioni operam dare, veluti quodam itinere tridui pergat in desertum ex Ægypto, & de Pharaone &

exercitum  
tellectu  
terius

Mot

D

audis &  
fregit,  
fulmine,  
nocte,  
hominu  
tio? an  
præcisa  
huc ord  
diluiffe  
puta te

Co  
pergis a  
finienda  
tu pecca  
censurus  
staru per  
rante &  
bit ad pe  
suam, u  
inebriat

exercitu ejus triumphabit. Huius tridui, spiritali intellectu, dies primus est contritio, secundus confessio, tertius satisfactio.

## Motiva ad maturam & seriam conversionem Viatoris ad DEUM.

### I. *Incertitudo mortis.*

**D**Eus pœnitentibus prœmisit veniam, sed peccantibus spatium pœnitendi non promisit. Quotidie effervuntur cadavera, cadunt juvenes & senes, audis & legis, ille hodie occubuit gladio, ille cervicem fregit, ille somnum produxit in mortem, alius peste, fulmine, latrocinio interiit. Quid si & tuam hac nocte, hac die, repetent animam à te? Quot millia hominum delusit ista spes, aut potius stulta præsumptio? an nunc in inferno positi sunt, mors depascit eos; præcisa enim est velut à texente vita eorum, dum adhuc ordiri viderentur. Omnem ergo diem crede tibi diluxisse supremum, ac ultimum, & cum mane fueris, puta te ad vespertum non perventurum.

Confidera diligenter, quia continuò veloci cursu pergis ad æternitatem nullo termino concludendam, & finiendam, & audes vel uno momento manere in statu peccati mortalis? in quo si moriaris, in puncto decensurus es in infernum! cur non recogitas, quia, si in statu peccati decesseris, habitabis infelix in igne devorante & ardoribus sempiternis? quia totus DEUS vacabit ad pœnas tuas, & vacabit per omnem æternitatem suam, usque ad inferni novissima, usque dum compleat inebrietque sagittas furoris sui justissimi in te. Com-

puta vires tuas, num poteris sustinere irruentes super te montes vindictæ DEI !

Quodd si nunc sub tuum conspectum ex infernali abyssu (DEO ita iubente) infelix ille Christi discipulus, aut alius ob unicum solum peccatum mortale damnatus raptaretur, catenis oneratus igneis; quem si huiusmodi compellares verbis: Expone Juda, quinam & quamdiu tui erunt cruciatus? quot sæcula tibi cum tuis contubernalibus pro diluendo tuo peccato restant ibidem transigenda? cruciatus nostri, reddet ille, sunt acerbissimi. Vos in plumis stretitis, nos inflammas æternas vigilias agimus, vos ridetis, nos dentibus stridemus, vos gulæ litatis, nobis pix & sulphur propinatur.

## 2. Passio Christi Domini.

**V**ide durum & impœnitens cor, vide Christum Dominum pro peccatis tuis in cruce erectum, nudum tot scurrarum risui, & blasphemii inimicorum expositum! caput immiti spina ad cerebrum usque perfossum, & ad mortis imperium incurvatum, sub quo astra tremunt. Vide pectus divinorum ignium officinam lethali frigore contractum languere, & manus ac pedes attritis Clavis ligno affixos, totum Virgineum corpus unum propè vulnus factum.

Intuere illum ipsum, qui cùm DEus esset, propter te DEus homo factus est, & propter eundem te propè non homo, sed hominis figura, specie & decore amisso. O quale spectaculum porrigit oculis tuis Golphatha in medio Palæstinæ.

Inspice vulnera pendantis, sanguinem morientis, pretium redimentis. Caput habet inclinatum ad osculandum, cor apertum ad diligendum, brachia extensa ad amplectendum, Et his non moveris, ut peccata deleas?

quam-

quandi  
inno  
ac dolo  
pendet  
felicis  
das, &  
M  
Crudeli  
frustrà  
manu tu  
ad majo

3.

T  
ritoria,  
pœniter  
Augusti  
agis, d  
pore eg  
gere, qu  
runt, n  
cidit,  
Reman  
columb  
Q  
etiam p  
S. Victo  
dio dic  
cator, s  
nio ante  
gemuer

quamdiu ludes & illudes sanguini Christi tui? Christus innocentissimus Salvator pro te in acerbissimis cladibus ac doloribus tuis, in infami ligno medius inter latrones pendet, & tu ingrederis in domum tuam, domum infelicis gaudii, domum improbæ voluptatis, ut comedas, & bibas, & dormias, atque indormias peccatis tuis?

Moveat te amor boni JESU & ad eum revertere. Crudelis es, si fructu laboris sui JESUM tuum defraudes, frustrà pro te mortuus est. Sanguinem suum seriò de manu tua requiret, & tota passio Christi stabit contra te ad majorem damnationem tuam.

### 3. *Pœnitentia sera, rarò solet esse vera.*

**T**ALIS pœnitentia usque ad mortem dilata sæpius ex parte pœnitentis non est vera: quia talis pœnitentia non est voluntaria, & consequenter non est meritatoria. Ratio: quia si mors nunquam veniret, aliqui ex pœnitentibus nunquam pœnitentiam facerent. Hinc S. Augustinus ser. 36. Age pœnitentiam, dum sanus es, si sic agis, dico tibi, quia securus es: quia pœnitentiam eo tempore egisti, quo peccare potuisti: si vis pœnitentiam agere, quando jam peccare non potes: peccata te dimiserunt, non tu illa. Et iterum. Ipsa est res, quæ multos occidit, cum dicunt cras, cras, & subito clauditur ostium. Remansit foris cum voce corvina, qui non habuit gemitum columbinum.

Quia licet pœnitentibus venia, non tamen perinde etiam pœnitendi gratia promissa est, uti rectè Hugo de S. Victore cum aliis advertit dicens: ego scripturam audio dicentem, quia *in quacumque hora ingemuerit peccator, salvus erit.* Ezech. 33. Non dicit biduo, aut biennio ante mortem, si ingemuerit, sed in quacumque hora ingemuerit, salvus erit. At verò paulò post subjungit: Nec



tamen sub hac spe securè tibi peccandum est, propterea quòd in fine, si conversus fueris, salus tibi promittitur. Nam quamvis etiam tunc venia tibi, si verè poenitueris, promittatur, non tamen tibi, ut tunc verè poenitere debeas, promittitur, valdè difficile est, ut tunc vera sit poenitentia,


Deinde omnes SS. Patres, & sapientes viri talem procrastinationem dissuadent. De quo motivo sic discurret Dionysius Carth. a. 2. de cover. peccat. In omni materia aequiescendum est prudentibus, & expertis in illa materia. Cùm ergo ipsemet Dominus noster JESUS CHRISTUS, Sapientia DEI Patris, & magni consilii Angelus, & universi Sancti ipsius Apostoli, & Prophetæ, & Sancti Doctores hanc poenitentiae dilationem omninò dissuadeant, concorditer reprobent ac vehementer condemnent, certum est, quòd stultissimum & iniquum sit, poenitentiam sic differre.

Dionysius Carthusianus de quodam defuncto scribit, illum ex divina dispensatione alteri apparentem, ad nostram eruditionem in memorabilia hæc prorupisse verba: O cras, cras! quàm longam mihi restim fecisti, & in barathrum mortis me procrastinando traxisti!

In vita Thomæ Mori, Regni Anglicani Magni Cancellarii, & Martyris, sequens impii cujusdam legiter exemplum, in tom. 1. l. 2. c. 17. operis, quod mortes peccatorum pessimæ, intitulatur, his verbis recensitum: Rogabant amici amicè hominem, ut maturaret ad meliorem mentem redire, sed responsum aliud non tulerunt, quàm plenum illud vanissimâ præsumptione, cùm migrandum hinc fuerit, tribus se verbulis DEUM ad clementia expugnaturum, & cælum, exoraturum. Verùm res aliter cecidit, eum enim postea equitando transiret in ponte fluvium, & improvidum pedem equus impingeret saxo, unâ secum sessorem Herum in subiectam aquam effudit. Jam miserando casu præcipitabat ut eques, cùm subito, ubi periculum animadvertit, sensitque intra fluctus non sicca se morte oc-

cubiturum, contentissimo nisu clamavit tria novissima verba. Et quæ illa? utique quibus salutem, & astra momento uno apud DEum impetraret, quemadmodum iactaverat non semel facturum se in ultimo vitæ discrimine? Dixerit itaque cum Regio Vate: Miserere mei DEus: aut illud. Tibi soli peccavi, vel cum Publicano: DEus propitius esto: sed heu: de sceleribus suis, de cælo, de DEO altum servavit silentium, illud unum ingeminavit: Rapiat omnia dæmon. Ita miserum sua memoria destituit, & cum deberet in eo casu tria salutis verba dicere, tria desperationis protulit, tractus inter vortices ad eum, quem vocibus ultimis compellavit.

Insuper sciendum est, quia talis procrastinatio, seu impœnitens cor peccatoris numerum peccatorum à DEO ad reprobationem prædefinitum citiùs implere facit, ut sentit Mansi disc. 19. n. 7. Nam certum est, DEum unus cujusque omnes enumerasse passus & gressus, quibus à divinatorum præceptorum suorum semita deviavit, dicente patientiæ speculo: *Tu quiden gressus meos dinumerasti.* Paulò post clariùs inquit: *Signasti quasi in sacculo delicta mea:* Divina enim justitia certum quemdam limitavit peccatorum præfixum numerum, ad quem usque tolerare vult impium, filum vitæ ipsius detruncaturus, mox ut ad illum peccatorum numerum impius pervenerit. Unde apud S. Jobum Spiritus Sanctus ait: *Usque huc venies, & non procedes amplius, & hinc confringes tumentes fluctus tuos:* Cum igitur, ad quem usque peccatorum numerum DEus nos expectare decrevit, ignoremus, meritò de uno quoque peccato, quod futurum sit ultimum, timendum nobis erit.



4. *Seria cogitatio post vitam pœnarum.*

**Q**uia paucitas dierum nostrorum finietur brevi, ibimus vel cum Electis in vitam æternam, ubi omne bonum, vel cum reprobis in supplicium æternum, ubi omne malum. Habitatio reproborum paucis describitur à misero ejusdem loci incola divite Epulone Luc. 16. *Est locus tormentorum. Est locus cadaverosus, teterimus, ubi fœtor, squalor, illuvies, putredo. Ille dabit ignem, & vermes in carnem eorum, ut urantur & sentiant usque in sempiternum.* Judith. c. 6. Ibi damnati quærent mortem, & non invenient eam, & desiderabunt mori, & fugiet mors ab eis. Apoc. c. 9.

Ibi oculi atrâ torquebuntur caligine, continuò videbunt formidabiles dæmones, horribilia spectra, videbunt serpentem illum antiquum, colubrum tortuosum, Asmodæum cruentum, Beemot illum immanem & Leviathan, cujus (teste Job c. 41.) *sternutatio splendor ignis*, de cujus ore procedent lampades, & de naribus fumus.

Quid aures? continuò damnatorum aures punientur infeliciissimis gemitibus, ululatibus, terribili bestiarum rugitu. Nihil aliud ibi audietur præter inæsum illud *Ua*. Ah! in quo incondito cantu tanta erit vocum confusio, tantus stridor, tantus quiritatus, in tenebriosa illa caverna, ac si scissis undique nubibus horribilium tonitruum fragores undique resonarent.

Quid odoratus? Hæc Arabia infelix, quos odores exhalat? quantus tot dæmonum, tot damnatorum erit fœtor? vel unius sufficerat inficiendo orbi universo! quid è tot cadaverum putrescentium acervo, è sulphuris Oceano, ex obscurnissimo illo volutabro, ubi monstra illa putida in stercorebus suis volutantur.

Quid

Q  
etiam  
eorum  
vinum

Q  
tidissim  
di fæte  
ra & in

F  
ctitur

nosco  
tem in  
bum

DEus

rè afflig  
tempor  
& iult

5.

S  
si  
p  
strictus  
Iniqui  
vixeru  
vere,  
quia i  
desinui  
stiam  
plicio  
peccat

Quid gustus? linguæ sitientissimæ & aridissimæ, etiam guttula unica atquæ negabitur. Cibus & potus eorum erunt uva fellis & botri amarissimi, fel draconum vinum eorum, & venenum aspidum insanabile.

Quid tactus? jacebunt in igne ut vasa sordium fætidissima, ut bufones flammei, monstra turpissima, hædi færentissimi colligati, continuò cremabuntur corpora & in propria adipe fixæ libidines bullient.

Hæc omnia prudentissimè considerans ita completur S. Greg. apud Mansi disc. 22. n. 8. Dum recognosco Job sedentem in sterquilinio, Joannem esurientem in eremo, Petrum pendentem in patibulo, Jacobum decollatum Herodis gladio, cogito, qualiter DEus in futurum cruciabit, quos reprobatur, qui ita durè affligit, quos amat. Si cum intimis amicis sic agitur tempore gratiæ, quid hostibus fiet tempore vindictæ & justitiæ?

*5. Momentaneum est quod delectat, æternum, quod cruciat.*

**S**ANCTUS Gregorius interrogatus, quomodo justum sit, ut culpa, quæ cum fine perpetrata est, sine fine puniatur? Respondet: Hoc rectè diceretur, si districtus Judex non corda hominum, sed facta pensaret. Iniqui enim idèò cum fine deliquerunt, quia cum fine vixerunt, nam voluissent utique, si potuissent, sine fine vivere, ut potuissent sine fine peccare. Ostendunt enim, quia in peccato semper vivere cupiunt, qui nunquam desinunt peccare, dum vivunt. Ad magnam ergo justitiam judicantis pertinet, ut nunquam careant supplicio, qui in hac vita nunquam voluerunt carere peccato.



Similem rationem assignat S. Bernardus ep. 253: cur peccatum in hac vita commissum & præteritum, æterno subijci debeat supplicio; dicit enim: Ob hoc procul dubio inflexibilis & obstinatæ mentis sumitur æternaliter malum, licet temporaliter perpetratum, quia quod breve fuit tempore, vel opere, longum esse constat in pertinaci voluntate. Illa namque contumacia, & mentis obstinatio, quacum peccator in hac vita DEum offendit, nisi illam in hac vita corrigat, perpetuas æternitates incorrigibiliter perseverabit.

Qui enim in peccatum mortale propria voluntate labitur, se in eum statum injustitiæ redigit, ex quo propriis viribus erui nusquam in æternum poterit: unde ex hoc ipso quod vult peccare, vult consequenter in peccato per totam æternitatem manere. Quare iuste à DEO peccator non solum ob actionem peccati, sed præsertim & ob voluntatem in peccato permanendi, quæ in æternum protenditur, poenâ interminabili & æternâ plectitur.

At verò non pauci requirent, quâ ratione poena æterna dæmonibus & aliis damnatis iuste infligatur, cum illorum peccatum fuerit quasi momentaneum? Resolvit S. Thomas in suppl. q. 99. a. 1. Poena peccati taxatur secundum dignitatem ejus, in quem peccatur! unde majori poena dignus esset, qui percuteret lapidâ principem ac regem, quam si cuicumque alteri privato hanc injuriam irrogaret. Atqui sive diabolus, sive homo mortaliter peccans, contra DEum infinitæ majestatis & excellentiæ peccat, ejusque honori summam (quantum in ipso est) infert injuriam, dum in creatura per peccatum finem ultimum constituit. Ergo infinita poena dignus est. Cum autem creatura, quæ in se finita est, poenam secundum intensiorem acerbitalis infinitæ ferre non possit, poena secundum durationem temporis infinita illi subeunda est, quæ proinde iuste à DEO illi infligitur.

Quæ-



## Quædam observanda ante Confessionem Sacramentalem.

1. **D**ispertire totum tempus à novissima Confessione in certa spatia, tum menses, hebdomadas, & dies singulos percurre, qualibus cogitationibus, verbis, & operibus usus fueris, quibus te peccatis contaminaveris, quibuscum personis, quo loco.

2. Postea institue comparationem inter DEum & te ipsum, inter opera ejus & tua.

Quis peccavit? Ego quoddam phantasma, horror, & fætor, & pene nihilum. Ego fons malitiæ, sentina prævæ concupiscentiæ. Ego vermis terræ vilissimus, damnationis æternæ pridem reus, sponsa adultera.

In quem peccavi? In DEum Creatorem, summum bonum, amorem infinitum. Peccavi filius rebellis in optimum Patrem, servus infidelis in benignissimum Dominum. Vilis & abjecta creatura in Conditorum universi. Peccavi in eum, cui Angeli serviunt, cui omnes creaturæ obediunt, illi ego solus fui refractarius.

Quid peccando feci! Animam meam interemi, & ad infernum detruxi: Chirographum meæ fidelitatis descripsi dæmoni; ex corde meo Angelos exturbavi. Heu! quis unquam crederet, ipsum Spiritum Sanctum à me expuli, & libellum repudii dedi DEO.

Cur peccavi? Ob res caducas & vilissimas, propter obscenam voluptatem, pro luto & cinere. Sine metu, sine horrore peccati, in præsentia DEI, ac si unius idoli, quo tempore à DEO conservabar, & beneficiis obreuebar.

3. His peractis, imaginare tibi SS. Angelos te fuggere, contra te instigare. Ipsam B. Virginem te ultra pati non posse, SS. omnes te abominari.

4. Insu-

4. Insuper concipe affectum adhuc majoris timoris, quia ipse DEus te detestatur, ac iratus præcipit, ne coram eo ultra comparcas, ne ipse amplius creatura dicaris.

5. Deinde convertere ad cor tuum, illudque de duritia sua increpa, quod nihil tot considerationibus emolliatur. Invoca contra illud in testimonium cælum, terram, elementa, & creaturas omnes. Sicque coram illis conquerere, Cor tibi esse lapideum.

6. Post hæc runde pectus tuum perseverans in oratione & compunctione, barchia in modum crucis compones, imaginem crucifixi intueſe.

7. Ad extremum humi prostratus cum gemitu cordis plora clamans: O Domine pietatem, lacrymas, contritionem, misericordiam, & veniam humiliter efflagito, qui veniam publicanis, meretricibus, latronibus, prædonibus non denegasti. Ne patiaris me diutius præ contritionis desiderio languere aut interire.

Premunt cor meum mala, quæ non sum verecundatus facere in facie cæli. Video ah me! averſum tui mi DEus irati vultum. Heu! heu! quis me liberabit à perditione mala hac? quis placabit vindicem DEum? Plorans plorabit anima mea, gemens sub pondere peccatorum

Quid tamen faciam ô Pater ego rebellis ac prodigus filius, Patri recalcitravi, Domino non servivi, Creatorem non agnovi, imò offendi, cælo excidi, terra sub ingrato pondere meo gemit, expecto, donec me dehiscat infernus.

Ah! damnum, filii ego titulum prorsus deperdidi! sed an tu Patris? tu tamen Pater es, qui facis oriri solem super bonos & malos. Aperi igitur piissime Pater, aperi neminem despicientes oculos tuos! vide indignum quidem visu, tamen filium ad te ô pater recurrentem, audi confidentem: Peccavi coram cælo &

tetra

terra &  
malo  
nus del

Q

mitu c  
operian  
mea &  
meum!

C

tas, il

quo un

briavi

nibus

mco e

F

cundia

pudenc

guinem

uno d

rui? C

sunt,

dam,

C

patiens

tam in

mille c

terra & te Pater ! Non ampliùs tamen, non ampliùs, malo millies mori, quàm te offendere, hic sit terminus delictorum meorum.

## Ante Confessionem.

### *Actus Contritionis.*

**Q**uis dabit ô bone JESU, capiti meo aquam, & oculis meis fontes lacryarum, ut diebus ac noctibus rigare possim stratum meum rugiens à gemitu cordis mei ? Exitus aquarum deducite oculi mei, operiat confusio faciem meam, deficiat in dolore vita mea & anni mei in gemitibus, quia offendi DEUM meum ! Patrem meum ! ego rebellis servus.

O anima mea ! dic mihi, quid tandem illa bonitas, illa Majestas, illa misericordia fecit tibi ? aut in quo unquam contristavit te, responde mihi ? Cur inebriavi te dulcis JESU absynthio, qui mille benedictionibus dulcedinis prævenisti me ? Cur me tibi DEO meo ego improbus & rebellis opposui ?

Fieriné potuit mi JESU, ut credens ego te ad iracundiam provocarem, in re vilissima & momentanea & pudenda, & despicerem te, & lacrymas & vulnera & sanguinem tuum ? O caput mille dignum inferis ! si pro uno delicto infernum, pro tot, quot infernos promerui ? Quot scelera, tot onera, tot vincula, tot debita sunt, quibus dissolvendis, nec si memetipsum vendam, satis sum.

Cur terra tam diu sceleratum pondus portas tanti patiens flagitii ? Cur non aer pro Conditore tuo contra tam insensatum mille pugnas fulminabis ? Cur mare non mille concitas tempestates in me Jona multo nocentior rem ?

rem? Cur non omnis creatura in me armata peccatorem adeò impudentem in Orcum præcipitat.

Væ mihi, quia peccavi! væ mihi, quia DEum, & Sanctos contra me provocavi, iram tremendi Judicis in me concitavi! Quis eruet me de manu potenti & brachio extento contra me?

O quàm bonum erat, si natus non fuisset, neque enim vitam mihi dedisti, ut te offenderem DEus meus: utinam prius repentina morte extinctus fuisset, quàm te ò JESU offendissem! Quantò suaviùs flammis infernalibus in gratia tua arderem, quàm extra gratiam paradiso gauderem!

Quid tamen gravissimus & ingratisissimus peccator faciam? En ad tuos Sanctissime JESU pedes pronus confugio. Hi sunt afflicti & contriti cordis mei solatium. Abhinc juro & statuo custodire judicia justitiæ tuæ. Malo millies mori, quàm te offendere. Utinam nunc omnia corda, omnium lacrymas haberem! omnium cordibus, omnium lacrymis peccata deslerem! cùm neque sic sufficerem, offero tibi Patet dolorem & lacrymas Filii tui. Aspice in Filio, quod condones & propitius servo.

### *Effusio contriti & humiliati cordis.*

**O** Pater amantissime! cujus ego unicum terræ monstrum ob gravissima facinora mea non sum dignus vocari filius, qui Patrem in inferis elegi sceleribus meis, aperio tibi abyssum peccatorum meorum.

Tentarem Domine flumine lacrymarum ablueri scelera mea, sed non nisi cruor amantissimi mei JESU lixivium peccatorum est. In inferno nequitia mea descripta sunt, ideo non guttam aquæ, ut ille dives à

Patre

Patre  
lo,  
iniqui  
E  
nolo f  
nitatem  
nem co  
precor  
casse d  
(  
vivens  
meorum  
S  
ni sub  
pedib  
præcip  
hor,  
dent?  
millies  
de ind  
damna  
cior p  
maxim  
E  
mani!  
cadere  
horren  
munde  
(  
societ  
illi pe  
terico  
pro ip  
At ego  
cifero

Patre Abraham, sed guttam sanguinis Christi postulo, ego dives & locupletissimus, ac plenus omni iniquitate.

Hâc verò mea petitione ô Pater misericordiæ! nolo fraudare justitiam tuam, sed volo deprecari bonitatem & Majestatem tuam. Non deprecor amissionem cœli, non deprecor supplicium inferni, sed deprecor offensam tuam, nec ardere metuo, sed peccasse doleo.

Quinimò optarem in ipsum infernum descendere vivens, ne ampliùs vultus tuus horrendis peccatorum meorum spectaculis lædi possit.

Sed quanta arrogare audeo? an in profundo inferni sub pedibus Luciferi, aut Judæ collocabor? an sub pedibus ejus, qui alapam JESU dedit? an expectabo præcipitium Antichristi? an ad januam inferni collocabor, ut omnes introeuntes me dilacerent & pessumdent? nihil horum! cum ego non infernum sed novos millies ac millies infernos commeritus sim! Ac proinde indignum me censeo etiam societate dæmonum ac damnatorum, quia mihi soli infernus vilior & atrocior præparandus esset, quia ego omnium peccatorum maximus!

Ego sum opprobrium naturæ, pudor generis humani! si in te Creator dignissime verecundia aliqua cadere posset, nullius rei te puderet, nisi quòd tam horrendum & abominabile monstrum conserves in mundo, ut meæ culpæ me fecerunt.

Quin & ipsis dæmonibus dedecori sum, & à sua societate infernali meritò me repellerent. Nam licet illi peccaverunt, non tamen experti erant tantam misericordiam DEI: non peccaverunt contra DEum, qui pro ipsis crucifixus fuit, qui se ipsum dedit in cibum. At ego peccavi! Ergo indignior & deterior sum Luciferò, indignior Judâ, qui nondum viderat JESUM.  
pro



pro se mortuum! indignior Antichristo, qui non toties experietur gratiam ut ego, indignior omnibus demonibus, qui semel peccaverunt.

Quid igitur miser faciam? nunquid cum Cain præcurrere contendam laqueo desperationis sententiam, quam merui æternæ damnationis? Misericordia Domine, misericordia! Hoc solum verbum relictum mihi est; in reliquis os meum apud te sine voce, & silentium meum loquitur tibi: Ne projicias me à facie tua misericors JESU, & propitius sis mihi maximo peccatori. Et cum præ multitudinem iniquitatis meæ loqui non audeam, gemitus meus & lacrymas cordis mei intellige misericordissime Domine.

### *Breviores Actus Contritionis.*

**H**eu mihi! heu millies dicam! peccavi! super numerum arenæ maris multiplicatæ sunt iniquitates meæ! non est peccatum super peccatum meum! non est iniquitas super iniquitatem meam. Indignus sum miserationibus tuis Domine, sed misericordia tua superat malitiam meam.

O JESU Fili DEI vivi miserere mei, & propitius esto mihi peccatori, quia tibi nihil impossibile est, quàm miseris nolle misereri.

O Pater misericordiarum! patientiam habe in me, & omnia reddam tibi, non de meo, sed de pretio sanguinis Filii tui.

O dulcis JESU, quia te amo, detestor omnia peccata mea, supra quidquid detestabile & execrabile est, & si possem, de illis infinito dolore semper dolerem.

O DEUS meus! summa bonitas omnium creaturarum, tuoque ipsius amore infinitè digna, dolco, quòd tam impudenter te offenderim; dolco, non quia timeo, sed

fed quia amo. Si sanguine meo fieri poffet, ut non fis offenfus; ecce me, difcerpe me, paratum cor meum. Si tormentis inferorum deleri poffit, ecce me, nullum eft, quod non merui; nullum, quod amore tui non præligo peccato, quod tantopere odifti.

O fi omnes præteritos dies, horas, momenta pro maxima gloria tua impendiffem mi DEUS! ô fi ex corde perfetto tibi toto vitæ meæ tempore ferviffem, te intensiffimè amaffem! ô pretiofum tempus non amplius redituum!

*His peractis omnibus, perge cum omni compunctio-  
ne ad pedes Confessarîi, tanquam ad pedes ipsius Chri-  
fti Domini. Erubefce & confundere ad tanta facinora;  
quæ cum fummo dolore confiteberis.*

Ad quodcunque peccatum, quod proferas, puta te videre venenoffimum bufonem egredi per os, ex vi- feribus cordis tui.

Postea perfuade tibi, te cernere Angelos, imò ip- fam Angelorum Reginam, tibi congratulantem & ap- plaudentem.

E contrario aspice adverfariorum tuorum rabiem, qui tanquam maximâ clade affecti, & opimâ prædâ spo- liati, præ invidia, rabie, & furore rumpuntur.

### *Actus post Confessionem.*

O DEUS meus! ô mifericordia mea! quis fum ego, homo mifer & miferabilis, ut memor fis mei, imò vermif fum ego & non homo, omnium ma- litioffiffimus & ingratiffimus. Et dignum ducis fuper hujufcemodi peccatore aperire oculos tuos; & vel fe- mel refpicere de fummo cœlorum? Quis hoc effecit ô Sponfe animæ meæ, quia me ingratiffimum homuncio- nem, me viliffimum terræ vermiculum, tam benignè

respexisti, ad pœnitentiam vocasti, & in gratiam, ut spero, ac in dilectionem tuam recepisti?

Quoties verò ô inexhausta bonitas in ipsis peccatis morti me in spoliis permittere potuisses, & æternum perdere, & hucusque tamen conservasti? Et nunquid millenæ animæ in igne inextinguibili jam ardent, æternumque ardebunt, & minorum, & pauciorum, quàm ego scelerum reæ? & ego nondum ardeo toties læsæ reus Majestatis?

O Domine! quàm diu halitus erit in ore meo, misericordias tuas in æternum cantabo. Benedicam te Dominum meum in omni tempore, semper laus tua in ore meo, qui propitiaris omnibus iniquitatibus meis, & sanas omnes infirmitates meas, qui redimis de interitu vitam meam & coronas me in misericordia & miserationibus.

Quis ergo me ampliùs separabit à te ô bone JESU! an diabolus? an caro? an mundus? an tribulatio? an voluptas? an mors? nihil horum cum gratia tua mi DEUS! O utinam nunc mi JESU opere monstrare possim, quòd abhinc sincerè te ex toto corde, ex tota anima, & ex totis viribus amem! utinam meus amor in te adæquet omnium Seraphinorum, omniumque Electorum in cœlo & in terra ardentissimum amorem. Utinam priùs moriar in gratia tua, quàm vel unico iterum peccato te offendam.


Quod verò mi DEUS! ad dignos pœnitentiæ & satisfactionis fructus faciendos, ex mea parte vel intermissum, vel imperfectè peractum, obsecro mi JESU amantissime, suppleant tua vulnera, suppleat tuus sanguis, tuæ lacrymæ, tua mors, suppleant merita totius triumphantis & militantis Ecclesiæ.

## CAPUT VII.

## Praxis Sacrae Communionis.

Ambulavit in fortitudine cibi  
illius usque ad montem Dei  
Horeb. *Exod. c. 3.*

*Observanda ante Sacram Communionem.*

1.  Rige primò mentis oculos ad cœlum;  
& puta te videre DEum Patrem innu-  
meris cinctum Angelorum millibus,  
& ex ejus latere B. Virginem fili-  
um infantulum in gremio suo ge-  
stantem.

2. Proolve te pedibus Virginis Beatissimæ, &  
obsecra, ut pro te supplicet, quatenus per manus ejus  
dulcissimum JESum accipias. Puta eam primo quidem  
congressu, repulsam pati propter peccata tua; at post  
multas preces tui gratiâ prolatas, eum tandem placare.

3. Audi, quomodo DEus ob amorem Matris Ma-  
riæ, & preces illius tibi polliceatur filium suum.

U 2

4. Exu.

4. Exulta, & gratias age utrique, quòd imperator totius universi descensurus sit in pauperulam domum tuam, eamque inhabitaturus.

5. Admirare tantum DEI erga te amorem, tam effusissimam humanitatem & liberalitatem.

6. Aestima Sacerdotem esse Angelum DEI, qui à manibus B. Virginis suscepturus sit speciosissimum Filium ejus, eumque de cælo susceptum tibi porrecturus.

7. Eo puncto, quo tibi communicandum est, puta tibi ab Angelis referari cælos: Christum à throno sive manibus Beatissimæ Matris suæ plenum Majestate & gloria in occursum tuum descendere; his te alloquentem: Eadsum anima dilecta: Enego ipse ad te venio! Quid desideras amplius? quid ultra requiris?

8. Eja summâ animi demissione invita Christum Dominum, & pete, ut his modis ad te veniat. Veni Domine cum patientia, ut sustineas gravissima facinora meâ. Veni cum humilitate, quia homo inops & pauper sum ego. Veni cum liberalitate, ut me donis tuis munificentissimè dites. Veni cum dulcedine, ut corda nostra in imbres lacrymarum resolves. Veni cum charitate & amore, ut nos totos ad tui amorem accendas, inflammes, & comburas.

9. Dum tibi Sacerdos Angelico adjutus ministerio porrigit verum DEI Filium, imaginare te os applicare lateri Christi, & Sanguinem ejus pretiosum exugere. Vel considera te videre puerum speciosissimum radiis splendidissimis circumfusus, undique Angelis circumdatum. Cogita te fieri tunc templum Spiritûs

Sancti, & tabernaculum totius SS. Trinitatis, præcipuè verò sacrarium quoddam Filii DEI.



*Actus*



*Actus timoris & humilitatis ante Sacram  
Communionem.*

**O** Amor! vim patior, responde pro me! quid dicam DEO vitæ meæ? ô amor! quò tuam inclinas Majestatem? unde mihi, ut tu venias de templo sancto gloriæ tuæ? DEUS de DEO? & quo? ad me speluncam latronum, serpentum habitaculum, cloacam fatidam, vas contumeliæ toties fœdatum, licet toties in sanguine tuo lotum! ad me leprosam & fornicariam Spousam, quæ pro dilectione odium, pro beneficiis maleficia reddidit!

O amor! quò ducis fontem Sapientiæ? stupet cœlum, mirantur Angeli, certè usque ad abyssum miseriæ & malitiæ! Quis credat mi JESU, eo te in amore progressum, ut mihi mortuo cani & prodigo filio ad te revertere des carnem tuam & sanguinem, unde comedam & bibam? ô flos campi! ô lilium convallium! ô panis Angelorum! quomodo factus es pabulum bestiarum? Idcônè Domine venies ad me, quia te amorem summum toties peccatis meis calcavi, sprevi, & crucifixi?

Quæ pars animæ meæ munda est, in qua te potero sepelire? quid os meum nisi sepulchrum patens, de quo nihil præter fœtores peccatorum meorum procedit? quid cor meum, nisi spelunca & abyssus iniquitatis? An fortè Domine vis iterum in stabulo nasci bestiarum? An denuò vis ad inferos descendere?

Non sum dignus Domine JESU, ut intres sub tectum meum, cordialiter tibi dico, dico millies: unde quaque mi JESU conspectu tuo sum indignissimus. Indignissimus, quia sum vas sordidum, esca vermium, putredo & cinis. Indignissimus sum ob execranda facinorosa, nequitiam & malitiam meam. Indignissimus sum ob abusum naturæ & gratiæ, speretum sanguinem tuum, tuam divinam Clemen-

tiam pessumdatam. Indignissimus sum ob peccata, quæ prævides DEUS meus me in posterum commissurum.

Ergo nec oculos, nec cor audeo levare Pater Sancte, quia peccavi nimis in cælum & coram te, quia omnibus peccatoribus, ac ipsis damnatis deterior sum. Exi à me Domine! quia homo peccator sum. Non expedit hanc pretiosam cæli gemmam ante porcum projicere. Et non est Domine bonum sumere panem Angelorum & mittere canibus.

Scio tamen mi JESU! quia etiam catelli edunt de micis, quæ cadunt de mensa Dominorum suorum; ideo & ego miser & indignus catellus tuus Domine, pedes tuos sacros lambens, corpus tuum esuriens & sanguinem suctuens clamo post te: Da mihi dulcis JESU amor meus micæ panis vivi, qui de cælo descendit, ut refocilletur anima mea.

### *Resolutio.*

**F**iat mihi amor mi JESU secundum verbum tuum. Jam veni Domine JESU, ingredi benedicte Domini. Quid foris stas, & perstas. Attollite portas Principes vestras, & elevamini portæ æternales, portæ cordis mei. Ecce enim introibit Rex gloriæ. Hæc est porta Domini, & Sanctus Sanctorum intrabit per eam. Paratum tibi cor meum.

Exurge igitur gloria mea, mi JESU, exurge psalterium & cithara mea, mi JESU. Jam veni mi JESU, & noli tardare. Tibi dicit cor meum, Domine JESU veni, facies mea requirit te, & vultum tuum exquirat. Audeo & avelo dulcissime JESU recipere te, habere te, possidere te, vesci te, conjungi tibi, concorporari tibi.

*Tedi-*

*Tadium.*

**U**squequo Domine dulcissime amor mei JESU tenes animam meam, & non venis ad me, ecce jam tædet ipsam vitæ suæ. Domine descende, festina, veni, priusquam moriatur vita mea in me, & antequam extinguatur lucerna spiritûs mei. Odiosa est mihi omnis quies sine te, omnis dulcedo amara, omnis consolatio insulta est, longa est mihi omnis mora, aut tolle me, aut veni ad me.

Ubi est expectatio mea, ubi est Dominus meus, ubi est, qui dicebat: Ecce venio cito? O Domine! quousque modicum, modicum expecta, quousque istud? Expecto ecce modicum, jamque transit, & tu non compares. Ades Domine, ades, desiderio te millicies, moriar sine te, veni, ostende mihi faciem tuam. Ades mi JESU, ades ocyus, & tadium cordis mei præsentia tuâ releva, nolo Angelos, nolo quidquam tuum, te volo, tu veni.

*Fames.*

**C**aligant ecce oculi mei præ inedia dulcissime Amor JESU, & non est tibi curæ, fames oppressit animam, & tu non venis? ô ubies, qui dicebas! Caro mea verè est cibus, sanguis meus verè est potus. Quomodo verè est, quando non est? aut si est, cur & non mihi? Fameasco, & non cibas me, sitio, & non inebrias me.

Ecce ostenduntur mihi cibi, sed quia non tu, non verè cibi. Nolo illos, tuum cibum, te cibum volo, aruerunt fauces, substantia mea redacta est in nihilum, & tu ô cibus meus non venis, das escam omni carni in tempore opportuno, ego autem cur hîc fame pereor? Nunquid sanguinem taurorum, aut hircorû bibam? Aut si esuriero, cui dicam, si non tibi, cujus est orbis terræ? O DEUS! qui pascis me à juventute mea, da mihi panem hunc vitæ supersubstantialem quotidianum, ut mortem non gustem in æternum.

*Invitatio Christi.*

**O** Sancti DEI omnes, ô S. Angeli, ô divinissima Mater Maria, nunc saltem adeste & operam vestram non denegate! Abite ad Sanctissimum hoc Sacramentum, & Dominum vestrum, Amorem meum, quâ scitis, & soletis reverentiâ, pro me adorare, & ad cordis mei habitaculum invitate. Adoro te, dulcissime Jesu! adorationibus Sanctorum, & adorationibus Sanctorum Angelorum, & adorationibus beatissimæ tuæ Matris, & eas in æternum continuo.

invito te ad cordis mei domunculam, tibi desideratam, apertam, & pro paupertate mea paratam, veni igitur ô Sanctissimum Sacramentum, veni amor mi Jesu, venite merita, gratiæ, dona, gloria, beatitudo. Veni amor mi Jesu ad servum tuum, ad domum tuam. En cor meum arca est, materia est, tu architectus es, omnipotens es. Verbum, omnia creans es. Vis palatium, vis mundissimum, vis te dignum, ædifica illud & erit.

Veni mi Jesu, veni millicies, veni, fuge Dilecte mi, formose mi, veni unice mi, columbule mi veni, veni similis caprea, hinnuloque cervorum. Veni saliens in montibus, transiliens colles, veni ascensor cœlorum, ascensor Cherubinorum, qui ambulas super ventorum pennas, veni, en te desidero, veni, te concupisco, veni, tui amore lango, veni mi Jesu, veni, & desiderium meum imple, implendo auge, ut plus te appetat, te habeat, te habere in æternum gaudeat.

*Affectuosæ aspirationes ad Christum suscipiendum.*

**O** Mi suavissime Jesu! anima mea ardet, æstuat, flammescit in te, tota se exerit, quanta quanta est, tota ignescit & ebullit in te, deficit in te usque ad languorem & deliquium.

O amo-

O amoris dulcedo! ô unicum centrum cordis meî  
manducet te anima mea, & omnia interiora mea dulcis-  
simo suavitatis tuæ liquore repleantur.

O vita & totum bonum meum! non possum vivere  
amplius sine te. Desidero te JESU mi intimè frui, da,  
ut te comprehendam. Anima mea corpus tuum concu-  
piscit, cor meum tibi uniri desiderat.

Quid dicam? quo vadam? ubi te mi JESU inveniam?  
quis renunciabit dilecto, quia amore langueo? Ibo &  
ibo plorans quæram, quem diligit anima mea. Ubi  
es dilecte mi? ubi requiescit cor tuum? ubi latet amor  
meus?

Ubi es ô speciose JESU præ filiis hominum, odo-  
rem tuum haurio, te autem non video? cur faciem tu-  
am abscondis? an ideo, quia dicis: non videbit me ho-  
mo, & vivet? Eja Domine moriar, ut te videam, vide-  
am, ut hic moriar!

Pacifica mi bone JESU spiritum meum ad inhæren-  
dum tibi jubilosis excessibus anhelantem. In te enim  
est totum, quod desiderare possum, tu salus mea & re-  
demptio, tu spes & fortitudo, tu decus & gloria, tu di-  
vitiæ, thesaurus & possessio.

Cupio te suavissime JESU cum tali affectu, amore &  
honore suscipere, cum tali fide, spe, & puritate, sicut  
te suscepit Virgo Beatissima.

Desidero ex corde te tractare, & suscipere cum tali  
devotione, gratitudine, & amore, quemadmodum mul-  
ti Sancti & devotæ personæ te desideraverunt in com-  
municando, qui tibi unquam placuerunt.

### *Desiderium & invocatio Christi.*

**O** Pater amantissime! monstra te esse Patrem! ostende  
mihi Filium tuum & sufficit mihi. Quid enim  
U s mihi



mihi est in cœlo, & præter illum, quid volo in terra? ille DEus cordis mei, & pars mea DEus in æternum.

Adjuro te Mater misericordiæ, & vos animæ Beatæ: nuntiate dilecto JESU meo, quia amore langueo, præ magno faciei ejus videndæ desiderio.

O mi JESU suavissime, spes suspirantis animæ, te quærunt piæ lacrymæ, & clamor mentis intimæ. Desidero te millies. Mi JESU! quando venies, me letum quando facies? Quemadmodum desiderat Cervus ad fontes aquarum, ita desiderat anima mea ad te DEus. O JESU! ne patiaris me diutius præ tui amore & desiderio languere aut interire.

Alii alia quærant, te solum ego mi JESU quæro, te solum mi JESU desidero. Hoc millies dicam, hoc millies repetam: DEus meus & omnia! Quid enim possum extra te desiderare, cùm in te sint omnia? nimis avarus est, cui tu non sufficis.

Veni, obsecro, Domine, & noli tardare. Veni, descende, priusquam moriar ô vita mea, ut vivam. Desidero te millies, in quem desiderant Angeli prospicere, cujus pulchritudinem sol & luna mirantur.

Veni Domine in domum tuam, templum tuum animam meam, quam tibi millies dedicavi & dedico toto corde meo. Absorbeat me vel nunc immensa & mellisflua vis amoris tui: ut amore amoris tui moriar, qui amore mei dignatus es mori.

Veni JESU mi dulcissime! JESU suavissime! ut quiescas, & mancas in me, ut videam te, amen te, ardeam, liquefam, consumar, & consummare in te. Moriar mi

JESU! nisi videro te; moriar, nisi gustavero, quàm suavis sis Domine.



*Jam*

*Jam jam accessurus dic.*

**O** Anima mea! en Sponsus tuus! en amor tuus! divertit in pauperculum diversorium cordis tui! En cœlestis medicus accedit ad sanandum te! En amicus milles dilectissimus ditare vult extremam paupertatem tuam! En sol amabilissimus illuminabit densissimas tenebras tuas. O pietas! ô bonitas! ô misericordia mea! O utinam mi JESU nunquam te offendissem! utinam te semper & unicum amassem.

Veni ergo bone JESU! Veni Sponse animæ meæ! Veni ad me, & ne spernas pauperculam animam meam, Veni ô unice amor meus! O JESU dono tibi cor meum, animam meam, corpus meum, Paratum cor meum DEUS, paratum cor meum,

*Affectus in sumptione Corporis Christi mente & corde ardentissimo exercendi.*

**D**ominus meus & DEUS meus! Quid mihi & tibi ô JESU Fili MARIE Virginis? O res mirabilis! manducat Dominum pauper servus & humilis!

Quis sum ego servus tuus, quoniam respexisti super canem mortuum similem mei?

Jam, quod quæsi, habeo, quod concupivi, teneo, DEum meum possideo, & summo bono gaudeo, cur jam corde non ardeo? Quàm panis hic dulcissimus, & verè suavissimus, plus milles gratissimus, quàm dicere sufficimus.

O Pater dono tibi cor JESU? ô JESU dono tibi cor MARIE, dono tibi cor meum licet indignissimum! O JESU osculor vulnera tua, osculor pedes tuos! O JESU amo

su amo te ex toto corde, utinam non meo, sed amore ardentissimorum Seraphinorum.

Ave dulcissime JESU amor meus! ave dulcedo cordis mei. Avete venerabiles manus pro me cruci affixæ. Ave latus speciosum pro me vulneratum. Ave cor suavissimum mei JESU. Moriar mi JESU, moriar inter desideratissimos amoris tui amplexus.

O JESU gaudeo de omni bono & gloriâ tua. O JESU omnia peccata mea & totius mundi commissa, quantum possum, detestor propter te. O JESU esto mihi JESUS & Salvator nunc & in hora mortis meæ. O Domine totus sum tuus, eroque in æternum, sicut tu totus meus esse voluisti.

## Observanda post S. Communionem.

1. **I**maginare, quòd videas mentis oculis speciosissimum puerum in medio, cordis tui radiis splendidissimis circumfusus.

2. Admirare tanti Hospitis apud te præsentiam. Ergone putandum est, quòd verè DEUS habitet super terram? Quid! Ergone corculum meum (ò amor meus) locus est tuus, tuum templum, tua sedes, tuum tribunal?

3. Gratias age, quas potes, maximas, quia ad unum stabulum, ad unum gravissimum peccatorem Filius DEI descendit. Invita omnes creaturas ad gratias ei tecum referendas?

4. Considera postea, quæ fuerint loca minùs digna, quæ tamen Christus spontè ingressus est, eaque glorificavit. Itaque his eum alloquere.

Æstimo Domine te hodie intrasse stabulum Bethlehemiticum, in quo sunt bestię indomitæ & effrænatae passionum mearum, converte, obsecro, illud in Sacrum tibi pa-

bi palat  
pleno str  
so, in th  
se infern  
quinata e  
disum An

5.  
concipter  
lum. Et  
tiz inter  
manibus

6.  
go, quan  
quando

7.  
Hostiam

S Alve  
di  
me  
meum co  
stat JESU  
amore.

Salv  
qui mut  
Salve ca  
diræ spin  
Av

pergens  
dulcoris  
cor omni  
Ma

bi palatium. Persuadeo mihi te accubuisse in præsēpi pleno stramine & paleis sensualitatis: converte illud, quæso, in thronum gloriæ. Agnosco te DEum meum intrasse infernum tot dæmonibus plenum, quot anima mea inquinata est sceleribus, converte illum, obsecro, in paradysum Angelorum.

5. Præterea exerce omnes actus, quos cogitatione concipere potes exercuisse S. Paulum raptum ad tertium cælum. Et S. Magdalenam, quando post tot annos pœnitentiæ inter Angelorum melodias Sacrum hoc Viaticum de manibus S. Maximi Aqueſis Episcopi suscepit.

6. Considera attentè, quid fecerit, & dixerit B. Virgo, quanto cum fervore & ardore gratias DEO retulerit, quando sensit se gravidam DEI Filio.

7. Imaginare, quòd videas SS. Angelos ante SS. Hostiam prostratos, & eam in corderuo adorantes.

### *Actus Salutationis CHRISTI.*

**S**alve mundi salutare, Salve, Salve JESu Chare, cordi tuo me aptare vellem verè, tuis quare. Ore meo te contingo, & ardenter ad me stringo, in te meum cor intingo. O quàm dulcis panis iste, qui te gustat JESu Christe, tuo victus à dulcore, mori posset præ amore.

Salve sacer Christi vultus, cæsus, consputus, incultus, qui mutasti tuum florem, pro me versus in pallorem. Salve caput venerandum, totis votis amplexandum, quod diræ spinæ presserunt, & undique confixerunt.

Ave caro delicata, flagris scissâ fatigata, quæ pro me pergens ad lethum gustasti fel & acetum. Ave latus fons dulcoris, in quo patet vis amoris, te saluto cor amœnum, cor omnibus bonis plenum.

Manus, pedes perforatos, & cruore purpuratos, cor-  
de

de veneror ac ore, interno ductus amore; Tuas mi JESU sacratas, & mirè vernantes plagas, nunc inscribe meo cordi, ut sim gratus tuo cordi.

Ave dulcissime & gratissime JESU, desideratissime & expectatissime, dignissime & honorabilissime Hospes, amorque mi JESU, ô quàm te libenter in hac paupercula domo mea degentem video.

Benedictus sis infinities JESU dulcissime Amor meus, benedicta sit caro tua, sanguis tuus, anima tua, Divinitas tua, quòd venire dignatus es ad me. Benedicta sint omnia membra corporis tui, omnes guttulæ Sanguinis tui, Benedicta sit unio hypostatica. Benedicta sit sacratissima Divinitas, & omnes Divinitatis personæ, quæ cum carne & sanguine tuo concomitanter ad me hodie venire dignatæ sunt.

### *Actus Adorationis.*

**S**aluto & adoro te Augustissimum Sacramentum adorationibus omnium hominum & Angelorum usque ad diem judicii duraturis.

Agnosco te ô divinissimum Sacramentum in pectore mei sacrario, inibique te tota cordis mei præparatione adoro ac glorifico. Adoro te Corpus & Sanguis dulcissimi amoris mei JESU Christi.

Adoro te adorationibus omnium animarum purgatorii, & omnium Sanctorum jam in cælo triumphantium & omnium creaturarum, quæcunque fuerunt, sunt & erunt.

Saluto te Domine illâ præcipuè salutatione, quâ te SS. Mater incarnatum, genitum, redivivum, in Eucharistia ad se venientem solita fuit salutare. Illâ, quâ te Sancti, cum primum in cælum veniunt, salutare solent. Illâ, quâ tu Patrem Cœlestem, & quâ te Pater Cœlestis unaque omnes Angeli cælum ascendentem salutavère.

Lau-

Lau  
quot or  
cogitar  
Lau  
quot Sa  
pientiâ  
O a  
gnè rec  
creatura  
omnesq  
hilaritat  
etum hu  
re cupio

Q  
modo a  
No  
tiosius  
vinitate  
nibusqu  
rum ab o  
tutes &  
Venerat  
O qu  
tum &  
utinam  
cut totu  
Utinam  
rum, at  
ardore  
bilis cha



Laudo & adoro te SS. Sacramentum tot laudibus quot ore proferri, quot corde omnium hominum excogitari unquam potuere vel possunt.

Laudo & adoro te SS. Sacramentum tot laudibus, quot Sanctissima Trinitas suâ potentiâ depromere, Sapientiâ concipere, bonitate optare potest.

O adorande & divinis tantummodo amoribus sat dignè redamande amor meus, inassumo etiam omnium creaturarum possibilitium adorationes, & amotos affectus, omnesque illos ante te amor meus JESU dulcissime, plenâ hilaritate effundo, eosque omnes tibi impendo, & affectum hunc in omne momentum & æternitatem continuare cupio, ac quantum possum, continuo.

### *Actus Gratiarum actionis.*

**Q**ui retribuam tibi Domine JESU pro omnibus, quæ tu tribuisti mihi? quomodo te non amabo dulcissime Hospes, amorque mi JESU, aut potius quomodo amabo te?

Non est quidquam in omnium rerum universitate pretiosius temetipso mi JESU. Itaque te ipsum cum tua divinitate, humanitate, gratia, donis, meritis, gloria, omnibusque divitiis tibi offero. Offero & omnium justorum ab origine mundi, usque ad ejus consummationem virtutes & merita, ac pios affectus erga te dulcissime JESU in Venerabili SACRAMENTO existentem.

O quis etiam mihi det omnium Sanctorum triumphantium & militantium corda ad te mi JESU diligendum? ô utinam haberem latitudinem cordis sicut arena maris, sicut totus mundus, ut amare te possim latissime mi JESU! Utinam cor omnium hominum, cor omnium Angelorum, atque utinam cor tuum & MARIE meum esset, ut ardore succensus Seraphico, & divino igne inextinguibilis charitatis tuæ ardeam, & totum me consumat, totum

tum rapiat ignita vis amoris tui, ac me tecum uhum efficiat.

O quàm libenter te mi JESU excipio ! ô quàm cupio dignè tractare te ! ô utinam ab initio semper fuisset secundùm cor tuum ! utinam nunquam te offendissem ! confidentiùs irem in tuos amplexus sanctissime Amor. Nunc autem conscius pudor rejicit animam meam ad pedes tuos hærentem.

### *Actus Petitionis post S. Communionem.*

**O** Dives Domine in misericordia & miserationibus, cujus sapientiæ & bonitatis infinitus est thesaurus, miserere tam magni mendici, cujus hodie pauperulam domum visitasti.

Benedic mi JESU hospes amantissime toti corpori, animæ, sanguini, visceribus, vitæ, membris, in quibus receptus, & hodie moraris. Benedic linguæ meæ, labiis, pectori, palatui, atque illi horæ, momento, quo ad me venisti. Benedic omnibus cogitationibus, conciliis, operibus, sermonibus, officiis, muneribus, motibus meis.

Extingue in me omnia terrena desideria, & succende me ignitâ vi amoris tui, ut sim tecum consummatus in unum, omninò abstractus à me ipso, & ab omni creatura. Dirige me in via tua & doce me facere voluntatem tuam. Auge in me fidem, spem, charitatem, & reliquas virtutes statui meo necessarias. Da mihi veniam peccatorum meorum, quæ multiplicata sunt super numerum arenæ maris. Da usum salutatem hujus Sacramenti, & concede, ne unquam te in mortali peccato suscipiam, & ne sine hoc viatico decedam ex hac vita.

Miserere omnium, pro quibus orare debeo, præcipuè consanguineorum, affinium, amicorum & N. Respice Domine omnes ægros, afflictos, tentatos, agonizantes

& in quacunq[ue] necessitate vel periculo constitutos. Respice misericors DEUS, omnes Reges, Principes, & gentes Catholicas. Respice omnes Hæreticos, Schismaticos, Judæos, & totum Ethnicismum, omnes gentes à fide alienas, & omnes in peccato mortali existentes, ac obstinatos peccatores, da illis gratiam, ut resipiscant, & ad te convertantur. Miserere Domine omnium inimicorum meorum. Succurre omnibus, qui se meis precibus commendaverunt, & pro quibus orare debeo. Da omnibus vivis gratiam & veniam, animabus fidelium defunctorum lucem & requiem sempiternam.

*Deprecatio pro felici morte.*

**O** Corpus Domini mei JESU crucifixi custodi animam meam migrantem in vitam æternam. O JESU esto mihi JESUS in vita & in morte. O sanguis pretiose Domini mei, fac, ne tuus infinitus valor & pretium pereat in me.

O mi dulcis JESU pro suprema illa necessitate supremam misericordiam tuam imploro. Illam gratiam peto, per MARIE & omnium Electorum tuorum merita, cum qua vides gratum me fore tibi in æternum. Suggere Domine mihi, qui circa me tunc erunt, suggere illa, quæ maxime vis fieri à me.

Anticipatò benedic mihi misericors Domine, benedic mihi morituro. Et dum spiritus vitales deficient, mortuæque lingua non poterit hoc tuum suavissimum nomen eloqui. Agnosce tamen tunc creaturam tuam non à diis alienis creatam, sed à te solo DEO vivo & vero. Non pereat in malitia sua, quod operata est bonitas tua.

Pulsant ad ostium tuum ô JESU crucifixæ desideria rugientium præcordiorum meorum, ut in æternum non avellat à te. Noli me ô DEUS! in æternitatem plenam ærumanarum condemnare, qui pro me ad crucem damnatus

es. Non expedit, ut hæc lingua mea, quæ tunc pretioso sanguine rubescit, in æternum cum dæmonibus blasphemet te.

Ne patiaris mi JESU! Sanguinem tuum pretiosum perire in me, suoque fructu privari, quem pro salute nostra effudisti. Ne patiaris Salvator Clementissime tantos labores tuos, quos nostri causâ pertulisti, fieri irritos, tantum pretium ne sustine in vanum fuisse expensum: sed compleatur in nobis fructus Passionis tuæ, labor tuus in nobis proficiat, mors tua in nobis vitam operetur.

*Ad B. Virginem & Sanctos.*

**R**espice in me gloriosissima Virgo MARIA, quia nunc habeo in corde meo amantissimum Filium tuum JESUM, illum ipsum hodie mihi dono datum tibi repræsentò, & offero tuis brachiis constringendum, tuo ore exosculandum, tuo corde amandum, & unâ mecum adorandum.

Sancti Angeli, Sancti Archangeli, Cherubim & Seraphim aspice primogenitum Patris æterni, quem introeuntem in orbem terrarum jussu Patris adorastis, adorare nunc eundem in corde meo, cantate illi pro me Sanctus, Sanctus.

Omnes Sancti & Sanctæ DEI, vos præsertim Patroni mei amate in corde meo, laudate & magnificate mecum hunc Dominum meum, qui esurientem implevit bonis, & respexit super canem mortuum similem mei.

*Conclude.*

**A**nima JESU sanctifica me. Sanguis JESU lava me.  
Passio JESU conforta me. Vulnera JESU sanare me.

me. Cor JESU recipe me. Spiritus JESU anima me. Bonitas JESU reconcilia me. Pulchritudo JESU attrahe me. Humilitas JESU deprimeme. Mansuetudo JESU mitiga me. Pax JESU pacifica me. Amor JESU inflamma me. Gratia JESU reple me. Misericordia JESU salva me. Sanctitas JESU consecra me. Puritas JESU emunda me. Crux JESU sustenta me. Clavi JESU configite me. Spinæ JESU corona te me. Fel JESU inebria me. Os JESU benedic me, in vita & in morte, in tempore & in æternitate. Amen.

## Praxis alia

*Devotissimè CHRISTO in Eucharistia  
sumpto, DEUM colendi.*

**A** Ccedo supplex & repo ad te mi DEUS! cùm sim pulvis & cinis, atomus & minuscula creatura tua, imò nihil sum & nihil est te dignum, quod ego ex me, cum omnibus puris creaturis, in ullo genere tibi offerre possim. Sed habeo tamen ex dono tuo, unde me juvem, ut dignè & ut divinam Majestatem tuam decet, glorificem, te adorem, laudem, amem, gratias agam.

Habeo enim intra me Christum JESUM, DEUM hominem, hominem DEUM, qui ita se mihi communicavit, imò commiscuit, ut ego in illo & ille sit in me. Usurpare igitur nunc Domine commodissimè, aptissimèque possum verba Prophetæ tui: Benedic anima mea Domino, & omnia, quæ intra me sunt, nomini Sancto ejus.

O mi DEUS, quod nunc intra me est, est, ut dixi, homo DEUS, Filius tuus, ille igitur, qui nunc totus meus est, & intra me positus, vices meas obeat; ille dignè pro me benedicat nomini Sancto tuo, ille intra me, & in me amet te, glorificet, adoret, gratias agat, deferatque tibi (nam




potest) non modo infinitum, sed dignum te honorem, ad infinitam complacentiam & gustum tuum.

Per illum Majestatem tuam laudant Angeli, adorant Dominationes, quidni & ego per illum id faciam? cum sit intra me; imò verò, quia factus sum isti concorporeus, consanguineus, adeoque ita in illum transmutatus, ut non tam ille sit unum mecum quàm ego unum cum illo, amo te sic unum cum illo factus corde, & amore illius infinito, jam & corde meo ad infinitum gustum tuum.

Detestor omne peccatum, & quidquid tibi displicet, odio & derastatione illius: adoro te, glorifico, magnifico, benedico, adoratione, glorificatione, magnificatione, laude, benedictione, obsequiis infiniti valoris, & theandricis, ac te dignis.

Gratias tibi ago pro omnibus beneficiis, Sanctissimæ illius humanitati, Beatissimæ Virgini Matri ejus, omnibus Sanctis, atque omnibus creaturis, & inter illas mihi potremò concessis, gratitudine & affectu illius, universosque ejus affectus internos & externos, vitæ mortalis ac immortalis, seu æternæ, quos & secum mihi donavit, & sicut me unum secum, ita illos meos fecit, tibi velut thymiana suavissimi odoris ad infinitam oblectationem divini cordis tui tibi offero.





## CAPUT VIII.

Praxis devotè & reverenter celebrandi Sacrificium Missæ.

*Ante celebrationem considerandum, quanta sit Sacerdotum dignitas  
& quanta debeat esse  
Sanctitas.*



Dignitas Sacerdotum, omnium Principum, omnium Regum & Cæsarum fulgorem & potestatem superat ac excedit. Ita de illa S. August. in Psal. 37. O veneranda Sacerdotum dignitas, in quorum manibus DEI Filius, velut in utero Virginis incarnatur. O felices Sacerdotes, si sacerdotaliter vixeritis. Omagnum mysterium, quod per vos Sanctissima TRINITAS operatur, Cælum miratur: horrescit infernus: contremiscit diabolus: reveretur quàm plurimum Angelica celsitudo. Ille enim, qui creavit me sine me (si fas est dicere) creatur mediante me. Et ille, qui ex nihilo cuncta creavit sine me, dedit mihi creare se. O Sacerdotes attendite! major est vobis dignitas collata, quàm Angelis, qui adorant, quod vos conficitis.

Considerate (monet aurea Chrysostomi lingua) quo non oporteat esse puriores atque ferventiores tali & fruantes & ministrantes sacrificio? quo solari radio non splendidiores manus Christi carnem dividentes? Os, quod igne spirituali repletur, & lingua, quæ tremendo nimis Sanguine rubescit? Cogitate, quali fitis insigniti honore, quali mensa fruimini, quod Angeli horrescunt, neque liberè audent intueri propter enicantem inde splendorem, hoc vos tractatis, hoc dividitis, hoc pascimini, & facti estis unum Christi corpus & una caro. Nullus itaque Judas assistat.

Idem in alio loco: Sacerdotem Christi sic necesse est esse purum, ac si in cœlis ipsis collocatus inter cœlestes illas virtutes medius staret: Illi enim, qui non mundâ animâ Corpus Christi accipiunt, idem supplicium perferunt cum illis, qui cum clavis cruci affixerunt. Imò magis exaggerat S. August qui dicit: Gravius peccant indignè offerentes Christum regnantem in cœlis, quàm qui eum crucifixerunt in terris.

At verò multi sunt ministri seu Sacerdotes Altissimi, qui contra eminentissimam Angelici Apostolici, imò summi atque divini statûs dignitatem in gravissimorum facinorum cœno volutantur. Unde, ut talibus ad emendationem, probis autem ad cautelam, DEI timorem incutiam, adduco terrificam S. Gregorii Magni de off. past. sententiam: Nullum puto ab aliis majus præjudicium, quàm à Sacerdotibus tolerat DEUS, quando eos, quos ad aliorum correctionem posuit, dare de se exempla pravitatis cernit. Et S. Petri Dam. op. contra Instit. Cler. Deterius nemo peccat quàm Sacerdos indignè sacrificans. Aliter in quocunque modo peccantes quasi Dominum in rebus ejus offendimus: indignè verò sacrificantes, velut in personam ejus manus injicere non timemus.

Nec immeritò in Sacerdotem indignum invchitur

tur purp  
dos!  
lo ante  
lo flum  
que red  
ad Sacer

In  
queritu  
vitatem  
omnib  
ta infer  
dos, q  
mille h  
JESUS,  
quæ ec  
clesia a

D  
rè null  
qui san  
igne m  
non pe  
& Sacer  
Jo. Cl  
fetus  
multos  
reant,  
mum

Q  
gnitati  
stram  
estis S  
mensi  
da co  
DEI.  
debet

tur purpuratus Ecclesiæ Doctor S. Hieron. *Va tibi Sacerdos ! qui eodem ore oscularis filiam Veneris, quo paulo ante sumpstisti Filium Virginis. O impie Juda ! osculo filium hominis tradis ?* Tales multò dignius, multoque rectius ad carcerem vel catastam pœnalem, quàm ad Sacerdotium protracti fuissent.

In Revelationibus S. Birgittæ sapissimè DEUS con-queritur super iniquitate Sacerdotum, exaggerans gravitatem, &c. vocans eos peiores Judæis & Paganis, & omnibus aliis delinquentibus, asserens majora tormenta inferni esse illis reservata, & majori supplicio puniendos, quàm Judam. Et in quodam capite replet eos mille horrendis maledictionibus, & in fine maledicit JESUS, quidquid edunt, bibunt, tangunt, elementa, quæ eos sustentant, & illæ Revelationes sæpius ab Ecclesia approbatæ fuerunt.

D. Dion. Cart ait, Angelum revelasse servo DEI, ferè nullos in Purgatorio Sacerdotes inveniri, eò quia, qui sanctè vivunt, illicò cœlum intrant, vel parum in igne morantur, cæteri, qui impurè vivunt, damnantur, non permittens DEUS ob gravem injuriam illatam ordini, & Sacramento, ut verè pœniteant : cui concordant D. Jo. Chrysostomi verba. *Non temerè dico, sed ut affectus sum, ac sentio, non arbitror inter Sacerdotes multos esse, qui salvi fiant sed multò plures, qui pereant, in causa est, quia res excelsum requirit animum, & innumeris oculis opus est undique.*

Quapropter ô Sacerdotes, ô Religiosi ad tantum dignitatis fastigium evecti recogitate (per salutem vestram) recogitate, quia membra Christi, ac templum estis Spiritûs Sancti. Si beatus est venter, qui novem mensibus Christum portavit, & beata debent esse corda eorum, in quibus quotidie elegit hospitium Filius DEI. Si beata sunt ubera, quæ parvulus suxit, beatum debet esse os, quod carnem tuam sumit, & sanguinem

fugit. *Nescitis* inquit S. Paulus, *quia templum DEI estis, si quis autem templum DEI violaverit, disperdet illum DEUS.* Si Laicus templum DEI est, quanto magis Sacerdos?

Et ideo Fratres charissimi ( verba sunt Sancti Augustini ser. 152. de temp. ) unusquisque consideret conscientiam suam, & quando se aliquo crimine vulneratum esse cognoverit, prius confessionis lavacro orationibus, jejuniis, & eleemosynis studeat emundare conscientiam suam, & sic Eucharistiam præsumat suscipere.

### *Præcognitio futuri operis.*

**Q**uid facere aggredior? negotium omnium negotiorum maximum! introibo in Sancta Sanctorum, hominum ad DEum mediatorem agam! In conspectu Curiae coelestis coram SS. Trinitate publicam totius mundi causam perorabo! Parum est, sed etiam quod non est concessum Angelis, quod omnis creaturae merita excedit, corpus & sanguinem JESU CHRISTI veri DEI verbis producam, & cum SS. Trinitate operabor hoc magnum Sacramentum! insuper etiam manibus tractabo! intuebor oculis! ore contingam! in viscera recondam!

O negotium omnium negotiorum maximum! Facessite quævis alia negotia, omnes aliò avocantes cogitationes abite. Ruat mundus, pereant amici, quidquid pretiosissimum est, unius horæ involvatur damno. Majus præ omnibus negotium est. Ad hoc solum anima mea omnes potentiarum, sensumque vires intende, hoc tracta. Cum illo jam inde occupari elige, cum quo beatissimè æternum occupabere. Melior omnibus creaturis DEUS, huic omnia creata postpone.

*Ante*



*Ante Missam dicenti hanc Orationem concessit 50. annorum indulgentiam Gregorius XIII.*

**E**GO volo celebrare Missam & conficere corpus & Sanguinem Domini nostri JESU Christi, juxta ritum Sanctæ Romanæ Ecclesiæ, ad laudem omnipotentis DEI, totiusque Curix triumphantis: ad utilitatem quoque meam, totiusque curiæ militantis, pro omnibus, qui se commendaverunt orationibus meis, in genere & in specie, & pro felici statu Sanctæ Romanæ Ecclesiæ.

Gaudium cum pace, emendationem vitæ, spatium veræ poenitentix, gratiam & consolationem Sancti Spiritus, perseverantiam in bonis operibus, tribuat nobis omnipotens & misericors Dominus. Amen.

Deinde illa potest dici Oratio ex l. 2. Mach. 1. Joannæ Sacerdotis. Domine DEUS omnium Creator, terribilis & fortis, justus & misericors, qui solus es bonus Rex, solus præstans, solus justus, & omnipotens, & æternus, qui Israël ab omni malo, qui fecisti Patres electos, & sanctificasti eos: Accipe Sacrificium pro universo populo tuo, & custodi partem tuam & sanctifica, ut sciant gentes, quia tu es DEUS noster.

*Oblatio Sacrificij in quantum est Latreuticum seu Adorativum.*

**O** Ter magne DEUS! in unione primi & summi sacrificij & Sacerdotis Christi: in unione omnium Sacerdotum novi & veteris testamenti, & sacrificatorum usque ad diem judicii. Toto corde & corpore prostratus ego pulvis & cinis, hodie offerre tibi intendo

Sacrificium corporis & sanguinis JESU Christi Domini nostri. Et in primis.

In recognitionem Tuæ admirabilis in unitate TRINITATIS; Tuarum Personalitatum, DEI Patris, DEI Filii, DEI Spiritus Sancti.


In adorationem infinitarum Perfectionum, Attributorum, & Proprietatum tuarum, Tuæ nimirum Sapientiæ, quâ comprehendis te ipsum, & omnia possibilia, præsentia, præterita & futura. Tuæ immensitatis, quâ cælum & terram imple. Tuæ æternitatis & immortalitatis, quâ semper idem es, & anni tui non deficient. Tuæ Omnipotentia, Tuæ voluntatis, Pulcritudinis, Beatitudinis.

In adorationem tuorum actuum liberorum, Tuæ Misericordiæ, quâ gravissimos quosque toleras peccatores, ut convertantur. Tuæ Justitiæ, quâ nullum peccatum impunitum relinquis. Tuæ Prædestinationis, Electorum, ac reprobationis præscitorum. Tuæ Providentiæ & dispositionis, æternum de nobis duraturæ. Tuæ liberalitatis in omnes creaturas diffusivæ.

In cultum patriæ tibi soli debitum, ac in protestationem supremi tui domini in omnes creaturas, & nostræ subjectionis, ac omnimodæ dependentiæ à te.

In recompensationem laudis & gloriæ tibi ab Angelis Apostatis & damnatis, item ab omnibus infidelibus & peccatoribus, denegatæ & non persolvendæ. In supplementum omnium blasphemiarum, quæ sunt in terra & inferno contra Eucharistiam. In suppletionem omnium superstitionum & adorationum impenfarum creaturis inanimatis & falsis Numinibus, & subtractarum

Tibi DEO vivo & vero.



*In quantum est Gratiarum activum.*

**I**n unjone gratiarum actionis, quam agit & egit ab initio creationis suæ Sanctissima anima Christi, B. Virgo MARIA, & omnes Sancti & beati. Gratas tibi Domine hoc Sacrificio ago pro immenso gratiarum, donorum & gloriæ thesauro, quem contulisti Humanitati Christi Domini in via & in Patria.

Gratas tibi pro beneficiis concessis Beatissimæ Virginis; præcipuè verò dono Virgineæ Maternitatis divinæ, & Immaculatæ Conceptionis, ac pro ipsius exaltatione in cœlesti gloria super omnes Angelos & Sanctos.

Gratas tibi pro beneficio creationis, conservationis, cooperationis, concursûs exhibito & exhibendo omnibus & singulis creaturis. Pro Incarnatione Verbi divini. Pro vita, Passione Jesu Christi. Pro doctrina ejus, consiliis, præceptis, exemplis, miraculis. Pro redemptione nostra, pro usu & institutione Sacramentorum. Pro dilatione per totum mundum Christianæ fidei, fundatione Religionum, extirpatione hæresum.

Pro creatione omnium Angelorum ad gloriam tuam, & nostram custodiam. Pro prædestinatione, Vocatione, Justificatione, Glorificatione omnium Electorum. Pro conversione omnium peccatorum.

Pro beneficiis collatis omnibus comprehensoribus & viatoribus prædestinatis & reprobis peccatoribus, ingratibus & infidelibus, dæmonibus & damnatis: imò etiam pro beneficiis omnibus creaturis irrationalibus, quæcumque fuerunt, sunt & erunt præstitis.

Gratas tibi Domine & pro beneficiis mihi indignissimo collatis. Præcipuè quia me creasti ad imaginem & similitudinem tuam, dono tuæ gratiæ per baptismum distasti, Angelum ad mei custodiam deputasti, me pretioso

Sangu-

Sanguine Filii tui redemisti, è sæculo nequam eripuisti, Sacerdotem fecisti, donis tuis naturalibus ditasti, tot media ad salutem æternam & alia necessaria ad decentiam statûs copiose præbuiſti: ac pro beneficiis omnibus notis & incognitis, præteritis, præsentibus, & futuris mihi præstitis & præstandis.

*In quantum est Impetratorium.*

**O** Pater misericordiarum & DEus totius consolationis! quia me famulum tuum, licet gravissimâ flagitiorum meorum onustum sarcinâ, legatione summi apud te voluisti pro omnibus hominibus vivis & defunctis. Offero tibi Sacrificium hoc.

Inprimis pro Summo Pontifice Papa nostro. N. Cardinalibus, Patriarchis, Episcopis, Abbatibus, Parochis, Sacerdotibus, & universo Clero, & omnibus aliis curam animarum gerentibus, ut omnes oves sibi commissas verbo & exemplo fideliter pascant.

Pro statu Religionum omnium, & cunctis Religiosis, præcipuè N. ut reducantur ad fervorem & perfectionem, in qua fuerunt institutæ.

Pro Augustissimo Christianorum Imperatore, & cunctis Regibus & Principibus Catholicis, pro omnibus Magnatibus & Magistratibus, ut Ecclesiam venerentur, mandata tua custodiant, & de hostibus fidei triumphent.

Pro omnibus Benefactoribus, consanguinis, amicis, & inimicis. Pro omni statu Ecclesiæ. Pro Virginibus, conjugatis, viduis, & orphanis, pauperibus, peregrinantibus, captivis, ægrotis, navigantibus, incarceratis, afflictis, in quacunque necessitate & periculo constitutis: ut illis dones auxilium, remedium & consolationem, prout expedit ad gloriam tuam, & salutem illorum.

Pro omnibus Infidelibus, Turcis, Mauris, Idololatris

latris, Judæis, Hæreticis, Schismaticis, & aliis dissidentibus, ac omnibus obstinatis peccatoribus, ut ad te convertantur & resipiscant.

Pro me ipso tandem infelicissimo peccatore supplico tibi DEO meo, ut præsentiam tui æterni Remuneratoris semper vivacem ubique in omnibus circumferam; ac omnes annos meos, menses, dies, & noctes, horas, & moimenta, cogitata, dicta, & facta impendam soli gloriæ tuæ.

Da mihi Domine veniam & remissionem omnium peccatorum. Confirma me in gratia tua, ne unquam mortaliter peccem. Da vitam plenam meritis, & tuo amore ferventem Da mihi gratiam semper dignè celebrandi, communicandi, & Viaticum in extremo agone sumendi. Largire præservationem à malis animæ & corporis, perseverantiam in bono finalem. Insuper tribue gratiam, ut in his totâ vitâ mihi charissimis immoriar nominibus JESUS & MARIA. In particulari autem fructum, quem possum & debeo, illi N. principaliter applico, pro quo celebrare intendo.

### *In quantum est Propitiatorium.*

**Q**uis sum ego indignissimus terræ vermiculus, ut audeam faciem meam levare ad te, & aspicere altitudinem cœli? Christi igitur Filii tui, clementissime Pater, pretiosissimo Sanguine & meritis onustus, offero tibi infinitam hanc propitiationem divinisimi hujus Sacrificii, pro omnibus peccatis, quibus offensus es à creatione mundi, & offenderis usque ad diem judicii.

Offero pro omnibus peccatis meis commissis, corde, ore, & opere. Accipe tremenda justitia DEI corpus & sanguinem Domini mei, & delicta mea, ac ignorantias meas ne momineris.

offe;



Offero tibi Sacrificium hoc & pro omnibus, cum majori Majestatis Tuæ indignatione perpetratis peccatis: Præcipuè per hæreses, superstitiones, idololatrias, dæmonum invocationes, errores, & magicas artes. Per Christicidium & Antichristi peccata.

Offero & pro animabus omnium fidelium defunctorum, præcipuè N. implorans Clementiam tuam, cui proprium est misereri semper & parcere, ut extinguas earum ardorem optato rore misericordiæ tuæ, & citò purgas in conspectum tuum admittas.

## Actus diversarum Virtutum.

### *Actus Fidei.*

**P**ersuadeo mihi firmiter, mi dulcis abscondite JESU me sub candido specierum Sacramentalium velamine, millies desideratissimum & speciosissimum vultum tuum latentem agnoscere.

Persuadeo mihi videre mentis oculis roseum corpus tuum, ex quo fontes saluberrimi quinque vulnerrum fontes aquarum viventium scaturiunt.

Et si non videam nunc in manibus tuis fixuram clavorum, & si non mittam manum meam in latus tuum, credo tamen, quia tu es Dominus meus & DEUS meus.

Et quia te DEUM meum in SS. Sacramento hic latentem firmiter confiteor, ideò nomine omnium infidelium te non credentium & scire volentium, nomine omnium Hæreticorum, & Schismaticorum te blasphemantium, nomine omnium dæmonum & damnatorum te non adorantium, ego credo, adoro, ante te procido, tibi nomine terrestrium, & infernorum inclamo: centies millies laudetur SS. SACRAMENTUM.

*Actus*

*Actus Spei.*

**S**Cio mi Domine! quia propter peccata mea indignus sum aëre, quem respiro, indignus cœlo, quod aspicio, dignus mille inferis. Et quomodo præsumam accedere ad te sub his Eucharisticis speciebus verè præsentem? Ibi enim adest corpus tuum sole splendidius electum ex millibus. Ibi est Sanguis pro nostra salute effusus. Ibi denique latet divinitas tua.

Abyssus tamen malitiæ, nequitæ, & nihili mei, abyssum invocat misericordiæ & bonitatis tuæ Domine. Nam licet plures sint arenâ maris iniquitates meæ, spero tamen, quia non repelles me à te, spero in pretio Sanguinis tui, utique & catelli edunt de micis Dominorum suorum.

*Actus Charitatis.*

**Q**uid retribuam tibi Domine JESU, quia transcurus de hoc mundo ad Patrem, reliquisti nobis pignus amoris immensum, donans nobis pretiosissimi corporis & Sanguinis tui Sacramentum?

Cur non mille habeo corda mi JESU! quæ ad tantam tui vivi incendii flammam resolvantur in cineres dilectionis tuæ? quomodo anima mea tota se non eviscerabit, exinanietque in charitatem bonitatis, & misericordiæ tuæ.

O si quantus quantus sum, totus nunc consumar, totus liquecam, totus suspensus de te deficiam à me, & transeam in te, totus vitali amoris tui morte moriar.



*Actus Humilitatis.*

**Q**uis sum ego eminentissime DEus, ut tantum opus aggredi audeam? quis ego sum, & quis tu es? Tu DEus magnus & grandis nimis! DEus Majestatis! cui cogitatio nulla par! DEus nihil horum omnium, quæ cogitantur, aut sunt, sed super illa omnia!

Ego autem quis sum? ego conceptus & educatus totus in peccatis! ego peccator major & vilior, quàm putem, & quàm cogitari possim! ego labiis & toto corpore pollutus! ego mille titulis debitum inferno caput! ego terræ exosum pondus, & cœli odium! ego tantò vilior, quantò plurium peccatorum constringor reatu! ego vilissimorum omnium vilissimus!

Tantùsne DEus tantillo homini incorporabitur? O Sacramentum! ô Mysterium! ô arcanum abditum? quis unquam id beneficii genus ausus est optare? nunquam in cor hominis descendit dignatio tanta.

O Domine! si tu ob immensitatem non agnoscis te, sine saltem, ut mea vilitas cognoscat se, & quidem meritò formidet conjungi tibi.

O cor meum, quàm audax & temerarium es, quòd vel cogitare audes accedere ad hoc Sacramentum. Estne tibi Seraphica illa crystallo nitidior puritas? Instar miraculi Ecclesia prædicat, quod Filius DEI non horruerit Virginis uterum, qui tamen à Spiritu Sancto pulcherrimo gratiarum, donorum ac virtutum omnium apparatu fuerat instructus. Quomodo igitur te cubile draconum, te prostibulum, immundities, te sentina scelerum non exhorrescat? &c.

*Actus Contritionis.*

**O** Quantà contritione ac lacrymarum fonte, quantà reverentiâ, & tremore, quantà corporis & animæ

animæ puritate hoc divinum ac cœleste Sacrificium est celebrandum mi Domine; ubi caro tua in veritate sumitur, ubi Sanguis tuus in veritate bibitur, ubi ima summis, terrena divinis junguntur, ubi adest Sanctorum Angelorum præsentia, ubi tu es sacrificium & Sacerdos mirabiliter & ineffabiliter constitutus.

O utinam, & millies utinam nunc totum mare versum in sanguinem, vel potius lacrymas ducere possem per caput meum, ut vel sic mundaretur sentina extremæ vilitatis & peccatorum meorum, quam tu inexcogitabilis dignitatis Domine mi Jesu inhabitare elegisti.

O utinam, & millies utinam cor meum extractum à corpore daretur mihi candentibus carbonibus frustatim ad eò examinandum, ut decoctâ ad purum scoriâ ejus, saltem & si non dignam, non tamen tam nimis indignam, tibi præbere possem mansionem.

O utinam mi Jesu nunquam te offendissem! ô utinam te solum & unicum semper amassem! Pœnitet me peccasse, id eò solùm, quia amo te, semperque pœnitebit & si possem, infinitò dolore nunc dolerem, quò offenderim te. Non amplius tamen mi Jesu, non amplius. Hic sit terminus delictorum meorum. Priùs à dæmone obfidear, aut pœnas inferni patiar, quàm peccem, & te amorem meum offendam.

### *Commemoratio Dominicæ Passionis.*

**O**Mnes Sancti Patres, Commemorationem Dominicæ Passionis, Sacrificium celebranti, super omnia necessariam esse affirmant, præcipiente Apostolo: *Quotiescunque manducabitis panem hunc & calicem bibetis, mortem Domini annuntiabitis, donec veniat* Quæ verba expendens Seraphicus Doctor dicit: Timeo nequam sine remorsu conscientiæ ac præjudicio ad Sacrifici-

um posse accedere, nisi præmemorata ipsius instituentis charitate, ac ejus passione & morte, in cujus memoriam perpetuò recolendam, illud Sacramentum debere confici & percipi ipse præclare asseruit & injunxit.

## Praxis.

**S**alvete delicata membra Domini mei JESU Christi, pro salute nostra diversis pœnis in passione cruciata. Salve reverendum caput pro nobis spinis coronatum, arundine percussum. Salve pretiosissima facies pro nobis consputa & alapis cæsa. Salvete benignissimi Salvatoris nostri oculi pro nobis lacrymis perfusi. Salve sacrum os, gutturque suavissimum pro nobis felle & aceto potatum. Salvete aures nobilissimæ pro nobis opprobriis & contumeliis afflictæ.

Salve collum regium pro nobis colaphizatum, dorsumque Sanctissimum pro nobis flagellatum. Salvete venerabiles manus & brachia pro nobis in cruce extensa. Salve pectus divinissimum pro nobis in passione conturbatum & contusum. Salvete pedes adorandi pro nobis clavis confixi. Salve latus gloriosum pro nobis lanceâ militis perforatum. Salve corpus JESU totum pro nobis in cruce suspensum, vulneratum, mortuum, ac sepultum.

Salve cor mellissimum summæ TRINITATIS gazophilacium pro nobis in cruce disruptum. Salve ter Sanctissima JESU Christi anima ad mortem usque contristata. Salve Sanguis pretiosissime è vulneribus Christi copiosè effuse. Salvete adoranda Salvatoris nostri vulnera, monimenta charitatis & pretia Redemptionis humanæ. Per hæc vulnera tua mi bone JESU, sana animam meam & esto propitius mihi indignissimo peccatori.

*Pia*



*Pia desideria & affectus immediatè ante  
Sacrum eliciendi.*

**O** JESU millies desideratissime! ecce jam appropinquat hora, hora inquam felicissima, quâ te DEUM meum in animam meam suscepturus sum. Extende igitur Sacratissimas manus tuas mi dulcis JESU ad amplexandam animam meam, & ne projicias me à facie tua, licet id peccatis meis meruerim.

Otinam nunc talem ac tantam devotionem, talem ac tantum amorem, talem ac tantam munditiem, quâ ulum unquam humanum cor ornatum fuit, in me haberem:

Utinam, & millies utinam omni virtute, omni desiderio repletus essem?

O utinam, & milies utinam omnium Angelorum puritatem, omnium Apostolorum charitatem, omnium Martyrum merita, omnium Confessorum sanctitatem, omnium Virginum haberem puritatem & munditiem.

Utinam tali reverentiâ, devotione & amore te possem suscipere, sicut Beatissima Mater tua in tua Incarnatione & postmodum in Sacramento suscepit.

O quàm ego illo tempore, quo Sanctissimam hostiam sumam, cuperem esse Cherubin & Seraphin, non propter meam sensualitatem, sed propter tuam dignitatem mi DEUS!

O utinam, & millies utinam tuum sacratissimum & divissimum Cor haberem mi JESU! ut Te in illud ipsum, tali, quo dignus es, modo suscipere possem.

Utinam me dulcis JESU totaliter ex tua præsentia accendas, comburas, & in te transmutes, ut unus tecum efficiar Spiritus per gratiam intimæ unionis, & liquefactionem ardentis amoris.

O si vel ad unicum momentum transferar in te,

absorbearque à te, ut te DEO meo, quantus quantus es in te, fruar & satier, poter & inebrier, hauriar & obruar, tenendo atque fruendo, amando atque innatando.

O virgo Beatissima Mater misericordiæ! ô SS. Angeli, Sancti DEI omnes, præcipuè Patroni mei N.N. ad vos clamo pauper, nudus, & humilis me euntem ad altare, ad immolandum corpus & sanguinem JESU Christi, ornatè vestris virtutibus, fulcite meritis vestris.

O Pater da mihi filium tuum JESUM! ô JESU! da mihi te ipsum! ô diviniſſime Spiritus da mihi corpus & sanguinem Domini mei! O JESU sis mihi JESUS.

## De proxima dispositione ad Missam.

*Antequam Sacras vestes induas, breviter tacita mente institue colloquium,*

*Et inprimis.*

**I**nterroga te ipsum: Quid facere aggredieris peccator & vilis homuncio? tunc hodie apud SS. Trinitatem in conspectu Curia cœlestis habebis audientiam? tunc introibis in Sancta Sanctorum?

Postea alloquere DEum Patrem: O Pater! egône mancipium tuum indignum, repræsentabo hodie Filium tuum in ara crucis tibi immolatum? Egône labiis sordidioribus ipsius inferni faucibus, & manibus Luciferi, manibus quodammodo iniquationibus præsumam attritare dilectum Filium tuum? Egône linguâ meâ fœdis contaminatâ sceleribus, è sinu tuo in terram sub species Sacramentales Unigenitum tuum evocabo?

Inter-

Interroga Clementiam divinam, quâ fieri poterit, ut pro tanto aultu & temeritate ipsi dæmones tuorum scelerum conscii, te è vestigio altaris abreptum in oculis hominum non strangulent?

*Dum Sacras vestes induis*, velut lupum te in vestimentis ovium esse æstima: & dæmones tuorum scelerum conscios videaris audire per irrisum exprobrantes: En Saul inter Prophetas!

*Postea singula sacri cultus ornamenta cum contumelioso Christi amictu compara.* Porro Amictus velamen illud significat, quo facies Christi velata est, cum percutiebant eum, illudentes. Alba vestem albam denotat, quâ ab Herode velut stultus indutus fuit. Cingulum funes, quibus in horto vinxerunt eum, sive flagella, quibus columnæ alligatam crudelissimè ceciderunt. Manipulus vincula, stola funes collo ejus injectos, sive crucis patibulum humeris ejus impositum. Planeta vestem purpuream.

*Ad Altare procedens*, mente intueberis Christum quasi cruce onustum ante oculos tuos ad monem Calvarie incedentem.

*Cum perveneris ad Altare*, cœlum tibi desuper velus apertum contemplare, & effusam innumerabilem Angelorum & Sanctorum omnium multitudinem te intueri cogita. Admiraretunc esse tibi homuncioni indignissimo, & exuli cantanda cantica Domini in terra aliena, & cantica Angelorum.

*Epistolam & Evangelium lecturus* dic intra te: Egône in Ecclesia DEI depormam oracula, qui tamdiu sedi in Cathedra pestilentie? Egône Evangelium promulgabo, qui factis & exemplis Evangelium impugnavi?

*Ante tempus oblationis* erubescere & confundere, tecum serio versans, quidnam animi gerere velis, qui unicum & percharum Patri Filium, quem non semel peccatis tuis enecasti, præsumas offerre?

*Quando patenam cum hostia accipis*, repone simul in ea cor tuum, cor omnium circumstantium & fidelium. Dum vinum Calici infundis, gratias ages DEO, quod sub his speciebus se occultare voluerit, vel elicies desiderium te totum immergendi in abyssum meritorum Christi.

*Dum manus lavas*, desidera, ut erumpant sanguinea lacrymæ ex oculis tuis, vel pretiosissimæ guttæ aquæ & sanguinis ex latere Christi ad diluenda peccata tua.

*Cum dicis ante consecrationem*, memento Domine famulorum, famularumque tuarum: statue tibi ob oculos cordis Jesum recenter cruci affixum, totum sanguinolentum, dilaniatum, & discerptum in toto corpore, eumque cum lacrymis pro omnibus nobis Patri supplicantem.

*Memento igitur vivorum* junges cum memento Christi in cruce pendentis, ac in ipsius vulneribus depones omnes ac immerges, pro quibus orabis.

*Ante Consecrationem* cum summo timore & horrore Christi verba tibi ad aurem dici existima: Ecce appropinquat hora, & filius hominis tradetur in manus peccatoris. Dum accipis panem, puta te videre splendidissimos & lucidissimos referari cœlos, Angelos omnes effundi, ipsum Filium DEI in divinis splendoribus supra panem consecrandum descendere.

*Verba consecrationis prolaturus*, considera te ipsius Christi personam gerere, & verba enuntiative in persona ipsius proferre. Proinde tunc vel maxime mentaliter intentionem actualem breviter formare poteris. Volo in persona Christi & Ecclesiæ conficere corpus & Sanguinem Christi. Vel sicut ego converto mi DEUS substantiam panis in substantiam corporis tui, & vini substantiam in Sanguinem tuum, ita desidero converti cor meum in amorem tui perpetuum.

*Cogita & illud Augustini sub actu consecrationis*, quod tunc quasi incarnatur & nascitur Filius DEI in manibus Sacerdotis. Proinde desidera, ut gustu hujus Sacramenti

ficii ab  
stus di  
gustum  
bus Sac  
Inf  
actus  
possibi  
paratio  
& tem  
tiplica  
Pe  
one,  
Jesum  
num,  
nume  
manib  
de tur  
Di  
miser  
dimitt  
toti m  
norum  
tum.  
bus &  
ce mil  
sime r  
simum  
tire m  
tur, t  
us tu  
turari  
adora  
D  
guis I  
depor



ficii aboleantur omnes offensæ (& ut ita dicam) disgustus divini ob mundi peccata. Deinde desiderare renovare gustum divinum ex Sacrificio cruento Christi & ex omnibus Sacrificiis à primo ad ultimum ante diem judicii.

*Insuper tunc elice desiderium* concentrandi omnes actus sanctissimos cujusvis creaturæ intellectualis & possibilis, omnia merita, affectus, devotiones, præparationes ab ullis elicitas & eliciendas, cujusvis loci & temporis, cum omni circumstantia, intensiōe, multiplicatione, extensiōe, perfectissimè.

*Prolatis verbis consecrationis* cum summa admiratione, amore, & timore puta te videre aut infantulum JESUM, eumque speciosissimum formâ præ filiis hominum, ad quem adorandum, eumque custodiendum innumerabiles Angeli de cælo lapsi sunt: aut JESUM in manibus tuis quasi in cruce recens extensum. Proinde tunc cordialissimos mente affectus elice.

Dominus meus, & DEUS meus. Vel: JESU Fili David miserere mei, vel: ô Pater! dono tibi JESUM. Vel: Non dimittam te Domine JESU, donec benedixeris mihi & toti mundo. Vel: voces cœlestium, terrestrium & infernorum dicite elevato Domino: Laudetur SS. Sacramentum. Vel: Amo te DEUS meus pro omnibus & in omnibus & in æternum amare volo. Vel: O JESU crucifixe parce mihi & omnibus peccatoribus. Vel: O Pater dilectissime respice in me, quia in manibus meis habeo dilectissimum Filium tuum. Vel: O si exulcerationem illam sentire nunc possem, quæ te Dominum, dum crux attolleretur, torum excruciat! Vel. O Maria! en dilectus Filius tuus. Vel: Hâc genuflexione in persona omnium creaturarum adoro te, ac demum pro omnibus, qui te non adorant, sed blasphemant, sive in terra, sive in inferno. *Dum Calicem elevas* dic in corde: O Pretiose Sanguis Domini mei ablue me. Vel: O JESU in sanguine tuo depono & demergo peccata mea & totius mundi. Vel:



Quis mihi det, ut moriar etiam pro te mi JESU! ô si meum scatentem in venis cruorem pro te effundere possem! Vel: O Pater! en sanguis Filii tui clamat ad te pro nobis non vindictam sed misericordiam.

*In Memento Defunctorum* primo commendabis animam, pro qua specialiter offers Sacrificium. Postea sine præjudicio illius commendabis animas confanguineorum, benefactorum, Religiosorum, devotorum ad Beatissimam, fame, peste, bello sublatorum, animas, quæ suis carent suffragiis. Animas, quarum corpora in hac Ecclesia & omnibus aliis per totum mundum requiescunt, &c.

*Ante Communionem* post verba: Domine non sum dignus. Imaginare Sanctos Angelos cum summa alacritate aperire penetralia cordis tui, & illuc introducere optatissimum Hospitem tuum dulcem JESUM.

Admirandus ad tanti hospitis præsentiam clamat ardentissimo corde: Unde mihi, ut veniat Dominus meus ad me? Exi à me Domine, qui peccator sum, & ipsis damnatis deterior. Cur tantum te mi JESU humilias? Credo, spero, diligo. O JESU dono tibi cor meum. Paratum cor meum DEUS, paratum cor meum. Doleo mi JESU, quod unquam offenderim te. Misericordias tuas in æternum cantabo. Non dimittam te Domine, donec benedixeris mihi.

*Ante Evangelium* daturus benedictionem populo, elevatis in Christum crucifixum oculis dic: O mi JESU tu ipse avulsus à cruce manibus benedic mihi, benedic circumstantibus, benedic Patriæ nostræ, & omnibus Fidelibus



*Actus post Missam.*

**C**redo, quia tu es Christus Filius DEI vivi, qui ad me descendisti. Vivo ego jam non ego, vivit verò in me Christus. Quid sunt plagæ istæ in medio manuum tuarum mi JESU? Cor meum & caro mea exultaverunt in DEO meo. Sanctus, Sanctus, Sanctus Dominus DEUS Sabaoth. Pleni sunt cœli & terra gloriâ tuâ. Per viscera misericordiæ DEI nostri visitavit nos oriens ex alto. Gloria in excelsis DEO. Quid mihi jam est in cœlo, & à te quid volui super terram? defecit caro mea & cor meum DEUS cordis mei, & pars mea DEUS in æternum. Nunc dimittis servum tuum Domine secundum verbum tuum in pace, quia viderunt oculi mei salutare tuum, quod parasti ante faciem omnium populorum. Domine JESU noverim me, noverim te, nec aliud cupiam nisi Te. Magnificat anima mea Dominum, & exultavit Spiritus meus in DEO salutari meo. Misericordias Domini in æternum cantabo.

*Actus Admirationis & gaudii de DEO.*

**E**N coram te suavissime JESU, se sistit anima mea, meritis plena! ut quid permisisti à me indignissimo peccatore te hodie tractari, & in latrinam corporis mei sceleribus, multis labefactatam deponi? Quomodo tulisti, ut hanc tibi execrandam injuriam irrogarem? Anni lacrymarum & poenitentiae mille non sufficerent ad Sacramentum tam excellens semel dignè suscipiendum, quando minus ego indignus aptus esse possum, qui peccare quotidie non cesso, incorrigibilis persevero, & imparatus accedo?

Pro admirando habetur, quòd ad imperium Josue Sol in cœlo steterit, sed nunquid non magis est stupendum,

quòd ad vocem Sacerdotis, velut vocem meam hominis nequissimi & malitiosissimi, DEUS cum tota sua immensa ac infinita Deitate sub species Sacramentales descendit, & ibi non raro indignissimè tractatur?

Quid est hoc mi dulcis JESU? Quid, inquam, est hoc? Tu, qui adeò immensus es, ut cuncta creata te capere non valeant, à parvula contentus Hostia in mea intraſti viscera fæda? unde mihi Domine, ut tu venias ad publicanum & peccatorem? An nescis, quis sum ego? pulvis utique & cinis, vas sordidum, esca vermium, & ad hunc tu de cælo venis? O DEUS & Dominus noster, quàm admirabile est nomen tuum! Quid retribuam tibi Domine pro omnibus his, quæ retribuiſti mihi?

O ſite nunc non meo indigniſſimo, ſed Seraphico, ſed Mariano, ſed tuo corde, mi JESU intensiſſimè amare poſſem! ò ſi omnia creata corda, omniumque cordium affectus & amores in meum cor immergere & includere poſſem, quàm vellem te amare dulcis amor meus!

Tibi laudes concinant, tibi mecum gratias agant, te pro me mi JESU ignitiſſimè ament Beatiſſima Virgo MATER, SS. Angeli, ac omnes Beati, univerſi populi, tribus & linguæ. Jubilent tibi pro me omnes creaturæ, & miſericordias tuas in æternum concinant.

### *Actus Adorationis.*

**A**ve auguſtiſſimum SACRAMENTUM. Ave dulciſſime & gratiſſime hoſpes amorque mi JESU. Saluto te ſalutationibus omnium creaturarum, quæcunque fuerunt, ſunt, & erunt.

Ave mi bone JESU, deliciouſſimum cordis mei centrum, recipe me in ſuaviſſimos amoris tui amplexus. Transfer me in te.

Oſcu-

Obscuro mi Jesu venerabiles manus tuas pro me cruci affixas. Osculo pedes tuos pro me clavis confixos. Osculo latus gloriosum pro me vulneratum.

Ave tremendum Salvatoris mei caput coronâ spinâ redimitum. Ave frons sole serenior cruentata & in lapsu percussa. Avete oculi pro me velati, contusi, livore pleni. Avete aures contumeliis sauciatae. Ave dulce os pro me siti & aceto cruciatum.

*Petitiones post Missam.*

**O** Domine! cujus viscera misericordiæ patent omnibus, qui neminem vis perire, ideoque pro omnibus hominibus mortem subiisti, & hoc Sacramentum instituisti. Respice in me oculis misericordiæ tuæ, succende me ignitâ vi amoris tui. Dirige me, & da finalem in gratia tua perseverantiam.

Obsecro etiam Domine, ne ob respectum seditatis meæ & peccatorum meorum illos negligas vel non exaudias, qui se per me tibi in hoc Sacrificio commendaverunt. Succurre itaque & esto propitius benefactoribus, consanguineis, &c. &c.

Effunde miserationes tuas Domine Princeps Regum terræ in omnes Reges, & Catholicos Principes, & in omnes gentes, quæ te non noverunt, Turcas Idololatrias, Hæreticos &c.

Defende omnes fideles tuos à fame, peste, & bello, à cunctis adversitatibus & periculis. Memento tot miserabilium peccatorum in peccatis mortalibus existentium. Ne finas eos labi, qui in periculo & occasione peccandi versantur.

Succurre Summo Pontifici nostro, cunctisque Prelatis & Presbyteris. Dissipa consilia impiorum, ne quidquam Ecclesiæ tuæ, Regno huic & propagationi gloriæ tuæ officiant. Da huic congregationi, ad quam me

vocare dinatus es, bona spiritualia & temporalia. Da Superioribus omnibus zelum disciplinæ, subditis, obedientiam.

Succurre omnibus afflictis, pauperibus, ægrotis, agonizantibus, tentatis, incarceratis, & universo omnium statuum populo tuo. Succure animabus purgatorii, ut refrigerium, quietem, & lucem æternam obtineant.

Actus alii superius videantur post Communioem fol. 317.

*Ad Beatam Virginem & Sanctos.*

**R**espice me ô Domina! quoniam unitus sum Filio tuo Jesu, & eum unitus sum Filio tuo, ego quoque Filius tuus sum.

O Domina mea! ô Mater mea! doce me Filium tuum amare, ut tu illum amasti, doce me cum illo deliciarî.

Omnes Sancti Angeli & Patroni mei, vos amate, vos adorete, vos laudate meum dulcissimum Jesum, quia ego nescio, quid dicam DEO vitæ meæ.

*Conclude post Missam.*

**A**nima Christi sanctifica me : Corpus Christi salva me : Aqua lateris Christi lava me : Passio Christi conforta me : O bone Jesu exaudi me : Intra vulnera tua absconde me : ne permittas me separari à te : Ab hoste maligno defende me : In hora mortis meæ voca me : & jube me venire ad te : ut cum Sanctis tuis laudem te, in sæcula sæculorum.




## CAPUT IX.

Proponuntur quædam  
Praxes, seu Exercitia colendi  
per Annum Festa Christi  
Domini.

## VIATOR DEUS.

*In Adventu Domini.*

1.  Quando factus Viator DEUS cæli  
exultabit ut Gigas ad crurrendam  
Viam? ô quando procedet tanquam  
Sponsus de thalamo suo?

2. O Pater misericordiarum! num in  
perpetuum oblivisceris nostri? dereliques nos in lon-  
gitudinem dierum? operi manuum tuarum non porri-  
ges dexteram? Excita Domine potentiam tuam & ve-  
ni, ut salvos facias nos.

3. Quid lactor spe magna dilecte mi, & spe deti-  
neor sola? quousque promissis dives, pauper, & inops  
jaceo? quoties discissis oculorum nubibus, flumina ef-  
fudi melior delpinus, nec tot aquis prodigè sparsis, at-  
traxi dilectum meum?

4. Quid:

4. Quousque nostrum æmuli cœli, tot promissum sæculis tanquam ære circumfessum dilectum meum cingitis? tot sæculis vester est, ut exsatiari fames sitisque potuerit. Quid negatis, promissum pignus mundo ad vos rediturum?

5. Utique tot sæculis expectatus, tot signis adumbratus, tot vaticiniis prædictus, tot votis expetitus, tot spiritibus exoptatus, tot denique lacrymis quæsitus es mi Domini! quid moraris? longa mora! ô tædiosa dilatio!

6. Quemadmodum desiderat cervus ad fontes aquarum, ita desiderat anima mea, ut te videre possit, in ergastulo carnis, natum sine contagio carnis.

7. O nos felices! quid audio? propter miseriam inopum & gemitum pauperum nunc exurgam, dicit Dominus. Læsus est peccato. DEus: satisfaciat DEus, factus est homo reus, fiat homo DEus, ut liberetur reus. Peccavit caro, mundet caro.

8. O ingenium amoris divini! ut redimeretur homo, factus est DEus homo.

9. Ecce jam Rex noster advenit de cœlis, latentur cœli & exultet terra ante faciem Domini, quia venit: quoniam venit salvare nos & dare se nobis.

10. Salve dies tot ætatibus exoptata, quâ DEus pro nobis factus est homo. Salve Gabriel Archangele tantum nobis annuntians gaudium. Salve Virgo gloriosa, in cujus utero castissimo carnem assumpsit DEus!

11. O quàm potens est amor, qui ad tam infima abjicit DEum! ô quàm divino est dissimilis amor meus.

12. O bonitas infinita! ô admiranda dignatio tua Domine, ut servum redimeres, Filium tradidisti!

13. Ama, amplectere Virgo Beatissima pro me dulcissimum Filium tuum in clauetro uteri tui Virginalis latentem.

14. O Sancti Angeli adorate pro me Primogenitum Patris æterni, quem ad nos traxit amor, rapuit chari

charitas  
te illum

15.  
& veni  
non vi

lum ut  
mora!

te faci  
pilco?  
enim

D

fed Ut  
indign

stram  
Spiritu

M  
unam

stanes

major

major  
cum c

maner

charitas, reclinavit in utero Virginis misericordia, amate illum pro me, cantate illi Sanctus

15. Tu, qui in Sancto habitas, excita potentiam tuam, & veni ex utero : tædet animam meam vitæ meæ, quia non videbo te DEum Deorum in Sion.

16. Outinam mi Domine citius disrumperes cœlum uteri Virginalis, & ad nos descenderes ! ô longa mora ! ô tædiosâ dilatio !

17. Tibi dicit Domine JESU cor meum, exquirat te facies mea, faciem tuam ardentissimè videre concupisco : sonet vox tua divine Pusio in auribus meis, vox enim tua dulcis, & facies tua decora.

## Eodem tempore.

### *Actus ante S. Communionem.*

**D**ilexisti nos ô bonitas & tantopere, tanta cum amoris vehementia dilexisti, ut dares non creaturam sed Filium, eumque non è pluribus unum, sed Unigenitum atque unicum donasti nobis vilissimis, indignissimis, ingratis, perditissimis.

Etenim ille propter nos homines & propter nostram salutem descendit de cœlis, & Incarnatus est de Spiritu Sancto, qui amor est, & Homo factus.

Mi DEUS amabilissime ! Eône te adduxit amor, ut in unam rem compaginaret res dissimillimas, infinitèque distantes, DEum & hominem, ut DEUS fieret homo, quæ major potest esse exinanitio ? ut homo fieret DEUS, quæ major potest esse exaltatio ? qui excogitari potest arctior cum creatura nexus, imò unitas ? Nempe hoc amoris est, amantem cum amato reddere quàm potest maximè unum.

Ingeniose amor, quid non amplius excogitasti, quod

quod nec cogitari quidem videbatur posse, en non tantum homo fieri propter me voluisti, sed etiam in SS. Sacramento te ipso tuo corpore & sanguine nos cibare constituisti?

Obstupefcite cœli super hoc! sed & laudate cœli, & exultet terra, jubilate montes laudem, simulque universa cantate Domino canticum novum, qui mirabilia fecit Dominus, verè mirabilia. An non hoc novum, non hoc mirum, quod creavit Dominus super terram? hominem peccatorem cum DEO, DEum cum homine unum facit amor!

Veni ergo ô Amor etiam ad pauperulam animam meam, & qui fecisti, ut unum sint DEus & homo unitate personæ, effice, ut unus tecum efficiar sub speciebus Eucharisticis te sumendo, amore inseparabili.

O panis vitæ descende de cœlo uteri Virginalis, refice esurientem animam meam, non amplius, non amplius possum vivere sine te. Quid me dilecte diutius mortem inter vitamque suspensum tenes? mors mihi certa sine te, vita nulla sine te est. Quid vitam morituro negas? tu vita mea & vita solus es. Vivam, si in me vivas, mihi moriar, si moreris mihi. Quousque Virginis pascaris utero, & fraudor aspectu tuo?

Quid te tenet in conclavi castitatis abditum? tot jam annos expectavi ante sæcula conditum. Redde pignus, quod tulisti Virgo manens integra, satis ventre nutritivisti, Matris dones ubera. Scimus Matrem, scimus natum nasciturum sæculo, tumor prodixit cœli datum, quem fovebas clanculo.

Quousque Virgo Mater dilecto gaudes solo? implemur omnes votivo tantum in hunc diem gaudio gravidi. Tuus est, fateor, sed meus est. Matris jure tuus, adoptionis meus. Quid diutius recondis Mater, & publicare metuis cœlo concessum natum? Si non erubuisse ad conceptionem, quid erubescis ad partum?

concep-

concepit  
bis Vir-

Ne-

tuus, vi-

ubere lac-

becis ac-

lus torqu-

de munda-

O

dulcis h-

depromp-

æstuant-

ratas, i-

oculoru-

Qu-

su, cod-

meum in-

in utero

hi secun-

us. Ut

non est

Im-

factum h-

& videat

Patre ple-

O

plenus in

to præse-

num, &

Ga-

tibi. I-

um, ut

cœli &

star, q-

is Virgo



concepisti Virgo, fovisti Virgo, paries Virgo, lactabis Virgo.

Ne verere, solo Virgineo lacte pascetur dilectus tuus, virgineo ludet ille sinu tuo, collo pendebit tuo, ubere lactabitur tuo. Videamus te Matrem: an erubescis ad nomen Matris? Uterus natum prodit, Angelus totque jam ante Vates cœlo pleni. Largire proinde mundo natum, ut propriè jam dicaris Virgo Mater.

O veni & expectatione lassam refice mentem mi dulcis hospes, hæc vota mea de penetrali cordis mei deprompta, inter suspiria lacrymis natantia, inter inæstuantes amorum flammæ oculorum fluminibus temperatas, inter calentes melioribus ignibus preces densæ oculorum imbre rigatas, offero tibi & effundo.

Quo affectu te suscipit Virgo Beatissima dulcis JESU, eodem affectu sub his speciebus tibi manenti cor meum inscribo, exhibeo, & offero. Tu homo factus es in utero. Ecce anima mea ancilla tua, fiat ei, fiat mihi secundum verbum tuum. Veni Domine Homo DEUS. Utique apud te non est impossibile omne verbum, non est difficile in conspectu Domini ditari pauperem.

Impetra mihi Virgo Mater, ut Verbum Caro tua factum habitet in nobis per Sacramentalem præsentiam, & videamus gloriam ejus, gloriam quasi Unigeniti à Patre pleni gratiæ & veritatis.

O S. Gabriel Archangele impetra mihi, ut gratiâ plenus sim, & Dominus sit mecum in SS. Sacramento præsens, utinam idem regnet in domo mea in æternum, & regni ejus non sit finis.

Gaude & exulta anima mea, ecce Rex tuus venit tibi. En ipse stat post parietem, en pulsat ad Cor tuum, ut ipsi aperias. O quanta mea felicitas! Regem cœli & terræ meo suscipiam hospitio, illum complectar, quem castissimis suis visceribus, ac in ulnis suis Virgo Mater gestavit.



*Actus post S. Communionem.*

**A**nima mea liquefacta est, ut dilectus locutus est: Quæsi & inveni, quem diligit anima mea. Verè viderunt omnes fines terræ salutare DEI nostri.

Nolite mirari SS. Angeli & Archangeli, quod DEUS homo ad hominem peccatorem diverterit, Spiritus enim Sanctus supervenit in me, & virtus altissimi obumravit mihi, ideoque & quod per verba consecrationis natum est, sanctum vocatur, DEUS homo vocatur, latens & immolatus DEUS.

Salve itaque ô dilecte, salve ô ex millibus electe, salve candide & rubicunde fili MARIAE Virginis, salve totus desiderabilis, totus delectabilis. Salve unice votorum meorum, spes mea ab uberibus.

Salve Puella maxime, salve infans Verbum DEUS - homo, te adorant omnia viscera animæ meæ, te agnoscit, te amat, te æstimat ignitissimè anima mea.

Tu Virgo Mater dignissimo hospiti meo Filio tuo, tanta in corde meo illud tuum Magnificat, quo SS. Trinitatem delectasti, Tu mihi concede illos tuos affectus amoris, quibus eundem, sive in utero, sive in ulnis tuis profecuta es.

Benedicant etiam te ô tenelle JESU generose Virginis Matris sanguis, omnes Sancti & Electi tui, qui propter nos homines & propter nostram salutem descendens de cœlis incarnatus es, nec horuisti purissimæ Virginis uterum, sed de pretioso ejus sanguine carnem assumens, Homo factus es.

Agnosco & amplector misericordiam tuam æternam erga me hospes amantissime, atque infinitas tibi pro omnibus, quæ tribuisti nobis, gratias ago, teque supplex omnium creaturarum possibilem possibili affectu

festu adoro, laudo, glorifico, te amo & amabo super omnia in æternum.

Accedo etiam ad te acclinis Virgo Mater, ago tibi gratias, quòd hunc filium DEI Dominum meum, quem ego nunc in Sacramento suscepi, in uterum tuum suscepisti, quòd ei sanguinem tuum purissimum ad formandum hoc corpus suppeditasti, quòd illum pro hoc usu meo nutritivisti & educaisti. Beata viscera tua, quæ portaverunt hunc æterni Patris Filium, & beata ubera, quæ lactaverunt Christum Dominum.

*In vigilia Nativitatis Domini.*

I. **N**ascere tandem aliquando post tot sæculorum luctum atque squallorem ô parve DEUS! ô magne puer! tam impatienter expectate. quàm vehementer expetite.

2. Nascere Domine expectat te Mater tua, ut te osculetur osculo oris sui, ac pannis involvat: expectat te Josephus, ut te DEum in carne adoret: expectat bos, ut cognoscat te possessorem suum, asinus, ut cognoscat præsepe Domini sui.

3. Nativitas tua infans divine, gaudium annuntiabit universo mundo, tu enim es sol justitiæ, & gaudium universæ terræ.

4. Egredere Domine de terra tua; evocat te militia cœlestis, ut evangelizet gaudium magnum: Pastores, ut te saluent: Magi, ut munera offerant, Simeon, ut te excipiat in ulnas suas.

5. Veni Domine propter miseriam inopum & gemitum pauperum: expectant te cæci, ut videant, claudi, ut ambulent, leprosi, ut mudentur; mortui, ut resurgant.

6. Age, perge Rex magne, ab ætheris palatio

ad pauperrimam casam, à stellis ad paleas, ab Angelis ad jumenta, à divina Numinis tui forma ad humanam Christi speciem delabere.

7. Dic mihi Virgo Mater, ubi nascetur Filius tuus? num in stabulo? ô inaudita amoris prodigia! dilecti mei cubile stabulum est, lectus Sponsi mei fœnum, pulvillus stramen, aula vilis spelunca.

8. O Puella divine! Amor magne & parve! Tu es, qui Seraphinos tuis dulcissimis ignibus inflammas, cur non stipulam & fœnum, in quibus jacebis infantulus accendes?

9. O Divinitas tremenda! ô Humanitas amanda! ô DEUS! ô Homo! ibi magnus in cœlis es! & hic parvus in terris! ibi regis sydera, hic fuges ubera! ibi sedes inter Angelos, hic jacebis inter bestias! ibi dives in throno, hic pauper in fœno.

10. Heu me! quàm votis meis contraria ego video? noluerunt te mi DEUS homines, hominem DEum habere inter se non te admiserunt, sed ad bestias & stabulum amandârunt, quasi de te dictum fuisset, quod de superbo Rege dictum erat: *Ab hominibus ejiciens te & cum bestiis ferisque eris habitatio tua.*

11. Utinam mi JESU tuæ nativitati præsens adesse possem, dignusque habitus, qui te halitu meo, pro brutis animalibus calefacerem!

12. At miserebuntur tui ipsa jumenta, tui satellitas, bosculus & asellus, hi rigens immiti brumâ & frigore tenerrimum corpusculum & delicatula membra anhelitu suo utcunque fovebunt & calefacient.

13. Veni ergo Domine & noli tardare, veni JESU pulcherrime, clarissima gemma nata in mari divinitatis paternæ, cujus originem nullus intellectus creatus potest indagare.

14. O Puer! ô DEUS! ô hominum & Angelorum amor! Rex cordis mei! ô Imperator animæ meæ,  
te

te videre concupisco, te desidero amplecti, osculari, tuos pedes, quia catellus tuus lambere volo.

15. Felicem diem, quâ amplectar dilectum meum, quâ infigam casti pudoris oscula, quâ teneras plantas dissuaviabor basis, quâ manus illius tornatiles aureas, digitosque ebore candidiores purpureis figam labris: quâ membra à Virgineo Matris utero recentia, virgineo ante purpureoque rore pasta, sinu, manibusque fovebo meis.

16. Cur non hodie hâc felicitate beari possum, ut connivente Matre, plaudentibus Angelis, arridente Nutritio, stupente cœlo, mille dilecto meo figam basia? involvam cordi cunarum vice, pro fasciis stringam brachiis, pro culcitra substernam pectus, pro pulvillo genas? O si hodie staret dulce pondus genibus meis! ô si suavis penderet collo sarcina.

## Eodem die.

### *Actus ante S. Communionem.*

**H**eu mihi, quia incolatus meus prolongatus est, dum dicitur mihi quotidie: ubi est DEus tuus? JESUS tuus? Quando veniet Dominator, quem tu anima mea quæris, & Angelus testamenti, quem tu vis & desideras? Quis mihi det, ut inveniam te mi dulcis JESU foris, & deosculer te?

Quid igitur dicam, aut quid respondebo, dum dicitur mihi: Ubi est Rex tuus & DEus tuus? ubi Rex gloriæ & Dominus virtutum?

Si Rex est, quidem Regum Rex, an in eo sedet quem demonstravit Daniel throno; ubi millia millium ministrant ei & decies centena millia ei assistunt? An

ibi est, ubi eum vidit Isaias sedentem super solium excelsum & elevatum, ubi Seraphim velant faciem & pedes ejus alis, clamantque alter ad alterum Sanctus, Sanctus, Sanctus Dominus DEus exercituum?

An ascendit super Cherubim & volat super penas ventorum, & est tenebrosa aqua in nubibus aeris tonat, ac mittit sagittas suas, fulguraque multiplicat, ut commoveatur & contremiscat, terra, & fundamenta montium conturbentur?

At frustra in augusta atque horrida specie quæro Amorem meum! Non bene conveniunt, nec in una sede morantur majestas & amor. Non etiam ego te quæro dilecte mi prout intus es in sinu Patris, quia sic lucem habitas inaccessibilem, te potius quæro in gremio Virginis Matris.

O Virgo inclita utpotè partui proxima speciosa facta es & suavis in deliciis tuis, ex quo gaudium Angelorum & delicias humani generis possidere incipisti, quàm gloriosa dicta sunt de te civitas DEI, ex quo homo DEus, homo victus & homo captivus receptus est in te.

Scio Domine, quia in cælo parasti sedem tuam & in sole uteri Virginalis posuisti tabernaculum tuum, & ego non sum dignus videre altitudinem cæli præ multitudinem iniquitatum mearum; dixisti tamen Domine, deliciae meae sunt esse cum filiis hominum. Et alibi: Ponam tabernaculum in medio vestri. Ergo veni Domine, & noli tardare. Visita nos in salutari tuo. Excita potentiam tuam & veni.

Jam enim venit mi DEus plenitudo temporis, & Matri impletum est tempus pariendi, quo debet apparere benignitas & humanitas tua, ut visites nos, qui novem mensibus, diebus ducentis septuaginta sex inhabitasti Virginis uterum, similis per omnia infanti-bus reliquis effectus.

O dulcissima Mater dulcissimum mihi portans pondus,



duſ, deſcende ad me, en tibi cor meum. Scio quia non es habitura locum in diverſorio, diverte ad cor meum, ibi tuum & totius mundi theſaurum depone, volo illum halitu meo, imò amore intensiſſimo calefacere.

Veni Domine Jeſu! veni, adeſt jam dies, ut adſis, veni, patet tibi porta cordis mei. Veni amor mi, jam tandem inveniam te ſons fraterculum meum. Veni, amplectarte, exoſuler te, introducā te in cubiculum cordis mei. In unione amoris illuſ, quò tu ſulcepiſti carnem noſtram. In unione puritatis, amoris, affectuum & meritorum, cum quibus te ſulcepit Virgo Mater in incarnatione, deſidero te hodie ſulcipere, te tractare, illos æſtus amoris concentrare in cor meum, quibus cor Virginis Matris ardebat in tuo adventu.

### *Actus poſt S. Communionem.*

**S**alve mi dulciſſime ac potentiſſime hoſpes Domine mi Jeſu diu deſiderate, anxie quæſite, ſolicite adamate, ſaluto te ex intimis animæ meæ viſceribus, ac quā poſſum veneratione, te excipio.

Adoro & amo te Infans diviniſſime, quò Verbum aſſumpſit corpus & animam inter ſe unita ad componendam individuum naturam humanam.

Jubilare etiam omnes Angeli & Sancti in conſpectu Regis Domini: conſpiciendum enim ſc humanitate indutus præbuit Rex & Dominus noſter, viſuſ in terris eſt, & cum hominibus converſatuſ. Moveatur mare & plenitudo ejus, flumina plaudant manu; montes exultent ab hoc conſpectu Domini, quoniam venit.

Laudem dicite DEO noſtro puſilli & magni, venit enim ad me deſideratuſ cunctis gentibus, & qui in ſole poſuerat tabernaculum ſuum, nunc ad hominem peccatorem divertit. Verè viderunt omnes fines terræ ſalutare,

lutare DEI nostri. Benedictus, qui venit, DEUS Dominus & illuxit nobis, Dominus venit: Occurrite illi omnes animæ me potentia dicentes: Magnum principium & regni ejus non erit finis, DEUS Princeps pacis.

Dignus es ô Agne mi! ô Verbum incarnatum, ô mi dulcis JESU, accipere Honorem & gloriam & benedictionem ab omni creatura, quæ in cælo est & super terram, & sub terra, ut omnes junctis vocibus sine cessatione dicant tibi: Benedictio & honor, & gloria, & potestas, Agno & DEO nostro, humana carne induto, & ad nos venienti in sæcula sæculorum.

### *Media Nocte Nativitatis Domini.*

1. **N**Um, quem diligit anima me, vidistis? vobis, loquor Angeli Sancti: dicite mihi de JESU meo, cui nunc cecinistis? indicate mihi, quem diligit anima mea.

2. Piissima JESU Mater aperi mihi ostium dilecti mei: vadam & videbo hunc Puerum natum, antequam moriar.

3. JESU Fili DEI, ostende, quæso, te animæ querenti, & vultum tuum cernere cupienti: quare enim dignatus es nasci, nisi velles etiam agnosci?

4. Omnes Reges terræ desiderabant videre faciem Salomonis, & audire Sapientiam ejus, & ecce plus, quàm Salomon hic: finite ergo Pastores me introire ad Regem natum, ut osculer scabellum pedum ejus, & stabulum ejus.

5. Jam, quod quæsi, habeo, JESUM meum invenio, & summo bono gaudeo, cur jam corde non ardeo?

6. Gaudens hodie gaudebo in Domino, & exultabit anima mea in DEO JESU meo: inveni, quem diligit

igit anima mea, tenebo pedes ejus, nec dimittam, donec benedixerit mihi.

7. Salve millies desideratissime hospes, Salve dulcis puelle JESU, ô JESU Nazarene, Rex sæculorum, Rex cordium, deliciarum omnium, primæ ac summæ delicie, felicissima beati amoris æternitas. Salve vivificans gemma divinæ nobilitatis. Salve immarcescibilis flos humanæ dignitatis JESU amantissime.

8. Salve JESU dominator omnium, speciosus forma præ filiis hominum, te agnoscimus & veneramur nostrum clementissimum Dominum.

9. O Mater! ecce Filius tuus. En pallent illius labelle corallina! marcent rosæ genæ, ubertim stillant geminæ ocellorum gemmulæ; crebrò gemit os formosulum; alternis singultit pectusculum lacteum, miserè tremunt frigidulæ manus; undique titubat mollicela caro; tenerè palpitant parvula cuni corculo viscera; totè trepidant infantiles artus.

10. O verè beatissima nox clarior omnibus sæculi noctibus, quæ scire meruit tempus & horam, quando de virginali utero egressus est DEI Filius nostræ fragilitatis corpore indutus.

11. O benedicta nox, & laudent eam omnes Filii lucis, quia natus est in ea Christus Filius DEI, lux æternæ lucis.

12. Sed quomodo mi DEUS! pusillus vagis in duro præsepio, & jaces mutus inter animalia?

13. O prodigium! en Viator JESUS cœli terrarumque amor, procumbit inter bestias, quia non est, ubi reclinet caput suum in diversorio, & fessus est ab itineribus æternitatis!

14. Angelus dicit: Evangelizo vobis gaudium magnum, natus est Salvator. At quale mihi gaudium, dum plorat contemptus, nec diversorio receptus amor?

15. O prodigium gaudii simul & doloris! Salve, inquit Deipara. Fili mi, & osculabatur eum, sed lacrymando, quia præsagiebat illud: Ave Rabbi: Ecce DEUS, & canitur: Gloria in altissimis! sed quid illud? Ecce homo, & clamabitur: Crucifige eum. O quàm diversa fors, hic in stramine, ibi cum arundine: hic in fasciis, ibi in vinculis: hic tenero vagitu vitam inchoat, ibi clamore valido & lacrymis vitam finiet.

16. O Virgo beatissima, præbe lambenti JEsulo mamillam, ut ipse pro te præbeat percutienti maxillam. Lacta pia Mater Christum tuum & Dominum in gratiam nostram. Lacta eum, quem concepisti sine pudore, peperisti sine dolore.

17. O mi JEsu humillime & altissime plantulis tuis pronus accido, osculor pedes tuos intra præsepis angustias arctatos, osculor pro me clavis perforandos. Adoro in parvo corpusculo tuo tuam immensitatem, in paupertate tuas divitias, in muta infantia tuam sapientiam, in tenella ætate tuam aternitatem, in carne mortali tuam immortalitatem.

### *Die Nativitatis Domini.*

1. **O** Felix! ô ter beata hora! quâ hodie secus viam cecidit Verbum caro factum.  
2. Cur non ardet cor meum tenerrimo tui amore infans formosissime, qui salutem meam in ipso tui ortu operari cœpisti? quomodo non amabo te mi Domine ita amantem me?

3. O homo, quantum magnificatus es, & quantum DEUS benignissimus appoluit cor suum erga te? an non clamabis usque & usque: Quid retribuam Domino pro omnibus, quæ tribuit mihi?

4. Non

4. Non misit DEUS Angelum, non Archangelum, non Patriarcham, non Prophetam, sed ipse venit Rex Angelorum, & Dominus Prophetarum ad liberandum me.

5. O DEUS bonitatis! nunquam magis te reddidisti amabilem, quàm cum te exhibuisti miserabilem. Nunquam clariùs resplenduit bonitas tua, quàm cum annihilata videbatur majestas tua.

6. Vulnerasti cor meum tuo adventu mi JESU, vulnerasti cor meum, utinam ex nunc mori possem & vivere tibi.

7. Quis te adduxit mi JESU nisi amor? & quis de cœlo te traxit & ad me inclinavit nisi amor? O amor & amor, quàm dulcis & fortis est hic amor! O etiam in me tam vehemens nascatur ardor, cui nihil sapiat, nisi JESUS æternus amor.

8. O quando in amplexibus vestris beatæ cunæ colliquescam totus? quando pro fœno subternar tibi dilectæ votorum meorum? quando pro fasciis stringam, involvam pro pannis? quando infigam dilecto meo casti pudoris oscula? occupavit ora Mater? infigam pedibus cum Evangelica amatrice, amoris lavando fontibus, tergendo crinibus. Spargite oculi amica lacrymarum balnea, quibus innatent pedes ab uberibus Matris pedentes.

9. Meis affectibus parvule JESU careo: offero tibi affectus Angelorum psallentium, & pastorum te adorantium. Offero tibi affectus Virginis Matris. Quàm enim grata & suavia Matris oscula tuis teneris impressa labris? quàm mollia tui ipsius basia Virginis Matris suaviantia genas: quàm dulcia Matris ubera Virgineo rore gravida?

10. Repræsentō tibi terra puerum natum, tibi datus, tibi natus, ex intacta Virgine.



11. Non audebam ob peccata mea accedere ad te mi JESU, nunc accedam, quia vinctus es & ligatus. Quis enim posset timere hunc parvulum? quem non succendent amore callentes JESU lacrymæ.

12. O dulcissime Fili MARIE! ô dilecte mi JESU candide & rubicunde! en pauperulus servus accedo ad te. Veni intra brachia mea. Requirse supra cor meum. Irriga me lacrymis tuis. Inflamma me amore tuo. Benedic mihi parvulis manibus tuis. Osculare me suavissimis labellis tuis.

13. Tu es mi JESU Pater pauperum, dator munerum, da mihi obsecro strenam, strenam gratiæ & amoris tui. Quid enim nobis denegare poteris, qui te ipsum nobis dedisti?

14. Quam verò etiam ego tibi mi Domine hodie strenam offeram? dono tibi mi JESU cor meum, dono me totum, dispone de me, sicut de jumento tuo in tempore & æternitate. O Domine ego servus tuus, & mancipium perpetuum Matris tuæ MARIE.

## Eodem Die.

### *Actus ante S. Communionem.*

**U**bi, quæso, est natus Filius tuus? ô mi DEUS amantissime æterne Pater! cùm introduxisti primogenitum tuum in orbem terrarum, dicito mihi, ubi posuisti eum? & ego eum tollam. Si enim mihi natus, mihi datus est, quidni eum mihi tollam? ubi est, qui natus est Rex Judæorum? imò & Rex gentium.

Quis mihi det, ut eum inveniam fratrem meum, sugentem ubera Matris meæ, cumque deosculer, &

jam

jam ne  
gammé  
Bethle

D

ô ubi!

& spiri

eum,

oculis

veniam

C

Ubi i

& mer

voluc

habe

in cor

vator

Ubi e

sunt er

tollam

homin

qui na

dorib

spelzu

no, he

virtut

tritii

electu

memb

sequia

ô dile

ab am

cogna

jam nemo me despiciat summâ votorum potitum. Sur-  
gamné & circuibo civitatem, per vicos & plateas  
Bethlehem, quæram, quem diligit anima mea?

Dicitis Sancti Angeli: Invenietis infantem. Ubi?  
ô ubi! Anima enim mea desideravit illum in nocte, sed  
& spiritu meo in præcordiis meis de mane vigilabo ad  
eum, nec cessabo die ac nocte, neque dabo somnum  
oculis meis, nec requiem temporibus meis, donec in-  
veniam tabernaculum DEI Jacob.

Quid verò audio? non est ei locus in diversorio.  
Ubi igitur pascit, ubi cubat in calentissimi amoris æstu  
& meridie amor meus? Ergone vulpes foveas habent &  
volucres cœli nidos, ille, ubi caput reclinet, non  
habebit?

Tu potius Virgo Mater conservas omnia conferens  
in corde tuo, dicito mihi, ubi puer natus est nobis, Sal-  
vator mundi, qui est Christus Dominus in civitate David?  
Ubi est Rex meus & Deus meus? si cuncta prospera  
sunt erga tuum natum? Ubi posuisti eum? & ego eum  
tollam. O Spectaculum admirabile mundo, Angelis, &  
hominibus! positus est in præsepio! positus inter bestias,  
qui natus est Rex noster & DEUS noster. Eône ex splen-  
doribus Sanctorum in tetrum, tenebrosūque antrum ac  
spelæum se demisit candor lucis æternæ? in hocné thro-  
no, hoc folio, se visendum præbet Rex gloriæ, Dominus  
virtutum, Deus majestatis, Princeps Regum terræ?

O dolor! en vagit coram oculis Matris ac sui Nu-  
tritii inter paleas candidus & rubicundus Pusio, ille  
electus ex millibus, fovet pauperculis pannis rigentia  
membra Regina Mater, occupant cœlestes ephebi ob-  
sequia, quæ homo ingratus contempserat.

Quid igitur ages amor meus? ô DEUS meus!  
ô dilecte votorum meorum! quid ages? quorsum te  
ab amore abduci, abripique fines? dum te homines  
cognata similitudine, habitu, specie, carne, sanguine,

corpore, humanitate indutum, ad eos adeuntem ne recipiunt quidem, hospitii jure excludunt, locum, ubi diverſeris, quin & quò divertas, negant, ergò ne ad jumenta relegabunt?

Tu verò etiam, quid agis anima mea, aut quid ages? excludesné ex tuguriolo cordis exulem infantem recens natum? ô mi Jesu! quò me verram, aut quid priùs, quid posterius agam? Undique urit me amor tuus & liquefacit ô Amor! anima enim mea liquefacta est ad id, quod de te audio, & in te video dilecte mi. O liqueſcam & diffuam penitus mihi, tibi verò arctiſſimè uniar, & in unum tecum inſtar ceræ colliqueſcentis coaleſcam.

Illinc diſcendit me dolor, cùm cerno te tam amabilem, & tam amantem Dominum, non modo non redamari, ſed tam indignè & injurioſè tractari, excludi, negligi, contemni. An non hic dolor adigit me, ut non tantum eo diſcendar, ſed in atomos diſcerpar? Hinc admiratio tantæ dignationis & charitatis tuæ levat me ſuper me, & ſuſtollit ſuper altitudinem cœli in ſublime mirabilium tuorum.

Quid tamen miſer faciam? ſcio, quia humilitas & cognitio vilitatis meæ arctat me, & conſtringit me, ne præſumam te Dominum meum primogenitum Patris in orbem terrarum ab Angelis inductum ad pauperculum cordis mei diverſorium invitare, ſine tamen, quæſo, ſine Domine, ut quò te charitas adigit, venias, & manſionem apud me facias. Utique Domine frater noſter es, os noſtrum, caro noſtra factus es, cur nos tibi ſocios habere detractabis?

Ut quid Domine diutius hærebis inter beſtias? tranſſerte in ſtabulum cordis mei: an felicius tu es ô ſtramen, in quo jacuit Chriſtus quàm cor meum? Intellegis tu parvule infans & ſuper intelligis omnia, intellege ſuper me egenum & pauperem, qui cordialiter

clamat

clamat  
refice

V  
rigari  
dam d  
ter,  
dam,  
tianda  
Oſcul  
tatem  
bus ut  
decum  
ſce. I

Jesu,  
tum p  
vii,  
ſpecie  
corde

J  
An  
tis D  
hodie  
tus e  
illi i  
qui c

Rex  
ſte,  
horru

elamat ad te: Veni Domine Jēsu & lassam expectatione refice mentem.

Veni dilecte mi. Ne patere tot lacrymis frustra rigari terram. Ego te semel mihi concessum redam dilectæ Genitrici tuæ, quid dico? ignosce Mater, mihi natus, mihi datus est puer. Non redam. Quamdiu enim ludes inter basia nunquam satianda, nunquam fatiganda amico pondere? meus est. Osculetur me osculo oris sui. Quid æcufas temeritatem peccatricis animæ meæ? Non pro peccatoribus utero clauditur, collo & uberibus pender, fæno decumbit, involvitur pannis, stringitur fasciis? Ignosce. Multis nominibus meus est.

O parvule ac pro me de Virgine nasci dignate Jēsu, quo te cum affectu Parens dulcissima ex se natum pannis infantæ involvit, ac in præsepio reclinauit, hoc eodem affectu ego indignus te sub hisce speciebus sacramentalibus involvo ac depono in corde meo.

### *Actus post S. Communionem.*

**J**Am, quod quæfivi, habeo, quod concupivi, teneo, dulcem Jēsum invenio, cur jam corde non ardeo? Venite, audite omnes, qui timetis, imò qui amatis Deum, quanta fecit Dominus animæ meæ; en hodie puer natus ex Maria, & Filius Virginis datus est nobis! En hodie dilectus meus mihi, & ego illi inter ubera mea in corde meo commoratur, & qui creavit me, requiescit in tabernaculo meo.

Credo mi dulcis Jēsu, quia tu venisti ad me Rex meus & Deus meus. Tu Rex gloriæ Christe. Tu ad liberandum suscepturus hominem non horruisti Virginis uterum. Tu gaudium meum, lu-



men oculorum meorum , tu amor meus , lux incomprehensibilis.

Et unde hoc mihi ô Creator cœli & terræ! quia iterum è stabulo ad hoc sterquilinum cordis mei descendisti? unde mihi ingratiſſimo ſervulo tuo tanta dignatio tantæ Majestatis , ut me oculis miſericordiæ tuæ tam benignè reſpicere , tam amanter viſitare , tam miſericorditer reficere dignatus es? & dignum ducis ſuper huiusmodi peccatore aperire oculos tuos , & eſurientem implere pane ( videlicet te ipſo ) qui de cœlo deſcendit? O mi dulcis hoſpes! ô mi Creator! ô mi Redemptor! quantum tibi debeo! & quomodo non amabimus te Domine ita amantem nos?

Fuerunt mihi ſæpiùs lacrymæ meæ panes die ac nocte , dum dicebatur mihi quotidie : ubi eſt Deus tuus? JEſus tuus? Sitivit anima mea ad te DEUM meum fontem vivum , ſitiebam Domine corpus & ſanguinem tuum , ſicut infans ubera Matris , ſicut Samaritana aquas viventes , & ſitim explentes , ac ſalientes in vitam æternam.

Exulta & lauda habitatio Sion , habitatio cordis mei , quia magnus in medio tui Sanctus Iſraël. Vivo ego , jam non ego , ſed vivit in me Chriſtus. Jam in Domino meo gaudebo & exultabo in Deo JEſu meo. Verè vider omnis caro ſalutare Dei.

Saluto te hoſpes amantiſſime meo & totius mundi nomine , effundo tibi mare illud affectuum , quos Mater Sanctiſſima erga te recens natum elicit. In novo tibi affectus Angelorum obſequioſo cantu te laudantium , ac paſtorum te adorantium.

Tibi Pater amantiſſime offero incendia amoris , quibus ardebat corculum Filii tui recens nati , offero piæ lacrymas , quæ intuitu mundi de ipſius gemitibus crumpebant oculis.



Et quia vinctus es mi Pusio, neque repelles me à te, accedo ad te, osculor tibi pedes, manus, & vaticinor tibi de plagis hæc infligendis. Osculor tibi cor, ex quo hauriemus aquas in gaudio de fontibus tuis Salvator amantissime, dum lanceâ latus tuum aperietur & continuo exhibit sanguis & aqua.

Noli mi dulcis Jesu è visceribus pauperuli peccatoris properare, non jam amplius dimittam te. Jam captivus es, jam vinctus in corde meo, si mihi dederis totius mundi pro te substantiam, quasi nihil despiciam eam, te in æternum constringam. Felicia erunt vineula mea, quibus innectetur amor meus, & tanquam nexibus stringetur dilectus amore meo omni fasciâ potentius.

Vulnerasti cor meum dilecte mi, sponse mi, quem desponsavi mihi primis cunarum lacrymis. Vulnerasti cor meum pannis & fasciis infantie tue, cum penderes leve gratumque pondus è collo Genitricis tue. Vulnerasti cor meum amoris tui telo, cum tanquam fulmine ossium medullas, intimaque depasceret cælo jaculatus ignis tuus. Vulnerasti cor meum tuo hodierno in fæda licet viscera mea adventu.

Ne verò fugiat dilectus meus à me assimilatus capreæ hinnuloque cervorum, tu Virgo Mater Unigenito tuo in domo mea commoranti dulcia pro me cantica, ut dilectus meus purissimis tuis agitatibus manibus, dulcisque virgineo cantico somni provocatorio in placidam depresso quietem, indormiat cordi meo, ut inter tuas modulationes diutius dilecto frui, osculisque teneras fatigare plantas valeam.

Vos etiam Sancti Angeli custodite dilectum meum quiescentem in corde meo, ne qua inimica manus inter somni delicias furtim abripiat, quem diligite

ANIMA MEA.

*In Circumcisione Domini.*

1. **D**Eus eras parvule JESU, & eras innocens Filius Virginis innocentis; unde ergo opus tibi circumcissione?

2. O lapsus Adæ, quàm amarus es Domino meo! ego peccavi, & tu Domine pœnam exsolvis? ego in concupiscentia conceptus & natus sum, & tu suscipis in te ultionem? Agnosce ô homo, quàm gravia sint tua vulnera, pro quibus necesse est hunc divinum infantulum vulnerari!

3. Sponsus sanguinum tu mihi es, qui cum voce nondum possis, ipso cruore tuo clamas ad Patrem, & infantulus, quem vix dum habes, sanguinem profundis.

4. Propter primitias sanguinis JESU, ô Pater, benedic mihi, benedic Ecclesiæ, huic Regno, Religioni, benedic coronæ anni, & toti mundo.

5. O verbum incarnatum! ô Fili Virginis Matris, æternique Patris! gaudeo & exulto, quia vocatum est nomen tuum JESUS.

6. O JESU! adoro te, ut nomen Majestatis. Amote, ut Nomen suavitatis. Invoco te, ut nomen potestatis. Opto sanguinem profundere, ut salvus fiam; quoniam & tu sanguinem tuum dedisti, ut Salvator esses.

7. Nomen tuum sanctum & terribile mi JESU! in persona omnium cœlestium, terrestrium, & infernorum adoro, adoratumque volo ab omnibus, super omnia, in æternum.

8. O JESU nomen dulcissimum, esto mihi salus, & redemptio: non enim est aliud nomen hominibus datum, in quo oporteat nos salvos fieri. Esto mihi JESU; id quod diceris; Esto mihi turris fortitudinis à facie inimici,

9. JESU ! pone te ut signaculum super cor meum , ut signaculum super os meum , ut signaculum super brachium meum ; ut non cogitem nisi de te , ut non loquar nisi de te , ut non laborem nisi propter te.

10. Impetra mi S. Bernarde , ut hoc nomen suavissimum & dulcissimum JESUS semper dulcescat in corde & ore meo. Sit JESUS mel in ore meo , in aure melos , in corde júbilus.

11. Hoc sit mi Domine tecum in æternum pactum ; sive quidpiam unquam scripsero , non sapiet mihi , nisi legero ibi JESUM. Sive unquam disputavero , non sapiet mihi , nisi sonuerit ibi JESUS.

12. O utinam hoc suavissimum nomen JESUS , vel saltem in extremo mortis meæ articulo , corde ardentissimo & devotissimo pronuntiare possim ! O JESU sis mihi JESUS in morte , si quid commisi , unde damnari possim , tu non perdidisti , unde salvere possis.

13. Nihil habeo , quod offeram tibi , parvule JESU ! præter lacrymas contriti & amantis cordis , suscipe eas , & misce Sanguini tuo.

14. Quia dignus es Domine semper accipere laudem , gloriam , & honorem ; ideo desidero singulis hujus anni momentis , quolibet istu oculi , respiro , millies ac millies Seraphicè , Marianè , Theandricè , te adorare , te diligere , te appetiari , tibi gratias agere , gaudere , & congratulari de bonis tuis , & de gloria tua.

15. Omnes actus meritorios , omnes cultus , omnia Sacrificia tibi impendenda , anticipato tibi offero , approbo , ratifico. Omnia instantia & momenta actionum peccaminosarum , quæcunque erunt , desidero implere actibus Christi Domini , Beatissimæ Virginis , & Sanctorum omnium. Omnes cruces , morbos , afflictiones à me tolerandas libenter accepto. Omnia ,

quæcunque cogitaturus, dicturus, & facturus sum, aspergo Sanguine Domini JESU, unio meritis JESU, **MARIÆ** & omnium Sanctorum.

16. Si vides Domine me aliquando hoc anno de-  
 liberatè contra te graviter peccaturum, fac, ut pro  
 illo momento à dæmone obsidear, antequam peccem,  
 & tamdiu patiar, donec pertranseat momentum, quo  
 peccaturus eram.

## Eodem die

### *Actus ante S. Communionem.*

**A** Mo te domus gentilitia, Amoris Bethlehem, in qua  
 JESUS Amor triumphar! amænior millies illâ  
 cisternâ Bethlehem; cujus undis levare stim Da-  
 vidis votum fuit. Ah in te! ô specus patria DEI mei!  
 ah in te origo fontis est! cujus aquæ saliant in vitam  
 æternam, & ex quo qui bibit, non sitiet in æternum.  
 O Bethlehem! ô natale solum Amoris! ô horreum  
 & domus panis, unde Angeli fiunt immortales! ô  
 quale in te frumentum conditum est! frumentum electo-  
 rum. O quale granum ex aridis aristis tuis eminet!

Tu etiam dixisti Domine: Panis, quem ego dabo,  
 caro mea est pro mundi vita. Ita est mi DEUS! Cre-  
 do, quidquid tu dixisti Dei Filius: nihil hoc verbo ve-  
 ritatis verius.

O mirum tui mi JESU amorem, qui à primo  
 incarnationis instanti, in tenello corde tuo cæpit incen-  
 di! verè apparuisti mi Domine in flamma ignis de  
 medio rubi.

O cibus potusque noster, accende, inflamma, & ex-  
 ure me igne desiderii tui, tu qui Pater desideriorum



es, fiat mihi secundum verbum tuum, fiat mihi secundum ignitissimum votum tuum. Quemadmodum enim desiderat cervus ad fontes aquarum, ita desiderat anima mea satiari ab ubertate domus tuæ. Sitio Domine lassatus in via iniquitatis, sitio te DEum meum, venam aquarum viventium, sitio sanguinem tuum, quem mihi in potum mirabiliter contulisti.

Pater meus es tu Domine, & ego Filius tuus licet prodigus, da mihi portionem substantiæ, quæ me contingit, sed portio mea tu es DEus meus: aliam non quero, nec admitto, illabere cordi meo, & omnibus potentiis meis DEus vita mea & amor meus, ut intimè sim tibi unitus. Uni me tecum indissolubili, eoque strictissimo unionis vinculo, ad eum si possibile est modum, quo tuæ humanitati unita fuit divinitas.

O Mater circumcisi puelli gemitibus ingemiscens, & nomen JESU imponens, atque illud cum summa veneratione pronuntians, da mihi filium tuum JESUM. Utique caro filii, tua est caro, sanguis ejus verè est tuus, is enim ex tuo Virgineo lacte, aut potius lac fuit, utique JESUS propter salutem nostram descendit de cœlis & incarnatus est de Spiritu Sancto in utero tuo, adeoque nobis datus, nobis natus.

Veni dilecte mi in hortum tuum animam meam, persua eam Autler cœlestis, ut fluant aromata illius, purga illam stillicidio tui pretiosissimi sanguinis, riga fluentis gratiæ. Desidero te millies mi JESU! quando venies, ut me te ipso saties, quando erit hæc felix hora, quando te videbo facie ad faciem. Millies mi JESU moriar, dummodo te amorem meum videam.

Exulta, & gaude anima mea. Ecce Rex tuus, divinus Pusio è sinu Matris properat ad te. En ipse stat post parietem & velamen istorum accidentium panis. Veni dilecte mi candide & rubicunde, electe ex nullibus. An verò ingressum oris, cordis & viscerum meorum



horres? Utique postquam cōpleti sunt dies octo, circumcisus es puer, ac sanguinem tuum, quem vix habes, effudisti, purifica ergo mi JESU sanguine tuo, tuis calentibus lacrymis, fœda viscera mea, in commodum tibi evadant hospitium.

*Actus post S. Communionem.*

**O** JESU sis mihi JESUS in vita & in morte & salva me. JESU fili David miserere mei. In nomine JESU omne genu flectatur cœlestium, terrestrium, & infernorum. Misericordias tuas Domine JESU in æternum cantabo.

Vox sanguinis filii tui ô Pater clamat ad te de terra. Audi sanguinem filii tui altius pro nobis peccatoribus clamantem, quam sanguinem Abel, non vindictam, sed misericordiam, non ut iratcaris sed, miseraris.

En Pater amantissime! hic est JESUS filius tuus dilectissimus, qui se mihi communicavit, & me in se convertit! Amo te itaque amore ipsius, corde ipsius, lacrymas præsentio & sanguinem illius.

O dulcissime JESU bibam cum hoc Sanguine tuo suavissimo amorem tuum. In te solo ab hoc momento vivam ac spirem, magisque anima mea in te vivat, quem amat, quam in corpore, quod animat. Transforma me in te, ut omnis substantia mea pereat in te, nec me inveniam amplius nisi in te.

In tuo dulcissimo nomine ô JESU, quod Salvatorem significat, firmam spem salutis meæ pono, igitur ô JESU! sis mihi JESUS, dic animæ meæ, salus tuæ ego sum. Applica, precor, vim nominis tui animæ meæ, & innocens ero, munda me hoc recenti sanguine tuo, & super nivem dealbabor.

San-

Sanguine tuo mi Domine à peccatis omnibus lava me, concede, ut anima mea, cum à corpore migraverit, ante tribunal tuum appareat munda. O bone Jesu! ne deferas me in omnibus angustiis, ac præcipue in suprema mortis lucta, à qua tota pendet æternitas.

O Pater per amorem sanguinis tui filii. O fili per amorem sanguinis tui proprii hodie effusi. O SS. Spiritus per amorem corporis & Sanguinis à te in visceribus Virginis Matris efformati. O Deus unitas & Deus Trinitas, benedic mihi, benedic Patriæ pro hoc novo anno, benedic toti mundo, effunde miserationes tuas in omnia regna. Da mihi & toti mundo amorem tuum perfectum, & observantiam mandatorum tuorum. Indulge veniam peccatoribus, da tui cognitionem infidelibus, da gratiam amicis meis & inimicis, da Religiosis omnibus progressum in virtutibus & gratiam finalem.

Age hospes amantissime mi dulcis Jesu! in corpore meo & anima mea ( ut domum tuam ingressus ) quidquid vis, dispone in me, de me, de oculis meis, de corde ac omnibus occupationibus meis, prout vis, illas ego tuæ gloriæ & amoris dedico universas, ac tuo sanguine imbutas, volo omnes pendere è tui amoris directione atque imperio.

### *In Epiphania Domini.*

1. **Q**uid facitis ô Magi, quid facitis? infantulum pauperem adoratis in tugurio vili, in vilibus pannis? Ergone Deus est iste?

2. Quid facitis ô Reges, quid & aurum offertis? Ergo Rex ipse? ubi aula Regia, ubi thronus? nunquid aula est stabulum, thronus præsepium, curiæ frequentia Joseph & Maria, servi, bos & asinus?

3. JESU Rex meus & DEUS meus, hoc Theophania tuæ die, à sapientibus tribus Regibus adorante, à joanne baptizate, à Patre laudate; cum Matre ad nuptias invitare, ac ibi ejus rogatu, aquâ in bonum vinum conversâ, primo miraculo gloriose, cum summa humilitate plantis tuis accido, & cum tribus Regibus procido ante te.

4. O Divine Puer! turbetur licet Herodes, & omnis Hierosolyma cum illo, meus eris Rex, isque unicus.

5. Condoleo tibi mi JESU! quia in propria venisti, & tui te non receperunt, quinimò vix es natus, & statim morti destinatus.

6. Crudelis Herodes expecta paulisper, quod nato Domino facere cupis, hoc lancea feri militis facier.

7. Gratiâs tibi mi Deus, pro primitiis Gentium, & earum illuminatione admirabili.

8. Gratulor oculis vestris ô Magi! quibus vidistis Regem natum.

9. Apertis thesauris suis Reges obtulerunt tibi mi Domine muncera. Aperi tibi thesaurum meum optimum, cor meum, tu habes clavem, claude illud aliis, tibi pateat soli.

10. Orere super tenebras cordis mei ô gloria Domini, ô JESU gloria Patris & Matris. Expergesce illud, dic animæ meæ: surge, illuminare Jerusalem; quia venit lumen tuum.

11. Da mihi Domine! ut cum Abele, & cum his Regibus, optima optimè dem tibi optimo DEO meo. Accipe, si quid boni habeo, ut illud amore tuo perficias, imò accipe etiam, quidquid habui vel habeo mali; ut illud amore tuo exuras, & è pessimo facias optimum; ut, ubi abundavit delictum, superabundet gratia.

12. Amor tuus mi Domine, præparet penitentia myrrham primam in munus gratum tibi, ille me faciat thus tuum dolore contritum: ille me faciat au-

rum tuum, aurum ignitum : ut omnia opera mea sint è puro amoris tui metallo ; & oratio mea ascendat ut virgulâ ex aromatibus myrrhæ, & thuris, tibi Regi opera mea dedicans.

13. O JESU stella splendida matutina in Mariæ sinu, tanquam in firmamento splendens fac, ut cum his Regibus, in splendore ortûs tui, ambulet cor meum ; ac singulæ cogitationes & actiones meæ, sicut stellæ manentes in ordine suo, sint discipulæ tuæ.

14. O mi DEUS ! utinam omnes gentes, omnes tribus & populi, omnes Reges terræ, & Princeps cum his tribus Magis venirent, teque adorarent, ante te DEUM prociderent, te solum mi JESU fide viva cognoscerent, te solum amarent, tibi fideliter servirent, tunc videndo efflueret & dilataretur cor nostrum cum gaudio magno valde.

15. Quia tibi Regi sæculorum ac Domino dominantium debetur summa laus, honor, & gloria, ideo omnium Regum, omnium Principum, tam Catholico-rum, quàm infidelium, etiam oppositum volentium colla & corda tibi subjicio, in persona illorum ante te procido, te adoro, adoratumque volo & desidero ab omnibus, quicumque futuri sunt.

## Eodem die.

### *Ante S. Communionem.*

**P**Utâsne Domine, quia abscondes Te à me ? ergône non videbo te Dominum meum in terra viventium ? Scio Domine ! quia tu es DEUS absconditus, & posuisti tenebras latibulum tuum : surgam tamen, & circuibo civitatem, per vicos & plateas Bethlehém quæram, quem diligit anima mea.

Ut verò ocyùs inveniam dilectum meum, sequar vos ô Magi, tam fortunata stella duce, errare non potest, qui è cœlo ducatum habet. Amo te mea stella, quæ me ducis ad Regem meum.

O si possem velocissimè totam terram peragrarè & invenire te mi JESU : tu enim es desideratus cunctis gentibus, tu desiderium collium æternorum, tu Sponsus, tu Rex cordium, tu amor meus, & omne bonum, qui trahis nos ad te, & inquietum est cor nostrum, donec requiescat in te.

Ducito me ô stella ad amorem meum, volo velocibus te sequi passibus. Nam quis negabit alas amanti ? Quid si in Virginis Matris sinu Virgineo pastus lacte virgineoque vertice ludat amor meus ? quid si inter amica casti Josephi basia ! quid si in feno & præsepi inter bovem asinumque medius ? quis scit, an non admittent commutationem præsepia, ut cùm redierit à sinu castæ Matris, ubere jam plenus virgineo amor meus, novo præsepi, cunisque pro veteribus indormiat novis ? O si ludere, falleréque amico dolo possem Matrem, ut pro fasciis & pannis animâ hac, cordéque meo involvam dilectum meum ?

Quid verò immoror, nec satior his nudis votis ? vale jam mea stella, cœlos pete. Non sequor. Miraris ? inveni, quem diligit anima mea. Audio, quid loquitur in me Dominus DEUS : Venite, inquit, ad me omnes, qui laboratis, & ego reficiam vos. O verbum in auribus meis dulcissimum ! ô cœleste convivium, ô suavissimam refectionem, & amoris excessum : O magneticum sancti amoris illicium, parvule JESU ! en vix es in stabulo paupere natus, & in sinu Matris exaltatus, omnia trahis ad te ipsum.

Utinam etiam me indignum rapiat ignita vis amoris tui, quæ me transformet, & in te absorbeat, ac me tecum unum efficiat.

Ad te venio mi Domine : & clamo post te libe-

rator  
& da  
seuisti.

Unige  
Fili un  
disti,  
qui be  
DEI,

vestri  
diffue  
tune i

his ho  
tissim  
cut de  
solus  
Domin

Regib  
en me  
imper  
ego i

exped  
culis  
sti, n  
ga jug



factor meus, esuriens & sitiens, miserere mei fili David, & da mihi hodie panem tuum, da vinum, quod misisti, ut refocilletur anima mea.

O Pater amantissime! qui sic dilexisti mundum, ut Unigenitum filium tuum dares, da mihi hunc eundem. Fili unigenite DEI, qui de sinu Patris ad terram descendisti, descende Domine ad cor meum. Spiritus Sancte, qui beatam Virginem dignum habitaculum fecisti filio DEI, effice quoque in me hospitium filio DEI.

O beatissimi tres Reges, degustem illam spiritus vestri dulcedinem in hujus contactu Sacramenti, quâ diffuebatis, cum cor vestrum & caro vestra exultarent in DEum Vivum.

### *Actus post S. Communionem.*

O Sculor parvule JESU infans Verbum pedes tuos ore Magorum te adorantium, sacrifico tibi præcordia mea. Nolo Rex speciose formâ præ filiis hominum aliam hæreditatem nisi te. Vive potentissime Imperator in medio cordis mei, & dominare sicut decet te. Confiteor coram cælo & terra, quia tu solus Dominus, tu solus Altissimus, tu Rex regum & Dominus dominantium.

O magne Amor, parvum numen! cum his tribus Regibus procidens ante te, tuis me subijcio plantulis! en me totum submitto ditioni tuæ! en ego me dedo imperio tuo! en ego me consecro arbitrio tuo! en ego inclino collum servituti tuæ!

Ah! quid stant jumenta duo? an forsan à te jugum expectant? En ego! ô divine puer, cervicem meam vinculis tuis præbeo! ne præferas me bestiis, qui me creasti, ut dominarer bestiis terræ, ah! me innoda & illigâ jugo tuo. En corpus & anima mea facta sunt, ut duo jumen-

jumenta antete. Conscende currum præsepî tui, infide feno tuo : ego jungam jumenta mea, & te toto orbe circumveham, atque elata voce clamabo : Sic triumphat amor!

Quidquid mi Domine habeo, quidquid sum, quidquid possum, tibi penitus trado, ut me totum tibi vendices. Imò in simplicitate cordis mei lætus offero tibi universa. Dispone de me DEUS meus, de bonis fortunæ, corporis & animæ, dispone de me toto in tempore & æternitate.

Utere me velut re tua, meis omnibus, famâ, vitâ, fortunis, corpore, animâ, ad arbitrium tuum. Offero corpus in victimam, cor in templum, vitam in holocaustum, vires omnes & facultates in beneplaciti tui obsequium. Et sicut tu totum te mihi tradidisti in nutrimentum animæ meæ, ita ego totum me tibi in æternum dono ac consecro.

### *Die Cinerum.*

1. **V**Is Domine me flere, jubes me flere, peccata mea & meorum? Ad sacros pedes tuos velut ad asylum reus accurro, & ante illos toto corde prostratus clamo! Eheu! peccavi Domino. Tibi soli peccavi, quem solum amare debui.

2. Tu dixisti Domine : nolo mortem peccatoris, sed magis ut convertatur & vivat; ideo adrepo cinere aspersus ad te, cum sim pluvius, & cinis, qui tuum altare olim cinere mundari jussisti : Jobum tuum cinere coopertum amasti; Davidi cinerem, tamquam panem manducanti pepercisti.

3. Ne remissionis Domine delicta nostra vel Parentum, Fratrum &c. : neque vindictam sumas de peccatis nostris.

4. Ne

4. Ne reminiscaris iniquitatum nostrarum antiquarum, mi Domine, citò anticipent nos misericordiæ tuæ, quia pauperes facti sumus nimis.

5. Adjuva nos DEUS salutaris noster, & propter gloriam nominis tui Domine libera nos, & propitius esto peccatis nostris propter nomen tuum.

6. Nónne dixisti Domine, gaudium esse in cælo super uno peccatore pœnitentiam agente? exple igitur hoc gaudium in cælis de me. Pœnitet me peccasse, semperque pœnitebit: & si possem infinito dolore dolerem, quòd offenderim te.

7. Detestor & execror omnia peccata mea, supra quidquid detestabile & execrabile est, & propono me nunquam ampliùs te offensurum.

8. O JESU! ô Maria! ambo quidem offensi estis, sed ambo estis abyssus misericordiæ & dulcedinis, parce ergo misericordissime JESU, parce servo Matris tuæ, misericordissima Mater Maria, parce mancipio filii tui.

9. Et quia mi Domine amore tui solius detestor omnia peccata mea, en etiam omnia & singula mea jejunia offero & dedico tibi in sacrificium amoris tui, cujus imperio volo tibi, ea per Ecclesiam imperanti, obedire, quæ conjungo cum omnibus tuis, Mariæ ac omnium electorum jejuniis, & meritis omnibus, ut tibi placeant.

10. Eo item sine mi DEUS hoc jejunium instituo, ut nimirum subtraham materiam vitiorum. Ut tuear castitatem, meo statui convenientem. Ut servem sanitatem virtuti impendendam. Ut animum aptem inspirationibus tuis. Ut imiter jejunium tuum & Sanctorum. Ut me comparem ad orationem & venerabilem Eucharistiam. Ut satisfaciam pro

excessu in cibo & potu.

*Tempore Passionis.*

1. **S**I unquam aliàs, nunc certè tempus est exhibendi te mihi DEum misericordiæ ac benignitatis, JESU mi amantissime, Conditor ac Redemptor! atque omne bonum meum. Ecce ! monstrum ingrati- tudinis ac perfidiæ sistit se divino conspectui tuo,

2. Quid facere poteras amplius in gratiam mei, quàm mori in cruce? poteràsne majori pretio regnum tuum ac potestatem mercari, quàm quo salutem me- am redemisti?

3. Quid dixerint Seraphini, cùm DEum viderent inter duos latrones cruci affixum? mori DEum, & mori quidem inter tormenta tam immania, inter op- probria tam nefanda fluctibus doloris obrutum decu- manis? nunquid par erat, ut excelsæ illæ mentes atto- nitæ obstupescerent tam inexpectato charitatis excessu, cujus capax non erat cor aliud, quàm divinum?

4. Sed en ! nova admirandi materies ! prodigi- um ingrati- tudinis, suprabonitatis excessum novum at- que insolens ! post tot perpe-ssiones, post tantum san- guinis prodigè effusum, quos fructus refers mi DEUS? nondum expugnare potuisti ingratum hoc cor meum?

5. O dedecus abominandum ! post mortem meï causâ exantlatam, potui contemnere te, potui renova- re vulnèra tua, novisque sceleribus tuum conculcare sanguinem?

6. Ah ! ut nunc saltem parem ingrati- tudini meæ sentirem dolorem, ut pœnitentiam saltem pro amore, pro sanguine lacrymas redderem ! sed & istic deficio miser, neque aliud mihi restat, quàm ut ad te con- fugiam mi DEUS ! & desiderem hunc dolorem & ex toto corde flagitem,

7. Vis Domine & scis me dolorem non mereri, sed

sed & scis consequi me eum non posse absque te; ex me cadere possum, at non resurgere, averti à te, sed non redire ad te, peccare, sed non pœnitere.

8. Tu amator animæ hujus fidelissime, reliquis miserationibus tuis etiam hanc adde, ut operi manuum tuarum porrigas dexteram, meque miserum subleves atque sustentas; ego amoris tuo victas do manus, æstimo te & amo super omne bonum, & propter hunc solum amorem tui abominor peccatum super omne malum, detestor illud & execror, velut causam perpeffionum tuarum, tuæque mortis unicam originem,

9. Patrocinentur ergo mihi mi JEsu vulnera tua, pro mea salute clament ad Patrem, impetrent mihi misericordiam, gratiamque abundantem, ut moriar prius, quam te rursus offendam.

## Eodem tempore.

### *Actus ante S. Communionem,*

**O** Dolor! ut quid auctus es dolenti & amanti cordi meo? an parum fuit malis tuis, quia tu mi JEsu candidus & rubicundus, electus ex milibus, gloriosus totus, pro me factus es Rex dolorum, Rex despectuum, saturatus opprobriis, vermibus & non homo, quomodo iterum permittes ad fœda viscera mea declinare, à me tanquam sceleratissimo iterum crucifigi,

O mi JEsu tuæ sapientiæ atque majestati venire hoc in mentem potuit, ut nobis te in cibum, potumque dares? An non erat satis bonitati tuæ carnem nostram assumere, & tuæ divinitati associare? innocentissimam carnem tuam pro nobis lethalibus tormentis

excruci-



excruciare? animam sanctissimam pro nobis in mortem dare? nonne, inquam, erant hæc satis?

Ut quid insuper opus erat adinventionibus istis magnis? ut quid opus erat manducari te, à nobis inviscerari? Parum erat ablui sanguine tuo, etiam oportebat inebriari nos illo? Parum erat corpore tuo redimi, etiam oportebat nos eodem saginari? Quomodo demirabor stupendam adeò bonitatem tuam mi dulcis Jesu?

O bonitas! ô charitas! ô misericordia! quid tibi pro tantis tuis erga nos miserationum tuarum profusionibus non dico retribuam, sed respondebo? Majores sunt miserationes istæ super nos, quàm ut sufficiamus omnes pro iis dignas Majestati tuæ gratias agere.

Quia ergo mi dulcis Jesu cum famescente avaritia manducari te vis à nobis, fiat itaque mihi secundum verbum tuum. Ardet tibi amor meus, si parum, ampliùs succende illum, ut ardeat ardore tuo, amore tui tantum, quantum tu vis, quantum tu das, quantum tu dignus es.

•Veni Domine Jesu! ecce patet porta cordis mei, ecce patet ostium animæ meæ, ingredi te ô benedicte Domine. Paratum tibi, paratum cor meum Jesu, si parum, tu ampliùs para illud.

### *Actus post S. Communionem.*

**Q**uid dignum in conspectu tuo egi, quod pro me servulo tuo redimendo incarnari, nasci, laborare, pati, ac mori voluisti mi Domine, me toties non lacte ut Mater filium, sed corpore & sanguine tuo reficis, & nunc etiam refecisti?

O abyssus bonitatis, tantane res erat salus peccatoris animæ meæ, ut ei expiandæ tantum sacrifici-

um ab

um ab æterno destinares? esurienti tantum Convivium præparares?

O corpus sacratissimum quinque vulneribus sauci-  
atum, millies ac millies te exosculor, tui solus amo-  
re semper languere desidero, illud semper esurire ejus-  
que dulcedine semper pasci. Amplector pedes tuos  
cum Magdalena pro me in cruce transfixos.

Saluto te frons serenior Salvatoris mei spinis  
cruentata, in lapsu percussa. Avete oculi cæli sydera,  
pro me velati, contusi, livore pleni. Ave vultus An-  
gelis desiderabilis consputus. Ave dulce os pro me  
felle & siti cruciatum. Avete humeri crucem susti-  
nentes & flagellis cæsi.

Saucia Domine cor meum vulneribus tuis, mentem  
meam inebria sanguine tuo, ut quocunque in posterum  
me vertam, semper te videam crucifixum, & quidquid  
aspexero tuo sanguine tinctum, appareat mihi.

Respice in me Pater æterne, quia unigenitus Fi-  
lius intra viscera tua clamat ad te. Attende in filio;  
quod te moveat miserrere servi tui, & dum dilecti Fi-  
lii patent vulnera, mea, quæso, tegantur scelera, &  
quia caro mea te lacessivit ad iram, caro filii tui te  
flectat ad misericordiam.

Aspice pie Pater in faciem Christi tui, & cum sit  
hic Filius tuus dilectus, in quo tibi semper benè com-  
placuit, qui mihi nunc intimè conjunctus est, supplex  
rogo, ut me quoque respicias oculis misericordiæ tuæ,  
sub ejus protectione ac tutela, sub umbra meritorum  
ipsius compareo coram te; ut illum præcipuè intuens,  
me quoque clementer ac benignè respicias, tanquam  
mancipium ejus & servum perpetuum. Ne permit-  
tas, obsecro, ut pereat illa anima, quæ toties in te re-  
cepit Filium tuum, qui à te missus venit in mundum  
querere, & salvum facere, quod perierat.

*Die Cœnæ Domini.*

1. **O** Mi Jēsu ! dum te video ad pedes Judæ hodie prostratum, timor & tremor veniunt super me, & dum considero opera tua, expavescō ?

2. Amabilissimam hanc charitatem tuam ô mi DEUS, admiror & veneror, æstimo & laudo, magnifico & benedico, quantum possum : neque possum, quantum volo, neque velle valeo, quantum debeo.

3. Exosculor mi Jēsu illas tuas divinas manus, quibus lavisti pedes discipulorum, & ipsius proditoris tui.

4. O si & ego hodie in toto mundo omnium egenorum, omnium pauperum pedes in terra prostratus lavare possem ! quia id præstare non valeo, offero tibi Domine lotiones pedum ubicunque factas, à devotis tuis faciendas usque ad finem judicii.

5. Exosculor mi Jēsu tuas sacras manus, quibus sub speciebus panis & vini hodie pretiosissimi corporis & sanguinis tui Sacramentum discipulis tuis tradidisti.

6. O anima Christiana ! vide & considera, quomodo memoriam fecit mirabilium suorum misericors & miserator Dominus, & fecit cœnam magnam.

7. O prodigium ! ecce homo quidam fecit cœnam magnam. Magnam, quia à magno Deo, magnâ charitate propositam. Magnam, quia magno prodigio elaboratam. Magnam, quia magnis ferculis instructam corpore Christi, anima Christi, Divinitate Christi.

8. O mi Jēsu ! si me totum debeo pro me facto, quid dabo pro refecto hoc modo ?

9. Vicisti Domine, vicisti misericordiâ, & bonitate tua omnia exempla, omnia ingenia, omnes amores, omnium amorum gradus, & omnem expectationem omnium creaturarum superasti.

10. O si possem mi DEUS ! reparare omnes irreverentias , profanationes , impietates , contra tuam Majestatem in hoc Sacramento verè contentam , præcipue hodie à Judæis , hæreticis , & sagis commissas & committendas.

11. O si possem nunc tantum tibi exhibere honorem , quantum tibi dedissent , darentque omnes simul , Athei , infideles , hæretici , Turcæ , idololatræ , & omnes blasphemæ , si essent vel fuissent fideles , réque totâ vitâ suâ , debito cultu & recognitione honorassent.

12. Pro omnibus contemptibus & irreverentiis , quas aliquando mi Domine tulisti , & feres usque ad tempora Antichristi , innovo tibi & offero primum sacramentum à te , & primam communionem à Beatissima , Apostolis , & omnibus aliis factam , cum illa adoratione & honore , qualem Spiritus Sanctus illis inspiravit.

## Eodem Die.

### *Actus ante S. Communionem.*

**O** Quanta vis amoris cor tuum succendit. amantissime JESU. Cùm transiturus de hoc mundo ad Patrem mensam paraisti nobis habentem omne delectamentum , & omnis saporis suavitatem.

Grande quidem fuit & admirabile opus amoris tui , quòd naturam nostram assumere dignatus sis , sed longè præstantius & mirabilius est , quòd corpus tuum in cibum & sanguinem in potum reliqueris , in illo siquidem nostram suscepisti humanitatem , in hoc tuam largiris divinitatem.

O Coenam admirandam ! ô gratiam ineffabilem ! idem Dominus conviva est & convivium , cibans &

cibus, offerens & oblatio. Manducat homo panem Angelorum, qui jumentis insipientibus comparatus fœnum ut bos comedere dignus erat. Cibum percipit vitæ, qui de cœlo descendit, cibum omnis suavitatis, Sanctorum delicias, ferculum immortalitatis.

O quanta felicitas, homuncio bibit vinum cœleste, vinum germinans Virgines, & aridas sitibundæ animæ fauces potu saliente in vitam æternam refocillat: in loco pascuæ, in loco uberi collocatus, flumina mellis, fontes lactis, liquorem balsami fugit, torrente voluptatis potatur & ab uberrimis cœlestis ambrosiæ inundationibus inebriatur.

Sic totum mi Domine thesaurum gratiæ tuæ in nos effudisti, ut immensa hâc dilectione præventi amoris, vicem tibi rependere totis viribus satagamus.

Amo itaque te unicum meum solatium in hoc exilio, unica spes languentis animæ, unica mea felicitas & summum bonum, quo in terris frui licet. Amo te toto corde, tota virtute, atque utinam omni momento te ferventiùs semper amarem!

Hoc est ardens desiderium meum, huc feruntur gemitus mei, & suspiria cordis mei. Ad te enim trahis omnes vires animæ meæ, dum te ipsum transfundis in me, dum quantum fieri potest, me similem tui facis, dum esurientem animam meam non cibo aliquo terreno, sed pretioso corpore & sanguine nutris, satias, & saginas.

O ignis jugiter ardens & nunquam deficiens, ure cor meum, ut ardeat amore tui. Ignem venisti mittere in terram, accende illum & eventila, ut semper crescat.

Atque utinam possem omnium Sanctorum affectus & inflammata desideria habere, tæque semper sitire fontem vitæ, fontem sapientiæ, fontem æterni luminis, torrentem voluptatis! Utinam te semper esuriat cor meum, panem Angelorum, refectiorem anima-

rum



rum Sanctarum , & dulcedine saporis tui , repleantur viscera animæ meæ.

Renuit consolari anima mea , donec suscipiam te omne bonum meum Domine JESU , quem solum ardendissimè concupisco , cum omni affectu & devotione omnium electorum tuorum , tecum epulantium in mensa tua.

*Actus post S. Communionem.*

**C**redo dulcissime Amor mi JESU ! te in Sanctissimo Sacramento , quod recepi , esse cum divinitate , animâ , corpore , sanguine , meritis , virtutibus , gratiis , vivum totum , ac omnipotentem , & credo te cum Patre , Spiritûque Sancto esse in anima mea.

Credo autem , quia tibi credo , quia tu veritas es , & quia tu dixisti illud : Hoc est corpus meum. Tu es , qui venisti ad me Domine JESU DEUS meus , Dominus meus , redemptor meus , salus mea , vita animæ meæ , tu ipse & non alius , quem sub hoc panis velamento suscepi.

O admirabile mysterium , ô dulcissimum Sacramentum , ô adorande & divinis tatummodo sat dignè redamande amoribus Amor meus , quomodo ita me amantem redamabo ? O si millena corda haberem ea qua omnia plena iis affectibus , quibus abundavit unquam cor Mariæ , omnium electorum , ut desideris meis respondeat amor meus !

Nunquam te amabo , quantum amabilis es , & quantum te amare vellem. Vellem , si fieri posset , me tibi ita uniri , ut in permissione hujus tam amabilis unionis me ipsum perderem , neque amplius essem nisi in te.

In æternum volo amare te mi dulcis JESU , verus DEUS & verus homo , qui ex voluntate Patris coope-

rante Spiritu Sancto te mihi nascens in socium, convalescens in edulium, moriens in pretium, regnans in præmium dare dignatus es.

Assumo omnium creaturarum etiam possibilium adorationes, & amorosos affectus, omnesque illos in Te amor mi, quem hodie recepi, plena hilaritate effundo, eosque tibi omnes impendi, & affectum hunc in omne momentum & æternitatem continuari cupio & continuo.

O Sanctissime Amor, exosculor millies venerabiles manus, in quas acceptus est panis & benedictus, fractus, datulque discipulis! Exosculor pedes speciosos pro me clavis confixos. Exosculor latus divinum pro me lanceâ vulneratum. Exosculor mitissimum cor amore mei indignissimi peccatoris læcium. Exosculor totum sacrum corpus.

Compatior tibi DEus meus, quia pro tantis miserationibus tuis tanta reddimus mala. En non tantum à Judæis olim ô mitissime Domine passus es opprobrium & contemptum, sed etiam hodie ab Ethnicis, hæreticis, sagis, & quod majus est, à nobis perditis ac impiis Christianis, & Catholicis, quid non injuriæ pateris? Vellem mi DEus eviscerare me ad abolendos omnes defectus & irreverentias, quas aliquando tulisti & feres Domine, præcipuè hodie à sagis, Judæis, hæreticis, in sua cœna, paganis, idololâtris.

In supplementum harum omnium blasphemiæ, despectuum, contemptuum, derisionum, innovo tibi DEus meus & effundo mare illud affectuum, quos erga Eucharistiam elicuerunt Angeli Sancti, dum primum consecrata est, item Apostoli, Beatissima, ipse quoque Christus corpus suum, primum in cœnaculo sub speciebus panis pones, & ut putatur, sumetis.

Insuper desidero tot actus adorationis, salutationis, & recognitionis tibi mi Salvator amantissime face-

re,

re, quot in universo mundo consecratæ sunt, & consecrabuntur hostiæ, & quoties possunt fieri partibiles hostiarum, ita, ut cuius correspondeat amor & recognitio mea.

### *Die Parasceves.*

1. **O** Anima Christiana! respice in faciem Christi tui, & intueri speciosum formâ præ filiis hominum opprobriis, injuriis, verberibus, livoribus, contusionibus pro te ita deformatum, ut non sit ei species, neque decor.

2. Vide caput nobilissimum spinarum punctationibus transfossum & percussionibus attritum. Vide genas modestissimas sputis fædatis, alapis cæsas, sanguine cruentas. Vide oculos benignissimos lacrymis perfusos & ad ignominiam velatos. Vide os suavissimum siti ardentissima cruciatum; & felle atque aceto potatum.

3. Vide dorsum, supra quod fabricaverunt peccatores, verberibus dilaniatum, & humeros crucis pondere oppressos. Vide brachia amabilissima funibus devincta, & in cruce crudeliter extensa. Vide manus innocentissimæ durissimis clavis perforatas. Vide pedes delicatos tot itineribus defatigatos, ac cruci tandem affixos.

4. Vide corpus venerabile pro nobis in cruce suspensum, vulneratum, mortuum & sepultum. Vide sanguinem pretiosissimum, usque ad minimam guttam, pro nostra salute misericorditer effusum.

5. Pater! quàm stupendâ, quàm inauditâ charitate dilexisti me! ut servum redimeres, Filium tradidisti.

6. O mi JESU suavissime! abyssus bonitatis, tantæ res erat salus peccatricis animæ meæ, ut ei expiandæ tantum sacrificium ab æterno destinares? adeone

non taurorum aut vitulorum sanguine, non corruptibilibus auro vel argento redemptus sum, sed tui ipsius pretioso sanguine quasi Agni immaculati?

7. Quid retribuam tibi Domine mi JESU pro omnibus his, quæ tu tribuisti mihi? quomodo amabo te, vel potius quomodo redamabo te ita amantem me!

8. O si incessanter tot millenis vicibus te adorare, benedicere, te salutare & amare possem, quot suspiria mi JESU emisisti, lacrymas fudisti, quot dolores sustinuisti, quot lapsibus cecidisti, quot pœnosis gressibus ambulasti?

9. O si incessanter eâ flammâ amoris arderem, amando te, quâ ardes Tu, quâ ardet Mater tua, quâ ardent Seraphini! quâ ardent omnes Sancti tui!

10. O si tot millenis vicibus amore tui sanguinem meum effundere possem, quot vulneribus in flagellatione concisus, quot spinis in coronatione vuneratus, quot fatentibus sputis es maculatus, quot funibus ligatus, quot iniquis judiciis es condemnatus.

### *In Solemnitate Sancti Sepulchri.*

I. **O** Angeli! ô cœli! ô clementia! ô creaturæ omnes! adeste. En jam Dominus JESUS mortuus est!

2. Venite omnes ad sacrum hoc depositum jam sepulchro conditum, & mecum flere, nam pupilli facti sumus absque Patre. Cecidit corona capitis nostri.

3. O anima Christiana! Ecce quomodo bonus JESUS amavit te! Dedit pro te genas vellentibus, faciem conspuentibus, capillos extrahentibus, corpus percutientibus, caput coronantibus, manus pedesque perforantibus.

4. Ecce quomodo amavit te! Quando unica gutta sudoris, unicâ lacrymula, gressu, gemitu, ictu oculi.

li, voluntatis actu te redimere potuisset, ah quot guttas sanguinis, quod lacrymas, gressus, gemitus, horas, dies, annos impendit!

5. O dulcedo mea, quot amaritudinibus, ô gaudium meum, quot lacrymis! ô sanitas mea, quot vulneribus! ô vita mea, quot mortibus pro me obruta es!

6. O mi Creator, ô mi Redemptor quantum tibi debeo? quomodo tam exilis amor meus respondebit divino affectui & amor tuo?

7. O si cor meum esset Salamandra, & continuò ardens viveret in flamma amoris divini? ô si audiente toto cœlo & terra semper & ubique clamare possem: Millies ac centies millicies dignus est Agnus, qui occisus est, accipere virtutem, & Divinitatem, & sapientiam, & fortitudinem, & honorem, & gloriam; & benedictionem.

8. O si incessanter, mi dulcis Jesu! tuium reverendum caput pro nobis spinis coronatum, tuam faciem pro nobis consputam, tuos oculos lacrymis perfusos, tuas manus & pedes clavis confixos, cum gemitu & lacrymis osculari possem!

### *In Resurrectione Domini.*

I. **E**Xurge Domine! exurge de tenebris, & umbra mortis, non decet Sanctum Domini videre corruptionem.

2. O anima mea! en dilectus tuus candidus & rubicundus loquitur tibi, surge, propere amica mea & veni: jam enim hyems transiit doloris, imber abiit sanguinis, flores renascuntur lætitiæ.

3. O Pater! annuntio tibi gaudium magnum.

B b 5

Jesus



JESUS Filius tuus vivit! quem fera pessima devorare voluit, & ipse dominabitur in cœlo & in terra.

4. Confurge, confurge Maria, induere vestimentis gloriæ tuæ Virgo gloriosa. Surge & illuminare, quia venit lumen tuum, & gloria Domini JESU, gloria Filii tui resurgentis, super te orta est.

5. O Angeli pacis! gaudete in Domino, iterum dico, gaudete, en ille nuper despectus Rex vester, iterum speciosus formâ præ filiis hominum factus est.

6. Quàm magna multitudo dulcedinis vestræ ô SS. Apostoli! quam habuistis videndo & amplectendo Dominum vestrum è mortuis redivivum.

7. O si possem velocissimè totam peragrarè terram, & clamore valido ubique vociferari: Vivit JESUS! vivit JESUS!

8. Lætare & exulta anima mea! en cui nuper non erat aspectus, neque decor, nunc resplenduit facies ejus sicut sol, vestimenta autem illius facta sunt alba sicut nix.

9. Infelix Synagoga, vidisti nuper Regem tuum & fecisti tanquam leprosum, & novissimum virorum, en cerne! ut pulchritudinem illius sol & luna mirantur.

10. Ostende etiam mihi mi dulcis JESU faciem tuam gloriosam! sufficit mihi illam videre, antequam moriar. O si citiùs venirem & apparerem ante te! tunc cum lætitia exclamarem: Dominus meus & DEUS meus.

11. Sancte JESU per sanctam Resurrectionem tuam te rogo, fac me sanctum: resuscita me cum sanctis illis, de quibus dicitur: Multa corpora Sanctorum, qui dormierant, surrexerunt. Duc me in Sanctam civitatem tuam, in qua tu es: fac me ita vivere, sicut Sancti illi, à te resuscitati viverunt tecum.

12. O vere Agne, qui abstulisti peccata mundi! aufer & me, qui mortem nostram moriendo destruxisti,

fi, destrue & meam; qui vitam resurgendo repaasti, repara & meam.

13. Quid verò sunt plagæ istæ in medio manuum tuarum? in medio pedum tuorum? in medio cordis tui? O verè sunt æterni testes amoris, divinæ monumenta pietatis; cruentæ trophæa victoriæ, nimix symbola charitatis, verè sunt januæ cœlorum, sunt claustra inferorum, sunt fodinæ gratiarum, sunt deliciæ hominum & Angelorum.

14. Exosculor mi JESU hæc rosea vulnera, ac cicatrices tuas splendidiore sole, exosculor tuum deificatum cor, quod in morte tua tam vehemens rupit amor & dolor.

15. O utinam mergar & absorbear pelago pietatis istius abyssio miserationum illarum; utinam inter vulnera illa, intra viscera illa abscondar, ibique perpetuo stupore defixus exclamem æternitate tota: DEUS meus & Amor meus!

16. Imprime mi mihi, dulcis JESU! cicatrices istas & lancinent cor meum altissimo vulnere & vulnere sempiterno: ut tui unius desiderio langueat cor meum, tui unius amore moriatur, & moriens resurgat, & te diligat in æternum.

## Eodem die.

### *Actus ante S. Communionem.*

**A** Djuro vos Filix Jerusalem, animæ beatæ, si inveneritis dilectum meum, & nuntietis ei, quia amore langueo. Quæro dilectum meum candidum & rubicundum, & non invenio.

O Vita! per quam vivo, siue qua morior, ubi, quæso,

so, es, ubi te inveniam? ubi es dilecte ex millibus, ubi es? longa mora amanti! quousque ludis amantem amor? sonet vox tua in auribus meis, vox enim tua dulcis, & facies tua decora.

Quid dicam? quid faciam? quò vadam? ubi eum quæram? vel quando inveniam? quem rogabo, quis renuntiabit dilecto, quia amore languco? Defecit gaudium cordis mei, versa est in luctum lætitia mea: defecit caro mea & cor meum DEus cordis mei & pars mea DEus in æternum. Renuit consolari anima mea nisi de te dulcedo mea. Quid enim mihi est in cœlo, & à te quid volui super terram? Te volo, te spero, te quæro, tibi dixit cor meum: Quæsi vultum tuum, vultum tuum Domine requiram, non avertas faciem tuam à me.

At verò non ampliùs plorans plorabo, quia consolatus est Dominus populum suum, & pauperum suorum miserebitur. En Angelus Domini evangelizat nobis gaudium magnum: Surrexit Dominus, non est hic, ecce locus, ubi posuerunt eum. Dicite omnes Sancti in nationibus, & annuntiate hoc in universa terra, quia surrexit Dominus, vivit JESUS!

Verè surrexit, quia Dominus est, quia potestatem habet ponendi animam suam, & iterum sumendi eam. An non licet ei facere, quod vult? an non Dominus est vitæ & mortis, habens clavem in manu sua, & quis resistet illi? Quis similis tui in fortibus Domine, magnificus in sanctitate, terribilis atque laudabilis & faciens mirabilia?

Benedictus sit Dominus DEus noster, in multitudine virtutis tuæ, in magnitudine brachii tui, in splendore fulgurantis hastæ tuæ, in altitudine consilii tui, & profundis abyssis cogitationum tuarum, verè Domine tu es Rex potens ad salvandum, redemisti, salvasti, vivificasti, eduxisti nos, confregisti sceptrum exacto-

exacto-  
res no-

G  
magnifi-  
eduxisti  
erat aqua  
tuum v  
mortalit  
sti, sim  
tionem

Ex  
phetaru  
gloriæ  
in quo  
tamus  
hodie la  
verbis  
vificavit

C  
Domi  
cœlo d  
sus ani  
tantum  
ia hoc S  
ducare  
tavit, c  
discipul

C  
C  
t

exactoris , & triumphasti adversarios tuos oppressores nostros.

Gratulamur tibi Domine Majestatis gloriosam & magnificam resurrectionem tuam. gratulamur tibi, quia eduxisti in fortitudine tua victos de lacu, in quo non erat aqua. Gratulamur tibi, quia non dedisti Sanctum tuum videre corruptionem in sepulchro, sed stolâ immortalitatis, & communicatione gloriæ illud induisti, simulque etiam nobis servulis tuis spem, & expectationem resurrectionis per te nostræ futuræ exhibuisti.

Exultamus cum Sanctorum Patriarcharum, Prophetarum, Patrum cætibus universis, quos Tu ô Rex gloriæ & desideratus eorum, eduxisti victos de lacu, in quo sedebant te expectantes liberatorem suum. Exultamus cum universis cælis, cœlestibus choris, quos hodie lætificavit resurrectio tua. Exultamus & cum universis creaturis, quas splendor resurrectionis tuæ vivificavit & recreavit.

Consolari etiam digneris hodie animam meam mi Domine! ut cognoscam te in fractione panis, qui de cœlo descendit. Appare mi JESUS gloriosus & formosus animæ meæ. Cupio te eo affectu intensissimo non tantum apparentem mihi, sed etiam te inviscerantem in hoc Sanctissimo Sacramento excipere, sumere, manducare, quo affectu te resurgentem, & gloriosum salvavit, excepit, adoravit dulcissima Mater, ac omnes discipuli tui.

### *Actus ante S. Communionem.*

**C**redo, quod Redemptor meus vivit. Vivit in me Christus. Exultat Spiritus meus in DEO saluatore meo, Gratias tibi ago, quia tu venisti ad me,  
Domine.

Dominus meus & Deus meus. Osculor Domine sacrosancta vulnera tua.

Vivat in me JESUS, regnet, triumphet JESUS, Dei vivi & Mariæ filius, qui ex Patre genitus ante omnia sæcula eidem consubstantialis, pro me nasci & mori voluit, qui denique à mortuis redivivus hodie victor exiit.

Amate & recreate Dominum in me contentum omnes Sancti Angeli, cantate illi pro me Sanctus vestrum. Desinam Domine esse, si non debeo amare te. Saluto te hospes anantissime, cum tua Sanctissima Genitrice, Matréque omnium nostrum MARIA, quæ te vivum & triumphantem de morte recepit, salutavit, complexa est. Cujus animam sicut in tua morte gladius doloris pertransiit, sic in resurrectione tua triumphus exultationis inundavit.

Salutat te etiam cum omnibus creaturis tuis anima mea, quæcunque sunt in cælo & in terra, sanguine tuo redempta, morte tua vivificata, resurrectione tua resuscitata, insuper etiam corpore & Sanguine tuo pasta, refecta, & saginata.

In persona omnium hominum in toto mundo existentium, ac præcipuè nomine universæ sanctæ Ecclesiæ tuæ Catholicæ, solemnitatem Resurrectionis tuæ cum læticia & exultatione recolentis saluto & adoro te immortalis VICTOR mortis & inferni, Domine JESU Redemptor humani generis, Pater futuri sæculi, primitiæ resurgentium, te Dominum universorum agnosco, de tuo triumpho & devicta morte ac inferno, cum toto mundo gaudeo & exulto.

Nomen tuum & memoriale tuum Domine mi in desiderio animæ nostræ, quia cum dilexisses nos servulos tuos, usque in finem dilexisti, & posuisti animam tuam dilectam pro nobis, rursusque assumpsisti eam, & reduxisti victor à sepulchro inter mortuos liber.

In



*In Ascensione Domini.*

1. **A**biisti Domine in cœlum , quia malè tibi in terra à nobis peccatoribus fuit.

2. O Domine ideòne tot annis quæsitus , tot sæculis expectatus , tot lacrymis quæsitus fuisti , tot votis expetitus , tot suspiriis exoptatus , ut brevi nobiscum conversatus redires ? quid displicuit tibi in nobis ?

3. Quomodo mi Domine potes dicere : deliciae meæ sunt esse cum filiis hominum , cum in altissimis habites , nos autem relinquant in infimis ?

4. O Pater ! quid facis nobis sic ? omnes dolentes amittimus Salvatorem nostrum , & non est tibi curæ , quòd nos desolatos relinquat ?

5. Utinam mi Domine ! disrumperes terram hujus corporis mei , & irem ad te. Quid enim mihi est in cœlo , & præter te quid volo in terra ?

6. O si citiùs de custodia corporis mei educeretur anima mea , quod videndo Deo meo officij ! O si darentur mihi pennæ sicut columbæ , volarem & requiescerem sub umbra illius , quem desiderat anima mea !

7. Super flumina tantisper Babylonis hujus sedebam & flebo , quamdiu recordabor tui Sion , non quidem propter te , sed propter eum , qui habet solum suum in te.

8. Dic ergo jam anime mi ultimum vale Salvatore tuo. Vale mi Redemptor , vale mi duleis Amor , sed memento mei , dum veneris in regnum tuum. Vale Frater amabilis nimis ! vale Sponse animarumstrarum ! sed prius ante discessum da Jesu benedictionem , da Frater amplexum , da Sponse dilectæ amoris suavium.

9. Intelligis tu Domine & superintelligis omnia. Intellige super me egenum & pauperem, ac me desolatum redde Matri tuæ : ne derelinquas me orphanum, da mihi dulcissimam hanc Matrem, qui dona das hominibus.

10. O qui ascendens in altum captivam duxisti captivitatem ! gratulor tuæ magnificentiæ, super cælos elevata ! Fac me magnificum in sanctitate. Tu scis, quid me captivum teneat, ne liber amem te, hanc meam captivitatem captivam ducas in triumpho tuo.

11. Omnis pulchritudo tua elevata est super sidera : da, ut omnis amor meus habitet ibi tecum, in amore veræ pulchritudinis occupatus. Utinam semper ibi sit cor meum, ubi est thesaurus meus !

12. O JESU, qui es plusquam Elias curru igneo hinc abreptus : fiat super me Spiritus tuus duplex, timoris, quo timeam Deum tuum & Deum nostrum, amoris, quo amplectar Patrem tuum & Patrem nostrum, ad quem ascendis.

13. Dixisti Domine : Ego, si exaltatus fuero à terra, omnia traham ad me ipsum. Trahe me, obsecro, post te, & educ in altum ; ut mihi quotidie ascensiones in corde disponenti hæc infima, minora semper & minora videantur.

14. O gloriose triumphator, qui hodie super omnes cælos ascendisti, & jam venisti in regnum tuum, obsecro, memento nostri, memento, quod sis os de ossibus nostris, & caro de carne nostra. Utique & in manibus tuis descripsisti nos, lege scripturam istam, & salva nos.

15. Jam non possum tristari, quia Christum Advocatum habemus in cælis : ille pro nobis exhibebit Patri latus & vulnera, Mater Filio pectus & ubera, certè non poterit esse repulsâ, ubi tot concurrent charitatis testimonia.

Eodem

H

Elevati  
di, An

Regum  
rari no  
gratias  
ille for  
na cœl

Q  
benedi  
non su  
teram  
O si e  
qua ul  
impress

O  
mi JES  
quando  
dera ?  
fed eti  
dedisse  
Omnes  
exultat  
ram on  
Deus i

## Eodem Die.

*Actus ante S. Communionem.*

**H**eu mihi Domine ! heu animæ meæ ! recessisti consolator animæ meæ, nec vale dixisti, Ingrediens vias tuas benedixisti tuis, nec affui ! Elevatis manibus à nube susceptus es in cœlum, nec vidi, Angeli promiserunt te rediturum, nec audiavi.

Cur ego indignus & infelix ascendentem Regem Regum, Dominumque gloriæ videre non potui, mirari non potui, comitari non potui ? credere vix per gratiam ejus mereor. Ah me ! quare non adfui cum ille formosus in stola sua juvenis Homo Deus in superna cœlorum conscendit ?

Quare non excepi ejus ultima verba ? quare ultimo benedicens filios caput non reverenter inclinavi ? cur non sum divinam illam amplexatus, osculatusque dexteram ? cur ad pedes non sum prostratus divinos ? O si ego tunc potuissem fuisse illa particula terræ, in qua ultimo steterunt pedes ejus, & in qua vestigia impressa reliquit pedum suorum.

O quàm felix & beatus fuisset, si vidisset te mi Jesu, cum ad cœlos te tua virtute subvehebas, quando omnis pulchritudo tua exaltabatur super tyberem ? Tunc ego totus mei ipsius non tantum oblitus, sed etiam exutus, atque totus vox exultationis factus, dedissem vocem meam in orbem, clamans & jubilans : Omnes gentes plaudite manibus, jubilate Deo in voce exultationis, facite vocem jucunditatis, magnificetur coram omnibus gentibus novum Alleluja, quia ascendit Deus in jubilatione, & Dominus in voce tubæ.

O quàm beati illorum oculi, qui abeuntem in cœlos Deum hominem contemplati, atque fixis obtutibus comitati sunt. Quibus gratuleri vobis vocibus ô animæ Sanctæ, Sanctissimi gregis Christi, beatum illud spectaculum, ipsis etiam Angelicis meritis admirandum! Gratulor vobis ô animæ Sanctæ, quia interfuistis, vidistis ascensorem cœli Deum & Patrē vestrum. Multi enim Reges & Prophetæ desideraverunt videre tanta mysteria, quæ vidistis; nec viderunt.

O tu cor Virgineum, ô cor Maternum, ô cor Mariæ! ecquid tibi & Filio abeunti intercessit? Hoc utique nec humana mens, nec ipsi Angelorum chori comprehendere sufficiunt.

Quid ergo nunc dicam, aut quid respondebo, dum dicitur mihi hodie: ubi est DEUS tuus? ubi es tu mi JESU amor dulcis noster? Converte parumper oculos tuos, ut intuear te, nec faciant à me avolare aspectum tuum: sonet adhuc vox tua, vel ultimo in auribus meis, vox enim tua dulcis, & facies tua decora.

Tibi amator hominum benignissime, derelictus est pauper, orphano tu eris adjutor, ergo miserere mei orphani derelicti, pupillus factus sum absque Patre, anima mea quasi vidua. Exhibe te adhuc ori animæ meæ, & faucibus cordis mei in cibum atque potum salutis, ut gustem te, & explear te.

Quis enim scit, quando replebimur ab ubertate domus tuæ? & torrente voluptatis tuæ potabimur? & quando perveniet spiritus meus usque ad locum habitationis gloriæ tuæ? ut ibi super mensam refectionis civium supernorum pascatur de micis tuis in loco pascuæ tuæ juxta fluentia plenissima?

Interea dum tædia vitæ toleranda sunt? in loco hoc peregrinationis meæ & exilii pascar Eucharistico manna, pane Angelorum, deliciis cœli, donec aspiret dies æternitatis, & inclinentur umbræ hujus  
vitæ,

vita, donec videam facie ad faciem illum, qui modo absconditus hinc me respicit per cancellos.

Illo te mi dulcis Jesu cordis mei affectu, tam dulciter expansis animæ meæ brachiis, tam affectuoso mentis gaudio excipere desidero, quo te Pater æternus tuus venientem ad se in cælum excepit, atque ad dexteram suam collocavit. Tam hilariter patet tibi anima mea universa, quàm effusè patuit tibi ingredienti tota cælorum Regia. O cordis porta dilatare, ut sis vastior cælo, cælique Dominum capere possis.

*Actus post S. Communionem.*

**U**Nde inveni hanc gratiam in oculis tuis mi Jesu, quia me vilissimum peccatorem admittere dignatus es ad vivissimum tuæ mensæ convivium.

Et quis sum ego pulvis & cinis, ut apponeres erga me cor tuum inclinans cælos & descendens, ut deficientem præ fame animam meam non manna de cælo, sed carne tua immaculata, reficeres & satiares?

Si cæli cælorum te capere non possunt, & Angeli non sunt mundi in conspectu tuo, quis ego sum, & quæ domus mea, ut ad me venire & in me commorari volueris? Quid in me invenisti Rex tremendæ majestatis, quod à templo gloriæ tuæ traheret te, & iterum descendere faceret in abyssum miseriarum?

Vos Angeli Sancti, vos omnes Electi DEI, venite, audite, & narrabo vobis, quanta fecit DEUS animæ meæ. Cùm essem pauper & abominabilis, nec auderem oculos meos levare ad cælum præ multitudinem iniquitatum mearum, ille me de pulvere suscitavit, ut de mensa ejus comederem omnibus diebus vitæ meæ.



Quid ergo retribuam Domino pro omnibus, quæ tribuit mihi? Ego nescio loqui, quia puer ego sum, non annis, sed sensu. Quis enim amor infinitæ charitati ejus à me reddi potest, qui frigus & geludici, non autem amor mereatur? Quæ laus, adoratio, quale obsequium meum erit, quod nullum non reddat infinita ejus perfectio & dignitas, & ima ac summa indignitas mea? Tu nosti Domine figmentum meum.

Tibi ergo laudes concinant, tibi mecum gratias agant universi populi, tribus, & linguæ, omnes Angeli & Sancti tui, quoniam misericordia tua magnificata est super me, & miserationes tuæ super omnia opera tua. Jubilent tibi omnes creaturæ, quæcunque cœli, terræ, & abyssi ambitu continentur, & laudem tibi perpetuam dicant.

O si etiam cor meum illâ amoris flammâ, illo æternæ charitatis igne succensum in æternum ardere posset, quo ardent Seraphini, quo tuo in cœlum adventu ardebat Mater tua, & omnes Electi tui, tua illa in triumpho ducta beata captivitas.

### *Die Pentecostes.*

1. **Q**uod munus pro Salvatore nostro dabis cœlum nobis? emitte, obsecro, Spiritum tuum, & renovabis faciem terræ.

2. Utinam divinissime Spiritus disrumperes cœlos, & ad me descenderes, quia anima mea, velut terra sine aqua tibi.

3. Quemadmodum desiderat cervus ad fontes aquarum, ita anima mea Te desiderat desideriiis Virginis Matris, & Apostolorum.

4. Veni Creator Spiritus, & emitte cœlitus lucis tuæ radium. Veni Pater pauperum, veni dator munerum, veni lumen cordium, Consolator optime, dulcis hospes animæ,  
dulce

dulce refrigerium. In labore requies, in æstu temperies, ni fletu solatium.

5. O lux beatissima, reple cordis intima, tuorum fidelium. Sine tuo numine; nihil est in homine, nihil est innoxium. Lava, quod est sordidum, sana, quod est faucium, flecte, quod est rigidum, fove, quod est frigidum, rege, quod est devium.

6. Da tuis fidelibus in te confidentibus sacrum septenarium. Da Virtutis meritum, da salutis exitum, da perenne gaudium.

7. Recipe me (ô Sponte) inter suavissimos amoris tui amplexus, quibus constrictus spiritus meus totus ardeat, & comburatur.

8. Accende cor meum frigidissimum igne tuo DEUS meus; tu enim ignis comburens es, & facis ministros tuos ignem urentem.

9. Produc divinissime Hospes austrum ardentissimæ dilectionis tuæ, qui me tam valido impetu à mundo impellat in te, ut à me ipso translatus deinceps spiritum non habeam extra te.

10. O si vulnerares mi DEUS hanc animam meam peccatricem igneo & potentissimo telo tuæ nimis charitatis, ut ex ipso vulnere amoris tui uberrimæ fluant lacrymæ die ac nocte.

11. Meis affectibus carco optatissime ac desideratissime Hospes! ideo offero tibi affectus & amoris æstus, quibus ardebat cor Virginis Matris, & Apostolorum in tuo adventu.

12. O si linguis omnium hominum & Angelorum loqui possem, irem per universum mundum, & annuntiarem hoc gaudium magnum: Spiritus Domini replevit orbem terrarum.

13. O Patris, ô Filii amor æterne SS. Spiritus! gratulor, quod sis DEUS! Gratulor, quod innumera illa pulchritudo & bonitas ametur à se ipsa tantum, quantum est ipsa.

14. Quidquid boni accepit ullus à te , gratias ago tibi ! Quidquid boni fecit ullus , gratulor tibi & illi : Opto , ut ameris tot Seraphicorum chororum cordibus , quod tu mente tua infinita potes concipere . Opto , ut omnes homines tuo amore semper ardeant , & nullus non amet , qui potest amare .

15. Displicet mihi , quidquid mali fit , aut unquam factum est contra te . Utinam prohibere possem mala omnia , & bona , quæ sunt , augere omnia , ac omnium cordibus amare te , singulisque momentis vitæ meæ tantum facere boni , quantum factum est ab omnibus unquam !

16. Utinam mea & omnia omnium peccata possem in pretiosissimos , tibi que gravissimos excelsæ & ardentissimæ erga te charitatis actus , adeoque ipsas inferni flammæ ( si id tibi placeret ) in æternum tui amoris ignem convertere , ac omnia corda frigida linguis igneis tibi accendere !

## Eodem die

### *Actus ante S. Communionem.*

**E**N pulvis & cinis procido ante te ! adoro te , confiteor & agnosco divinissime Spiritus Paraclete , Spiritus veritatis , DEUS de Patre DEO , de Filio DEO , procedens DEUS . Tu enim es Patris & Filii consubstantialis & coæternus ac coequalis amor .

O quis mihi dedisset tunc immensum stare turbæ illi sanctæ , pusillo gregi Christi , novellæ Ecclesiæ , in quam tu sacro Pentecostes die in linguis igneis distertitis descendisti & sedisti : tunc illâ purissimâ flammâ , illo insatiabili æstu desiderii , amoris , gaudii , arderet cor meum , tunc dilataretur , & deliciis afflueret ab omnimoda gloria tua .

O ar-

O ardor salutaris! ô ignis divine, ignis sancte, ignis desiderabilis, ignis vivificans, ignis accendens & purificans, ignis transformans, Spiritus Sancte Paraclete! te nunc appello, te obtestor, qui felicissimo incendio hodie orbem terrarum succendisti, accende me, purifica me, ad amorem tui inflamma me.

O Lux beatissima cordium! quibus te desiderabo votis, quibus anhelabo tediis, quibus ad te suspirabo cordibus? Ecce quantus quantus sum, totus desidero te, totus suspiro ad te, tota substantia me tibi ostium patet.

Complaceat tibi ô DEus donum, & DEus Spiritus, ô DEus amoris, complaceat, inquam, tibi in anima mea ancilla tua. Respice ad illam & descende in eam. Complaceat, quæso, tibi hoc etiam exiguum cor meum, ut desectas ad illud, accendas illud, & sanctifices, & inhabites.

O dulcis hospes animarum, & quid est, quod impedit te, ne possit requiescere pes tuus in me? non quidem loquar quasi me justum sciam, cum contra me testimonium meum dicant peccata mea multa & magna nimis, sed quia ipsa peccata mea ac miseriæ meæ faciunt locum misericordiæ tuæ, provocantque bonitatem tuam, ut sanet infirmitatem meam & auferat iniquitatem meam. Veni itaque ô Sancte Spiritus! veni ad animam meam. Plavê Domine inculcarem te, si nolles venire ad me. En desidero recipere te, & desidero cordialiter.

Hæc sunt vota mea ad te ô Pater votorum meorum? Hæc sunt suspiria mea, quibus clamo post te currentem ad animas justas abs te tibi præparatas, ut venias quoque ad animam meam, neque pertranscas eam, alioqui quæ mihi utilitas in adventu tuo, aut quis mihi fructus donorum tuorum. Si ego vacuus te sum & sic nec de te, nec de bonis tuis, gustat & gaudet anima mea?

Noli expectare, ut animam præparem tibi, quia illa ipsa expectat, ut pares eam tu ipse tibi. Utique in hunc finem nobis creaturis tuis orphanis tuis, misere te Unigenitus DEI ad corda nostra, ut mundares ea, & faceres templum tibi, atque illi, & Patri æterno. Veni ergo Pater pauperum, veni dator munerum, veni lumen cordium.

Veni cum illa carne, cum illo sanguine, cum illa anima, cum illa humanitate, cum illo DEI Patris Virginisque Mariæ Unigenito, cum illo Homine DEO de te concepto, à te sanctificato, cui de purissimo Virginis MARIE sanguine corpus & sanguinem adaptasti utero Virginali.

O amor cordis! qui semper ardes, & nunquam extingueris, ô vita animæ meæ, ô dulcedo! dilata angustias cordis mei, ut capiam te, & degustem interiori mentis ore, quàm suavis sit Domine spiritus tuus.

### *Actus post S. Communionem.*

**Q**uid retribuam tibi Domine pro omnibus, quæ tu tribuisti mihi! quid retribuet tibi anima mea, insignita tua imagine, redempta tuo sanguine, desponsata fide, dotata Spiritu Sancto, & ab eodem sanctificata, insuper corpore & sanguine tuo refecta?

Unde mihi indignissimo terræ vermiculo, peccatori miserrimo, tanta dignatio, tanta miseratio, tam stupenda tantæ majestatis dilectio, ut tu sic venias ad me, ut corpus & sanguinem tuum, id est, te ipsum, modo prorsus admirabili, in hoc Sacramento largiaris? O charitas! ô pietas, ô novum & admirabile beneficium!

O Divinissime Spiritus! si venisti ignem mittere in terram, cur non accendis hoc frigidissimum cor meum, ut succensum comburatur, & in cineres abeat dilect-



lectionis tuæ? cur flammis tuæ immensæ charitatis transflammatum te solo & te solum non ardet? cur ego totus non consumor, non liqueco? cur non totus deficio à me, & transeo in te? quomodo non tota se anima mea eviscerabit in charitatem bonitatis & misericordiæ tuæ?

O Domine pro omnibus, quæ tu tribuisti mihi, misericordias tuas in æternum cantabo. Magnificet anima mea Dominum tot, tantisque affecta ejus beneficiis, & exultet Spiritus meus in DEO salutari meo, quia respexit humilitatem servi sui, & fecit mihi magna, qui potens est, & esurientem implevit bonis.

O si omnium electorum tuorum corda Spiritus sancte DEUS amore tui inflammatisissima, si ora in laudem tuam eloquentissima nunc haberem, omnibus illorum cordibus te amarem, omnibus illorum vocibus te laudarem, cum Patre & Filio in corde meo commorantem, atque per communionem sanctissimi corporis Christi JESU, præsentiam tuam mihi indulgentem.

Benedicat te mi DEUS tota substantia animæ meæ & corporis mei. Glorificent te omnia interiora mea. Benedicant & laudent te pro me omnia mirabilia opera tua. Benedicant te magnæ miserationes & misericordiæ tuæ, infinita beneficia tua mihi à te ô DEUS cordis mei impensa, & universæ creaturæ. Jubilent tibi omnia pietatis & bonitatis tuæ viscera.

*In Festo SS. Trinitatis.*

1. **C**redo te DEUM Patrem ingenitum, Filium unigenitum, Spiritum Sanctum ab utroque procedentem. O credam & fruar semper! quia tu DEUS meus es principium meum & finis ultimus, & mea æterna beatitudo!

2. O DEUS immensæ majestatis! in omni loco cœli, aëris, terræ, aquæ, purgatorii, inferni, in omni loco dominationis tuæ ante te procido, tibi genu-flecto, te ubique præsentem adoro.

3. O Pater, principium absque principio! gaudeo, quòd infra te verbum æternum concipias, Filium-que generes, adeò tibi similem, ut sit unum & idem tecum in essentia.

4. O DEUS infinite, qui es trinus in personis, sed unus in essentia; & ita divinitatem communicas, ut unitas non lædatur, communica mihi copiosam gratiam, ut sim unus tecum charitate perfecta.

5. O DEUS unitas! ô DEUS Trinitas! Credo, adoro, & laudo te, pro omnibus, qui te ignorant, vel blasphemant, sive in terris, sive in inferno.

6. O si fidem annuntiare possem in universo mundo, & omnes infideles ad te DEum convertere! quàm libenter id facerem, etsi propterea omnia tormenta, omnes cruciatus sustinere deberem.

7. Utinam possem DEUS meus omnium infidelium intellectibus in te credere, omnium affectibus te amare, omnium viribus tibi servire! utinam possem blasphemias omnium damnatorum in laudem tui commutare.

8. Detestor mi DEUS contra te trinum & unum omnes errores, & irreverentias ubicumque in toto mundo factas, ac omnes blasphemias anathematizo.

9. Pro omnibus & in omnibus creaturis, quæcunque fuerunt, sunt, & erunt, sive rationales illæ, sive non, te adoro, te laudo, tibi gratias ago, tibi in-clamo? Benedicite omnia opera Domini Domino: Sanctus Sanctus Dominus DEUS Sabaoth. Gloria Patri &c.

10. Desiderio, ut quævis creatura rationalis tibi serviat, te laudet, te amet, propter solam & maxi-

MIAMI

nam gloriam tuam, ob amorem & beneplacitum tuum, ob tuæ voluntatis impletionem, ac in adorationem & latriam tibi debitam.

11. Desidero per quamlibet creaturæ rationalis actionem exhiberi tibi, quidquid unquam te dignum cogitari & exhiberi tibi debet, potestque à quocunque & omnibus in toto mundo.

12. Opto per quamlibet actionem meam reproduci, approbari, & ratificari omnes actus sanctissimos, sive in cælo, sive in terra elicitos, & eliciendos ad gloriam tuam.

13. Quidquid boni de te scriptum habent bibliothecæ omnes; quidquid boni de te scripsit, vel cogitavit ullus; quidquid in thesauro scientiæ est, quod tibi offerri à me possit, id omne tibi offero.

14. Quidquid unquam per totam vitam meam cogitavero, dixero, fecero, id totum offero tibi & consecro in gratulationem de bonis tuis, in satisfactionem pro malis meis, in impetrationem amoris, quo te magis ac magis amare vellem semper.

15. Quotiescunque ad te sustulero animum meum, atque de te cogitavero, audiero; toties cordialiter cupio dissolvi & videre te in cælo, toties omnes & singulos omnium actus peccaminosos desidero per intensissimos ac elici possibiles, amoris, doloris, & appretiationis affectus compensare; toties cupio in persona omnium peccatorum restituere honorem

Excellentiæ, dignitati, & immensitati divinæ.



Eodem

## Eodem die.

*Actus ante S. Communionem.*

**I**N misericordia sempiterna misertus sum tui, dieis Redemptor meus Domine. Sed quantâ vel quali? tanta, quæ sæculis respondeat infinitis.

Præ cæteris dilexisti me, & divitias bonitatis tuæ copiosius in me effudisti, dum ex tot millibus, quos oblivioni dedisti, elegisti me, ut essem in tempore. Adhuc terram non feceras, & me creaturam tuam fore prævidisti, de nihilo me facere decrevisti, priusquam me formasses in utero, novisti me, & antequam exirem de illo, quidquid tibi placuit, præordinasti de me.

Quid, quæso, invenisti in me, quod præ cæteris ante mundi constitutionem sic diligeres me? Quid enim egeram, qui non eram? Siccine ô bonitas infinita in charitate perpetua dilexisti me, & ideo eduxisti me de nihilo miserans mei? Utinam fuisset ab æterno & ab æterno te amassem amore Seraphico!

Necdum hîc stetit amor tuus. Insper mi Domine, cò in amore video progressum, ut mihi mortuo cani, & vilissimæ Creaturæ tuæ, dones & offeras carnem tuam, & sanguinem, unde comedam & bibam, & inebrier amore tui, & vivam & moriar in te vita mea DEUS meus & omnia!

O prodigium amoris! ergone pauper & humilis pascar, & satior pane hoc suavissimo de cœlo præfuto, quo tuam in filios dulcedinem demonstras, quos esurientes replebis bonis, & fastidiosos dimittis inanes?

Quid est homo, quod memor es ejus mi Domine, aut filius hominis, quia reputas eum? Utiqûe sum cadaver putridum, etica vermium, vas fetidum, cibus igni-

ignium. Utrique homo vanitati similis factus, comparatus jumentis insipientibus, & sæpius similis effectus illis.

O mi Creator, ô mi Redemptor, quantum tibi debeo! opus utriusque mirabile & amabile. In primo enim opere me mihi dedisti, in secundo te. Loquar ergo ad te Dominum meum, cum sim pulvis & cinis. Memento verbi tui servo tuo Domine, in quo mihi spem dedisti, tu enim promissisti. Ad eum veniemus & mansionem apud eum faciemus.

Domine ante te desiderum meum, & gemitus meus à te non est absconditus, paratum cor meum DEUS! paratum cor meum, quod totum tibi offero. Desiderium pauperis exaudi ô Domine, præparationem cordis ejus audiat auris tua.

Ecce in siti desideriorum ferventi hodie venio ad te & tibi cor meum in habitaculum humiliter offero, tuam exorans clementiam, ut dignanter advenias in animam meam, & in medio cordis mei sedem tibi colles, ut delicias tuas etiam in me habere digneris.

Desidero Pater æternæ cum eo affectu, eaque donorum cœlestium copia Christum sub his speciebus suscipere, quo illum pretiosissimæ Virgini Parenti, & per illam universo generi humano in Incarnatione dedisti.

Desidero Fili Redemptor mundi DEUS cum eo affectu te suscipere, quo tu ipse te in ultima cœna consecristi, & sumpsisti, in ara crucis obtulisti.

Desidero Spiritus sancte DEUS tam mundum cor & corpus habere, propter divinissimum Sacramentum recipiendum, quàm mundum, purum, atque dignum. effecisti in Parente pretiosissima Virgine MARIA, quando verbum æternum ex-  
ptum erat.





*Actus post S. Communionem.*

**O** Taceo! nec habeo ultra spiritum, sed & anima me liquefacta est à vultu cordis tui mi Hospes amantissime. Verè implesti, quod promisti, credo enim, quia venistis ad me ô Pater, ô Fili, ô Spiritus sancte, & mansionem apud me fecistis.

Ideo cum Angelis & Archangelis, cum Thronis & Dominationibus, cum Cherubinis & Seraphinis, & cum omni militia cœlestis exercitus hymnum gloriæ tuæ concino; ô DEus Unitas, ô DEus Trinitas: Sanctus, Sanctus, Sanctus, Dominus DEus Sabaoth. Pleni sunt cœli terra gloriâ tuâ.

Benedicimus te DEum cœli, & coram omnibus viventibus confitebimur tibi, quia fecisti nobiscum misericordiam tuam. Tibi laus, tibi gloria, tibi gratiarum actio in sæcula sempiterna ô beata Trinitas.

Pronus ac supplex procido ante te, ô superaugusta ac ineffabilis Trinitas DEus meus, sub his sacramentalibus speciebus existentem. Nam tu ô Pater æternæ isthuc æterni genitum filium tuum generas, & tu ô Fili ex Patre hinc nascens, ibidem Spiritum sanctum unâ cum ipso Patre spiras. Et tu ô Spiritus sancte à Patre Filioque hinc spiratus.

Adoro te devotè hinc latens Deitas, quæ sub his figuris verè latitas. Adoro & laudare cupio tot laudibus, quot tu ô Sanctissima Trinitas tuâ sapientiâ concipere, bonitate optare potes, quot omnes Sancti Angeli & Electi tui clicuerunt & elicient.

Sis ô JESU cum Patre & Spiritu Sancto infinitè benedictus ab omnibus Sanctis tuis & omnibus etiam possibilibus creaturis, in omnibus perfectionibus, operibus & beneficiis tuis, super omnia gratis propter te in æternum & ultra.

Assu-

Assumo omnes omnium creaturarum affectus, iisque te hic præsentem & latentem adoro, colo, veneror, hancque adorationem in æternum continuo. Imò etiam in persona omnium de te mi DEUS nescientium aut scire nolentium, ut sunt idololatæ, pagani, athei, blasphemi, firmissimè profiteor Te trinum esse & unum nomine illorum ac totius mundi Tibi Regi sæculorum immortalis & invisibili reddo gloriam & honorem.

*In Festo Corporis Christi.*

1. **V**enite omnes, audite, & narrabo vobis, qui timecis DEum, qui amatis Dominum JESum, quanta fecit animæ nostræ! En DEUS, & homo fecit nobis cœnam magnam! fecit convivium magnum.

2. O res mirabilis manducat Dominum pauper servus & humilis! ô prodigium! en catelli non tantum de micis edunt, quæ cadunt de mensa Domini, sed panem Angelorum manducat homo eatellus Domini.

3. O quàm suavis est Domine Spiritus tuus, qui, ut dulcedinem tuam in filios demonstrares, pane suavissimo de cœlo præstito esurientes replet, & divites dimittis inanes.

4. Vicisti Domine, vicisti misericordiâ & bonitate tua, omnia exempla, omnia ingenia, omnes amores, & omnem expectationem omnium creaturarum superasti.

5. Utinam hodie replicari possem, & in omnibus Ecclesiis, quæ sunt in toto mundo, tibi mi DEUS Eucharisticè existenti offerrem & innovarem omnes actus adorationis, salutationis, recognitionis, impensos & impendendos.

6. Utinam cor meum extractum à corpore in te  
minu-

minutissimas dividi posset particulas, quot pulveris pirii grana in cineres hodie redigentur, ut totum redactum in cineres in cultum Eucharistiæ consumeretur.

7. Unam in omnibus Ecclesiis, in omnibus placitis, processionibus, loco lampadum & candelarum ante Eucharistiam suspendere possem in venis cor meum, ut arderet continuo, & totum combureretur, totum consumeretur, totum abiret in cineres amoris divini!

8. Gaudeo & exulto mi JESU! quod tibi in Sacramento latenti publicus per totum mundum honor deferatur in templis, processionibus. Quod omnes Reges Principes tibi Regi potentissimo cum summa humilitate & reverentia genuflectant, ante te procident; te agnoscant, & venerentur.

9. Desidero in locum idolorum & falsorum Numinum, quæ sunt inter Ethnicismum, & infideles omnes, introduci SS. Eucharistiam, ipsiusque cultum ubique promoveri & celebrari.

10. Doleo mi DEUS, doleo cordialissimè ob infinitam Majestatis & bonitatis tuæ excellentiam de omnibus sacrilegiis, hæresibus, blasphemis, irreverentiis, abusu Eucharistiæ, contemptibus, quibus unquam à sagis, hæreticis, malis Catholicis, in hoc Sacramento verè præsens, offensus es & offenderis.

11. Desidero, ut ab omnibus creaturis rationalibus adoreris, & glorificeris in hoc Sacramento & dignè inscipiaris.

12. Effundo tibi mi Domine in hoc Sacramento præsentem illud affectuum, adorationum, & salutationum, quas Virgo Beatissima, quas Angeli, quas omnes devotissimi servi tui elicerunt, eliciunt, & elicient ad tempora Antichristi.

13. Desidero mi JESU exhibere tibi tantum honoris, laudis & benedictionis, quantum damnati tibi exhibent contumeliarum toto tempore suppliciorum

(horum)

suorum  
lunt,

nionib  
toto m  
gratia

te unq  
pere,

mendo  
in cor  
cor ma

O

invent  
meum &

At  
vissima  
mea el  
est cor  
mandu  
in me

O  
num ab  
stus sur

subrum, & quoniam ipsi te adorare & benedicere nō lunt, ego nomine ipsorum te adoro, laudo & benedico.

14. Gratiās tibi Domine pro omnibus Communionibus sumptis & sumendis à me & à quocunque in toto mundo, itemq̃e à me accipiēda (ut spero in gratiā tua) communione viatici.

15. Desidero potius mi JESU millies mori, quā te unquam indignē in Eucharistia præsente[m] suscipere, te tractare.

16. O si semper mi DEUS! Communionem sumendo, illos omnes amoris æstus concentrare possem in cor meum, quibus ardebat cor Virginis Matris, cor maximi Sancti tui!

## Eodem Die.

### *Actus ante S. Communionem.*

**O** Quanta, mi DEUS! creaturas omnes ob excessum amoris tui admiratione, stuporēque defigis. Nihil deinceps admirari volo, quā tua inventa amoris, nisi fortē cogar obstupescere frigus meum & modicum illud amoris, quo in te feror.

Audio ex hoc Sanctissimo Sacramento illam suavissimam vocem tuam: Panis, quem ego dabo, caro mea est promundi vita. Accipite & comedite: hoc est corpus meum, quod pro vobis tradetur. Qui manducat meam carnem, & bibit meum sanguinem, in me manet & ego in eo.

O SACRAMENTUM! ô mysterium! ô arcanum abditum! ô sacrum convivium! in quo Christus sumitur! Quis unquam id beneficii genus ausus

est optare? nunquam in cor hominis descendit dignatio tanta.

Quid de hoc loqui præsumam beneficio ineffabili? fecit Dominus exercituum omnibus populis in monte hoc convivium pinguium, convivium vindemiæ pinguium medullatorum (Isai 25.) vindemiæ defæcatæ. Verè epulum omnium deliciosissimum, suprema (teste Bernardo) omnium felicitas, gustus cœlestium voluptatum, fructio amplexus Christi.

Quis enim dat hunc cibum? DEus. Quem dat tibi anima mea cibum DEus? DEum. Cui dat hunc cibum? homini DEus. Tu dixisti Domine ore S. Augustini: Cibus sum grandium, cresce & manducabis me, nec tu me mutabis in te, sicut cibum carnis tuæ, sed tu mutaberis in me.

O Prodigium amoris cùm videretur non convenire, ut divina persona singulis uniretur, quàm admirabile amor divinus excogitavit inventum! quod nunquam in Angelorum mentem venire potuisset, ut se videlicet sub cibi, potuque specie occultatum hominum corporibus & mentibus immitteret.

O quantum nos DEus amat. Vocat nos ad eandem secum eamque æternam beatitatem. Parum hoc est: sit in gratiam nostri homo, humanitatem assumptam tormentis & cruciatibus dilacerari, discerpique pro nobis sinit, vitam & sanguinem propter hos profundit. Parum est!

Insuper seipsum in nos, visceraque nostra ob nimium nostri au orem ponit ac locat, factus nobis esca & potus, nec contentus se quasi transmutasse in nos per Incarnationem, & unum se nobiscum effecisse, nos quoque per Eucharistiam in se transmutat, & unum tecum efficit. Et sicut cera liquefacta alteri cæræ infusa cum ea efficitur eadem, sic anima, dum carnem & sanguinem Christi recipis, cum ipso

ita

ita con  
sto inv  
A  
ati amo  
tinuum  
ardent  
beri.  
ludio,  
fundo.  
O  
cende  
uniar t

E  
Re  
to  
q  
mea D  
his, q  
bona t  
ni altis  
O  
ne mi  
cibus y  
us. P  
mentur  
cavit h  
N  
mili?  
nomen  
us, o  
cœlo,  
ro plus



ita conjungeris, ut Christus in te, & tu in Christo inveniaris.

Accende ergo ô DEus meus vivam flammam beati amoris tui in medio cordis mei. Da mihi continuum charitatis tuæ incendium, fac me castissimo ardentissimoque tui amore igniri, in te rapi ac absorberi. Peream mi Domine! in tui vivi amoris diluvio, sicut perit stilla maris in suæ plenitudinis profundo.

O amor divine! inflamma voluntatem meam, accende omnes affectus, ut sicut ferrum igni, ita ego uniar tibi JESU amoris meo.

*Actus post S. Communionem,*

**E**RGONE credibile est, quod DEus habitet super terram? Quid mihi est in cœlo & præter te quid volo in terra? DEus cordis mei & pars mea DEus in æternum. O quàm bonus Israel DEus his, qui recto sunt corde! Cantabo Domino, qui bona tribuit mihi hodie, & psallam nomini Domini altissimi.

O charitas, ô pietas, ô misericordia mea! Ergone mi DEus tu, qui cibus es Angelorum, factus es cibus viatorum? Paraasti in dulcedine tua pauperi DEus. Panem de cœlo præstitisti nobis omne delectamentum in se habentem. Panem Angelorum manducavit homo.

Non fecisti taliter omni nationi ut mihi, & cur mihi? quia amabas me! Amabas me? & ego ullo momento vitæ meæ te non redamabo? O amor meus, ô DEus meus! amo, & amo milles, amo coram cœlo, & terra, & omni creatura, & amare desidero plus quàm possum, plus quàm valeo. Diligam te

Domine ! quoniam tu prior dilexisti me. Utinam amem te & ferar in te non meo sed corde ardentissimorum Seraphinorum, omnibus affectibus omnium & singularum creaturarum etiam possibilium omnia genere, specie, numero, distinctis desideriis.

In æternum gaudens gaudebo in te Domine ; & exultabo in te JESU DEO meo, quia hodie licuit mihi vesci pane Angelorum, & non tantum ut catello de micis sumere, quæ cadunt de mensa Dominorum suorum, sed ad ipsam mensam accubare, propterea narrabo nomen tuum fratribus meis ô JESU ! & in medio Ecclesiæ laudabo te. Diligam te ô suavis amator, diligam te ô unica salus animæ meæ.

Tu te totum in Sacramento mihi das cum corpore, anima, & divinitate. Da, ut ego vicissim totum cor, totum corpus, & animam meam, & quidquid sum, reddam tibi, qui aliàs tuus sum, ut omnes facultates corporis & animæ meæ nihil agant aliud quàm quod tu vis.



CA-

Bre

Sive

O vos

dit

titur.

Viator  
dinem

A  
vulneri  
liberali

## CAPUT X.

Breves Meditationes de  
Passione Domini.Sive peregrinatio Viatoris cum  
Christo patiente.

*O vos omnes, qui transitis per viam, attendite & videte, si est dolor similis, sicut dolor meus. Thr. 1,*

**P**erge Viator plorans, quò trahent funes, quò raptahunt catenæ, quò crudelis feritas incitabit. Perge, quò rapit dolor & amor. Sequere Jesum, qui dolorum passibus immensum nostrorum scelerum & infinitæ suæ bonitatis campum dimittitur. Desluit ex vulneribus Christi Sanguis pro te ô Viator, sed non in te, nisi te facias eum per gratitudinem recurrere ad principium suum.

Amor SS. Trinitatis totus consistit in passione & vulneribus Christi, illa enim movent DEum fundenda liberaliter in nos beneficia, ut docent Doctores, qui

ajunt, omnia dona gratiæ effectus esse & præmia meritum ac vulnere Christi. Si cupis à DEO diligere, ama vulnera Christi, commorare in illis sacris cavernis. Tota tua occupatio sit cum S. Comite Elzeario in vulneribus Domini. Sic ille ad conjugem suam scribit: Si me videre cupis, quære me in vulnere lateris Christi: ibi enim habito, & ibi me poteris invenire.

Unde exclamat S. Bonav. *O cecitas filiorum Ade, qui per hæc vulnera in Christum nesciunt intrare. Ecce apertus est thesaurus divina sapientia & charitatis æternæ. Intra per vulnere aperturam & delicias obtinebis. Certa enim & securæ expectatio promissæ beatitudinis* ( inquit S. Leo ) *ubi est participatio Dominica Passionis.*

Christus S. Gertrudi dixit: Filia, qui amanter crucifixum in vita intueretur, eum amanter Crucifixus in hora mortis respicere dignabitur.

Virgo quædam Crucifixum fixè intuens, amore æstuans, exclamabat: O DEUS! ô amor! ô excessus amoris! da mihi tantam vocem, quæ audiatur ab Oriente ad Occidentem, à cælo usque ad infernum, ut te Amorem meum omnibus inclamem, ut ab omnibus agnoscaris & ameris.

S. Edmundus Episc. Cant. Dæmonem in virtute sanguinis Christi adegit ad significandum sibi, quo potissimum modo superari potest. Adjuro te, inquit, per asperfusionem sanguinis Christi, in quo facilius te vincere possum. Respondit dæmon: DEO sic ordiante, in eo quod nominasti, illius sanguinis virtute facile vincor.

Simplex recordatio Passionis Christi ( teste B. Alberto magno ) multò plus valet, quàm si quis integrum annum in pane & aqua jejunaret; vel si quotidie virgis & flagellis caderetur usque ad effusionem sanguinis;

guinis;  
Apud

C  
median  
vino fl  
manita  
xime lu  
splende  
in suo

1. E

Viator  
transpl  
locetur

tem C  
tri suz  
cit: c  
flagell

tium  
lorem

doub

tem  
dit di  
quò v  
Annar

guinis ; vel si quotidie legeret integrum Psalterium.  
Apud Discipul Ser. 1. in de Parasceves.

Cuidam viro eximie Sanctitatis inter precandum, medium efficacissimum pro excitando in se amore divino flagitanti, respondit Christus : exerce te in humanitate mea passionata & vulnerata, nam in ea maxime lucet mea charitas non aliter, quam sol in suo splendore, rosa rutilans in suo odore, ignis vehemens in suo æstu & ardore.

*Christus in horto sudat.*

1. **E**Gredere Viator ac plorans comitare JESUM, euntem in horum Olivarum, vel potius in montem myrrhæ & collem thuris. Primus Viator DEO ad hortum erit passus, non ut flos campi transplantetur in amœniorem locum, sed ut lilium collocetur inter spinas acerbissimorum cruciatuum.

2. Cogita, dum jam egreditur Christus ad montem Olivarum, cum quanto dolore universa Mater suæ, quæ sibi in passione eventura erant, prædicat : quia omnino oportet Filium hominis conspui, flagellari, crucifigi.

3. Vide, quomodo mæsta Mater ad tantum nuntium exanimata in brachia Filii sui procidit. O dolorem cruentum Matris !

4. Penetra hic viscera Filii & Matris ! & quomodo-douberrimæ ex oculis utriusque erumpunt lacrymæ !

5. Aspice, quam triste spectaculum sit hoc, Matrem DEI & Filium lachymis diffluere ! Eheu ! quò vadit dilectus tuus ô Noëmi, ô pulcherrima mulierum, quò vadit ? Ad hortum, ubi sudabit sanguinem ; ad Annani, ubi alapis cruentabitur ; ad Herodem, ubi



illudetur ut demens; ad prætorium, ubi cædetur ut reus; ad montem, ubi suspendetur ut latro.

6. Cogita, quem putas cum dolorem sensisse in egressu portæ civitatis, dum intra se diceret: Non sum ultra transiturus per portam hanc, nisi vinculis & catenis constrictus.

7. Cum lacrymis inspicere, quantis angustiis præmatur bonus JESUS in hortum veniens. O triste spectaculum? En protinus DEI Filius geniorum cœlestium voluptas expallescit, submittit genua, procumbit humi, divinum os solo adsternit, cum morte luctatur.

8. Imaginare, quòd videas per poros & venas, sanguineas erumpere guttas. Heu qualis hortus hic est Gethsemani! in hortis aliis sunt deliciæ, in hoc mæror & dolor.

9. Interroga Dominum JESUM: cur tam præmaturè ex illius corpore erumpit sanguis, sudant pori, stillant venæ, ora, lacrymis rigant oculi, pluvunt cuncta membra?

10. Cogita, si primo in passu Viator sanguinem ludad, quis sperandus est tam atrocis transitus ac itineris progressus?

### *Affectus.*

**O** Mi bone JESU! quò tua demum in nos abibit liberalitas? paulò ante sub extremæ Cœnæ finem, tuum nobis in calice sanguinem propinasti, jam illum iterum in tuo corpore, in veste, in horti pavimento propinas,

Cur ita ô amor meus, ipse tormenta præcipitas? nondum adsunt carnifices, nondum te flagella lacerant, nondum aculeatæ spinæ divinum verticem perforant, nondum prægrandes clavi manus, pedesque con-

figunt,

figunt, & tamen jam nunc tam uberes cruoris fonticuli fluunt? Quid cras tecum fiet, cum totum corpus unus erit livor, vulnus unum?

O nimium amorem istum, cui explendo mors una satis non fuit, sed ante mortem vitam hanc nostram mori coegit, ita, ut nostri amantissimus Dominus membratim interire, guttatim contabescere, & per lenta sanguinis stillicidia, diversis viis animam abire voluerit.

O felicem te terram! quæ Domini tui cruorem combibisti, nunquam tam pretioso rore irrigata. Quis mihi det, ut sexcentis osculis fatigem & amplectar locum, quem Salvatoris mei preßerunt vestigia, genua contigerunt.

Quid verò purpureum hunc & tam copiosum sudorem è corpore JESU eliquavit? Eheu? peccata & scelera mea. Hoc prælum fuit, hoc torcular, quo hortus succo plenus fuit expressus! sub isto culparum mearum onere bonus JESUS ingemiscit, mæret, plorat, fatiscit, sudat largiter.

Tantane res erat salus nostra mi Domine! ut eam tanti æstimares, & præditam tantis impendiis sarcires? Tam pretiosæ in oculis tuis erant animæ nostræ, ut eis redimendis tantum & tam copiosum destinares pretium? Adeone diligens me, tradidisti temetipsum pro me, ne perennibus traderer flammis? Ergo non diligam te, sed tradam me concupiscentiis meis, tradam me juratis hostibus tuis?

Meliora DEUS meus, meliora! Potius trado me tibi, vel nunc, ut disponas de me in tempore & æternitate, ut cantem miserationes tuas stupendas, & magnas in æternum, & ultra.

*Christus in horto comprehenditur.*

1. **P**enetra cor Salvatoris : vide , cum qua promptitudine & charitate morti sese offerat , cum qua alacritate obviam procedat prodituri Judæ & Carnificibus.

Juda quid agis ? amoris signo vulnus infligis ? mellis oblatione venenum propinas ? charitatis officio sanguinem fundis ? instrumento pacis mortem irrogas ?

2. Vide , quomodo unico verbo omnes satellites straverit in terram , ne prosterneret in inferno.

3. Considera duritiam satellitum , qui nec horrore mortis perterriti , nec blandimento charitatis commoti , quem noluerunt propitium habere Salvatorem , sibi elegerunt Judicem severissimum.

4. Obstupeſce , quomodo viles & barbari nebulones in Agnum innocentem cum ingenti clamore irrunt : alii caput benedictum pugnis , alii fustibus cædunt : brachia ceteri funibus tam arctè stringunt , ut sanguis proſilire debeat è venis.

5. Intuere , quàm immanem catenam ferream ( ut multi volunt ) Carnifex injiciat collo ejus. O miserabile ſpectaculum , onustum videre catenis & funibus Creatorem celi & terræ ! Quis unquam publicus latro , quis prædo tanta cum rabie tractatus ?

6. Comitare ulterius Christum , quem ad impiam pertrahunt civitatem. O quot antè hactenus & calcibus te propellunt mi JESU ! quot à tergo te lapidibus , luto , & pulvere impellunt ! Eheu , nulla fera tam malè fuit habita à canibus venaticis.

7. Interea mente concipie Christum appropinquare torrenti Cedron. Intuere illos gradientes per pontem , Christum verò , tanquam indomitam bestiam rapiari per gelidas aquas.

8. In-

8. Inspice cum lacrymis, quomodo lapides præacuti illius torrentis calcaneos Domini vulnerant, & ita cruentant, ut per totam viam sanguinis vestigia relinquant.

9. Insuper comitare Christum raptatum ad Tribunal Annæ, capite discooperto, facie livida, manibus post tergum victis, pedibus sanguinolentis.

O prodigium! en innocentissimus sol justitiæ ad iniquitatis Tribunalia consistit. Stat sine Advocato Innocentia, sine Patrono Veritas, sine voce Verbum. Quid enim loqueretur, cui jam nuper ferale Herodis imperium, ad saltatriculæ votum, ipsam vocem eripuerat?

10. Confidera, quàm torvis & ardentibus oculis Basiliscus ille aspiciat Salvatorem! quàm superbe interroget & sciscitetur ab eo de doctrina & discipulis.

Eheu! obstupescce, ut mox ad primam æternæ sapientiæ vocem à quopiam ministrorum armatâ manu, tam crudelissima alapa ei insligitur, ut dentes excusserrit, & ex labiis sanguinem elicuerit.

Exhorrescat Cælum ad tam inauditum facinus: contremiscat terra! alapâ DEus percuti potuit: ô Angeli, quomodo manus continere potestis? an attonitos vos tenet facti insolentiâ?

Loquitur interim ad focum Petrus, eliquatis ad prunas verbis, cui antea pavor ora congelaverat. Loquitur, sed mendacium, quia Veritas post crudelem ictum conticuerat. Loquitur, sed insipienter, quia Sapientia obmutuerat.

### *Affectus.*

**Q**uid retribuam tibi Domine JESU pro omnibus ludibriis, percussionibus, vilipendiis, derisionibus, & pro unumeris opprobriis, quibus pro me saturatus fuisti? Heu

Heu mæstissime, heu dulcissime JESU! Cur adeò ferreum ac lapideum cor habeo, quod compassione ac dolore non scinditur? cur præ dolore non tabescit anima mea, quandoquidem tam immanium dolorum & cruciatuum causa est pessima vita mea?

Potuitne fieri, ut pro me vilissimo vermiculo talia DEUS pateretur? Eheu patitur! quia pro me conculcatur, pro me DEUS ligatur, irridetur, à satellitibus nefariis, nunc pugnis, nunc calcibus tunditur.

O amor infinite! quid retribuam tibi, qui pro me servo nequam tantum, & innocentissimus, & amabilissimus luis? Fundam sanguinem: sed nocentissimus est, dignissimus, quem canes lingant & porci spurcissimi conculcent. Fundam lacrymas, sed peccatrices sunt, immundæ sunt.

O æterna Sapientia dulcis JESU, pro hisce contumeliis, injuriis, irrisionibus, insanisque clamoribus, te honorent, te glorificent, & extollant omnium Beatorum mentium agmina. Vel in solo tuo nomine benedicte JESU, omne genuflectatur, cœlestium, terrestrium, & inferorum.

### *Christus apud Caipham.*

1. **C**Ogita, qualiter Dominus noster, Rex Regum & Dominus dominantium, sub vilissima specie pessimi servi, ab Anna ductus fuit ad Caipham Pontificem illius anni.

2. Considera, quomodo crudelissimi satellites, magis dæmoniorum inferni naturam gerentes, quàm hominum, non sinentes illum pedibus incedere, vi (catenâ collo circumligatâ) raptabant per terram, conculcantes & percutientes illum.

3. Attende, quia ibi juramento Christus adstrictus,



ctus , apertè se dixit esse Filium DEI. Caiphas scidit vestimenta sua, dicens coram omnibus eum blasphemasse.

4. Vide nunc, quomodo eâdem omnes, quâ sceleratus ille Pontifex rabie in satellites, in JESUM insiliunt! Unus te Domine pugnis cædit, alter convellit capillos, hic te impellit calcibus, ille calcaribus vulnerat.

5. Insuper obstupesce. En exspuunt in faciem Domini! ô novum & inauditum in terris spectaculum! ô faciem Domini alapis lividam! ô faciem fædis sputis maculatam!

6. Considera homines spueri volentes ad sordidos domûs angulos se convertere. Scilicet impii illi fordidius nihil æstimârunt facie Salvatoris, in quam considerant Angeli prospicere.

O Pater! respice in faciem Christi tui, & miserrere nostri, pro quibus sic fædatur. O si vel modò incipiant oculi mei ubertim flere, ut vel ita eluant faciem Salvatoris mei!

O Mater! nunc solvis cum usura, quod in partu non habuisti à natura, Filium pariendo, dolorem non sensisti, quem millies replicatum, Filio sic patiente, passa fuisti.

7. Ulterius obstupesce immanium bestiarum, non hominum truculentiam, quomodo hâc non contenti carnificinâ, in profundissimum carcerem, præter tenebras densissimas, plenum fæore & horrore protrudunt Dominum ferreis constrictum compedibus.

8. Ingredere cum Domino tuo carcerem, quid ibi non tentat Carnificum rabies? En tota nox in crudelissima paupertatis Christi, & innocentiae supplicia extenditur.

9. Considera anima mea celsitudinem Domini DEI tui adeò profundè exinanitam, ut verè nunc non homo, sed vermis, & opprobrium hominum ac abjectio plebis nunc dici debeat.

*Affectus.*

*Affectus.*

**O** Nox, quam meus JESUS habuit ultimam in carne mortali, quale tu spectaculum exhibuisti mundo & Angelis, & hominibus! Ecce dum medium silentium tenent omnia, en DEUS & homo! ab homine & pro homine à gehennæ circumdatur doloribus! en lamentabiles Domini preces audiuntur ad Patrem!

O horror cœli! ô scelus mundi! ô dolor & amor DEI mei! ô luna, quæ tam luctuoso spectaculo testis sola affuitis, quando tu demum obscuraberis, si lucet? quando converteris in sanguinem, si serena es.

Quid tibi mi JESU cum terra? quid tibi cum homine? quis audivit unquam tale? ut redimeres servum, Te ipsum servo illudendum tradidisti?

O quàm indebita miseratio, quàm gratuita & probata dilectio, quàm inopinata dignatio, quàm stupenda dulcedo! Regem gloriæ pro vilissimis mancipiis, iisque suis inimicis assumere formam servi, tot suscipere labores & dolores!

Quis unquam parens simile quid fecit pro liberando filio, aut filius pro parente, aut amicus pro amico, quale fecit DEUS pro homine, Creator pro creatura, suprema Majestatis pro vermiculo?

O Cor meum plusquam lapideum, cur non accenderis amore tui JESU? lapis calore solutus in cinerem vertitur, & tu ad tantum calorem immutabilis perseveras? O utinam mi dulcis JESU! mille amoribus amem te! mille obsequiis serviam tibi, mille millenis laudibus prosequar te, omnibus diebus ac noctibus vitæ meæ; ac deinde totâ, quâ patet, æternitate.

*Chri-*

*Christus apud Pilatum & Herodem.*

1. **V**ide, quòd necdum dies illuxerit, & jam rumor captivitatis Dominicæ per totam civitatem increbuerat; itaque omnes certatim currunt ad palatium iustitiæ: ubi à senioribus populus adversus Christum concitatur.

2. Observa, quomodo Christum decernunt offerre Pilato præfidi morti condemnandum. O bone DEUS! quantis cum ludibriis, impropriis per mediam civitatem rapitur!

3. Inspice præsidem Pontium prodire ad solium plenum arrogantia; Christum verò plenum confusione, catenis ligatum coram eo consistere.

4. Audi, quomodo reprobi illi satellites adversus Dominum, tanquam canes effrænes latrant, falsò Jesum insimulantes, quòd se DEum faceret & Regem, & subverteret populum.

5. Considera, quòd, cùm in multis Jesus accusaretur, nec in eo præles causam mortis inveniret, remisit Christum ad Herodem, sub cujus erat potestate.

Eheu miserandum spectaculum! vix se Christus commovere poterat, & tamen barbari milites per mediam urbem Jesum trahunt, multis probris & fannis afficiunt.

6. Cogita, quòd, cùm videret eum Herodes, putans eum mente captum, ipseverit cum exercitu suo; ac illudens remisit iterum at Pilatum.

O bone Jesu! quàm ignominosè ex conspectu Herodis abstractus sis! quantis ludibriis à tanto militum numero exceptus! quot sordibus petitus! nec enim stulti aliter tractari solent.

7. Contemplantur hic cum devotione & compassione, quartam Domini raptationem ad Pilatum. Quo-  
usque

usque tandem ô Domine hæc barbara mancipia te pro-  
trudent, colaphis cædent, comas evellent?

8. Observa, quòd Pilatus volens illum liberare  
dederit sortem ejus cum Barabba homicida scelestis-  
simo, & concesserit populo, ut peteret ex his duo-  
bus, quem vellet dimitti.

9. Obstupesce incredibilem Christi patientiam!  
qui, cum esset DEus verus de DEO vero, passus est  
non modò se cum Barabba, infami nebulone compara-  
ri, sed etiam, quod indignissimum est, illi postponi.

### *Affectus.*

**O** Admiranda mi dulcis JESU, tuæ circa nos pie-  
tatis dilectio! Quomodo tu, qui tribus digi-  
tis appendis terræ mollem, qui sedes super  
Cherubim & intueris abyssos, tam crudeliter, tam im-  
maniter torqueri à reprobis permisisi?

Quid commisisti Domine, ut sic judicareris? quid  
fecisti mi dulcis JESU, ut adeò crudeliter tractareris?  
quod scelus tuum? quæ noxa tua?

O glacies, non cor! cur non liquefcis ad calorem  
hunc? nullum prope fingi potest, quod auribus non  
percepit convitium, nullum, quod corpore pro te JE-  
sus non excepit supplicium. Vincit ut fur, con-  
spuitur ut blasphemator, derisus ut sacrilegus in DEum.

O mirabilis mysterii dispositio! peccat iniquus &  
punitur justus, offendit impius & damatur pius, quod  
perpetrat servus, exsolvit Dominus, quod commisit  
hommo, sustinet DEus.

Quid ad hæc ô anima mea? utinam nunc saltem  
amem te mi DEus! sed amem ex toto corde, amem  
ex tota anima, amem ex omnibus viribus meis.

Utinam obverferis semper menti meæ ô vita mea!  
ô amor

ô amor meus : utinam ad te semper suspirem ô desiderium ; ad te semper confugiam ô asyllum meum ; semper advolvar pedibus tuis ô mi DEUS ; semper exosculer manus tuas ô mi Domine , semper inoleam in amplexus tuos ô mi Sponse !

*Christus flagellatur.*

1. **V**ide , ut agnum mansuetum impius Præses ad sedandum populi furorem , prædæ Tigrium & Pantherarum tradit , ut eum flagellis cædant.

Ah quantâ cum rabie te mi JESU adoriuntur ! vestibus violenter spoliant , & eas projiciunt humi ! Quis ausit te denudare ô Rex Regum ? Ah quanto cum rubore nudus confisistis coram illa maledicta multitudine , Virgo Virgineum Sponse.

O execrandum seræ posteritati facinus ! nudatur DEUS , & Virginea illa candidissimi corporis membra deteguntur ! Quo uno scelere , tot mortes DEO inferri crediderim , quot sunt oculi spectatorum.

2. Inspice , cum qua ferocitate Christus alligatur columnæ , aliis manus vincientibus , aliis brachia contorquentibus . Et ne multis ita Dominum stringunt , ut carnes dirumpi , & foras sanguinem proflire compulerint.

3. Admirare nunc cum lacrymis , JESUM feriri crudelissimè , cutem dilaniari , viscera denudari , partes carnis in aëra exilire.

4. Vide in tenerrima carne Domini sulcos , vide sanguinem defluentem in terram instar rivulorum.

5. Respice humeros , brachia , pectus , ventrem , & totum corpus tui Salvatoris dilaniatum , totum corpus discerptum.

O quantum prodigium ! amor cruciat , fundit san-

Ec

guinem ,



guinem, dilacerat, & nisi ipse sibi obstitisset, intermisset.

6. Interroga Dominum Jesum, qui sit, ut post tot flagellationes, quæ ad numerum pervenerunt sex millium sexcentarum sexaginta sex, etiamnum vitæ frui possit, cum decem tam immanium percussionum suffecissent ad te occidendum?

7. Meditare hic, quomodo listores percuciendo lassit sunt, & Christus necdum fatigatus est pro te feriri. Quare cum amplius non possent crudelitatem suam in ipsum exercere, illum à columna solvunt.

8. Vide, ut agnus innocens volutatur in suo sanguine propter nimiam debilitatem, & animi delictum non valens ultra pedibus insistere. Ah! ut truculentæ illæ bestiæ calcibus eum protrudunt clamantes: surge seductor! surge Rex Israel.

9. Inspice, quod doloribus plenus, totus dilaceratus præ frigore tremat, nudus, dilaniatus, & sanguine madidus, ubicunque firmat pedes, vestigia, sanguinis relinquat.

### *Affectus.*

**O**bstupescite cœli super hoc, & portæ ejus desolamini vehementer. Jesus DEI Filius in flagella nudatus est. Jesus meus Dominus in flagella paratus est. Nudatus, qui etiam omnia lilia agrî sic vestit. Nudatus est, qui sub umbra alarum suarum nos protegit. Vides hoc sol, nec obscuraris? Aspicitis Angeli, nec mortalium omnium oculos percutitis cæcitate?

Si hoc corpus templum Domini est, ubi nebula? si Sanctum Sanctorum, ubi velum? si tuus est Filius Virgo Mater, ubi tunica inconsutilis? si hic Filius tuus dilectus Pater æternæ, ubi nubes lucida est?

O mæ-

O mæstissima Virgo, quos fontes lacrymarum dicam erupisse de pudicissimis oculis tuis, cum cerneres Filium tuum coram te ligari, flagellari, & carnem de carne tua tam crudeliter & immaniter dissecari.

O Virgo dolorosa, quomodo vivere poteras, quando in tuo conspectu, tot rabidi canes in teneram damulam: tot sanguinarii lupi in innocentissimum agnum, tot carnivori accipitres in simplicem columbam ungues ac dentes exacuebant.

Quò obsecro Nate DEI, quò tua descendit humilitas? quò processit pietas? quò tua flagravat charitas? Ego crimen edidi, tu torturæ subjeceris; ego fruor deliciis; tu ad columnam in sanguine natus; ego pomi dulcedinem, tu fellis gustabis amaritudinem? Quid est hoc? quid fecisti Rex meus & DEus meus? quid retribuam tibi pro omnibus, quæ tu tribuisti mihi?

Benedicant te Domine millia millium, & decies centena millia Angelorum. Non hoc satis. Benedicat te benignissime JESU, multitudo miserationum tuarum, & amoris tui mellisui suavissima viscera, in quibus visitasti nos oriens ex alto, in quibus redemisti nos, & lavisti nos à peccatis nostris in sanguine tuo, & vulneribus tuis.

*Christus spinis coronatur.*

1. **V**ide novam truculentiam & immanitatem nefariorum satellitum, qui horridam coronam de spinis, & acutissimis juncis marinis capiti jam satis cruentato insigunt & imponunt.

2. Considera (ut dicit S. Bernardus) illas spinas, non solum carnes & nervos perforasse, verum etiam ipsa ossa, necnon ipsum cerebrum penetrasse.

3. Imaginare, quòd videas sanguinem cerebri

humore mistum ex omni parte per capillos & faciem defluere.

4. Dic ex corde : O Pater ! jam istud caput non semel sudavit sanguinem ! cur spinis eundem elicit justitia tua ?

O sacratæ spinæ parcite , parcite sacro illi & in hocuo capiti , venite potius & vertite aculeum contra me , pungite cor meum puncturis poenitentiae , ut si non sanguinem , saltem vel lacrymam possitis è corde duro elicere . Dilatare corona , ut inter istas spinas caput quoque meum inferam .

5. Ulterius mente progredere , & vide quomodo velant faciem Domini turpissimâ vittâ , & percipientes faciem & caput ejus alapis . illudunt ei .

6. Cogita , cur velat faciem Domini hæc barbara Tenebrionum turba ? An quia oculis divinis tua videri scelera pertimescebant ? an quia , qui uno ejus aspectu emollitam in lacrymas petram conspexerant , suam quoque mitigandam crudelitatem metuebant ?

7. Contiste hîc parumper & accuratè perspice factum Pilati , qui rabiem infernalis turbæ volens sedare , Christum totum deformatum , deturpatum , & tam crudeliter dilaniatum ad propyleum jussit duci .

8. Ausculta verba Pilati Christum plebi monstrantis : Ecce Homo : Ac si diceret : veniat vobis in mentem hunc esse hominem non bestiam ; satis immaniter in eum savitum , immanius quolibet latrone .

9. Converte tu hæc verba Pilati ad Patrem : O Pater ! Ecce Homo ! ecce Filius tuus dilectus , tam crudeliter dilaniatus ! ecce Homo plusquam barbarâ , plusquam belluinâ Judæorum savitiâ tractatus .

O Mater ! ecce Homo ! vide , an hæc non tunica , sed caro Filii tui sit ? verè fera pessima devoravit eum . O Angeli pacis ! ô anima Christiana ! ecce Homo ! sed

sed eheu! jam verè exclamare poteris, quia non novum hominem, nam non est ei species, neque decor.

O peccator! Ecce Homo! ecce caput pro te spinis coronatum! ecce facies pro te sputis & alapis livida! ecce oculi in lacrymis & morte natantes! ecce os & labia mox felle replenda?

### *Affectus.*

**O** Anima mea, non diffuis lacrymis! amore non conflagras! Ecce tuus Homo! en vide novum crudelitatis inventum dolorosissimum! en furore quanto! nisu quanto! dolore quanto! sævissimi lanienæ immanis ministri, coronam spinis, sentibus hispidam; visu horrendam, soli capiti Salvatoris impo-  
vunt, & ipsum penetrant cranium!

Ah dolorosissime JEu! vivis! natura non succumbit aded læsa? miraculis opus est, ut graviora pro me patiaris.

Egredere nunc filia Sion, egredere ô Virgo Mater, & vide Filium tuum JESum in diademate, quo coronavit eum Mater sua. Mater improba Synagoga. O Rex mundi! ô gloria cœli! hocine est regnum tuum, in quo natus es?

O innocentissimi, & divini corporis benedicta terra, rigata non jam rore tantum, sed sanguine, quomodo spinarum & tribulorum communi maledicto obnoxia facta es?

Ergône, qui me gloriâ & honore coronavit, dolore implemet & dedecore coronatur? Qui dedit ornamenta aurea capiti meo, servavit tegumenta spinea capiti suo? qui coronat me in misericordia & miserationibus, spinis ipse & sentibus non tenuit coronari?

Ecce qui

qui mihi repositam habet coronam justitiæ, solam sibi coronam patientiæ reservavit.

O patientissime JESU! quis tibi animus? quem summa humilitate jussu Patris adorant omnes Angeli, hunc coronatum summo ludibrio adorant caculæ vilissimi? O quale amantissime JESU opprobrium! irrident, insultant, blasphemant, alapas ingeminant, & spursætentissima agglomerant usque & usque.

O mi Creator, ô mi Redemptor, quantum tibi debeo! ô si mille corda & linguas haberem, quibus misericordias tuas in æternum concinerem! ô si nunquam è memoria mea excideret amor tuus! ô si die noctuque clamare possem cum omni creatura, quæ in cœlo est & in terra: Sanctus, Sanctus, Dominus DEus.

### *Christus Crucem bajulat.*

1. **I**NSPICE cum lacrymis, quomodo humeris mitissimi Agni enervatis & confractis imponunt ponderosam illam crucis molem, cæteris omnibus hoc lignum ferre recusantibus. Eheu! eheu! quid facies bone JESU, quia viribus es destitutus?

2. Cogita tecum, quis unquam vidit reum, ferre crucem suam & patibulum, cui affigendus? contra commune jus gentium est; portare tamen innocentissimus JESUS cogitur.

3. Contemplare Dominum unâ manu ligatâ alterâ crucem bajulantem. Heu quàm illa inhumaniter ô JESU corrodit, & conquassat humeros tuos, quàm profundè carni usque ad ossa infigitur. Quid ultra facies mi JESU?

Perge tamen, perge mi Redemptor, constanter progredere, erige te mi JESU, novas assume vires, deducat te Pater tuus cœlestis & confortet, stipent latus tuum Angelici Spiritus & solentur. Pro



Proficiscere mi bone Viator, proficiscere, ut nos sedimas, peccata nostra te ligârunt, & in miseras has adduxerunt.

4. Considera, quoties ob nimiam lassitudinem & Carnificum furiam sub crucis pondere in medio plateæ Christus corruit; quoties nefarii satellites è vestigio in eum insiliunt, capillis trahunt, calcibus protrudunt, à tergo luto & lapidibus impetunt.

O prodigium! en cadit Verbum DEI secus viam, & conculcatur ab hominibus. En cadit, per quem cuncti stant, infirmatur, per quem omnes roborantur, in terra DEUS jacet, per quem homines eriguntur in cœlum.

5. Intuere, ut occurrit & mæsta Mater in montem Calvariæ eunti Filio. Quò pergis ô Virgo Mater inter militum armatorum catervas? Ergone dilectum filium tuum extremo supplicio affici conspicias?

6. Vide, quomodo subsistit Dominus fatigatus saxo cuidam insidens, ultimo Matri inter amplexus valedicens.

7. Meditare nunc, quo cum ardore, quibus lacrymis invicem sese complexi sunt. Quoties ingemuisse putas nunc mæstam Matrem lugendo Filium & dixisse: Fili mi JESU, JESU Fili mi! quis mihi det, ut tecum & pro te moriar, Fili mi dulcis JESU?

8. Contemplant, cum quarabie. caues illi, inhumano quodam impulsu improperantes ei, Matrem à Filio repellunt, & eum semimortuum protrudunt.

9. Vide ô homo! quomodo patiuntur & lacrymis diffuunt pro te JESUS & Maria! cur ergo tu ferreum cor non commoveris? cur non fles pro te ipso?

*Affectus.*

**T**UUS ô Domine ingressus in mundum, & egressus è mundo, quam dispar est! cantantibus Angelis ingressus es. Angelis pacis amarè flentibus egressus es. Ingredientem te Virgo Mater utero brachiisque portavit, egredienti tibi gravis crux, ingens illud & infame tormentum, portanda imponitur.

O potentia æterni Patris, quam imbecillis facta es! ô virtus mundi, quam infirma effecta es! ô sustentator universæ terræ, quam infra omnia abjectus es!

Tu æthera firmasti sursum, & nemo te confirmat, tu appendisti fundamenta terræ, & nemo te sustentat, tu, cum ceciderit è nobis aliquis, supponis manum tuam; tibi postquam tam dirè collapsus, imò collisus es, nemo ex omnibus adhibet in auxillium ultimum manum suam?

O manus ità vincæ! quid mali patraastis? num quem fortè occidistis aut vulnerastis? nunquid fortè rapuistis, quod furum & prædonum instar, constrictas funibus vos intueor? absit! illæ, illæ manus sunt, quæ omnibus benefecerunt.

Quis ergo mihi nunc dabit aquas, imò quis omnes venas, arterias, nervos, ossa, & universa membra corporis mei vertet in Oceanum lacrymarum, ut plangam in amaritudine animæ meæ, Jesum meum sanguine decoloratum, sputis fædatum, post sanguineum sudorem, post dura vincula, post crudelem flagellationem, post horridam coronationem crucifigendum!

O Angeli! ô creaturæ omnes lugentes lamentemini, currite, abundanter currite, quia ecce Filius DEI in extremis est. Ecce mundi salus exinguitur. Ecce Salvator noster ad atrociora tormenta, ad vestium spoliationem; ad vulnere innovationem; ad fellis potum;

tum ; ad acerbissimam fossis manibus pedibusque laniantem ; ad infame suspendium ; ad novos gemitus, ad clamorem validum & lacrymas, & amarissimam mortem pergit.

*Christus Crucifigitur.*

1. **S**ubiste jam cum Christo in monte Calvariae, & diligenter inspicere, quomodo Carnifices detrahant cum immani violentia vestes Christi, vulneribus ob sanguinem concretum adhærentes.

2. Audi cum lacrymis, quomodo mæstissimæ Matri illas vestes ostendant, horribili cum blasphemia dicentes : Aspice ô improba mulier, num hæc sint vestimenta sceleratissimi Filii tui ?

3. Intuere Christum præ summo frigore, toto corpore trementem, cum nudus vento & aëri asperimæ hyemis tempore exponatur.

4. Cogita, quàm ingens confusio ejus fuit, cum videret se nudatum in præsentia tantæ multitudinis consistere.

5. Vide cum lacrymis quomodo ministri illi infernalibus furiis agitati, instar pantherarum rabie percitarum adoriuntur Christum, calcibus impetunt, & primo ictu atrocissimè in terram substernunt, horribili clamore vociferantes : Adesdum ô seductor populi ; ocyus super hoc lignum te extende, expende brachia, & manus porrige.

6. Deinseps finge animo te coram intueri unum Carnificum, Christum capillis tenere, ne se commoveat, alterum pedibus, tertium insigere clavos, & manus extendere.

7. Penetra hîc, si potes, cor benedictæ Matris, quod exanimabatur ex auditu ad tam diros ictus. Ah!

Ecce

cur

etur unus horum ictuum non dirumpit & emollit petus meum adamantium? Eheu! dimittite clavi istas innocentissimas manus, configite cor meum illudque compassione vulnerate.

8. Uterius inspicere, quā immanitate carnifices fune pedes constringunt, & tantā cum rabie trahunt, ut ossa omnia laxent ac loco moveant, & omnia vulnera dilatent, propter manuum & pedum extensionem.

9. Obstupescere, quā largi sanguinis rivi per brachia, corpus, & crucem diffluunt, lacusque roseos efficiunt humi! ô DEus! quā lacrymabile & inauditum tormentum, & necdum Christus moritur!

10. Vide, quot machinis, quot funibus satellites illi utuntur, qui Christum in cruce pendentem nunc in hanc, nunc in aliam partem impellunt: demum crucem erigunt, & in excavatum scrobem immenso cum sonitu cadere permittunt.

O quanta cum angustia ad terribilem hanc concussionem disjuncta sunt Christi membra, conturbata interiora ejus, & cuncta ossa, cum incredibili dolore loco mota.

Quæstisti tapè ô anima Christiana à Domino tuo JESU, & dixisti: Indica mihi, quem diligit anima mea, ubi pascas, ubi cubes in meridie? Ecce cubat in monte Calvariae, medius inter latrones, nudus, lividus cruentatus, illic jacet exporrectus in duro lecto crucis.

### *Affectus.*

**O** Spectaculum ab orbe condito luctuosissimum! DEus suspenditur! DEus occiditur! laxentur in gemitus ora, mergantur oculi nostri lacrymarum pelago.

Veni, accurre, Oriens, Occidens, Septentrio, Meri-

Meridies. Ecce panditur terra Sancta, beati pedes, venerandæ manus, benigna brachia, amabile pectus.

Aspice nunc ô Pater caput Filii tui propter tot canales sanguineos defecisse! intuerè cervicem, olim instar nivis cadidissimam, nunc inclinatam & exsanguem.

Defige oculos ô mæsta Mater in faciem dilecti Filii tui, & in membra conqvasata Christi tui! vide, quàm obscurata sit pulchritudo oculorum! quantum pallescat color regii vultus.

O DEUS! ô JESU mi! adoro te in hoc throno doloris & ignominie. O si mihi liceret per te, ut sacram tuorum pedum aram millies exosculer, manantemque inde cruorem lacrymarum imbre diluam.

O si submitteres tantisper verendum cælo & terris caput, vultum miserabilem, sanguine innatantem suo, ora illa plumbeo mortis calore pallentia, amoris roseo igne purpurascientia.

O anima mea! dic saltem à longe ultimum vale Salvatori tuo. Vale ergo mi Redemptor! Vale ô Frater amabilis nimis! vale ô Sponse animarum nostrarum. Sed prius ante discessum da benedictionem, da Frater amplexum. Da crucifixoribus tuis orationis affectum, latroni Paradisum, Matri Filium, Filio Matrem, mortuis vitam, toti mundo sanguinem tuum.

*Christus clamans voce magnâ expirat.*

1. **I**ntuerè anima mea, quia jam tandem exacto tormentorum itinere, sese durissimum in lectum fessus Viator quieturus reponit: & audi, quid loquatur ad te de lectulo crucis.

2. Audio, clamat JESUS: Pater, dimitte illis. Quid est hoc? JESUS flagellis cæsus est, spinis coronatus, affixus patibulo, omnium tamen dolorum immemor



mor ait, ignosce illis. Cygnea verba! is, qui hæc ætenuis in propria causa tacuit, nunc causâ inimicorum disertus est.

3. DEus DEus meus ut quid dereliquisti me. Derelictus es mi JESU, sed propter me, quia ego sæpius dereliqui DEum meum, fontem aquæ vivæ & recessi à DEO salutari meo.

4. Sitio clamas mi JESU! Attendite animæ, quantum diligit vos, tot dolores perpeffus JESUS propter vos, adhuc tamen dolores propter vos sitit, sitit sanguinem effundere, quem adhuc celavit in corde.

5. Domine memento mei. Hiccine nudus ô latro, sanguine perfusus socius ac particeps patibuli tui Dominus est? hæccine spinæ sunt diadema Regis? Beatus es latro, quia caro & sanguis non revelavit tibi, sed Pater, qui in cœlo est, Memento & nostri Domine, dum veneris in regnum tuum.

6. Ecce Mater tua. Breve testamentum, parvum peculium facile dispensatur. Nihil sibi ex suo restabat præter Matrem, & hanc tradidit discipulo.

7. Ecce Filius tuus. O voces miras, mortaliumque cordibus optatissimas. Filium effici Virginis, quid dulcius? Matrem habere MARIAM, quid securius? O Mater non dedignare nos filios, quoniam DEus non est dedignatus te Matrem.

8. Consummatum est. Quod consummatum est Domine JESU? dolores tui, passio tua, charitas tua? ita sanè, omnia transierunt, consummata sunt, perfecta sunt; præcipuè autem charitas tua, quâ cum dilexisses nos, usque in finem dilexisti.

9. In manus tuas Domine commendo Spiritum meum. O si & meum mi dulcis JESU in agone egredientem de corpore Spiritum in manus tuas susceperes! ô si me reciperes & omnes mecum agonizatu-  
in

in late  
pœni

meus  
mibi  
inclina  
morio  
pite,  
clina

O  
est,  
Sancti

Dom  
passio  
vita

tem t  
men  
beam  
pli,  
tum  
riri

tua p  
terra  
am f  
& m  
Nung

in lateris tui aperti patentem aulam, miserorum arcem, pœnitentium triclinium!

IO. Et inclinato capite emisit Spiritum. Ergo ne meus JESUS clamans voce magna, inclinato capite, ut mihi amplexum, mihi det osculum reconciliationis; inclinato capite, ut mihi dicat ad aurem cordis mei: morior, & libenter morior amore tui; inclinato capite, ut inspiret in faciem meam spiraculum vitæ, inclinato capite tradidit Spiritum?

### *Affectus.*

**O** Anima mea! tradidit pro me JESUS Spiritum, & ego spiro? Verbum æternum pro me siluit, & ego loquor? DEUS meus pro me mortuus est, & pulcherrimus ille nexus purissimæ carnis cum Sanctissima anima dissolutus est, & ego vivo!

Cur non venies ô hora, ut & ego moriar, si & Dominus meus JESUS mortuus est? cur non saltem compassione morior ego, cum jam expiraverit in cruce vita mea?


Et si non habeam mi JESU puritatem & sanctitatem tuæ Matris, ut dignè tibi compatiar, latronis tamen pravitatem habeo, ut ad latus tuum crucifigi debeam. Et si non sum tanquam velum nobilissimum templi, ut in morte tua scindar, sum tamen monumentum fœtidissimum, ut ad apertionem tui lateris aperriri debeam.

Quid in me quæris dulcissime JESU? si in morte tua petreæ scissæ sunt, & ego durior sum petrâ. Si terra mota est, & ego terrenissimus sum. Ipsum etiam ferrum voluisti tuum corpus vulnerando intrare, & me intrare per facta jam vulnera non permittes? Nunquid cor meum est durius omni ferro?

Et si

Esſi cœleſtis non ſim in compatiendo tibi, nec  
queam cum ſole obſcurari; ramen infernalis conver-  
ſationis ſum, ut ſaltem in triduo mortis tuæ à te de-  
beam viſitari.

Cur enim me feciſti Domine, ſi non debeo eſſe  
tibi conjunctus? aut ſi tibi ſum conjunctus, quare pa-  
riter tecum non ſum vulneratus? Nolo mi Jēſu vive-  
re ſine vulnere, quia te pro me video vulneratum.



## CAPUT XI.

### Proponuntur Praxes co- lendi Deiparam Virginem, & quosdam Sanctos in Feſtis ipſorum.

*In Feſto Conceptionis Beatiffimæ.*

1.



Uæ eſt iſta, quæ progreditur quaſi au-  
rora conſurgens, pulchra ut luna,  
electa ut ſol, terribilis ut caſtrorum  
acies ordinata?

2. Ave ex omnipotentia Patris,  
ave ex ſapientia Filii, ave ex dul-

ciſſima bonitate Spiritus Sancti MARIA cœlum & ter-  
ram illuminans.

3. Ave

3. Ave candidum lilium fulgidæ semperque tranquillæ Trinitatis, rosæque præfulgida cœlicæ amœnitatis, de qua nasci, & de cujus lacte pasci Rex cœlorum voluit.

4. Salve sacratum Regis palatium. Salve thalamus, in quo humanitas Christi desponsabitur. Salve electa DEO antequam nata fueris. Salve divina cum hominibus reconciliatio.

5. Saluto & veneror Animam tuam gratiâ plenam; Tuum intellectum tam scientiâ instanti Conceptionis infusâ, quàm lumine gloriæ & visione DEI illuminatissimum. Tuam voluntatem impeccabilem, omnibus habitibus & actibus virtutum ab ipsa Conceptione tua ornatissimam.

6 Saluto & veneror tuum corpus sacratissimum DEO Homini in primo gradu consanguineum. Tuum cor semper immaculatum, semper amore DEI ardentissimum. Tua omnia sanctissima & purissima membra.

7. Gaudeo de omnibus virtutibus tuis, quòd eas habueris origine Maternitatis altissimas, in gradu perfectissimas, in instanti tuæ Conceptionis infusas, singulis vitæ mortalis momentis crescentes, heroicas, Angelicas.

8. Gaudeo de tua puritate, quòd sis præservata ex meritis Christi, non solum à peccato originali, sed etiam à debito proximo illud contrahendi; quòd sis semper libera ab omni peccato actuali etiam veniali.

9. Gratas tibi æterne DEus, quia elegisti Mariam, velut rosam de spinis, velut stellam de tenebris, velut gemmam de luto facis. Et quia sola cum filio suo de massa generis Adæ primogeniæ innocentiae, originalisque iustitiæ hereditatem retinuit, sola in gratia obedientiæ constitit.

10. Gratulor tibi ô pretiosissima creatura! ô Mater admirabilis illam omnem (quam DEus solus dare volu-

voluit, tu sola capere potuisti) abyssum gratiarum; quâ pro omni existentiae tuae puncto impleta es, ut dignum majestati divinae fieres habitaculum.

11. O felicissima & beatissima mulierum jam praevenio omnium generationum benedictiones & locorum omnium millies te & infinities beatam praedico, & esse gaudeo.

12. O puella sine macula concepta, tu sola eris gloria Jerusalem, tu honorificentia populi nostri. Vellem nunc capacitatem cordis mei millies, milliesque amplius dilatari, ut possim aliquantulum dignè DEO congratulare & gratulari tibi illud instans ortus tui superadmirabilis in mundum.


13. O Augustissima Mater DEI! fiat cor meum immaculatum, ut plùs amet te, honorette, apud omnes extollat te, plùs quàm ulla unquam creatura possit inhonoratâ vitâ suâ offendere te!

14. Tu inchoasti Virgo, ora, ut ego finiam vitam sine macula. Impetra cordi meo illam, quæ ad benè videndum DEum requiritur munditiem. Habeam cor, quod cordis tui sancti amores omnes offerat pro te Filio tuo, DEO JESU: doceat me cor tuum amores immaculatos æternos!

15. Utinam possim esse totus Virgineus, totus divinus, ut cor meum totum sit amor Virgineus, sit amor divinus.

16. O sancta Mater DEI! utinam Filius tuus in morte mea intuens animam meam dicere posset:

Tota pulchra es amica mea, & macula non est in te.



Eodem



## Eodem Die.

*Actus ante S. Communionem.*

**I**N Sole posuisse diceris tabernaculum tuum mi optime JESU, & ipse tanquam Sponsus procedens de thalamo tuo, nimirum clauistro purissimo uteri virginalis. Imò verò mi Domine! **MARIÆ** Matris tuæ pulchritudinem à primo ipsius ortus instanti & in æternum immaculatæ sol & luna mirantur.

Unde ergo mihi ô Amor divinissime! ut tu venias de templo gloriæ tuæ, de purissimo tabernaculo tuo ad me speluncam latronum, vas contumeliæ toties sædaturum, licet toties in sanguine tuo lotum?

Quid mihi & tibi ô JESU Fili Mariæ Virginis, ut invites me ad te Rex Regum & Dominus dominantium! Tu fons sanctitatis, coram quo Angeli non sunt puri! tu sol claritatis æternæ, qui lucem habitas inaccessibleem, ego verò animal immundum, filius iræ & tenebrarum? Quâ fiduciâ comparebo coram te justissime Judex, ante cujus conspectum columnæ cœli contremiscunt!

Pro admirando habetur, quòd tu mi JESU filius DEI vivi non horreris Virginis uterum, novemque mensibus eundem inhabitaveris, qui tamen à Spiritu sancto multiplici gratiarum ac donorum apparatu fuit instructus, quomodo ergo nunc descendes in mea viscera sæda?

Ergone mi Domine patieris cum servulo tuo epulari, qui nosti me in peccatis ac iniquitatibus conceptum ac etiam jisdem demum immersum, quia mandatorum tuorum prævaricatorem? O quantus amor!

tu in me vilissimo peccatore, & ego in te DEus meus, cujus majestas incomprehensibilis est!

Quomodo ergo sine te augustissima Mater & Virgo, sine tuis auxiliis ego pauper servus tuus dulcissimum amorem cordis tui JESum meum recipere praesumam? Absit à me tantum audaciae scelus. Si igitur Filium tuum à me recipi vis, exorna me meritis ac virtutibus tuis, gratiis & gloria tua, & me sic compositum Filio tuo advenienti siste, sic me exorna ô dignissima Mater Filio tuo, quemadmodum te Spiritus Sanctus exornavit eidem Filio ad te venturo & in visceribus tuis incarnando.

Veni ergo mi dulcis amor ad pauperculam animam meam. Veni misericordissime & amabilissime DEus cum Maria Mater tua, praearet illa tibi cor meum (ut sit sine macula) in purum habitaculum tuum, in arcam tuam, tabernaculum, thronum, templum & lectulum tuum, ut quiescas & maneas in me, ut videam te, amem te, ardeam, liquefam, consumar, & consumer in te.

### *Actus post S. Communionem.*

**Q**uibus te ô amorosissimum Sacramentum excipiam & tractabo modis? quomodo te dulcissime Hospes amorque mi JESu redamabo? Nihil habeo carius, & pretiosius corde Mariae, hoc tibi dono & offero.

Per te Virgo Immaculatissime concepta DEum meum in corde meo latentem, quem ego indignus peccator sub his Eucharisticis speciebus praesentem suscepì, amo, laudo, agnosco, veneror, glorifico, exalto, deprecor & praedico, invoco, & possideo.

Tuo corde ô pura & deificata pretiosa & super  
omnes

omnes benedicta Virgo Mater, pro me amplectere Filium tuum mihi hodie datum.

Concede mihi o piissima Genitrix hujus ipsius corporis, quod ego sumpsi, illos tuos affectus, illas considerationes, omnemque gratiarum, donorum ac virtutum tuarum apparatus, ut tam decenter & sanctè, tam reverenter & devotè Filium tuum tractem, sicut tu illum tractasti.

Tu enim sola Virgo Sanctissima placuisti Altissimo, tu felicissimè concepta primo tuæ conversionis ad DEum actu maximum eidem gustum exhibuisti, deinde Filium DEI, quem cœli cœlorum capere non poterant, tuo gremio contulisti, de purissimo sanguine tuo & de Spiritu Sancto concepisti, de castissimis visceribus tuis genuisti, genitum ubere de cœlo pleno lactasti.

Quia verò mi Domine ego indignus peccator nihil habeo, quod possit tuam majestatem & dignitatem condecere, hanc saltem voluntatem habeo & offero tibi; quâ affectus plenitudine totam se tibi Virgo mi DEUS in omnem usum, obsequiumque primo sui exortus instanti consecravit ac devovit, eodem ego affectu offero me ipsum totum tibi, atque trado in hæreditatem & possessionem æternam. Tuus sum ego in æternum.

Exuo affectum omnem ad omnia, & ad te unum tanquam centrum meum toto impetu tendo, festino, ruo. Sufficiat mihi amor mi dulcissime, quod te habeam; quod te in Sacramento susceperim. Nihil in hac vita mea amplius & melius desidero, de unico summo Bono meo, amorèque contentus sum. Amorem hunc & affectum, quo ad te feror, in omne momentum & æternitatem continuare cupio, ac, quantum possum, continuo.

*In Purificatione.*

I. **O** Mater Domini mei monstra te esse Matrem, depone Filium tuum in manibus meis, sufficit mihi, ut videam & exosculer, quem diligit anima mea, antequam moriar.

2. O bone JESU! apud te os meum sine voce, & silentium meum loquitur tibi; usquequo tardat venire Dominus meus ad me? quando videbunt oculi mei ô Pater salutare tuum, quod parasti ante faciem omnium populorum?

3. Divine parvule in sinum meum licet angustissimum, amore tamen tuo, & tui divini cordis dilatandum advola, requiesce in sinu meo, ut sic amore tui moriens in amplexibus tuis cantem: Nunc dimittis Domine servum tuum in pace.

4. Suscipio hodie in medio templi misericordiam, & amorem meum, gaudium, & vitam meam, JESUM & DEUM meum. O delictum sine deliquio! ô exultationem sine supplicio! ô lætitiā sine fastidio!

5. Intelligis tu parvule JESU! superintelligis omnia: intellige super egenum me & pauperem maxime in occasu meo.

6. O purissima Domina mea, dulcissimum amarissimi agonis solatium! da mihi JESUM morienti, & dimitte cum Simeone me servum tuum in æterna pace.

7. Festina ô Mater misericordiæ, & monstra te esse mihi Matrem in hora mortis meæ. veni & fac, ut in occasu meo oriatur mihi sol non tam justitiæ, quàm misericordiæ.

8. Non recuso horrendos ignes, longum illum diem purificationis meæ. Mallem tamen illos DEI amore, quàm pro pcena culparum pari.

9. Sim ego ô JESU, ô Maria, sim candidus vester

cere-

cereus, consumar, absumar amore vestri lucens & ardens, usque dum hic felici vos amantium morte extinctus, immortaliter apud vos ardeam igne illo, cujus flammæ sunt linguæ amoris DEI.

10. Respice parvule mi JESU, respice in templo, & accende me ac mea omnia illis tuis oculis, quos tanquam flammam ignis vidit postea Joannes tuus. Illi tui ignei oculi faciant me, alis flammeis avolare illuc, ubi est templum amoris æterni, ad quod evocare soles dilectos Virginis Matris tuæ.

11. O mi JESU! rogo te per Patrem tuum; cui hodie oblatus es, per te ipsum, qui oblatus es, per Spiritum Sanctum, cujus instinctu oblatus es, per Virginem Matrem tuam, & S. Josephum, à quibus oblatus es, fac, ut ego, & omnes tuo divino ac Matris tuæ amoris addicti, simus candelæ tuæ, quas tu (quod hodie petit Ecclesia) lumine supernæ benedictionis accendere digneris, ut corda nostra invisibili igne, id est S. Spiritus illustrata, omni vitiorum cæcitate careant.

12. Tibi me hodie sisto parvule JESU, quem Patri hodie in templo sistit Mater; ut cum ante te mihi ad ultimam sententiam percipiendam sistendum erit, ad dexteram Electorum me sistere velis.

13. O Maria dulcissima Mater mea amantissima! quid, obsecro, dabis nobis in hoc festo? Purifica me Virgo Sancta, purifica totum mundum. Benedic Filio tuo mihi, quem gestas in manibus, & toti mundo.

do. Accende me igne tuo, ut cor meum flammis amoris divini semper ardeat.





## Eodem die.

*Actus ante S. Communionem.*

**V**Squequo Domine dulcissime amor mi tollis animam meam, & non venis ad eam? Ecce jam tædet ipsam vitæ suæ. Quid dicam? quò vadam, quis renunciabit tibi dilecto meo, quia amore tui langueo? Quis mihi det te ô amantissime JESU sugentem ubera Matris meæ, ut amplectar te & deoculer & introducam in domum meam, tuguriolum cordis mei?

O desideratissime hospes animæ meæ, decore nimis & amabilis super amorem hominum & Angelorum, sicut Mater amat unicum filium suum, ira ego te diligo ac tuo suavissimo conspectu satiari volo.

Quemadmodum desiderat cervus ad fontes aquarum, ita desiderat anima mea ad te Salvator meus Domine JESU, desiderat, inquam, anima mea satiari pane tuo, quem de cælo præstitisti nobis omne delectamentum in se habentem. Sitio te Deum meum venam aquarum viventium, sitio sanguinem tuum, quem mihi in potum mirabiliter tribuisti.

An verò vis animam meam rejicere & pertransire, quia, homo peccator sum? scis enim Domine, quibus te malis offenderim, quibus peccatis iram tuam irritaverim? quomodo Spiritum Sanctum tuum contristaverim?

Ita est Domine JESU, agnosco & profiteor coram cælo & terra, quia multiplicatæ sunt iniquitates meæ super arenam maris, adeoque non est bonum hunc panem filiorum mihi cani putrido dare: non expedit hanc redemptionis nostræ gemmam pretiosissimam ante porcum projicere.

Scio

Scio tamen Domine, quia etiam debiles & claudor ad cenam tuam invitasti, quia cum publicanis & peccatoribus manducasti, quia filium prodigum ad te reducem vitulo faginato tractasti. Ad mensam ergo convivii tui cum timore & tremore accedere præsumo, quem ego credo firmâ fide sub accidentibus Eucharisticis esse verè & realiter præsentem una cum divinitate, anima, corpore, & sanguine tuo pretioso.

Veni ergo Domine, & noli tardare, veni dulcedo mea, veni salus animæ meæ, vita mea, DEUS meus & omnia! Ecce pando tibi dulcis JESU panis viventium sinum cordis mei, & paratum offero totum animæ meæ habitaculum, dignare ad me venire, & mecum usque ad finem vitæ meæ manere. Non sum quidem justus & timoratus, quia gravissimus peccator, expecto tamen redemptionem Israël, expecto, donec veniat, qui mittendus est.

Ad te etiam supplex accedo piissima Mater, deponere ex ulnis tuis Virgineis hunc filium tuum in sinu cordis mei. Quid enim negabis pauperi, quod hodie concessisti Simeoni? fac me unum de mercenariis tuis, qui hic fame pereor, amore languero, non est, qui consoletur me ex omnibus charis meis.

Quàm beatus es magne Simeon bajulus factus Amoris mei, quàm beati oculi tui, quibus desideratum cunctis gentibus Redemptorem mundi aspexisti! quàm beatæ manus, quibus Authorem vitæ contrectasti! ô quàm suaviter casta ludit inter brachia tua dulcis JESUS amor meus, pendet amica collo sarcina, purpuraturque genas basis, purpuraturque tuis. Ignosce, invideo tibi magne senex. Satis ah satis exultavit spiritus tuus in DEO salutari tuo. Concede etiam mihi hoc amicum pondus. Morior, si denegas, paululum concede hanc sarcinam visariam gestandam dexterâ.

*Actus post S. Communionem.*

**O** Pater æterne ac amantissime ! ô mater dulcissima Maria ! en jam induxistis Puerum Jesum parentes ejus in cor meum , jam filium vestrum accepi in ulnas meas , en , quod concupivi , teneo , car jam corde non ardeo ?

Intuemini Sancti Angeli , quantus sit iste , qui ingreditur , & ipse est Rex justitiæ. Præcursor ingreditur secundum ordinem Melchisedech Pontifex factus in æternum.

Suscipio Domine Jesu misericordiam tuam , quia te ipsum in medio templi tui , cordis mei , cur noti clamabo cum tuo Simeone , qui dum te in ulnas suas , necdum unius ulnæ infantem suscepit tanquam cygnus lætus ante letum cecinit , & petiit demittit.

Clamabo & ego , & dicam cum eodem : Nunc dimittis servum tuum Domine secundum verbum tuum in pace. Vidi enim te , & vidi , & gustavi toties in Eucharistia. Viderunt oculi mei salutare tuum , quod parasti ante faciem omnium populorum. Lumen ad revelationem gentium , & gloriam plebis tuæ Israel.

O Virgo sacratissima , quo tu affectu pignus tuum dulcissimum ac divinissimum hodie templo illarum , altarique impositum divinis oculis præsentasti & amplexa es , simili cordis devotione & affectu ego modo Filium tuum in corde meo depositum amplecti desidero.

Jesu mi dulcis hospes animæ meæ hodie à Simeone gestate , benediste , & elevate super altare , te ego quoque servulus tuus in corde meo elevare gestiens , totâ capicitate mea confirmari , finaliterque in gratiæ tuæ amicitiaque pace dimitti in æternum poscilo.

O si moriatur anima mea morte justii istius , & fi-

ant novissima mea hujus similia. O sanctissima Mater ad sis & mihi in hora mortis meæ. O Jesu benignissime, dum in extremo vitæ meæ dignaberis è templo sancto tuo venire ad me, & sacro viatico munire me, ne permittas me separari à te, in hora mortis meæ voca me, ut amem te.

Quis mihi det, ut in ultimo vitæ meæ puncto ardere possim immensis ignibus amoris tui, ut qui aliquando remissus fui in amore tuo, nunc æstuem & accendar amore tui Seraphico. O si in puncto resolutionis meæ tantum conciperem tui amorem, qui solus sufficeret separare animam meam à corpore meo?

Obsecro te mi Jesu per illum ipsum amorem, quo te mihi in cibum communicas, & per istud amoris Sacramentum, istam mihi ex hoc gratiarum fonte præsta gratiam, ut hoc corporis tui Sacratissimi cibi confortatus, viam ingrediar universæ carnis, sistarq; judicio tuo non damnandus ad mortem, sed salvandus ad vitam, in qua te summo Bono meo fruar in æternum.

### *In Festo S. Benedicti.*

1. **B**enedictus sis Domine DEUS in firmamento cæli, quia Benedictum tuum Patrem multarum Religionum constituisti, filiis ejus benedixisti, & multiplicasti eos sicut stellas cæli.

2. O dilecte Domini Benedicte! cujus hodie solemne festum omnes filii tui (quorum numerus uni DEO cognitus est) sub Sanctissimis legibus tuis militantes concelebrent. Juva me precibus ac meritis tuis; ut ego nunc & æternum sim dilectus & benedictus à Domino, ac diligens ac benedicens Dominum.

3. Seraphine terrestris! qui in materno utero exultare & psallere es auditus. Non potui DEum amare

& illum benedicere ante, quàm nascerer, fac, ut saltem nunc, & in æternum totus dulcedine divini amoris plenus, totus flammâ divinæ charitatis incensus diligam DEum ex toto corde, totisque medullis præcordiorum meorum misericordias ejus concinam.

4. Cœlestis inter homines Angele ! qui è visâ à te olim sœminâ recordatione, immundum Spiritum sœdis tibi cogitationibus importunum in urticas & spinas volutatus repulisti, & tamdiu corpus tuum sentietæ aculeis laceravisti, donec nesciret insidiator, liliis an rosis irasceretur; cùm innoxia inter spinas lilia efflorescere frendens conspiceret; impetra mihi cor totum candidum, totum lilium, impetra mihi victoriam de mundo, carne, & diabolo.

5. O felicissimi & flammei cordis Vir ! qui discipulorum quemdam orationis tempore, mente sponte vagum, per sibriam vestis è templo foras à nigro puero trahi vidisti, eidemque orationis Spiritum impetrafti, impetra, ne me unquam irretire possit dæmon; ut denique non tradat bestiis meam hanc animam confidentem sibi DEus meus.

6. O Thaumaturge ! cujus imperio aqua pede sicco calcavit tuus discipulus Maurus. Qui bibiturus, factio pro more, super vasculum Crucis ligno, illud vi divina fractum, ne venenum biberes, vidisti. Qui rogatu cujusdam parentis filium ejus mortuum resuscitasti : Roga, obsecro, JESum, ut lætitiâ Angelis DEI creet mea mors, non verò dæmonibus : ut in templo Sancto gloriæ DEum meum una tecum benedicam, æternum benedictus.

7. Sancte mi, & in altissimo gloriæ throno à DEO collocare Vir ! qui Sanctæ Scholasticæ Sororis tuæ, & postea S. Germani Episcopi animam in cœlum abeuntem aspexisti; assume animam meam, ut in morte à corde meo abeat ad te itinere sancto !

8. Mar-



8. Martyr amoris DEI! qui scriptis divinâ sapientiâ plenissimis legibus, miraculorum gloriâ celeberrimus, vaticino Spiritu multa præfagiens, sumpto Viatice, præmortua corporis per austeritates exhausti membra, in parato tumultu inter manus & lacrymas discipulorum placidissimè composuisti. Veris pœnitentiæ ac amoris lacrymis cor meum imbue, ut sanctâ verè amantium morte moriar. Impetra mihi Spiritum veri amoris DEI, qui corpus meum mortificatione assiduâ, & animam oratione perpetuâ DEO sacrificet.

9. O dilecte Domini Benedicte! cujus anima fulgentibus circum lampadibus, pretiosissimo pallio velut Sponsa ornata visa est abire in cœlum; & vox audita est. Hæc est via, quâ dilectus Domini Benedictus ascendit. Qui hoc tuo die, Sanctæ tuæ filiæ Gertrudi apparuisti, totus efflorescentibus ex te rosis undique corpore toto vernans. Ora pro pigro hoc, & ad dura pro æternitate sustinenda, delicato nimis corpore meo: Patiatur nunc, ne patiatur in æternum. Currat, quod anima, quod Dēus vult, ut cœlum, non infernum comprehendat.

10. Idem etiam nunc oro, quod hodie in solemnâ oratione ad te clamant alumni tui: ut excites in me Spiritum illum excellentissimum, quo tu calcare mundum, mortificare carnem, subjugare infernum didicisti ac docuisti: ut eodem repletus, Sanctissimam Regulam tuam fideliter observem, virtutes tuas imitari studeam, dæmonum insidiis viriliter resistam, & te juvante feliciter moriar.



## Eodem Die.

*Actus ante S. Communionem.*

**I**Tâne ab æterno cogitasti de me, & singulis etiamnum momentis cogitas de me & in æternum cogitabis ô amabilissima bonitas DEus meus ? Et ego ram diu fui oblitus tui, etiam modo vix memor tui, & in posterum tui potero oblivisci ô amabilissima bonitas ?

Quàm tædet, quàm pudet me mei ! ô magnum prodigium, quòd ab æterno amaveris me ! sed nunquid non majus prodigium, quod in æternum diliges me ? O nimia charitas, quid faciam tibi ?

Et quid obsecro unquam oculis majestatis tuæ placuit in me ? quid boni ego feci ? quid merui ? elegisti me ante mundi constitutionem, ut sim sanctus & immaculatus in conspectu tuo, & cum in peccatis jacerem, vocasti me é sæculo nequam in admirabile lumen tuum, in locum sanctificationis, dissimulans peccata mea propter pœnitentiam.

Quid in me dulcissime JESU invenisti obsequii, quia liberaſti corpus à perditione, liberaſti me secundum multitudinem misericordiæ nominis tui à rugientibus præparatis ad escam, de manibus quærentium animam meam, à pressura flammæ, quæ circumdedit me, & in medio ignis non sum æstuat ?

Toties ob scelera mea tradendus eram inferno cum aliis, quos in iplo fervore peccatorum oppressit mors, qui nunc in flammis infernalibus cruciantur, & tamen mihi, cur autem mihi ! misericordissimè pepercisti ?

Sis millicies mi Domine benedictus, qui me ex innumeris mundi periculis liberaſti, & ad sanctam reli-

gio.

gionem  
quâ me  
xisti an  
descen  
in Fili  
crasti,  
illo, u  
C  
reple  
ut tot  
tuæ ch  
helem

quæ s  
tibi so  
scar,  
amore  
V  
anima  
pertra  
ô dul  
anima

O  
anteq  
gloria  
disti,  
quibus  
is, pr  
guine

gionem mirabiliter evocasti. Benedicte sit illa hora, quâ me eduxisti de tabernaculis peccatorum, quâ eduxisti animam meam ex inferno inferiori, & salvasti à descendantibus in lacum. Benedicte sit horâ, quâ me in Filium tuum adoptasti & in templum tuum consecrasti. Verè locus iste sanctus est, verè DEus in loco isto, ubi Panem Angelorum manducamus.

O Panis Angelorum, factus cibus servulorum, reple etiam me hodie mendicum tuum suavitate tua, ut totus dulcedine amoris tui plenus, totus flammâ tuâ charitatis succensus, ad te solum æstuantissimis anhelem desideriis.

Absorbeat, quæso, mentem meam ab omnibus, quæ sub cælo sunt, ignita & melliflua vis amoris tui, ut tibi soli inhæream, solâque tuâ suavitatis memoriâ pascar, te solum in omnibus & super omnia castissimo amore, omni momento diligam & amplectar.

Veni ergo ô Amator ardentissime ad pauperculam animam meam, hic habites, quoniam elegisti eam. Ne pertranseas servum tuum ô dilecte votorum meorum, ô dulcedo cordis mei, ô requies spiritûs mei, ô vita animæ meæ, DEus meus & omnia.

### *Actus post Sacram Communionem.*

O DEus immensæ Majestatis & infinitæ bonitatis! quid retribuam tibi pro omnibus, quæ tu tribuisti mihi? En non tantum ab æterno, & antequam essem, gratis adamassti me, & ex nihilo ad gloriam tuam, æternamque felicitatem meam condidisti, fecisti Angelos tuos spiritus etiam propter me, quibus mandasti, ut custodiant me in omnibus viis meis, pro me servo peccati & dæmonis redimendo sanguinem & vitam dedisti, è tenebris peccati, in quibus

diutis

diutissime hæsi, extraxisti; tot gratis habitualibus ornasti, & actualibus prævenisti & adjuvisti: verum etiam me toties non lacte ut Mater filium, sed corpore & sanguine tuo reficis & nunc etiam refecisti.

Agnosco mi Domine & amplector visera pietatis tuæ, quibus me dilexisti ac diligis, agnosco misericordes oculos, quibus respexisti super mortuum canem similem mihi. Pro his omnibus benedicam te Dominum meum DEum salutis meæ in omni tempore. Mirericordias tuas in æternum cantabo.

Quia verò homo peccator sum, laudet te & benedicat pro me gloriosissimæ Virginis hujus sancti instituti Patronæ dignissimum cor & anima. Laudent te & benedicant infinita Sanctorum Angelorum castra ac præcipue laudet te & pro me benedicat nomini tuo laudabilis Confessorum numerus cum suo divinissimo Benedicto, sancta & immaculata hujus sacri Ordinis Virginum turba, & omnis electorum tuorum exercitus.

Clamo ad te potentissime protector salutis meæ Sanctissime Pater & dux noster Benedicte, tu de tua salute jam securus es, de me, obsecro, sis sollicitus, & quem in vita Patronum elegi, in morte patrocinantem experiar, victurus deinceps tecum beatè, patrocinii tui memor æternum. Subveni mihi misero peccatori, sedenti in tenebris & umbra mortis, & solve vincula captivitatis meæ. Eleva me ab hac sordida terra, ut mihi mundus crucifixus sit, & ego mundo.

### *In Annuntiatione.*

1. **E**Cce Angelus Domini nuntiat tibi Virgo beata, quia tu gratiâ plena, concipies & paries Filium DEum videlicet & Hominem.

2. Audisti Virgo, quòd concipies & paries filium, expe-

expectat Angelus responsum; tempus est, ut revertatur ad DEum, qui misit illum. Expectamus & nos ô Domina verbum miserationis, quos miserabiliter premit sententia damnationis.

3. Responde Domina per Angelum Domino verbum, suscipe Verbum, profer tuum, & concipe divinum, emitte transitorium, & amplectere divinum. Da Virgo responsum, quod terra, quod inferi, quod expectant & Superi.

4. O Archangele DEI, qui legatione fungeris pro verbo increaro, fortiter & suaviter age pro Domino tuo.

5. DEO gratias. Jam utrinque consensus datus est; jam Verbum caro factum est, & habitat in sacro Virginis utero; jam JESUS vocatus.

6. O Mater DEI mei, quibus tibi affectibus gratulabor Maternitatem tuam divinam? ô si omnium mihi corda essent! ô si cor ipse totus essem, quantum est totum universum, vellem Te toto me, gratulari æterno DEO! toto me Tibi gratulari Filium DEum.

7. Benedicta & venerabilis es Virgo MARIA, quæ sine tactu pudoris inventa es Mater Salvatoris, & quem totus non capit orbis, in tua se lausit viscera factus Homo.

8. Benedicta sis tota ô dulcissima Virgo, in corpore tuo purissimo, & anima sanctissima

9. Benedico beatissimum uterum tuum, in quo Dominum coeli & terræ portasti. Benedico Beatissimum cor tuum, quo ferventer filium tuum dilexisti. Benedico beatissima ubera tua, quibus eum lactasti. Benedico os & labia tua, quibus ei dulcissima oscula dedisti &c.

10. Benedictus sit DEus Pater, qui te in suam Filiam adoptavit. Benedictus sit Filius, qui te in Matrem suam elegit. Benedictus sit Spiritus Sanctus, qui te in Sponsam sibi assumpsit.



11. Sancte Gabriel Archangele MARIANE benedic & saluta mecum, & pro me MARIAM, & doce me illam salutare; ut oret pro me, oret nunc, dum vivo; nunc, dum oro! nunc, dum in periculo damnationis æternæ & in agone mortis meæ.

12. Virgo gratiâ plena, esto mihi MARIA, impetra, ut in gratia moriar, ut Dominus sit mecum, & ego cum Domino in æternum.

13. O benedicta in mulieribus, ora, ut benedictus fructus ventris tui JESUS, sit mihi viventi & morienti JESUS. Ita fiat ô MARIA Mater DEI, viventium & morientium, ac prædestinatorum Mater.

14. O Virgo Beatissima, quæ cum esses parvula, placuisti Altissimo, tantum te & ego diligo, ut si ego solus possiderem omnium Electorum gratissima corda, libenter illa omnia amori tuo impenderem.

15. Si essem ô Domina Christus, in te non in aliam flumina gratiarum derivarem. Si essem MARIA, reliquerem esse MARIA, ut in sola esses MARIA. Si essem supremus Angelus te non aliam, nomine omnium Angelorum optarem Reginam.

16. Si in me voluntates omnium hominum posita essent, te non aliam Mediatrix redemptionis humanæ precarer. Si cordibus & linguis omnium loquerer, te, non aliam Dominam mundi vocarem.

## Eodem die

### *Actus ante S. Communionem,*

**D**ereliquit me dulcissime Amor, mi JESU, Virtus mea, & lumen cordis mei, atque robur mentis meæ non est mecum. Formido enim & terro-

ror, t  
runt su  
calcear  
to reci  
de nihil

A  
Spiritu  
sini ob  
plena,  
cto, &  
tutum  
to, tr

I  
tu es  
munci  
bi, de  
nihil si

N  
tamen  
Confer  
resistit  
respon  
audaci  
arctor

S  
supplex  
non est  
dia (t  
tua per  
go ac  
trix g  
tuo Fi  
sionem

T  
vini ar

ror, tremor Majestatis tuæ occupaverunt, & ceciderunt super me. Non sum dignus solvere corrigiam calceamenti tui, & dignus ero in sanctissimo Sacramento recipere te? Quomodo audebo accedere ad te? Unde mihi tantum dignitatis, ut venias ad me?

Ad Virginem Matrem non prius venisti, quàm Spiritus sanctus superveniret in eam, & Virtus Altissimi obumbrasset illi, & tamen jam illa fuerat gratiâ plena, quomodo igitur potes ad me, & Spiritu sancto, & Virtute Altissimi, & plenitudine gratiæ destitutum venire? Cur te mihi obtrudis Domine invito, trementi, & vilitatis meæ conscio?

Ignosce Domine, quòd formidem recipere te, quia tu es DEUS meus magnus nimis, ego autem sum homuncio vilis nimis, ex nulla parte par sustinendo tibi, declina à me Domine, quia peccator sum, quia nihil sum, quia non habeo sanctitatem Matris tuæ.

Non audeo quidem resistere voluntati tuæ, & tamen etiam non audeo te admittere ad me Domine. Consentire timeo, & dissentire pertimesco, quis enim resistit tibi & pacem habuit? Aut quis sum ego, qui respondeam DEO pro mille? Si te cupio recipere, audacia est, si renuo ad te accedere, miseria est. Coarctor nimis & angustia mihi sunt undique.

Scio tamen miser, quid faciam, en ad tuos pedes supplex accurro pia Mater & Virgo, quia à sæculo non est auditum quemquam ad tua currentem præsidia (teste tuo Bernardo.) tua implorantem auxilia, tua petentem suffragia à te esse derelictum. Per te ergo accessum habeamus ad Filium ô benedicta Joventrix gratiæ, genitrix vitæ. Tuo Filio me reconcilia, tuo Filio me repræsentâ, ut ad me veniat, & mansionem apud me faciat.

Tu enim sola placuisti Altissimo, quæ ardore divini amoris accensa, totâ menta, totâque virtute vi-

rium elevata, DEum tuum ardentem diligens contem-  
plabaris, & tunc tibi SS Trinitas DEus per vocem An-  
geli sui salutationem transmissit, Incarnationis Filii DEI  
consilium intimavit. Virginali integritati, pro qua  
zelabas honorificè, cavit, obedientiam accepit. Et  
quando ancillam DEI te esse professi fuisti, in illa  
hora benedicta, DEI Filius in te factus est tuus Filius.

En etiam anima mea ancilla tua Domine, fiat  
obsecro iterum in corde meo Verbum Caro Factum.  
Eo affectu dulcissime JESU te suscipere hodie deside-  
ro, quo te affectu & desiderio tua Mater, Spiritu san-  
cto cooperante in visceribus suis incarnavit, suoque  
purissimo Sanguine convestivit. Veni Domine JESU,  
salus & vita animæ meæ, & noli tardare.

*Actus post S. Communionem.*

**O** MARIA Virgo & Mater ! Ecce Filius tuus  
Homo DEus factus mihi concorporeus ! pro  
quo, ut ardentissimas illi gratias agas, suppli-  
citer postulo.

Adoro te mi dulcis JESU, Fili MARIE Virginis.  
Adoro divinum Carnem & Sanguinem hic realiter sub  
Eucharisticis speciebus existentem, quam de Virginis  
MARIE substantia in Incarnatione assumpsisti.

Benedictus sis tu DEus Creator omnium, qui in  
Uterum MARIE Virginis, ac sub tectum meum, de-  
scendere dignatus est.

Millies & infinities sit benedictum ô benedictum  
Sacramentum ! Benedictus sis infinities JESU dulcissime  
Amor meus, benedicta sit Caro tua, Sanguis tuus,  
anima tua, divinitas tua, quòd venire dignatus es  
ad me.

Benedicta sis etiam millies ac millies Virgo Bea-  
tissima,

tissima, quod lacte proprio, magnisque laboribus panem hunc ad victum nobis dederis, in Crucis ara pro nobis, & in altari in nostrum remedium æterno Patri offerendum, atque in Sacratio Cordis nostri reponendum.

## Die dolorosæ Virgini sacro.

*De septem illius doloribus.*

**I.** **P**la Mater fons amoris, me sentire vim doloris, fac, ut tecum lugeam, fac, ut ardeat cor meum, in amando Christum DEum, ut sibi complaceam. Ut & tibi complaceam, Cujus animam pertransit gladius, & utriusque dolore & amore langueat, ardeat, liquefiat anima mea.

2. An non toties pertransiit animam tuam gladius Virgo beata? quando in stabulum divertisti, primogenitum tuum in præsepio collocasti, Circumcisionem ejus commiserata aspexisti, in Ægyptum cum Filio fugere debuisti, ac duodennem in templo amissum triduo dolens quæxivisti?

3. En demum anima illa divina, illud delictum cordis, tristis est usque ad mortem Filius tuus, dum ille cœlestis vultus, in quem desiderant Angeli prospicere, infusus lacrymis procumbit in terram, & factus est sudor ejus, sicut guttæ sanguinis decurrentis in terram.

4. O dolor! en etiam Filius tuus aptatur ad verbera, jam cæditur, rumpit sacram cutem violentia flagellorum, repetitis ictibus crudelia verbera scapularum terga conscindunt, jacet extentus ante hominem DEUS! Liceat rem tam immanem ac novam, novo,

inuitato vocabulo exprimere? Verbum Incarnatum carnifices excarnarunt, flagris, verberibus, multiplicatis velut super incudem ictibus, carnem ab ossibus mixtam sanguine per aërem disjecerunt

5. Vidisti pia Mater Filium, & non erat ei species, neque decor, non erat aspectus. Vidisti eum despectum, & novissimum, virum dolorum, & scientem infirmitatem, & quasi absconditus vultus ejus & despectus.

6. Egredere insuper Filia Sion, egredere ô Virgo Mater, & vide filium tuum Jesum in diademate, quo coronavit eum Mater sua, Mater improba Synagoga. Inspice, quomodo diris sentibus horrens textum, armatis ferro manibus, & fustibus in divinum Jesu verticem altè deprimitur, fluit undequaque permixtus lacrymis sanguis.

7. Sed non stetit hic furor. Cadentem te mi Jesu Virgo Mater ingressu primo in terram, & sapius deinde labentem sollicita suo exceptit sinu, fovit oculis, recreavit amplexu, at nunc in egressu ultimo sub immani Crucis pondere toties labentem, non est, qui adjuvet, non est, qui recreet. En jam furore quanto extra civitatem educitur Jesus usque in Calvariae locum, gravi onustus Cruce, comitatus latronibus. Ergone credam ejectum te Sanctum Sanctorum ex Civitate sancta, nec usquam amplius comparere in ea?

8. Hæc singula confers in corde tuo, & profundè gemens dicis: Ne vocetis me Noemi, ist est pulchram: sed vocate me Mara, id est, amaram, quia amaritudine valde replevit me Omnipotens.

9. O tristissima Matrum, te adjuvat anima mea, & qualis est Unigenitus tuus, qui occurrit tibi? Et dicis: Unigenitus meus candidus & rubicundus, sed non illo colore ad miraculum amabili, sed flebili supra omnem modum.



10. O MARIA! ô mœstissima mulierum, ô afflictissima Virginum! ubi dilectus tuus cubat, ubi nunc latitat, indica mihi? Eheu filia Jerusalem dicunt mihi? quia ad funestum Calvariaë locum, pro homine, gravi onustus trabe, coronâ spineâ confixus, post mille gemitus, post amaras lacrymas, post cruentos gressus, stipatus latronibus, pergit crucifigendus.

11. Ita est. En jam stat toto corpore nudus, expositus undique frigido aëri, perfusus stillante cruore, oppletus doloribus, circumdatus tortoribus, Filius tuus in loco totius mundi vilissimo, in cadaveroso furcis & crucibus infami.

12. Inspice cum lacrymis, quomodo extentas manus Carnifices trabalibus clavibus perfodiunt, demum funibus extendunt, ut nervi omnes ac venæ disrumpantur. Tam atrox porro sit hæc membrorum extensio, ac tam violenta, ut ossa singula suis sedibus dimota atque divulsa numerari possint.

13. O cœlum! ô terra! ô superi & inferi! ô quidquid usquam sentit aut sensus expers est! quis audivit unquam talia horribilia, quæ fecit genus filiorum hominum? O sol subtrahe te tanto facinori, obscurare, & in tenebras abi, obvolvite vos caligine sidera; excutere à fundamentis tellus & sede tua exili, scindite vos petræ, hiate saxa ad tantum nefas.

14. Quale spectaculum porrigit oculis meis Golgotha! in medio Palestinæ. Ah! aspectum! dignum, post quem nihil aliud aspiciam.

15. Quàm flebile spectaculum illud fuit Virginis Matris, lacrymantis, suspirantis, & præ dolore deficientis; & Filii ejus in Cruce pendentis & expirantis!

16. Tu verò amantissime Jesu, in hoc rerum statu, in his tuis injuriis, doloribus, contemptibus, in hac hominum iniquitate & scelere, in hac uni-

versu perturbatione , quid agis ? quid animo volvis ? quæ tibi mens ? quod consilium ? Amas : Et quosnam amas ? homines amas ? Etiamne mi Amor homines amas ? & ardentissimè amas ? & summè amas , & ad mortem usque amas.

17. Absit mihi jam aut gloriari aut quiescere, nisi in Cruce tua mi JESU, in tuis vulneribus ! Amore tui langueo , ac deficio , sed quaeso vos , quicumque estis , ne me fulcite floribus , ne me stipate inanis , sed fulcite me sentibus , stipate me spinis , clavis etiam , si vultis , configite , ut Christi configar Cruci.

18. Offero etiam Cor meum tibi ô afflictorum & dolentium Regina , ad excipiendos dolores tuos , & liberandum ab eis cor tuum. In tuis & pro tuis acutissimis doloribus mori exopto. Instans mortis meæ doloribus tuis , & doloribus Filii tui commendo , & communio.

## Eodem die.

### *Actus ante S. Communionem.*

**E**Rubescio verè ante conspectum innocentissimi Redemptoris mei , tam crudeli morte , ob scelera mea perempti , ut spectaculum immanis laniationis factus sit Angelis & hominibus luctuosum , cujus tota corporis compago , tot plagis livida , tot vulneribus lacerata est , Cor ipsum acpectus divini amoris reclinatorium immani lanceæ ictu patefactum !

Ah ! tuorum est ô anima ! tuorum hoc opus est peccatorum. Video tamen mi JESU ! Video te extendere manus tuas , ut me ingratum fugitivum , non filium , sed rebellem mancipium recipias. Et cum sim

una turpitudò, tu tamen me amplecti, imò etiam Corpore & Sanguine tuo recreare vis. Unde verò mihi tanta gratia, nisi ex speciali, ac profundissimo amore tuo?

Audeamné ruere in amplexus tuos, & suscipere te, qui me projecisti per peccata mea infra pedes Luciferi? sufficeret mihi jacere ad pedes tuos ut caninulo, & illos lambere, atque ad hos, omnes turpitudines meas & peccata mea evomere.

Quia tamen mi Domine! invitas me ad sacrum Convivium tuum: Venite, inquit, ad me, qui in me perdendo laboratis, & hoc ipso gravi scelerum mole onerati estis, & ego reficiam vos. Venite, bibite, & inebriamini charissimi, bibite vinum, quod torculari Crucis expressum miscui vobis. Venio gaudens Domine mi JESU! ac clamo post te: da mihi panem vitæ, qui de Cœlo descendit, ut refocilletur anima mea.

Ad tuos etiam pedes accedo ô Maria, mea tot titulis, quod ego tibi obligor beneficiis, tanto mihi benevolentior affectu, quanto propinquior partu, Mater mea es, non conditione naturæ, sed gratiæ jure sub Cruce constituta, quando me genuisti, non ex utero naturalem, sed ex corde filium Spiritualem, non quidem doloribus parturientis, certè tamen doloribus morientis, non tui, sed in te morientis Filii tui, unicè dilecti.

Ecce Mater mea! Venit ad te filius tuus, licet Primogenito tuo longè dissimilis, & inter adoptivos tuos infimus, supplicat tibi non tantùm pro salute sua sanguine Filii tui partâ, lacrymis tuis impetratâ, verùm etiam cùm fame pereat, petit micæ panis vitæ, quem qui gustaverit, non morietur in æternum.

Monstra igitur te esse Matrem, & respice Filium, quo homine si ille indignus est, tu certè materno di-

gnissima, respice ergo ut, succurras, respice & non despiciet Filius. Et si quid in me offendis, unde displiceam, in te reperis, unde placeam.

### *In Visitatione.*

1. **E**Xurge Domina, surge amica mea, DEI Mater & Virgo, gratiosa mea & veni: ostende mihi faciem tuam; sonet vox tua in auribus meis: vox enim tua dulcis, vox salutis est nuntia Salvatoris.

2. Loquere Mater, & exultabit præ gaudio cor meum. Dic verbum, & sanabitur anima mea. Tu enim habes intra te Verbum DEI, quod dat vitam mundo.

3. O Domina mea! ut facta est vox tua in auribus meis, cor meum, & caro mea, exultant in DEO vivum. Gaudebo in Domino semper, iterum dico, gaudebo, & exultabo in DEO JESU meo.

4. O Virgo Beatissima! ad cujus hodie Elisabetham visitantis vocem infans Joannes in Matris utero, præ gaudio exultavit! non te potui amare, ante quam nascerer, ergo, ut saltem nunc, & in hora mortis, & per omnes beatitudinis felices æternitates, sim in numero servorum & filiorum tuorum latantium in te, & amantium te.

5. Visita me cum tuo JESU ô Maria, ita, ut nunc & in hora mortis meæ visitatio tua custodiat Spiritum meum, hinc migrantem; ut in æternum unâ tecum, magnificet anima mea Dominum, & exulet Spiritus meus in DEO salutari meo.

6. O quam beati, quos respexerint illi tui misericordes oculi ô Maria! hos etiam oculos ad me converte,

verte, & Filio tuo benignè me reconcilia, & in æternum conjunge.

7. Gaudeo Virgo Beata, quòd sis inventrix gratiæ, quòd sis thesauraria & dispensatrix gratiarum, ita, ut nulla gratia de cœlo in terram veniat, nisi transeat per manus tuas.

8. Gaudeo & exulto ô SS. Virgo, quòd DEUS te amet super omnia opera sua, & de hac re super omnia delector.

9. Gaudeo, quòd sis Sponsa DEI, Mater Verbi, ministra Incarnationis, omnium gratiarum mare, verè illuminata MARIA, Angelorum Regina. Mediatrix nostra & omnium Domina.

10. Exulto de illo amore, quo te amat DEUS Pater, DEUS Filius, DEUS Spiritus Sanctus, & de illo amore & honore, quo te amant & colunt omnes Angeli & omnes Beati in cœlo, & omnes iusti in universa terra.

11. Invenisti Virgo gratiam apud DEUM: Quid non impetrabit tanta Filia à Patre, Mater à Filio, Sponsa à Spiritu Sancto.

12. Per te accessum habeamus ad DEUM ô benedicta inventrix gratiæ, genetrix vitæ, Mater salutis.

13. Sis mihi ô MARIA pia, semper Mediatrix apud Filium: sis de me tanquam de filio tuo sollicita: succurre erranti: deduc me in semitas justitiæ: misericordes oculos ad me semper converte,

& mihi in morte succurre ut pia Mater cum festinatione.





## Eodem die.

*Actus ante S. Communionem.*

**O** Quanti, quamque multiplicis gaudii & exultationis, una Virginis Beatissimæ Visitatio, causa fuit! Miratur præ gaudio Mater Elisabeth, dicitque: Unde mihi, ut veniat Mater Domini mei ad me? Infans Joannes ad vocem salutantis Virginis exultat in utero: ipse demum Spiritus MARIE exultat in DEO salutari suo. Insuper illud gaudium humani generis Homo DEUS, jam nunc delectatur ludens in orbe terrarum, & tanquam sponsus gestiens procedere de thalamo suo, exultat ad currendam viam suam, viam salutis humanæ.

O Jesu nunquam satis amate, nunquam satis amande transilias licet colles, & salias in montibus similis capræ, hinnuloque cervorum, sequetur te pernicibus alis amor meus, assumet pennas ut columbæ, & volabit & requiescet sub umbra tua, quem desiderat anima mea.

Ibo, ibo, te ducente Virgo, & transibo in locum tabernaculi admirabilis; usque ad domum DEI, ut inveniam, quem quæsi, quem concupivi, quem diligit anima mea, ibi tenebo eum, nec dimittam, donec benedixerit mihi.

O Sponse dulcissime, sonet vox tua in auribus meis, & dicamus invicem, dilectus meus mihi, & ego illi, iater ubera mea, in corde meo commorabitur.

O dulcissima Mater, quo tu affectu & fervore filium tuum Jesum dilectissimum exurgens per montana detulisti, atque in domum Zachariæ intulisti, eodem affectu & desiderio cupio dulcissimum Fili-

um

um tuum, sub speciebus Eucharisticis inclusum, sub tectum cordis mei deferre ac deducere.

Quia verò homo peccator sum, & non sum dignus, ut intret Filius tuus sub tectum meum, sanctifica me priùs pia Mater, ut Joannem, reple Spiritu sancto ut Elisabetham, imple benedictione illà & gratià, ut domum illam. Fer Virgo Beatissima Nominum Jesum ad me, ut sanctificet me sanctificatione æternà, tunc exultabit Spiritus meus in DEO salutari meo.

*Actus post S. Communionem.*

**J**ESU hospes amantissime, occurro tibi in Eucharistia ad me venienti, stupore & humilitate Elisabetha dicens: Unde hoc mihi, ut veniat Dominus meus ad me?

Cantabo etiam tibi in vita mea cum Maria Matre tua, psallam tibi DEO meo, quandiu fuero, clamabo ad DEum Altissimum, qui bona tribuit mihi: Magnificat anima mea Dominum, & exultavit spiritus meus in DEO salutari meo. Quia respexit humilitatem animæ meæ ancillæ sue, & fecit mihi magna, qui potens est. Esurientem implevit bonis, & divites dimisit manes.

Gaudebo in Domino semper, item dico gaudebo, & exultabo in DEO Jesu meo. O delictum, sine deliquio! ô exultationem sine supplicio! ô lætitiàm sine fastidio! ô gaudium sine tormento! &c.



*In Assumptione.*

1. **U**bi est mors victoria tua? ubi est mors stimulus tuus? Non tu vitam auferis Virgini, sed ad DEum transfers, non mortalitati subjicis, sed donas immortalitati.

2. Verè fortis est mors, sed fortior dilectio Mariæ in DEum, quæ valido impetu animam Virginis à corpore separavit.

3. Non nobis Domine JESU, non nobis, sed Mariæ Matri tuæ da gloriam! eleveetur hodie magnificentia ejus super cœlos, ubi tu Rex regum, stellato sedes solio.

4. O quis mihi daret, ut omnia membra mea, verterentur in linguas, tunc non aliud prædicarem nisi hoc: vivat, regnet, & triumphet MARIA!

5. Si linguis hominum & Angelorum hodie loquerer, adhuc celsitudinis tuæ dignitatem & gloriam ô Virgo pulcherrima ne adumbrate quidem, nedum effari possem.

6. Benedictus sis tu DEus, qui corpus & animam Mariæ Virginis Matris tuæ in cœlum assumpsisti, & super omnes Angelos juxta Deitatem tuam honorificè collocasti.

7. Gaude MARIA Virgo, quia omnes Sanctos superas tuo honore. Gaude, quia totum cœlum & orbem illuminas tuo splendore.

8. Gaude, quia ad tuum nutum totatibi obedit cœlestis curia. Gaude, quia ad tuum votum à DEO impetras omnia.

9. Gaude, quia sola es SS. Trinitati proxima. Gaude, quia servis tuis dantur à DEO præmia maxima.

10. O MARIA pulchra ut luna, electa ut sol, fac

me videre pulchritudinem tuam , & ob eam adorare  
& laudare divinam Majestatem in æternum.

11. Sitivit anima mea ad te DEI Matrem viventem & regnantem in cœlis ! quando veniam & videbo lucidiorem sole faciem tuam ?

12. Speciosa facta es in deliciis tuis dulcissima DEI Genitrix, quis non diligit te ? ô Regina cordium & Mater sancti amoris, quis non amabit te ?

13. Amo te Virgo Beata, & desidero amare tantum, quantum te omnes beatæ animæ in cœlo, quantum te amant omnes novem Chori Angelorum, quantum te amat ipsum cor & anima Unigeniti Filii tui.

14. Saluto te ô Regina cœli & terræ ! ô Mater gratiæ & misericordiæ ! vita mea & spes mea post DEum ! Saluto te & veneror in throno gloriæ, ad quem DEus te extulit. Video te jam in portu, dum nos jactamur procellis. Video te in patria, dum nos gemimus in exilio. O potentissima Mater memento nostri, dum tibi benè est, & ne obliviscaris inopiæ nostræ & tribulationis nostræ.

15. Scimus, quòd pulchra sis mulier, dic ( obsecro ) quòd soror nostra sis, ut benè sit nobis propter te, & vivat anima nostra ob gratiam tui.

16. Fratres tui sumus ô Virgo, os tuum, caro tua, sanguis tuus. Obscero Filium, ut misereatur fratrum tuorum, filiorum tuorum, ac proinde fratrum tuorum.



## Eodem die.

*Actus ante S. Communionem.*

**Q**uod munus pro MARIA hodie assumpra, lætificante Civitatem DEI, dabis cœlum nobis? Ecce dum elevarur magnificentia Matris DEI super cœlos, majus est gaudium Angelis DEI, super una Virgine, Domina Virtutem, Regina gloriæ triumphante, quàm super nonaginta novem justis.

Utique scio, quia humanis obsequiis divina vinei beneficentia non silet, quin qui omnes benefaciendi facultate superat DEUS, vincit etiam benè merendi de omnibus voluntate. Calicem aquæ frigidæ sibi datum, divinæ voluptatis torrente compensat, & cibum esurienti exhibitum regno remuneratur æterno.

Venientem ut viveret inter homines DEI filium Maria Virgo excepit in domum suam, domum pudici pectoris, quod templum DEI repente factum est, quid igitur Pater sanctissime pro ejus obsequio, pro sanguinis sui dato subsidio, ut filius tuus fieret Homo DEUS dabis nobis?

Scio equidem & certus sum, quia viventem Filiam tuam, ut vivat inter cœlites, excepisti in domum tuam, & quæ humanitate circumposita & circumducta carne Virginea Filium tuum coronavit, utique illam cœlesti gloriâ & divinitate tuâ circumdatâ coronasti.

Optimè quidem in hoc apparuit benignitas & humanitas tua mi DEUS! cùm enim sit Mater divinæ gratiæ, & genitrix substantiæ ejus, ex æquo sedet ad dexteram Majestatis tuæ in excelsis, tantò melior Angelis effecta, quantò differentiùs præ illis nomen hæ-

redi-



reditavit. Cui enim dixit aliquando Angelorum Filius tuus? Mater mea es tu, tu hodie genuisti me.

Loquar tamen ad Dominum meum, cum sim pulvis & cinis? Quale gaudium nobis est, dum in tenebris sedemus, & hoc lumen cœli non videmus? Scio verè, quia Virgo Mater inebriatur ab ubertate domûs tuæ, & torrente voluptatis tuæ potatur, nos autem mendici & pauperes hîc fame perimus?

Omnis potestas data est tibi mi Domine! à Patre in cœlo & in terra, tibi Mater à Filio, quæcunque ergo poposceris à DEO, dabit tibi DEUS, quid enim denegare poterit, qui seipsum tibi donavit? Pete ergo & accipies, dic, obsecro, ut panem Angelorum manducet homo, catellus Domini.

Fac, ut ambulem in fortitudine cibi illius (qui de cœlo descendit) usque ad montem DEI Horeb.

### *Actus post Sacram Communionem.*

**V**ivat in me JESUS, regnet JESUS, triumphet JESUS, DEI vivi & Mariæ Filius! Quiesce in me ô piissimum Sacramentum. Sufficiat mihi, Amor mi dulcissime JESU, quòd te habeam, quòd te in Sacramento sulceperim.

O quàm cupio dignè tractare & salutare te! O quis mihi dabit linguam Angelorum? quis Seraphicam, ut te, ô JESU mi! tuumque Corpus ac Sanguinem dignè contrectem, ac complectar.

O si ferri possem illo incendio amoris tui, quo sanctissima Mater tua primum in cœlum veniens te salutans & adorans, æstuabat! O si omnes guttæ sanguinis mei mutarentur in flammæ æternæ charitatis, quibus ardent omnes Angeli & Sancti tui.

O adorande, & divinis tantummodo amoribus  
fat

sat dignè redamande Amor meus , tu scis ; quia amo te ! utinam toto me , toto te ! utinam in æternum corde MARIE amem te !

Quia verò homo peccator sum , ad te recurro , ô Virgo Mater DEI ! Mater amabilis , Mater admirabilis , amabilis in gaudio , admirabilis in honore. Per te nos exules filii EVÆ , accessum habeamus ad Filium , per te servi à DEO profugi refugium habeamus ad Dominum , per te peccatis mortui viam inveniamus ad vitam , per te in æternum amemus DEum nostrum.

*In Festo S. Patris N. BERNARDI  
Abbatis.*

1. **S**ancte mi JESU ! MARIA DEI JESU Mater , gratias vobis pro donis , bonisque omnibus in Sanctissimum vestrum ac meum Bernardum largè effusis.

2. O cordis felicissimi & flammei Bernarde , tot candidorum filiorum Pater , candidum me faciat non tam vestium , quàm animi candor. Fac , ut cygneam ac candidam puritatem in moribus & cogitationibus meis præferam.

3. Melliflua JESU & MARIE ac cordium devotorum apis ! fac me verum , JESU & Mariæ servum , impetra mihi hoc unum , hoc sanctum , ut non aliter velim vivere , nec mori velim aliter , quàm , ranquam natus ad hoc , ut vivam & moriar JESU & Mariæ humillimus servus & filius.

4. Felicissime nascentis JESULI amator & spectator ! qui puer vidisti natali DEI nocte nascentem JESUM ; ora , ut cor meum vivat in JESU ac vicissim  
in

In corde meo nascatur, adolescat, delectetur, & nunquam moriatur JESUS.

5. Triumphator mundi, carnis, & Dæmonis: qui turpes ignes aquâ gelidâ extinxisti, & nocte latronem pudicitie fugasti victor; arce à me machinas immundi Spiritûs, ne quid in carnem meam, vel in spiritum meum, dolis suis possit.

6. Martyr amoris divini! cui fratres tuos ad Religionem pellicienti, visa est adesse non semel olim extincta Mater tua, quæ tibi arridens gratulabatur de consilio tam felici; aliàs quoque à te conspecta in gloria; fac, ut per te discam DEum amare, ita ut tu amasti, DEI Matri servire, ita ut tu servivisti, alta fugere, ut tu fugisti.

7. O cordium dulcis magnes! qui ad vale mundo & salve cælo dicendum, triginta socios unâ tecum traxisti, tot animas ad DEum, voce, calamo, exemplo, oratione rapuisti. Ora, ut tales hîc socios amem, qui me ducant, vel quos ducam illuc, ubi tu es. Juva me, ut hîc, & in cælo, tuorum cætu dignus inveniar.

8. Seraphine terrestris! è cujus orantis ore visus est ignis erumpere; quem hoc tuo die, gloriosum vidit S. Gertrudis, mirifico quodam splendore de tuo pectore, ad omnia eorum pectora erumpente, qui per tua merita ferventem DEI amorem obtinere desiderant. Ecce me unum ex illis desiderantibus, desidero amorem illum, quo cor tuum, os tuum, tuus calamus abundavit.

9. Cœlestis inter homines Angele! qui singulis tuis orantibus, singulos Angelos adesse, ac nullâ omisâ syllabâ, quidquid orando dicebant, auro, argento, vel aquâ (prout quisque flagrans erat vel tepidus in orando) adnotare vidisti. Fac, ut nomen meum quotidie libro vitæ, frequentibus purissimi ex-

ga DEum amoris & laudis actibus velut aureo characterē, inscribam.

10. Potentissime apud JESUM & MARIAM Orationator! qui sapius visus es in altum cum Cathedra elevari. Eleva Sanctissimis precibus tuis frigidās, arentes, & distractionum pondere prægraves orationes meas, ut constanter affuescam elevato ad JESUM & MARIAM corde, ignea hæc jacula in cœlum pleno affectu evibrare.

11. Felicissime JESU collactanee! quem Virgo Beatissima dicentem sibi: Monstra te esse Matrem, purissimo sui pectoris lacte in os tuum immisso recreavit. Clamo & ego: Monstra te esse Patrem, quod melius non præstabis, quàm si propitiā mihi reddideris clementissimā misericordiæ Matrem. Irriga cor meum igneo hoc lacte, fac, ut corde toto rationabile, diviniq̃ue amoris plenum sine dolo lac concupiscam.

12. Sanctissime Pater! in cujus amplexus solutus de cruce brachiis, sese dimisit Christus, ac tantā dulcedinis copiā cor tuum inundavit; ut tunc verè cantare didiceris solenne illud tuum: *Expertus potest credere, quid sit JESUM diligere.* Inebria aridum cor meum de illa supereffluente gratiarum plenitudine quam è fonte mellifluis Christi vulnerum bibisti. Fac, ut residuum annorum meorum sit jugis meditatio dolentis & amantis JESU: nec prius dolere & amare desinam, quàm vivere.

13. Mariæ Deiparæ cliens intime, qui moriens cuidam apparuisti dicens te velle ad montem ascendere ad discendum; hic enim nullam, ibi omnem veri scientiam reperiri: qui denique à MARIA sanatus illam spei tuæ fiduciam, & ad cœlum scalam esse dixisti, & cœlum per illam moriens ascendisti. Commenda me Mariæ, ut quamvis oculi mei vitiis corrupti,

rupti, non sint digni illam in hac lacrymarum valle spectare, illius tamen auxilio purgati non excludantur à conspectu ejus in cœlo gloriæ.

14. S. Bernarde, ad quem, cum Spiræ ad salutationem piissimam, talve Regina à te (ut multi non dubitant) inventam, devotam illam clausulam addidisset: *O clemens, ô pia, ô dulcis Virgo MARIA:* ex ejusdem Icone, audiente omni populo dulcis echo insonvit: *Salve Bernarde.* Liceat & mihi te alloqui.

Salve Bernarde melliflue Pater & spes te amantium Salve. Ad te clamamus exules filii tui: ad te in cœlis regnantem suspiramus gementes & fientes peccata nostra in hac lacrymarum valle. Eja ergo advocate miserorum, illos tuos amabiles oculos ad nos clientes tuos converte. Et JESum solutis de cruce brachiis tibi constrictum, nobis post hoc exilium ostende placibilem, O clemens, ô pie, ô dulcis Bernarde.

## Eodem die.

### *Actus ante S. Communionem.*

**O** Quantùm exultavit Spiritus tuus in DEO salutari tuo, mi suavis & ardens Bernarde! quando totus Vox exultationis factus, cantasti Domino canticum novum, clamans & jubilans: JESU dulcis memoria, dans vera cordis gaudia, sed super mel & omnia ejus dulcis præsentia.

Verè dulcis præsentia, tua mi DEUS & omnia! nec lingua valet dicere, nec littera exprimere, expertus potest credere, quid sit JESum possidere, JESum præsentem habere. Qui te gustant, esuriunt, qui

Hb 2

bibunt



hibunt, adhuc sitiunt, desiderare nesciunt, nisi te solum, quem diligunt.

Gustem & ego mi Salvator amantissime te ipsum sub speciebus Sacramentalibus existentem. Gustem & videam, quàm suavis sis Domine mi JEsu! Tu enim es balsamo suavior, omni dulcore dulcior, præcunctis amabilior, tu in ore mel mirificum, in aure dulce canticum, in corde nectar Coelitum.

Quocunque loco fuero, te unicum desidero, quàm latus cum invenero! quàm felix cum tenuero. Te mi hospes dulcissime, spes suspirantis animæ, te querunt meæ lacrymæ, & clamor mentis intimæ. Desidero te millies, mi JEsu quando venies? me de te quando saties?

O cordis felicissimi & flammæ Bernarde! ô Vir desideriorum! ô terrestris Seraphine! accende, obsecro, cor meum facibus tuis, & vivo cordis tui igne, ut totus quantus sum, ferar ad DEum meum amore actiuoso, Seraphico, immortalis. Impetra mihi, ut, quem quero, inveniam, quem concupisco, teneam, præsentem JEsu lingueam, & corde totus ardeam.

### *Actus post S. Communionem.*

**O** DEus amoris æterni! quid mihi est in cœlo & à te quid volui super terram? defecit caro mea & cor meum, DEus cordis mei & pars mea DEus in æternum.

Quomodo ô dulcis hospes mi JEsu, imò ipsa dulcedo cordium, excedens omne gaudium, & omne desiderium, amabo te ita amantem me? quomodo amplectar te?

Utinam ore tui Bernardi osculer te! utinam cum ipso vel ad unicum momentum hinc lactari ab ubere Matris

Matris tuæ, hinc pasci à tuo Vulnere possim ! utinam, quantus quantus sum, transferar in te, abforbearque à te, & totus abeam in cineres dilectionis tui !

Utinam saltem haberem mi dulcis & ardens Bernarde, vel unum è tuis illis ardoribus constantem scintillam, quæ mihi semper vivat in corde usque ad mortem, usque ad æternitatem. Utinam & vivens & moriens sic æternùm ardeam illo igne æterno, qui est DEus

O JESU DEus cordis mei ! sim tuus totus & tu meus in æternum. In te vivam, in te moriar, in te perennem amando te. Utinam nihil sapiat, nihil dulcescat mihi cum tuo Bernardo nisi tu ! tu cibus meus, tu potus suavissimus, tu omnis delectatio mea, tu vita animæ meæ.

Conde in corde meo Seraphine terrestis, dulcis Pater, quidquid de amore divino scripsisti, dixisti, cogitasti. Abstrahe cogitationes meas, voluntates, potentias ab omnibus, quæ sunt super terram, ut mihi mundus crucifixus sit, & ego mundo.

### *In Nativitate Beatissimæ.*

1. **N**ON possum tristari, quia nata est nobis puella Sancta, Mater Domini mei, & ipse fundavit eam Altissimus.

2. O Sancta felicissimorum Joachim & Annæ Filiola, nativitas tua gaudium annuntiavit universo mundo; quæ nata es, ut ex te nascatur DEus.

3. Ad beatissimas cunas supplex accurro ô parvula Beatissima, annuntio tibi gaudium magni: Ecce concipies & paries Filium & vocabis nomen ejus JESUM.

4. Nescio, quid dicam tibi puella Sancta Virgo

MARIA, Regina mundi, quomodo te salutabo, dicam tibi, quod per Angelum auditura es: Ave gratia plena, Dominus tecum.

5. Utinam omnium creaturarum corda haberem, ut ex affectu & viribus omnium te dulcissima Virgo salutarem, inquit: Ave Filia DEI Patris, Ave Mater Filii DEI, Ave Sponsa Spiritus Sancti. Ave templum SS. Trinitatis.

6. Quot maris sunt guttæ, cœli stellæ, quot beatorum Spirituum agmina, toties ex intimo cordis mei affectu te saluto Virgo Beata, tibi inclamo: Vivat MARIA, cœli Regina, Domina mundi.

7. Te saluto cum Ecclesia Sancta Catholica! Ave maris Stella, DEI Mater Alma, atque semper Virgo, felix cœli porta. Salve Regina cœlorum, Ave Domina Angelorum.

8. Te saluto cum S. Bonaventura: Ave Domina mea, Mater mea, imò cor meum, & anima mea Virgo MARIA & MARIA mea.

9. Te saluto cum S. Chrysostomo. Ave animatum DEI templum. Ave cœli, terræque pariter domicilium. Ave naturæ illius, quæ comprehendere non potest, amplissimum habitaculum.

10. Estimo te pretiosissima DEI Mater supra cor & animam meam, super omnia solo DEO minora, quia tu es honos totius creaturæ, (& præcipue generis nostri,) quæ nec primam similem visa est, nec habere sequentem.

11. Toto cordis mei affectu, & quantum possum, amo te amabilissima Virgo MARIA, super omnia amabilia creata.

12. Amo te decus Angelorum, honor, gaudium Sanctorum, universis imperans. Amo te nostra Mediatrix, afflictorum consolatrix, nostri semper miserans,

13. Trado me tibi in servum perpetuum, in nancipium, te autem mihi eligo & assumo in Dominam & Reginam.

14. En corpus & animam meam, Spes & omnes res meas, Tibi devoceo & mancipo in æternum, ut tibi vivam, moriar. Tibi æternum tuus, Tibi tuoque servitio omne tempus, quantum possum, dedico: & opto momenta singula illius converti in æternitates, quibus tibi inserviam.

15. Monstra ô MARIA! te veram esse mihi Matrem, ama me usque in finem, & fac, ut te redamare totis visceribus cordis mei contendam.

## Eodem die.

### *Actus ante S. Communionem.*

**E**N ad te supplex accedo, ô puella Sancta, cœli terræque Regina, etiam in periodo tuæ Nativitatis Sanctissima, & potentissima. O Mater! ô Virgo. Beatam meritò te dicunt omnes generationes, Domina mundi, quæ omnibus generationibus vitam & gloriam genuisti.

In te piissima Virgo Angeli lætitiæ, iusti gloriam, peccatores veniam inveniunt. Meritò in te respiciunt oculi totius creaturæ, quia per te, & in te, & de te, benigna manus Omnipotentis, quidquid creavit, recreavit.

Audi ergo ô Mater, audi miserum ad te clamentem. Ciba hodie pauperem tuum ô Domina, plena gratiarum, rore cœlesti plena, ciba micis panis vitæ, qui de cœlo descendit.

Si verò me ejeceris Domina, pace tua ô Virgo!

unde quò progrediar, audi, quid loquar. Unde quæso illa in te magnitudo, ut DEI Mater efficereris, nisi à me?

Fuisses quantumvis humilis & pudica, & sancta corpore & spiritu, fuisses licet omnium virtutum laude præcellentissima, nihil hæc tibi tantum ad honorem suffragata essent. Nisi enim scelera & peccata mea fuissent, nunquam DEI Filius de sinu Patris in sinum tuum delapsus fuisset: nisi malitia mea ascendisset ad cælum, nunquam illa Majestas descendisset ad terram.

Etenim sine me peccatore, quid opus fuisset Redemptore? sine me ægrotante, quid opus fuisset medico visitante? Itaque nisi mei miserearis, prope, dixerim, te à jure, ab æquitate, ab officio discessuram.

Grati igitur animi ratio exigit à te, ut quo peccante, DEI Matris honore ac homine gaudes, eodem etiam poenitentiam agente, Patronæ ejusdem munere fungaris. Monstra ergo te esse Matrem, ac oculos tuos misericordes ad me in hac lacrymarum valle gementem mendicum converte. Utrique nata es, ut ex te nascetur DEUS. Per te itaque sumamus panem vitæ, qui de cælo uteri tui Virginalis descendit.

### *In Festo Nominis Beatissimæ.*

I. **B**enedic anima mea Dominæ nostræ, Virgini DEI Genitrici MARIE, & omnia quæ intra me sunt nomini Sancto ejus.

2. Per singulos dies benedicam tibi ô MARIA Virgo & Mater DEI Sanctissima, & laudabo nomen tuum ducissimum in sæcula.

3. Adhareat lingua mea ori meo, si non proposuero te ô MARIA in principio lætitiæ meæ: si



non meminero nominis tui , oblivioni detur dextera mea.

4. Magnificate omnes Dominam mecum & exaltemus nomen *MARIÆ* in æternum , nam nomen *MARIÆ* , nomen Sanctissimum , nomen dignissimum , nomen potentissimum;

5. O *MARIA* esto mihi *MARIA* ! ô dulcis *MARIA* ! recognosce , quod *Jesu Christi Filii* tui in me est , & absterge , quod mundi & amoris proprii in me est.

6. O Nomen *MARIÆ* , nomen dulce ; nomen *MARIÆ* , nomen delectabile ; nomen *MARIÆ* nomen gloriosum & salutiferum. Quid est enim *MARIA* nisi *Stella maris* ? ergo ô *MARIA* propter nomen Sanctum tuum luceas mihi in procelloso mari hujus mundi naviganti.

7. Protege me dulcissima *Virgo MARIA* sub umbra alarum tuarum : & non recedat in æternum mellissimum Nomen tuum ab ore & à corde meo.

8. O *Virgo dulcissima & suavissima* ! fac , ut mori nequeam , nisi invocato hoc jucundissimo , hoc mellissuo , hoc salutifero nomine tuo *MARIA* , *MARIA* .

9. Gloriosum ô *MARIA* & admirabile est Nomen tuum : qui illud retinent & invocant , non expavescent in puncto mortis. Invocabo & ego semper nomen tuum , ut me tuearis in morte à rugientibus præparatis ad escam ; ut me *Stella maris* deducas ad portum salutis.

10. Data est tibi ô *Virgo Sanctissima* , omnis potestas in cælo & in terra , & in manu tua est vita & salus nostra , loquere ergo pro me bona , loquere *Filio tuo dulcissimo* , impetra mihi gratiam & veniam.

11. O *MARIA* ! monstra te esse Matrem , & respice filium inter adoptivos infimum. Respice &

non despiciet Filius tuus; recipe & non seducet inimicus. Quod ut à te impetrem vivus, & obtineam mortuus, per illud tibi charissimum, & mihi dulcissimum Nomen Matris supplico.

## Eodem Die.

### *Actus ante S. Communionem.*

**S**Cio verè mi dulcissima MARIA Virgo & Mater, & certus sum, quia si quid petierimus Patrem in nomine tuo, dabit nobis. Peto ergo, ut per te accipiam in ulnas cordis mei dilectum Filium tuum JESUM. Peto, ut intret sub testum meum licet indignissimum Dominus meus & DEUS meus.

Tu, si vis, potes me juvare, omnia etenim tibi data sunt à Filio tuo, ut jure dicat servus tuus Bernardus: Ex ore tuo pendet consolatio miserorum, redemptio captivorum, liberatio damnatorum, salus denique universorum.

Sperent in te, qui noverunt Nomen tuum ô MARIA, quoniam non derelinquis clamantes ad te, & quærentes per te Filium tuum, quem ego hîc sub candido specierum Sacramentalium velamine latentem, firmiter credo ac profiteor.

Nomen tuum & memoriale tuum ô Domina mea, in desiderio animæ meæ, sed etiam spiritu meo, & toties præcordiorum affectibus suspiro ad te ô JESU vita mea, DEUS meus & omnia! Et sicut desiderat cervus ad fontes aquarum, ita desiderat anima mea, suscipere te, uniri tibi in hoc SS. Sacramento ac transformari in te.

*In Festo Omnium Sanctorum.*

1. **O** Ter magne DEus, supreme infinitarum perfectionum Author, gratias tibi pro bonis, donisque omnibus naturæ, gratiæ, & gloriæ, quæ in Sanctos effudisti & effundes.

2. O Sancti, Sanctæque omnes fideles, Sponsæ Christi, saluto & veneror vos, gratias ago DEO meo, quod vos elegerit & in sublimi gloria collocaverit.

3. O Sanctissima JESU ac prædestinatorum omnium Mater! mostra te esse Matrem, illos tuos misericordes oculos de summo cœlorum habitaculo ad nos converte, & JESUM benedictum Filium tuum nobis post hoc exilium ostende placibilem.

4. Sancti Patriarchæ & Prophetæ, qui Dominum nostrum dictis prophetæstis, & ardentissimis desideriiis è cœlo ad terram traxistis, succendite me illo igne, quem Dominus misit in terram, & voluit vehementer accendi. Feliciter ardebo, si corde ita succendar.

5. Sancti Apostoli & Evangelistæ, impetrate obsecro mihi, ut totus dulcedine amoris divini plenus, totus flammâ divinæ charitatis incensus diligam DEUM ex toto corde meo, totisque medullis præcordiorum meorum, habeam DEUM in corde, in ore, & præ oculis, semper & ubique.

6. Sancti Martyres, gratulor vobis, quia Salvatori vestro vitam pro vita, sanguinem pro sanguine reddidistis. Utinam & ego, sicut vos, effundere possem sanguinem, & fieri victima in holocausto fidei, spei, charitatis! Orate, ut sim saltem DEO meo amoris victima incruenta; si cruenta non ero.

7. Sancti Pontifices & Confessores fideles domi-

nici gregis Pastores, ad me respicite adhuc peregrinantem in hoc exilio, & mittite de cælo opem, elevare me ab hac fordida terra, ut mihi mundus crucifixus sit, & ego mundo.

8. Sancti Monachi & Eremitæ, illibatam mihi mentis & corporis puritatem obtinete, ut hujus vitæ cursu peracto mundus ab omni labe in conspectu Domini merear præsentari!

9. Adjuro vos Sanctæ Virgines & Viduæ filiæ Jerusalem, habitantesque in ea animæ beatæ, si inveneritis dilectum meum, ut nuntietis ei, quia amore languo; præ magno faciei ejus videndæ desiderio.

10. Omnes Sancti penitentes, innocentes, item conjugati olim, impetrate mihi frequentissimos ac pretiosissimos excellentissimi erga DEum amoris actus, nunc ac potissimum ultimo die atque momento, ut sit pretiosa in conspectu dilecti DEI, vita mea, mors mea, æternitas mea.

11. Omnes Sancti, qui SS. Trinitati, Crucifixo JESU, SS. Eucharistiæ Sacramento, Virgini SS. singulari pietate addicti fuistis in hac vita, impetrate mihi duo hæc præsidia, Crucifixi vulnera & MARIAM, ut vivam & moriar in osculo Domini sicut Moyfes.

12. Omnes Sancti meæ nationis! omnes Sancti, qui inter prædestinatos omnes DEO estis proximi atque charissimi: omnes Sancti & Sanctæ DEI, quorum nomina sunt in libro vitæ, impetrate mihi, juvate me, ut DEum vobiscum videam; ut in templo Sancto gloriæ suæ DEum meum unâ vobiscum benedicam, æternum benedictus.



## Eodem die

*Actus ante S. Communionem.*

**J**ESU mi amantissime ! quid invenisti in me , quod trahat te à summo cœlorum , ex splendoribus Sanctorum , & descendere faciat in abyssum miseriarum ? Quid reperisti in me , quod elegeris ad me venire , & mansionem apud me facere ?

Ecce cœli cœlorum te non capiunt , imò columnæ cœli contremiscunt , Angeli velant facies suas , reverentur Archangeli , & tu dicis : Venite ad me omnes , & ego reficiam vos ?

O quàm bonus es & fuisti mi DEUS erga electos omnes , ac etiam erga me ! Agnosco tuam liberalitatem , & amorem. Nam cùm essem parvulus & abjectus in domo mea , de pulvere crexisti me , & constituisti cum principibus populi tui , ut comederem panem , & biberem vinum in mensa tua , omnibus diebus vitæ meæ.

Unde inveni hanc gratiam in oculis tuis mi JESU , ut ostenderes in me divitias misericordiæ tuæ , & parares mihi mensam , habentem omne delectamentum , & omnis saporis suavitatem ?

Ad vos itaque clamò omnes Sancti & Electi DEI , omnes beati Cœlites , qui nunc ad mensam gloriæ cœlestis , DEO per visionem beatificam fruimini , impetrate mihi tantum erga Sanctissimum Sacramentum à me brevi sumendum , devotionis affectum , plenissimum Angelica puritate , profundissima humilitate , ardentissimo ac planè igneo fervore charitatis , cùm quanto vos idem divinissimum Christi Corpus & sanguinem in via sumpstis ,

Impe-



Impetrate mihi tantam mensuram ac plenitudinem celestium Virtutum, donorum, ac meritum, quantum vos omnibus Communionibus vestris, ex eodem divinæ liberalitatis fonte per Jesum Christum hausistis, & vestris precibus aliis impetrastis.

*In Festo Præsentationis Beatissima.*

1. **O** DEO, Angelis, hominibusque amabilis Parvula, triennis MARIA, quam Joachim & Anna, parentes felicissimi, trimulam hodie in Sanctis Sanctorum victuram, DEO præsentârunt in templo, munus præ omnibus hætenus datis majus: offer me nunc, & in agone meo munus Sanctis Sanctorum æternis.

2. O templum DEI! ô Sancta Sanctorum! ego me tibi præsto in servum. Ad te ô Domina, unice id pertinet curare ut ita vivam, ita moriar, sicut decet tuum, & à te in templum gloriæ in Sancta Sanctorum præsentandum.

3. Maternæ tuæ curæ Virgo Sancta hoc ipsum transcribo, ne me aliter, quàm tibi dedicatum, & prædestinatum decet, vivere permittas.

4. Fac me pia Mater vivum templum gratiæ DEI. Offer me templo gloriæ, ut sim ædificatio DEI, pone in corde meo altare aureum, cujus Sacerdos sit amor DEI, qui ei, alendo divino igni, ligna suggerat per singulos dies.

5. Impetra mihi ô dulcissima Parvula, ut sim inter ignitos lapides in illa urbe amoris DEI, cujus turres gemmis ædificabuntur, id est, amoris actibus pretiosis!

6. O mi DEUS! sine obsecro oculi tui, & cor tuum in hoc templo tuo, quod tibi millies dedicavi;

ut oculos meos & cor meum custodiant, & faciant, ut semper te geram in oculis & in corde. Ita cor meum erit domus orationis assidue, locus Sanctus, inæstimabile Sacramentum.

7. De vivis & electis virtutum, tibi maximè placentium lapidibus, architecto amore tuo, in me obsecro æternum Majestati tuæ præpara mi DEUS habitaculum, ut cor meum sit aurea domus tua, quies tua, deliciæ tuæ.

8. Nec Salomonis templum fuit adeò sumptuosum, quàm hoc meum, seu tuum in me, cujus ædificatio, expiatio, dedicatio constitit pretio magno valde sanguine Filii tui DEUS! vestias ergo illud cedris DEI. Cogitationes meæ sint in illo tibi Sancta Sanctorum. Pone in medio ejus tuæ voluntatis oraculum, & arcam fæderis æterni, Sacratissimam Virginem Matrem, quæ est fæderis arca.

9. Nihil erat in illo templo, quod non auro tegeretur. Tege, imò imbue, intus & foris, quidquid cogito, dico, ago, illo tuo auro ignito, quod nascitur in montibus Sanctis, in corde tuo DEUS! ut nihil in me sit, quod amore illo solido coopertum non sit.

10. Pone in me mi DEUS! auro testos Cherubinos, qui me doceant scientiam Sanctorum, id est, amoris tui, adde Seraphinos, qui me pretioso illo tui altaris igne perpurgent, illuminent, ac inflamment. Ut ita igneis & aureis Seraphinorum ac Cherubinatorum alis, ope tuâ, ad te subvectus intellectus meus, & voluntas mea videat te, amet te,

ac immortaliter vivat in te, in templo  
Sancto gloriæ tuæ.



## Eodem Die.

*Actus ante S. Communionem.*

**O** Pretiosissima Parens ! parentum tuorum manibus hodie vel potius tua oblatione & ardentissimo affectu, DEO in ancillam, in sponsam præsentata & oblata, imperfectum meum vident oculi tui, loquere pro me bona dilectissimo Filio tuo.

Memoriam fecisti mi DEUS mirabilium tuorum dans escam timentibus te, ac panem cœli dans nobis. Veni ergo Domine & noli tardare, reple bonis tuis esurientem animam meam, suscipiamus hodie misericordiam tuam in medio templi tui, per MARIAM.

Quo affectu ac devotione, puritate ac promptitudine mentis suæ præsentavit se hodie in templo Virgo Mater, æternisque tuis obsequiis mancipavit, & gratissimam gustui tuo divino ex se ipsa oblationem fecit, hoc eodem affectu feror in te Domine, ac cor meum do, dono, subjicio, ut non amplius sit meum, sed tuum, cupiens eadem plenitudine in te transfundi, quâ hæc Virgo à primo sui ortûs instanti transfusa in tuam possessionem & hæreditatem fuit.

*In Festo Sancti tui Nominis.*

1. **S**ancte N. cujus nomine ac patrocínio me, jam inde ab ipsa baptismi mei hora, munivit optimus DEUS meus; commenda me DEO, divinæ Matri, ac Sanctis omnibus; illis potissimum omnibus Electis DEI, quicumque hoc tuum, ac meum nomen in terris olim magnâ virtute ornârunt.

2. Respi-

2. Respice ô Sancte Patrone, ex illa æternæ securitatis ac lætitiæ urbe, me tibi cognominem, hâc adhuc inter quotidiana æternum pereundi pericula exulem ac timentem.

3. Effice Sancte & Electe DEI, ut sicut idem tecum nomen gero, ita tuo & nomini & exemplo, Sanctâ heroicorum tuorum factorum imitatione respondeam.

4. Suggere cordi meo, quæ DEus vult; & tardi cordis mei duritiem ac surditatem vince.

5. Sensus meos omnes, & cor meum gubernâ, MARIAM Reginam nostram & Sanctos omnes, ac Sanctas DEI, tibi pro auxilio adjuuge: totum me Sacratissimæ Trinitati, per JESU sanguinem, & MARIÆ manus, ex toto dedica, in holocaustum æternum: omnes omnino (etiam quas indifferentes dicimus) actiones meas ad majorem DEI gloriam, offer ad thronum gratiæ ejus, & gloriæ.

6. Ope tuâ obsecro mihi assiste cum sociis tuis Sanctis, nunc, & in hora mortis, ut omnia ac singula momenta vitæ ac mortis meæ, sint mihi, tibi-que æterno solatio; JESU & MARIÆ, æterno honori & amorî, in felici Sanctorum omnium æternitate, ad quam, quod DEus te prædestinaverit, & doctoribus ad illam necessariis decoraverit, gratulor tibi.





## CAPUT XII.

Aspirationes Viatoris  
pro felici morte ad  
Christum.



Non intres in iudicium cum servo tuo Domine JESU! qui non justificabitur in conspectu tuo omnis vivens.

Ne memineris, bone JESU, iniquitatum mearum: citò aniticipent me misericordiæ tuæ, quia pauper factus sum nimis.

Ne tradas, Domine JESU, bestiis animam confitentem tibi, & animam pauperis tui ne obliviscaris in finem.

Illumina, mansuetissime JESU! oculos meos, ne unquam obdormiam in morte, ne quando dicat inimicus meus, prævalui adversus eum.

Tuus sum ego, salvum me fac Domine, & ne perdas cum impiis DEUS animam meam.

Salvum fac servum tuum, Domine DEUS, sperantem in te.

O JESU esto mihi JESUS! & salva me. Jube me venire ad te, ut cum Sanctis tuis laudem te, & in æternum fruam te.

O mi



O mi dulcis JESU! quando corpus meum morietur, fac, ut animæ donetur paradisi gloria.

In te Domine JESU speravi, non confundar in æternum.

*Alii affectus ad JESUM agonizantem.*

JESU agonizans & in cruce moriens pro me, immitte, quæso, Spiritum tuum in cor meum, illoque animam meam vivifica, quoniam Tuo solo Spiritu vivere volo, tam in hujus præsentis vitæ meæ tempore, quàm in mortis meæ articulo.

JESU in cruce agonizans & moriens pro me, adoro te adoratione Patriæ debita Majestati tuæ divinæ, insuperque mori totis viribus cupio, ut morte meâ quàm citissime, & condignissime agonizantem, morientemque Te pro me in Cruce venerer ac morte mea, quoad possum, compensem mortem tuam.

JESU in Cruce agonizans, & moriens pro me, per hunc agonem tuum, & per Spiritum, quem in manus Patris æterni commendasti, obtestor te, ut instans mortis tuæ influat in mortis meæ instans, illudque dignificet, & in conspectu SS. Trinitatis gratum atque pretiosum reddat. Instanti igitur mortis tuæ, agonique tuo pretioso, instans mortis meæ agonemque meum humillimè repræsentò, recomendo, unio, consecro.

JESU agonizans & moriens in Crucè pro me, ibidemque orans pro crucifixoribus tuis Patrem, obsecro, ut ores quoque eundem pro me crucifixo tuo, impetresque mihi mortem sanctam, & charitate perfecta consummatam.

JESU agonizans & moriens in Cruce pro me, stillantem repentemque amore mei sanguinem Tuum

colligo, & lambo devotus, optans simul ac petens à Te, ut in hora mortis meæ adesse mihi præferis cum gloriosa Matre tua, Sanctisque tuis digneris, adnumerare me saltem ultimis redemptis, & electis Tuis, & in illo decretorio agonis mei momento, secundum magnam misericordiam, copiosamque redemptionem Tuam miserearis mei.

Jesus agonizans & in Cruce moriens pro me, cupio, propono, & à te peto, ut instans ultimum vitæ, mortisque meæ consummativum sit ardentissimus Tui amor, quo cor meum & accensum ignescat, & vulneratum immoriatur, & consumptum incineretur, & concrematum favillescat.

Jesus agonizans & in Cruce moriens pro me, amo te quam possum ignitissime & æstuosissime, quomodo etiam amare te volo, statuoque in mortis meæ agone, in quo ut cor meum amoris Tui ignibus Seraphicis, Marianisque ac in super Tuis æstuet, palpitet, concutiat, eorumque actu & æstu conficiatur, ac emoriatur, Tu mi Jesus propter agonis, mortisque tuæ instans, misericordissime facito.

### *Ad Beatissimam Virginem.*

**M**Ater DEI memento mei nunc & in hora mortis.

Adsis mihi Domina in omnibus actionibus meis, nec me deseras in hora mortis.

O Sanctissima Virgo, per pretiosissimam mortem tuam, & illos actus amoris DEI, quos tunc elicuisti; per omnem misericordiam, quæ ulli succurristi, memento mei nunc & tunc. Gere curam mei finis, ut qua defensione munitus ingrediar beatam aternitatem.

Expe-

Experiar te Matrem pulchræ dilectionis, & timoris,  
& agnitionis, & sanctæ spei.

Per te accepi gratias pia Mater, per tuas etiam  
manus commendo & offero Spiritum meum DEO  
meo; ut illum videam, videam, videam; amen,  
amen æternum.

O JESU rogo te per MARIAM, ô MARIA  
rogo te per JESUM: ô JESU & MARIA rogo vos  
per SS. Trinitatem! ô SS. Trinitas rogo te per amo-  
rem, quo te amas; miserere mei, ut felix moriar ad  
majorem tuam gloriam & amorem: ut vos amen  
æternum.

*Ad SS. Angelos & omnes Sanctos.*


**S**Uccurrite, subvenite ô vos omnes beatissimi Spi-  
ritus Sancti Angeli DEI, & cum in extremis  
vestram opem non amplius implorare potero,  
ne me deserite.

Sancte Angele Custos defende me in hoc prælio,  
ut non peream in tremendo judicio.

Sancti DEI omnes intercedere dignemini pro  
animæ meæ salute.

Moriatur anima mea morte Justorum, sed vivat  
prius vitâ Justorum. Amen.





# HOMAGIA

In vita & morte DEO præ-  
standa.

*Reddite quæ sunt DEI DEO. Matth. 22.*

1. **A**gnosco te ô mi DEus ! ut supremum Do-  
minum meum , Primum Principium &  
ultimum finem meum, Authorem naturæ,  
gratiæ, & gloriæ : & profundissima cum  
humilitate te adore Dominum vitæ & mortis, tibi quæ  
sponte sacrifico vitam meam.

2. Credo te mi DEus unum in essentia & Tri-  
num in Personis, Patrem, Filium, & Spiritum San-  
ctum. Credo, teneo, ac profiteor fidem illam, quam  
Christus docuit, quam prædicaverunt Apostoli, quam  
Sancta Romana DEI Ecclesia docet, ac profiteretur, &  
singulos Catholicæ fidei articulos paratus sum sangui-  
ne meo subsignare, & morte mea confirmare.

3. Doleo Domine & quidem ex animo, quod  
non merui vitam meam alio modo pro obsequio tuo  
amittere, sanguinem scilicet fundendo cum SS. Mar-  
tyribus pro nominis tui confessione, sed quia his in-  
dignus sum, en etiam hanc mortem meam lubens am-  
plector in incruentum amoris tui sacrificium.

4. Spero misericors Domine, per sanguinem &  
merita JESU Christi, ab infinita bonitate tua, ac cle-  
mentia

mentia remissionem peccatorum, quibus te summum Bonum meum gravissimè offendi. Spero firmissimè me à paterna liberalitate tua obtenturum gratiam copiosam, & gloriam sempiternam.

5. Amo te amabilissime DEUS ex toto corde meo, super omnia, propter infinitam Bonitatem tuam. Vellem, si possem, amare te illo amore, quo te amant omnes Sancti, & JESUS CHRISTUS Filius tuus; & quo te ipsum infinitè amas. Fac, ut in æternum amem te in regno amoris & beatitudinis.

6. Gratulor tibi de te. Gaudeo de infinita gloria tua. Gaudeo de divinitatis tuæ thesauris infinitis. Utinam Cherubinorum, Seraphinorum, Angelorum omnium, Sanctorum omnium, Beatissimæ Virginis Matris, ac denique ipsius JESU corde possem amare ac laudare te, gaudere de te, & gratulari tibi.

7. Veneror, approbo, laudo, & ab omnibus laudari cupio judicia tua omnia occulta, horrenda; tuam de nobis & quidem æternum duraturam dispositionem.

8. Doleo, doleo, doleo! quòd unquam ullo modo Te maximum, dulcissimum, optimum DEUM meum offenderim. Doleo, non propter infernum, vel purgatorium, quæ tamen credo & timeo. Doleo, non propter cœlestem gloriam, quam tamen credo & spero, sed doleo propter te, optime super omnia, pulcherrime super pulchra omnia, dignissime super omnia DEUS.

9. Doleo, quòd ullum temporis momentum perdiderim, quo te mi DEUS non amavi. Utinam possem redimere, & excellentissimis excelsissimæ charitatis affectibus implere omnes horas illas, ô DEUS, qui charitas, qui ignis consumens es!

10. Detestor omnia peccata in toto mundo quomodo-



modocunque commissa & committenda contra te mi DEUS! utinam potuisssem, ac possem omnia impedire, ac in totidem bona convertere! utinam possem omnia instantia & momenta actionum peccaminosarum, bonis ac heroicis actibus implere.

11. Detestor omnes cogitationes presumptuosas, & magnificantes merita mea, quas Spiritus malignus in mortis meae articulo posset inspirare, humiliterque confiteor, me non posse habere ex me ipso nisi nihilum, nisi peccatum, nisi damnationem aeternam. Ac proinde Domine DEUS te solum & unicum Authorem salutis & felicitatis meae agnosco.

12. Rata nunc habeo mi DEUS bona omnia, quaecunque in tota vita mea, ex Te, circa Te, propter Te habui; ratos habeo pios motus ac sensus & actus meos omnes sub omni latitudine illorum ac sublimitate, eosdem nunc elicitos à me volo, imò illos quà possum, elicio. Approprio mihi merita Filii tui, & facio illa mea, illisque unio & dignifico omnia bona mea. Approprio mihi omnes actus bonos à quocunque elicitos & eliciendos, eosque tibi mi DEUS, quasi meos offero. Omnia opera totius vitae meae, quanta quanta sunt, mala & imperfecta retracto, & corripo ad tuum placitum.

13. Statum Religiosum ( si est Religiosus ) quem tot annis tenui, approbo, amplector, & ex nunc ingredior, totiusque mundi res & spes pro tuo amore & servitio calce.

14. Approbo omnia bona opera omnium hominum & Angelorum. Approbo, quicquid boni unquam factum vel futurum est: & utinam augere bona illa possem in infinitum.

15. Pro omnibus, & singulis beneficiis tuis, mihi quomodocunque in tota vita mea & ante vitam praestitis, & post vitam praestandis, gratias ago tibi mi DEUS,

DEUS, quantas possum, ago, quantas debeo, ago, quantas Christus pro suis obtulit & Beatissima Virgo, quantas omnes Sancti obtulerunt & offerrent. Deinde ago tibi gratias pro omnibus proximorum, atque adeo creaturarum omnium bonis.

16. Volo voluntatem meam tuæ dare in victimam, Quidquid vis, quantum vis, quomodo vis, & ego volo. Visne Domine, ut hoc anno moriar? hoc mense? hâc die? hâc horâ? hoc momento? an lentâ morte? an inopinata? volo & ego, visné, ut in inferno omnes cruciatus & omnes damnatorum pœnas æternum sustineam? lubens hoc faciam, quoniam sic placitum est ante te.

17. Nolo, quidquid non vis ô DEUS meus! volo, quidquid vis. Doleo, quod fuerit tempus, in quo nolui, quæ volebas; & volui, quæ volebas.

18. Decretum mortis à tua divina manu, eo animo excipio, quo animo excepit Christus JESUS Filius tuus, decretum mortis suæ pro me, in instanti Conceptionis suæ & in crucis morte. Item eo animo amplector, quo animo excepit nuntium Incarnationis, expressitque illis verbis; Fiat mihi &c. Pretiosissima Parens Virgo MARIA.

19. Spiritum meum non alibi, quàm in suavissima tua voluntate, JESU Christi latere, Pretiosissimæ Parentis meæ manibus, Ecclesiæ Romanæ Catholicæ fide (in Religione mea) emittere atque deponere exeuntem ex hoc corpore volo atque cupio.

20. Non merui quidem te mi DEUS videre beatificè, nec merebor in æternum: cupio tamen æstantissimis desideriis videre, quia tu me ad hunc finem condidisti, sanguine Filii tui redemisti, gratiam largiris, & merendi per Christi sanguinem facultatem.

## Desiderium bonæ Mortis.

*Cupio dissolvi, & esse cum CHRISTO.*  
Rom. 7. 24.

**O** Pto mori : quia mortalis sum naturâ meâ, & DEI Creatoris mei sic factus sum voluntate, fiat ergo voluntas ejus.

Opto mori : testimonium & protestationem, tum supremæ potestatis, dominique in me divini : tum totalis meæ, rerumque omnium à DEO dependentiæ.

Opto mori : ut primi originalis peccati pœnam etiam mihi justo judicio DEI inflictam exsolvam morte, tandemque illud squaliter expiem.

Opto mori : ut sim extra periculum omne peccandi, vel in minimo, contra dignitatem, Majestatem, Sanctitatem, Bonitatem DEI mei.

Opto mori : ut mea morte mortem JESU Christi Domini mei, quâ me ille ab æterna morte redemit, honorem imiter, eiûque mortuo, & ipse mortuus assimiler.

Opto mori : ut sequar exemplum Pretiosissimæ DEI Matris Mariæ Domini meæ : quæ carens aliqui moriendi debito, mori tamen voluit & ipsa, ut suâ morte mortem Filii honoraret.

Opto mori : ut in articulo mortis meæ, omnes DEI mei voluntates circa me absolutissimè impleantur.

Opto mori : ut citiùs finem ultimum, ad quem creatus sum, assequar.

Opto mori : ex desiderio quàm primùm accedendi ad Sanctos, eosque videndi : tum pretiosissimam DEI MATREM. Verbi quoque Incarnati sacratissi-

nam Humanitatem: præ omnibus autem Uni Tri-  
nam Beatissimi DEI Essentiam; ut mediante morte  
meâ, tandem DEO æternaliter ac beatificè con-  
jun- gar in gloria consummata.

Opto mori: ne amplius exosâ vitâ mea alios  
scandalizem.

Opto mori: ut in Ecclesia sepultus nunquam am-  
plius avellar & recedam à præsentia Augustissimi Sa-  
cramenti.

Opto mori: ut exhilarem Cor Beatissimæ Vir-  
ginis, cor Sancti Patris N. quando post mortem gau-  
dens gaudebo in DOMINO, & misericordias Do-  
mini cum Sanctis omnibus in æternum cantabo.

Opto mori: ut finaliter de Thesauro Ecclesiæ  
Sanctorumque communione participem.

### *Aspirationes Morientis.*

1. **P**ater in manus tuas commendo Spiritum meum.  
*Psal.* 39.

2. Cupio dissolvi & esse cum Christo. In-  
felix ego quis me liberabit de corpore mortis hujus.  
*Rom.* 7. 24.

3. Educ de custodia animam meam Domine ad  
constitendum nomini tuo: me expectant justî, donec  
retribuas mihi. *Psal.* 141.

4. Lætatus sum in his, quæ dicta sunt mihi, in  
domum Domini ibimus. *Psal.* 121.

5. Paratum Cor meum DEUS, paratum cor me-  
um Tibi & ad Te. *Psal.* 56.

6. Ecce sponsus venit, excamus obviam ei. *Matth.*  
25.

7. Quemadmodum desiderat cervus ad fontes  
aquarum, ita desiderat anima mea ad te ô DEUS,  
*Psal.* 41.

8. Si-

8. Sitivit anima mea ad DEum fontem vivum ;  
quando veniam & apparebo ante faciem Domini.  
*Psal. 41.*

9. Misericordias Domini in æternum cantabo.  
*Psal. 88.*

10. Adjuro vos Filia Jerusalem , ut nuntietis  
Dilecto meo, quia amore languco. *Canti. 5.*

11. Tædet animam meam vitæ meæ , quia non  
video DEum Deorum in Sion.

12. O quando vacabimus & videbimus , videbi-  
mus & amabimus , amabimus & laudabimus ? ô quan-  
do erit finis sine fine ? *S. August.*

13. O Fons vitæ perennis , quando sitim me-  
am extingues in me ! ô beata æternitas , & æterna  
beatitudo , quando perennabo in te.

14. JESUS & MARIA dulcissimi mei Amores ,  
patiar ego , moriar ego amore vestri : totus sim ve-  
ster , nullus meus in æternum ,

15. Æterna Sapientia dulcissime JESU , absorbeat  
quæso, medullas , & viscera animæ meæ ignita &  
melliflua vis amoris tui : ut amore amoris tui mo-  
riar , qui dignatus es pro me indigno in ligno Cru-  
cis mori. *S. August.*

16. JESU nostra redemptio , Amor & desiderii-  
um , DEus Creator omnium , Homo in fine tempo-  
rum. Quæ te vicit Clementia , ut ferres nostra cri-  
mina ? *Hymn. Eccl.*

17. Desidero te millies , mi JESU , quando ve-  
nies ; me letum quando facies ? me de te quando  
sacies ? *S. Bernardus.*

18. Mori desidero , ut videam Christum , vivere  
renuo , ut vivam cum Christo. *S. August.*

19. Eja Domine moriar , ut te videam , videam ,  
ut hîc moriar. *Ibidem.*



20. Veni Domine, & noli tardare, veni Domine  
JESU, & visita me in pace. Veni, & educ vinctum  
de carcere &c.

*Suspiria coram CHRISTI Crucifixæ  
effigie.*

**A**gnosce ô Domine creaturam tuam non à diis  
alienis creatam, sed à te solo DEO vivo &  
vero: Ne me perdat Domine iniquitas mea,  
quem fecit omnipotens bonitas tua.

Respice Domine Sancte Pater de excelsò celo-  
rum habitaculo. Ecce vox sanguinis Fratris nostri  
pro nobis clamat ad te de Cruce. Audi Pater vocem  
sanguinis Filii tui.

Respice piè Pater innocentes manus Filii tui,  
quæ distillant pretiosum sanguinem, ut dimittas ini-  
quitate meam. Intuere illud lanceâ perfoſsum pe-  
ctus, & amore mei apertum Cor, meque ex sacro il-  
lo fonte renova. Desige oculos ô Pater cœlestis in  
faciem hanc dilecti Filii tui, & in membra conquis-  
sata Christi tui, & per miseras, quas ille amore mei  
sustinuit, miserere mei.

Eja dulcissime Redemptor Domine JESU, per il-  
las lacrymabiles voces, quas in Cruce moriturus edi-  
disti: DEUS DEUS meus quare me dereliquisti? ne  
quæso derelinquas me in hora mortis meæ.

En suavissime JESU in manibus, & pedibus, &  
in toto Corpore descripsisti me. Cernitur in toto  
Corpore sculptus amor, lege scripturam tuam hanc,  
& salva me.

Respice in me oculis misericordiæ tuæ Domine  
JESU, Rex æternæ, DEUS & Homo, Crucifixus prop-  
ter hominem. Exaudi me sperantem in te: mise-  
rere

refe mei pleni miseriis & peccatis, tu qui fontem miserationis nunquam manare cessabis.

Recordare Domine creaturæ tuæ, quam tuo Sanguine redemisti. Illa ovis amissa ad Pastorem meum redeo: Vocem tuam novi non alienorum. Potestne vocem spernere balantis oviculæ tuæ & fugientis ad te?

Scio equidem me conspectum tuum non mereri; quia dum vitam meam considero, confusio est mihi potius appellanda, quàm vita. Sed in Spiritu humilitatis, & in animo contrito suscipe me ô bone Jesu salus & vita mea. Suscipe me secundum magnam misericordiam tuam, & non confundas me ab expectatione mea. Aperi mihi properanti januam vitæ, & principes tenebrarum non occurrant mihi. Tua me manus inducat in locum refrigerii, & vel in ultimam mansionem ex iis, quas parasti servis tuis timentibus te.

Quando moribundus animi territi signa ostendit inculcandum est ei illud de S. Bernardo Abbate, qui in ægitudine extrema gravissimis & aureis planè verbis inimicum accusantem confudit; ita habet Author vitæ, qui tunc præsens aderat.

*Cumque extremum jam Spiritum trahere videretur, in excessu mentis sua Tribunal Domini visus est presentari. Adfuit autem & Sathan ex adverso improbis eum accusationibus pulsans: Ubi verò omnia ille fuerat persecutus: & Viro DEI esset pro sua parte dicendum, nihil territus aut turbatus ait. Fateor, non sum dignus ego, nec propriis possum meritis regnum cælorum obtinere. Caterum duplici illud jure obtinens Dominus meus, hereditate scilicet Patris & merito passionis, altero ipse contentus, alterum mihi donat, ex cujus dono jure illud mihi vendicans non confundor in hoc verbo confusus inimicus, l. I, c. 12.*

*Quæ-*

*Quædam clarâ voce moribundo suggerenda.*

**P**rotestor, quòd morior verus Catholicus, in Fide, Spe, & Charitate in DEum. Protestor, quòd volo mori mancipium JESU & MARIAE. Protestor, quòd ex nunc & pro reliquo vitæ meæ tempore nolo consentire ulli tentationi Dæmonis.

In manus tuas Domine commendo spiritum meum. JESU Fili David miserere mei. DEUS in adiutorium meum intende. Domine ad adjuvandum me festina. Bone JESU dic animæ meæ salus tua ego sum. Bone JESU qui venisti perditum redimere, noli redemptum damnare. Domine JESU suscipe spiritum meum. Fiat voluntas tua.

*Addantur hæc in aurem.*

**A** Brenuncio tibi Sathana. Vade Sathana. Domine vim patior, responde pro me, ne derelinquas me Domine JESU, ne discefferis à me.

Bone JESU, in quem credidi, miserere mei. Bone JESU, in quo speravi, miserere mei. Bone JESU, quem dilexi, miserere mei. Recordare JESU pie, quòd sim causa tuæ vitæ, ne me perdas illâ die.

O Mater DEI memento mei, MARIA Mater gratiæ, Mater misericordiæ, tu nos ab hoste proteges, & hora mortis suscipe. Eja bona Mater & Advocata nostra illos tuos misericordes oculos ad nos converte. O clemens, ô pia, ô dulcis Virgo MARIA. Angele DEI sit tibi cura mei.

O JESU & MARIA dono vobis cor meum, animam meam. JESU MARIA, amores mei, patiar, moriar amore vestri, O JESU, esto mihi JESUS & Salva-

Salvator. JESU agonizans, morti tuæ mortem meam unio. JESU pro me mortue, mors tua sit vita mea. O bone JESU exaudi me, intra Vulnera tua absconde me, & ne permittas me separari à te. Domine JESU suscipe spiritum meum. Tu es Christus Filius DEI Vivi, Dominus meus & DEUS meus.

O MARIA sis mihi propitia.

Amore tui morior mi dulcis JESU.

O JESU, JESU, JESU, esto mihi JESUS.

*Cum jam in agone sui exitus anima anxiatur,  
dicantur sequentes orationes.*

**P**roficiscere anima Christiana de hoc mundo; In Nomine DEI Patris Omnipotentis, qui te creavit: In Nomine JESU Christi Filii DEI Vivi, qui pro te passus est: In Nomine Spiritus Sancti, qui in te effusus est. In nomine Angelorum & Archangelorum. In nomine Thronorum, Principatum, & Potestatum. In nomine Cherubim & Seraphim. In nomine Patriarcharum & Prophetarum. In nomine Sanctorum Apostolorum & Evangelistarum. In nomine Sanctorum Martyrum & Confessorum. In nomine SS. Monachorum & Eremitarum. In nomine Virginum & omnium Sanctorum ac Sanctarum DEI: hodie sit in pace locus tuus, & habitatio tua sit in Sancta Sion; Per eundem &c.

**D**Eus Misericors, DEUS Clemens, DEUS, qui secundum multitudinem miserationum tuarum peccata poenitentium deles & præteritorum criminum culpas veniam remissionis evacuas; respice propitius super hunc famulum tuum N. & remissionem  
sibi

sibi omnium peccatorum suorum totâ cordis confessione poscentem deprecatus exaudi. Renova in eo piissime Pater, quidquid terrena fragilitate corruptum, vel quidquid diabolicâ fraude violatum est; & unitati corporis Ecclesiæ membrum redemptionis annecte. Misere Domine gemituum, misere lacrymarum ejus, & non habentem fiduciam, nisi in misericordia tua, ad tuæ Sacramentum reconciliationis admitte. Per Christum Dominum nostrum, Amen.

**C**ommendamus tibi Domine animam famuli tui N. precamurque te Domine JESU Christe Salvator mundi, ut propter quam ad terram misericorditer descendisti, Patriarcharum tuorum sinibus insinuare non renuas. Agnosce Domine creaturam tuam, non à diis alienis creatam, sed à te solo DEO Vivo & Vero; quia non est alius DEUS præter te, & non est secundum opera tua. Lætifica Domine animam ejus in conspectu tuo; & ne memineris iniquitatum ejus antiquarum, & ebrietatum, quas suscitavit furor sive fervor mali desiderii. Licet enim peccaverit, tamen Patrem & Filium & Spiritum Sanctum non negavit, sed credidit, & zelum DEI in se habuit, & DEUM, qui fecit omnia, adoravit. Amen.

*Oratio ad Beatam Virginem.*

**I**ntemerata & in æternum benedicta Virgo MARIA; famulo tuo in hoc extremæ necessitatis articulo tubveni, illos tuos misericordes oculos ad illum converte; ostende illi dulcissimam faciem tuam, & in virtute Sanctæ Crucis inimicos ejus omnes disperde. Libera eum ex omni angustia, ut tecum & cum beatis

Kk

Spiri-



Spiritibus Redemptori suo æternas gratiarum referat actiones. Reminiscere misericordiarum tuarum, & Mater Misericordiæ, & secundum multitudinem miserationum tuarum animæ illius succurre.

*Post expirationem.*

**S**ubvenite Sancti DEI, occurrere Angeli Domini, suscipientes animam ejus, offerentes eam in conspectu Altissimi.

℣. Suscipiat te Christus qui vocavit te, & in sinum Abrahæ Angeli deducant te.

℣. Suscipientes animam ejus, offerentes eam in conspectu Altissimi.

℣. Requiem æternam dona ei Domine.

℣. Et lux perpetua luceat ei.

Kyrie eleyson

Christe eleyson.

Kyrie eleyson.

Pater noster &c.

Et ne nos inducas &c.

℣. A porta inferi.

℣. Erue Domine animam ejus.

℣. Requiescat in pace.

℣. Amen.

Domine exaudi orationem &c.

*Oremus.*

**T**ibi Domine commendamus animam famuli tui  
N ut defunctus sæculo tibi vivat: & quæ per fragilitatem humanæ conversationis peccata commisit, tu veniâ misericordissimæ pietatis absterge.  
Per Christum Dominum nostrum.

Deus

**D**EUS, cui proprium est misereri semper & parcere, te supplices exoramus pro anima famuli tui N. quam hodie de hoc sæculo migrare iussisti; ut non tradas eam in manus inimici, neque obliviscaris in finem; sed jubeas eam à SS. Angelis suscipi, & ad patriam paradisi perducì, ut quia in te speravit & credidit, non pœnas inferni sustineat, sed gaudia sempiterna possideat. Per Christum Dominum nostrum. Amen. Requiem æternam &c.

*Orationes pro omnibus Christi fidelibus ubique  
cunque agonizantibus.*

**O**JESU Crucifixe! per merita SS. Genitricis tuæ; per merita & intercessionem SS. Angelorum, Patriarcharum, Prophetarum, Apostolorum, Martyrum, Confessorum, Virginum, & Viduarum, itemque dilectæ Sponsæ tuæ Ecclesiæ te supplices exoramus, ut miserearis omnium illorum, qui in hora mortis constituti turbantur, & propter vehementiam hostilis impetûs vacillant.

A morte perpetua & æterna, libera eos Domine. A terrificis visionibus inimici, libera &c. A regione gelidissima & ferventissima; libera &c. Ne audiant in regione umbræ mortis & tenebrarum blasphemari nomen tuum. Ne tradantur in manus bestię infernalis, libera &c. Ab inani fiducia & securitate non in te fundata, libera. A corde obstinato & in peccatis obdurato, libera. Per mysterium Sanctæ Incarnationis tuæ, per Nativitatem tuam, per catenas, funes, vulnera, alapas, sputa, spinas, crucem, & mortem tuam, libera. Per gloriam resurrectionis tuæ, & per triumphum tuum in cœlum ascensionis, libera eos Domine.

Ÿ. Ne tradas Domine bestiis animas confitentes tibi.

Ÿ. Et animas pauperum tuorum ne obliviscaris in finem.

*Oremus.*

**C**lementissime JESU invocamus Clementiam tuam per charitatem illam infinitam, quæ te ad moriendum pro genere humano impulit, ut miserearis omnium agonizantium, & iis condones excessus commissos cogitatione, verbo, & opere, & ut suppleas, quod in eis desideratur, applica illis infinita merita tuæ passionis, & pretium sanguinis tui, quem pro nobis effudisti.

Assistat illis S. Michael Archangelus & per manus SS. Angelorum deportentur ad paradysum tuorum Electorum: ut liberati de principe tenebrarum, & abyso pœnarum, in consortium veniant Sanctorum tuorum resuscitati cum gloria, ut filii & hæredes regni tui. Amen.

*Quidam Religiosus, ut refert Casarius, impetravit sibi gratiam ex hac vita migrandi sine purgatorio ad Cœlum hac precatiuncula.*

**D**omine JESU per illam amaritudinem, quam sustinuisti propter me in Cruce, maxime quando Anima tua benedicta egrediebatur de corpore tuo: miserere animæ meæ in egressu suo. *Vol Domi-*


Domine JESU instanti mortis tuæ , & instanti mortis  
Matris tuæ , omniumque Electorum tuorum instans  
mortis meæ commendo ; benedic isti propter illa.

Concludo Melliflui Doctoris S.  
Bernardi Verbis.

**D**ignus est morte , qui tibi Domine JESU recusat  
vivere ( adeoque te laudare te glorificare ) &  
mortuus est. Propter temetipsum DEUS feci-  
sti omnia , & qui vult esse sibi & non tibi ,  
nihil esse incipit inter omnia.

Ad M. D. G. B. M. S. V. I. C. H.





# INDEX.

## CAPUT I.

<b>M</b> Anuductio Viatoris , cui recta via proponitur ad Patriam,	Pag. 1
Affectuosæ Aspirationes.	7
Viator , quasi à facie colubri fuge peccata.	9
Affectus animi contriti,	14
Actus breviores Pœnitentis.	18
Formula propositi emendationis,	20
Via recta ad Cœlum Via Crucis,	21
Continuam mortificationem suadent nobis authoritates & exempla.	25
Lectus S. Martini erat nuda humus.	27
Actus desiderii patiendi pro Christo.	32
Compendium viæ Cœlestis est brevissimum per Heroica.	34
Affectus animæ ad heroica anhelantis,	38

## CAPUT II.

De prædestinatione Viatoris , quæ est scopus & terminus vitæ nostræ ; & mediis ad eandem consequendam,	40
Affectuosæ aspirationes ad Deum ut est prædestinator.	51
Pactum cum Deo Viatoris per totam hebdomadam dispositum,	54
De	



## I N D E X.

De cultu Magnæ Dei Matris.	78
Affectuosæ Salutationes Virginis Beatissimæ.	80
Actus gratitudinis ad finem septimanæ eliciendi.	83
Decet Viatorem semper, & ubique Dei sui meminisse.	85
Orationes jaculatoriæ, & motus Anagogici quid sint?	93
Viatori per creaturas ad Creatorem ascendendum.	98
Praxis aspirationum seu affectuum pro qualibet occasione, & actione.	102

## CAPUT III.

Diarium Viatoris, sive actionum per diem ordinatio.	121
Actus Matutini.	124
Actus Intentionis.	128
Actus diversarum virtutum.	131
Pia Viatoris desideria, sive scintillæ ad flammam amoris divini concipiendam.	132
Actus ante recitationem officii divini.	134
Post divinum officium.	138
Actus ante meditationem.	142
Visitando SS. Sacramentum.	144
Observanda circa Sacrificium Missæ.	145
Praxis offerendi Sacrificium Missæ cum Sacerdote celebrante.	146
Intentio & Præparatio, quando conceduntur Indulgentiæ.	156
Deprecatio pro felici successu S. Religionis.	158
Actus ad Virginem B. & Sanctos Patronos.	161
Votiva ad S. Josephum.	166
Ad S. Antonium de Padua.	168
Ad	

## I N D E X.

Ad S. Barbaram.	169
Ad S. Annam.	ibid.
Ad S. Bernardum.	170
Contra pestem, & morbos contagiosos.	171
Modus honorandi quemcunque Sanctum in ejus festi- vitate.	173
Actus antemeridiani.	174
Actus meridiani.	176
Actus ante refectionem.	177
Consideranda circa refectionem.	180
Actus Pomeridiani.	182
Actus antevesperini.	184
Actus euntis dormitum.	185
Actus Brevis pro Defunctis.	191

## CAPUT IV.

Alphabetum amoris Dei per hebdomadam dispositum.	192
--	-----

## CAPUT V.

Solitudo septemdialis, seu quotidiana familiaris cum Deo conversatio.	220
--	-----

## CAPUT VI.

De poenitentia vera salutis semita, quâ homo ex regio- ne longinqua ad Deum & salutis viam revertitur.	290
Quædam observanda ante Confessionem Sacramenta- lem.	299
Actus	

## I N D E X.

Actus ante Confessionem.	301
Actus post Confessionem.	305

## CAPUT VII.

Praxis sacrae Communionis.	307
Affectuosae aspirationes ad Christum suscipiendum.	312
Observanda post Sacram Communionem.	316
Actus Salutationis Christi.	317
Actus petitionis post Communionem.	320

## CAPUT VIII.

Praxis devotè & reverenter celebrandi Sacrificium	
Missae.	325
Oblatio Sacrificii.	329
Actus diversarum virtutum.	334
De proxima dispositione ad Missam.	340
Actus post Missam.	345

## CAPUT IX.

Proponuntur praxes seu Exercitia colendi per annum	
Festa Christi Domini. In Adventu Domini.	349
Eodem tempore, Actus ante Communionem.	351
Actus post Communionem.	354
In Vigilia Nativitatis Domini.	355
Eodem die Actus ante Communionem.	357
Post Communionem.	359
Die Nativitatis Domini.	362
Eodem die Actus ante Communionem.	364
Actus post Communionem.	367
	In

## INDEX.

In Circumcisione Domini.	370
In Epiphania Domini &c. &c.	375

## CAPUT X.

Breves Meditationes de Passione Domini.	421
---	-----

## CAPUT XI.

Proponuntur Praxes colendi Deiparam Virginem, & quosdam Sanctos in Festis ipsorum.	446
---	-----


## CAPUT XII.

Aspirationes Viatoris pro felici morte ad Christum.	498
Affectus ad Christum agonizantem.	499
Homagia in vita & morte Deo præstanda.	502
Desiderium bonæ mortis.	506
Aspirationes Morientis.	507
Orationes pro agonizantibus.	512

F I N I S.









1364  
85  
V. aut.



744 178

**Bibliotheca**

3000 PLN

**P.P. Camaldulensium in Bielany**

Depozyt w Bibliotece Jagiellońskiej



06073

F. IV. 13

